




251-

ACCESSIONS

429.553

SHELF No.

E.50.81.30



FROM THE

*Rowditch Fund.*

*Recd Apr. 3, 1889.*













IN P T O L E M A I  
MAGNAM COMPOSITIONEM,  
QVAM ALMAGESTVM VOCANT,

LIBRI TREDECIM,  
CONSCRIPTI A IOANNE  
REGIOMONTANO MAS-  
thematico clarissimo.

IN QVIBVS VNIVERSA  
doctrina de cœlestibus motibus, magnitu-  
dinibus, eclipsibus &c. in Epitomen  
redacta, proponitur.



Noribergæ apud Ioannem Montanum, & Vlricum  
Neuberum, Anno M. D. L.



120. 429,553 Apr. 3. 1889

# P O E M A

DE CL. PTOLEMÆI ÆGIPTII

opere Astronomico, Librorum eiusdem tractationes & summam continens.

Circuitus orbis, Chordas, enarrat & Arcus,  
Quos ita per certas ornat agitq; theses.  
Vt uarietatem Regionum denotat aptam,  
Ac loca concursu Solis opaca suo.  
Quale Planetarum motu discrimen in ipso,  
Quod subiti nitidus temporis ortus habet;  
Vtile quid gelidæ tractet simul actio Lunæ,  
Vnde uagi nigrans luminis umbra uenit.  
Qua solet Eclipsis fieri, paradigma quod extat,  
Futile tam diuum ne uideatur opus.  
Quo sita fertilium medio uestigia rerum,  
Hæc siquidem tali Machina fine fouet.  
Per quem totius uiuunt animalia prolis,  
Quæ semel in gremio facta fuere Soli.  
Illa Deus sola statuit bonitate dierum  
Crescere, uel spacij ne quid obesset ijs.  
Tam bene cuncta suo discreta sub ordine florent,  
Quorum prima Poli causa uigore latet.  
Nullus ob hoc hominum summam contempserit artem,  
Illud quum claris ordinat omne modis.  
Scire uolens igitur fulgentis climata coeli,  
Quæ gradibus, punctis, auge Mathesis alit.  
Hos auidus poterit libros euoluere Lector,  
Qui sibi monstrabunt ad grauiora uiam.  
Dèin sua quotidie splendebit gloria, tandem  
Et bona post mortem fama superstes erit.  
Hæc ita perpetua clarebunt nomina laude,  
Quæ poterunt nullo uana perire die.  
Quod multò fuerit fuluo præstantius auro,  
Quod turpis nimio mundus honore putat.  
M. L. H. P.



# DOCTRINA ET VIR-

TVTE ORNATISSIMO VIRO, DOMINO

Ioanni Olhaffen, Iureconsulto, & Patricio Noribergensi,

Domino & Fautori suo obseruando,

S. D.



**M**ULTAE SVNT CAVSÆ, OB QVAS doctrinæ & artificum operæ quandoq; perierunt, ornatiſſime Ioannes. Nam mutationes imperiorum, ut Hiſtoriæ teſtantur, ſæpe occasionem præbuerunt, ut doctrinæ extinguerentur, tum uero ut labores artificum in ſtudijs ornandis interciderent. Ante hæc tempora linguarum & artium noticiam ſopiuit eorum ſocordia & ignauia, ad quos maxime pertinebat cura ſtudioſorum illuſtrandorū, quæ diuino ne conſilio, ut ingratiſſimo & contemptus erga doctrinas punirentur, an ex alia cauſa, mentibus humanis fuerit indita, difficile eſt pronunciare. In Aſtronomiſis autem artibus ad priores cauſas etiam difficultas accedit, cum aſtra longius ab humana ſede poſita ſint, tum uero cum naturæ, uires, & actiones eorū præſtantiores ſint. Omnia enim generabilia & corruptibilia, quæ in elementari parte mundi ſunt, ab eorum motibus & energijs ſuſcitantur, primumq; ab eis motum accipiunt, per ea conſeruantur, per eadem deniq; in corruptionem abeunt. Et cum hæc artes aſſiduitatem laborum, & in cogitando indefeſſum ſtudium requirunt, Tædium igitur in cogitando quandoq; illis obest. Pleriq; enim dum laboribus cædunt, & cogitationibus parcunt, potius hæc ſtudia in diſcrimina ponunt, quàm ut ea amplectantur. Inuenies qui quæſtu corradendo potius oblectentur, quàm ut in his artibus conſeruandis & illuſtrandis utilem ponant operam.

Verum de cauſis ob quas doctrinæ & artificum labores quandoq; pereunt, nunc deſino diſputare, Nam eas præſtantia tua pro ſui iudicij acumine altius conſiderabit.

Quin potius hoc beneficium admiremur, quod, etſi artes iam tanquam deletæ ſuccumberent, ſubinde tamen artifices, non in his artibus tantum, ſed etiam in alijs omnibus excitati ſunt, qui nouam lucem in eis accenderent. Qui ſiue diuinitus, ſiue ex Aſtrorum naturis & actionibus, eo mentis impetu donentur, haud facile eſt diſcernere.

Mentem hominis partem eſſe cœli nemo magis Hipparcho approbabit, Nec hodie ab eo diſſentiunt hi, qui uirium Aſtrorum noticiam & experientiam habent.

Porro autem quis negabit temperamenta annua Elementorum, tum uero etiam Meteororum diſcrimina, initium & primum motum ab Aſtris ſumere? Vt autē ſimplicia, & ex his perfectius commiſta Meteora ab aſtris

excitantur, ita alia ex elementis composita & perfectius mista, ab astris motus suos sumunt. Cum autem homo constet ex elementis, temperatur igitur magna ex parte ab astris, licet interim uis sua etiam insit semini. Ex temperamentis autem inclinationes oriuntur, ergo inclinationes ex astris sunt, sed ex his sunt impetus, Impetus uero ad actiones hortantur, Ergo actiones in homine magna ex parte ex astris oriuntur, At quoniam uariæ sunt differentiae uirium astrorum, ortarum ex uarijs luminum missionibus, tantoque plures, cum mille sint eorum ad seipsa, & respectu terræ positus, pro diuersitate igitur missionum, alia atque alia temperamenta, & ideo alias actiones excitant, Naturasque inferiores ad has uel illas inclinationes agunt.

Circa annum domini millesimum quingentesimum quadragesimum quartum, & illo ipso Anno multæ horribiles luminarium coincidebant Eclipses, pluresque in Scorpio superiorum planetarum, Saturni, Iouis, & Martis congressus lucebant, Nec non & alij positus conspiciantur, quibus corpora cælestia commiscant uires suas. Quid ni ingenia, quæ passim illis annis prodierunt, ab his constellationibus ita infecta esse arbitremur? Quin cum ea uiriles annos attingunt, truculenter & horribiles in politicis atque æconomicis ( ut nihil dicam de Ecclesiasticis ) turbationes motura sint, ita ut eorum ætas plena sit futura tumultuosis & horribilibus (proculdubio) motibus. Ut autem futura ætate in eiusmodi negocijs multa passim uiuent ingenia, quæ humanam societatem eo modo gubernabunt, ita existimandum est, positus siderum multos uno tempore posse concurrere qui alios motus, uelut studiorum ornandorum, excitent in ingenijs nascentium, ita ut ætas quæ tales positus sequitur, sentiat ubertim talia ingenia, omnium generum doctrinas illustrantia.

Nec dubitandum est, cum imperia ANTONINORVM Cæsarum undique artium doctrinarumque luce, & artificum heroicis mentibus abundarent, quin multi positus siderum coinciderint, si inquirerentur ab Astronomis, qui futuris temporibus tot & tam præstantia ingenia, tam heroicos motus animorum erga studia exornanda produxerunt. Nam passim multi clarebant uiri doctrinis excellentes, uixit eodem tempore Cl. Galenus, & Cl. Ptolemæus, Ipse etiam Imperatore MARCVS ANTONINVS sibi rum Philosophi cognomen inuenit.

Ita hac nostra ætate cum Imperatore CAROLO V. Augusto, Maximo, omnium artium omniumque doctrinarum lux undique tanta fulgeat, & sit undique in toto imperio tanta copia artificum & heroicorum motuum in uiris præstantibus, quantam nulla unquam prodit nobis historia, Quis ambiget ante hæc tempora positus astrorum fulsisse, qui artifices hoc ipso imperio CAROLI V. Augusti Maximi, suscitarent, & mentibus eorum tantos uigores inderent. Et sanè nullus labor est, eiusmodi positus siderum examinare, siquidē Ioannis de Regiomonte, & successoris eius Ioannis Stophleri multiplices motus siderum in Epheme-



Ephemeridibus annotati, ad annos propemodū 804 in promptu sint. Hæc exempla argumento sunt, non sine astrorum uiribus artifices excitari. Nec uero tantum ex temperamentis à sideribus ortis, tales motus suscitari in animis nascentium existimemus. Sed potius ex proprijs & specificis (ut uocant) uiribus, quæ astris insunt. Mercurius habet specificam uim mouendi animum ad doctrinam, ad cognitionem linguarum & artium, ut experientia testatur. Iupiter ad Philostorgias, Mars ad uirilitem, Sol ad gubernationes politicas.

Hæ itaq; specificæ *δυνάμεις* iuuant temperamentorum uires, ut certis temporibus suscitentur tales in animis nascentium impetus, ad diuersas actiones producendas. Inesse autem illis specificas uires non obseruationum suffragijs tantum, sed ex rationibus etiam constat. Fatendum est enim causis specificas uirtutes fortius inesse, quàm effectibus. Cum igitur specifica uis insit Scammonio, ut bilem & pituitam per inferiora deiciat, quemadmodū medici dicunt. Si Rhabarbaro ut Hepatis succurrat noxis, Si Elleboro ut Melancholiæ medeatur, Scammonium autem, Rhabarbarum, & Elleborus uires ex astris hauriunt, multo fortius inerunt specificæ uires sideribus à quibus in omnibus mistis in inferiore parte mundi primo uenit forma, Ptolemæo teste, cum inquit, *τὰ ἐν τῇ γένεσι, καὶ φθορᾷ εἶδε, πᾶσι καὶ πρὸ τῶν ὀφθαλμῶν εἶδαν.*

His ergo rationibus persuasi, existimemus, eiusmodi impetus ex astrorum naturis & actionibus oriri. Tantoq; firmiter cum non omni tempore, sed per interualla tales motus in animis nascentium suscitentur, sicut nec ipsæ stellæ, earumq; positus continue sunt eiusdem rationis, sed certis annis mutantur, ac tandem nouo ordine in priores uires redeunt. Imò effectus eiusmodi congruentes cum positibus siderum paulo ante fulgentium (quod ex superioribus duobus in hoc genere inclinationum exemplis planum est) argumento sunt, ex cœli uiribus eos oriri. Admiremur igitur hoc beneficium, quo Deus & natura, artibus sæpe iam quasi extinctis, succurrunt. Deinde, quòd subinde excitantur artifices alij, qui artes illustrant, & lucem in illis nouam adornant.

Quocirca cum paulo ante hæc tempora artes Astronomicæ etiam iacerent, & propemodum sublatae essent, Georgius Peurbachius, & Ioannes de Montereio ingentibus erga has artes ornandas motibus præditi, qui eis subuenirent, excitati sunt. Qui cum animaduernerent magnam Ptolemæi compositionem deprauatam esse, nedum intercidisse propemodum, in qua obseruationes à maioribus suis relictæ, annotatae erant, Ab ea igitur, ut artifices decebat, has artes restituere & denuo illustrare cœperunt. Hæc causa fuit, ob quam hi artifices Ptolemæi magnam compositionem in Epitomen redigerent. Quanquam autem eos suscepti laboris plures causas habuisse nemo dubitet, tamen hanc ipsemet Ioannes de Montereio in sua præfatione commemorat.

Quanta autem sit eiusmodi laborum utilitas, longum esset hoc loco recensere. Et sanè innotescit illa his, qui mediocriter se in hac Epitome exercent. Constat eam à multis passim in Germania desideratam esse, & hodie præstantes naturas his artibus propagandis accomodatas uiuere, quæ ideo, quòd nusquam hæc Epitome extaret, doctrinam de cœlo negligenter curabant. Et si autem Ptolemæi *σύνταξις μεγάλη* passim in manibus haberetur, tamen, cum Ptolemæi opus mutilum esset, Ioannis Regiomontani testimonijs, adeo, quòd uel ipse Ptolemæus eam, si reuiuisceret, non agnosceret, tum autem cum illud prolixius scriptum plus laborum flagigaret, hæc ipsa Epitome anteposita est Ptolemæi magnæ Cōstructioni. Atqui hæc ipsa Epitome discantibus aptior est, ob demonstrationum perspicuitatem, atq; ob supputationum necessariarum ad temporum obseruationes facilitatem. Quo consilio eam denuo imprimendam, & ad posteritatem propagandam esse duxi.

Tu uero ornatissime Ioannes exoptatus es, cuius patrocinio præstantium artificum in artibus Astronomicis labores & sublimia studia committerem, Qui non in alijs tantum doctrinis, præcipueq; in Iuris ac legum cognitione præclarè uersaris, sed has quoq; artes ingenti amplecteris impetu, adeo ut ex opera quam in eas posuisti, etiam haud parum laudis tibi comparaueris. Atqui cum honestissimus & prudentissimus Senatus Reipub. Noribergensis, in quo maiores tui claruerunt, semper magnificerit omnia studia & doctrinas, ut Regiomontani nostri exemplum ostendit, de quo multis claris & bonis uiris constat, cumq; is in primis uera iudicia de doctrinis & artibus amplexus sit, quas etià hodie ut olim Malsilia, fouet. Tu quoq; honestissimi & prudentissimi Senatus R. N. & maiorum tuorum, qui uirtutibus & honoribus excelluerunt iudicia sequeris. Qua in re animus tuus ab illis non degenerat, sed ut uirtutes eorum amplectitur,

ita studia quibus & illi dediti erant, præclarè assequitur, Deum

precor, ut uitam & actiones tuas ad sui gloriam & ad

Reipublicæ salutem gubernet, foeliciter uale,

Data 4. Augusti, Anno M. D. L.

Noribergæ.

Humanitatis tuæ  
studiosiss.

Erasmus Flock.  
S. P. Q. N.

Physicus.



# CL. PTOLEMAE I ALE-

XANDRINI ASTRONOMORVM PRINCIPIS,

εις μεγαλην συνταξιν, id est in magnam Constructionem, Georgij  
Purbachij, eiusq; discipuli Iohannis de Regio monte  
Astronomica Epitome.

REVERENDISSIMO IN CHRISTO PATRI

ac Domino, Domino Bessarioni, Episcopo Tusculano, Sanctæ

Romanæ Ecclesiæ Cardinali, Patriarchæ Constantino-

politano Iohannes Germanus de Regio monte

se offert deuotissimum.



DMIRANTI MIHI SÆPENVME

ro, uel potius grauitè & iniquè ferèti, tam raros esse  
ætate nostra optimarum disciplinarum, non modo  
præceptores, uerum etiam studiosos, satis compertū  
uidetur deprauata id potius hominū natura id fieri,  
quòd ad uitia procliuēs, uirtutem ac bonas artes pro  
nihilo habeant, quàm quòd rerum difficultas eos ab-

sterreat. Siquidem maiores nostri uel ab his quæ iam inuenta erant tra-  
dendis, uel ab inueniendis nouis nulla unquam sunt difficultate perterriti,  
quia scilicet magno semper studio elaborauere, ut posteritatem non tam  
auro atq; opibus, quàm uirtute & bonis artibus redderent locupletem.  
Nondum enim ambitio, & cæteræ cupiditates hominum ingenio inficere  
ac labefactare cœperant. Sola uirtus in precio erat, sua cuiq; satis place-  
bant, nullus extrinsecus honor quærebatur. Vbi uero paulatim cupido  
habendi mortalium animis irrepsit, defluere bonas artes atq; absistere uir-  
tutes necesse fuit. Hinc nihil præter aurum suaue creditum est, disciplinæ  
probrio habitæ sunt. Eoq; postremò deuentum est miseræ, ut non modo  
promendis nouis artibus operam non nauemus, sed potius, quòd impunius  
errare liceat, inuentas olim ac traditas per socordiam atq; ignauiam uel  
somniauolenti prætereamus. Hæc igitur causa est, cur pauci ætate nostra do-  
cti sint, cur pauci studiosi, cur iaceant studia bonarum artium, & quasi se-  
pulta emergere ac suscitari non possint. Fieri tamen interim potest, ut dif-  
ficultate rei discendæ, homines perterreantur, nec tamen deesse debet ue-  
niæ locus. Sunt enim nonnullarum disciplinarum aditus supra modum  
difficiles atq; ardui, qualis est eius disciplinæ, quæ astrorum peritiam polli-  
cetur, tum propter magnitudinem atq; excellentiam rerum, in quibus uer-  
satur, tum propter scabrositatem librorum, qui ex peregrinis linguis in la-  
tinum conuersi, incredibile dictu est, quantam præ se difficultatem ferant,  
nam & Latini æditi pauci admodum extant.

Habet profectò præstans hæc atq; insignis disciplina excellentem quandam materiam, ac scitu perdifficilem, cœlestē uidelicet corpus, in quod si tanquam in speculum direxeris aciem, immensam quandam, & uere admirandam creatoris uirtutem intuebere. Tales spectare iussit astrorum choros, dum mortalibus ora daret sublimia rerum conditor, dignum profectò arbitratus, quomodo uniuersis præfecerat creaturis, medium inter eas considerare, ut pede quidem calcante, terrenis imperare uideretur, fronte uero sublimi atq; erecta diuinis fruerentur delitijs. Quid enim iucundius, quid amœnius, quid deniq; suauius afficere oculos potest, quàm illa tot & tantorū luminum uenustissima atq; ordinatissima series? Eò quippe si rapieris animo, experieris nihil te unquam in omni uita sensisse delectabilius. Hinc maior huius disciplinæ pendet difficultas, Quanquam nec illa quidem parua est quàm nobis peregrinorū codicum interpretes pepererunt. Difficile est sane atq; arduum, ut, quæ in aliena lingua bene dicta sunt, eundem decorem eandemq; facilitatem in translatione conseruent, etiam si à disertis uiris summo studio ac diligentia translata fuerint. Quod si parum uel disertus uel curiosus fuerit interpretes, scabra prorsus & turbulenta redundat oratio. Quod mihi plane euenisse uidetur in præclarissimo illo Ptolemæi libro, quem magnam compositionem uocant, quod apud Græcos mira facilitate facundiaq; resplendeat, ita apud Latinos durum ineptumq; habetur. Vt ne Ptolemæus quidem ipse, si reuiuiscat, ipsum sit pro suo recepturus. Id cum tu tecum aliquandiu mente uoluisses excellentissime Princeps Bessarion, graui supramodum molestia affectus fuisti, non tam quòd aureum illud flumen ingenij gentilis tui interpretum uizio in tantam barbariem deuenisset, quàm quòd Latini nostri, quos singulari amore beneuolentiaq; prosequeris, tam eccellente & præclaro opere carerent. Satis enim uidebamur eo carere, qui ita barbære atq; inepte translatus habebamus. Decreuisti sanè tunc uir utriusq; linguæ peritissime, nec minus Latinam quàm patriam callens, unà & patriæ tuæ & nostræ consulere. Illi quidem restituendo splendorem pristinum, nobis uero illius ueram effigiem donando cuius antea deforme simulachrum habebamus. Cœpisti igitur præclarum illud opus iterum Latinum facere, ut latinostuos & studiosissimam hanc patriam maioribus quotidie beneficijs demerereris. Verum onus delegatum tibi nunc apud p̃ssimum Imperatorem, prouintia à proposito reuocauit, nec publica Christianæ religionis negotia, quibus incumbere necesse erat, uacare te literis permisere.

Quocirca per alium aggressus, quod per teipsum nō poteras præstare, sualisti Georgio Astronomo Cæsaris, qui tunc Viennæ erat, præceptori meo, uiro & moribus & integritate uitæ, ita omni studiorum genere primario, in Mathematicis uero supra omnes nostræ ætatis homines erudito, ut Ptolemæi, de quo loquimur libri, quem ille quasi ad literam memoriæ tenebat, breuiorem lucidioremq; facere conaretur. Quod ille mox

orsus



orsus, incredibile dictu est, quàm clariores reddidit sententias, diuidens eas Geometrarum more, ut & apertius intelligerentur, & facilius commendarentur memoriæ, & tenacius hærent. Sed uix absolutis sex libris, quasi in medio cursu, heu memoriâ quoq; eius rei lugubrem, atq; acerbam, immatura morte nobis indignissime rapitur. Verû paulò ante quâ è uita discederet, cum in manibus & gremio moribundum tenerem, Vale inquit, mi Ioannes, uale, & si quid apud te pñ præceptoris memoriâ poterit, opus Ptolemæi, quod ego imperfectum relinquo, absolue, hoc tibi ex Testamento lego, ut etiam uita defunctus, partis tamē mei meliore superstitē, Bessarionis nostri optimi ac dignissimi Principis desiderio satisfaciam. Grande profecto opus, & meis impar uiribus moriens præceptor humeris nostris imposuit, & quod subire temerarij foret, recusare uero ingrati ac penē sacrilegi. Sed fluctuanti mihi, tu præstantissime pater Bessarion, confirmasti animum, & ut tantum opus prosequerer, tuo numine compulisti,

Absolui igitur opus à præceptore incœptum, idq; tuo sacratissimo nomini dedicaui, ut inter cæteros Bibliothecæ tuæ libros colloces atq; custodias. Ad quem enim digniorem uel Principem uel Patronum bonarum artium monumenta confugiam, quàm ad te, qui es doctrina & omni uirtutum genere præstantissimus? Ita optimos quosq; Codices diligentissime indagaris, summo studio comparas atq; custodis, ut nemo sit, meo iudicio, hodie te locupletior in hoc præclarissimo genere suppellectilis.

Quo fit ut diuino quodam consilio factum censeam, ut in communi Græciæ prouincia tu Romæ sceleriter uixeris, quo naufragantes Græcorum librorum reliquias, & mox peritura tot doctissimorum uirorum uolumina conseruares. Notum omnibus est, quantum studij & diligentiae in ea re posueris, quos labores, quos sumptus sustuleris, nihil perniciosius accidere posse existimans, quàm si cum patria etiam libri perissent. Tanto igitur tamq; precioso librorum aceruo hoc quoq; Epitoma nostrum adiungere, pro tua mansuetudine, dignaberis, ut te autore, te Principe, optimarum artium studiosis commune fiat. Qui si quid forte difficultatis in primordio offenderint, legant libellos, quos de triangulis edemus, & sic reliqua, nisi nos opinio fallit, facile superabunt,

IO. LV. AD LECTOREM.

Regius hic mons est, sedes ueneranda Iohannis,  
Quem legis auctoris lector amice libri.  
Indicat ingenium, paucis quod contigit olim,  
Nam referat, clausum, quicquid olympus habet.  
Astrorum cursus, & qua ratione mouentur;  
Non nisi, crede mihi, mens generosa capit.  
Namq; subit coelos, uenturaq; percipit illic,  
Prospera ut eueniant multaq; nouit opem.  
Astrologos igitur merito ueneremur honore,  
Roma secuta illos, iam caput orbis erat.



# EPIGRAMMA

MICHAELIS LINDENERI, ADOLE-

scantis Liplici H. P. In Cl. Ptolemæi Compositionem magnam,  
ad Astrologiæ studiosos.

Ecce corusciferi quod anhelat sideris Astrum,  
Hoc aliqua doctum parte uolumen habet.  
Summa quod igniferi proponit acumina cursus,  
Ardens in stabili quæ Polus axe rotat.  
E' quibus istarum constant exordia rerum,  
Quas omniq; capax semine mundus alit.  
Cuncta Mathematices quæ continet ordo figuris,  
Qui solet hac cœli lege notare uicem.  
Cuius apud Graios Ptolemæus tradidit usum  
Tempore Traiani, primus & artis erat.  
Clarius Hipparcho qui demonstrauit Olympum,  
De quo post obitum tale reliquit opus.  
Quouarias huius rationes indicat ortus,  
Et probat explicitis omnia signa notis.  
Quod melius uia monstrat Vir imagine dignus,  
Qui de regali nomina monte gerit.  
Cum quibus innatæ quadrant se munera uoti,  
Conueniat fatis actus ut ipse suis.  
Regia cum res est, scrutari limina Solis,  
Quælibet ac terræ cur hiat herba sinu.  
Huius ut auricomus quondam fuit ordinis Atlas,  
Quem dicunt humeris sustinuisse Polum.  
Cui talis fuerat cupidæ solertia mentis,  
Ut peteret rutili climata scire loci.  
Quamuis ornatu, regis diadema, triumpho  
Portaret, capitis fronte micante sui.  
Attamen æthereas uoluit quoq; noscere sedes,  
Lumen ipsi postquam uidit inesse Dei.  
Carolus occiduis itidem quod magnus in oris  
Fecit, qui clarij cultor honoris erat.  
Illum non obiter sacram coluisse Mathesin,  
Et preciosa Iouis dona bibisse ferunt.  
Quod sine diuino tandem neq; numine factum,  
Dum potuere suis ista referre modis.  
Quæ satis expressis posthac ornata libellis,  
Quos animo celebres composuere uiri.  
In quorum numero, sine fraude, putabitur ille,  
Qui facili methodum cum ratione docet.  
Ergo salutiferam caput erecturus ad arcem,  
Immensi uastum quæ uehit orbis onus.  
Quomodo Luna comes Phœbi latet inguine tanq;  
Noctis, & his multò cernere plura potest.  
Hæc legat illustris bene commentaria sensus  
E' quibus hinc aliquis doctrior esse queat.  
Quæ manifesta suis exornant acta minutis,  
Totius hæc miræ quæ sit origo rei.

E. P. I. C. R. V. M. A.  
MICHAELIS LIBRARIUS  
LONDON


1. The first part of the book is a history of the  
2. The second part is a description of the  
3. The third part is a description of the  
4. The fourth part is a description of the  
5. The fifth part is a description of the  
6. The sixth part is a description of the  
7. The seventh part is a description of the  
8. The eighth part is a description of the  
9. The ninth part is a description of the  
10. The tenth part is a description of the  
11. The eleventh part is a description of the  
12. The twelfth part is a description of the  
13. The thirteenth part is a description of the  
14. The fourteenth part is a description of the  
15. The fifteenth part is a description of the  
16. The sixteenth part is a description of the  
17. The seventeenth part is a description of the  
18. The eighteenth part is a description of the  
19. The nineteenth part is a description of the  
20. The twentieth part is a description of the  
21. The twenty-first part is a description of the  
22. The twenty-second part is a description of the  
23. The twenty-third part is a description of the  
24. The twenty-fourth part is a description of the  
25. The twenty-fifth part is a description of the  
26. The twenty-sixth part is a description of the  
27. The twenty-seventh part is a description of the  
28. The twenty-eighth part is a description of the  
29. The twenty-ninth part is a description of the  
30. The thirtieth part is a description of the  
31. The thirty-first part is a description of the  
32. The thirty-second part is a description of the  
33. The thirty-third part is a description of the  
34. The thirty-fourth part is a description of the  
35. The thirty-fifth part is a description of the  
36. The thirty-sixth part is a description of the  
37. The thirty-seventh part is a description of the  
38. The thirty-eighth part is a description of the  
39. The thirty-ninth part is a description of the  
40. The fortieth part is a description of the  
41. The forty-first part is a description of the  
42. The forty-second part is a description of the  
43. The forty-third part is a description of the  
44. The forty-fourth part is a description of the  
45. The forty-fifth part is a description of the  
46. The forty-sixth part is a description of the  
47. The forty-seventh part is a description of the  
48. The forty-eighth part is a description of the  
49. The forty-ninth part is a description of the  
50. The fiftieth part is a description of the

# EPITOMES IOANNIS DE MONTEREGIO, IN ALMAGESTVM

PTOLOMAEI, LIBER PRIMVS.

Liber primus, uniuersalis ambitus totius Terræ ad totum cœlum  
considerationes, quæ necessario præsupponendæ erant, præmittit.  
Theoremata quoq; quæ ad Sphæricas demonstrationes præmit-  
tuntur, enarrat. Chordarum atq; arcuum tradit doctrinam.  
Ascensiones demum recte Sphære inuestigat.

## PRAEFATIO.



ECTE PROPECTO MEO IVDI-  
tio nobiliores Philosophi scire distinxerunt inter  
Theoricam Philosophiæ, & Practicam partem.

¶ Nam etsi ipsi Practicæ accidat prius Theoricā esse,  
nihilominus multū inter eas interest, non solum quoniam  
aliquas uirtutum moralium uidemus posse inesse aliqua-  
bus etiam absq; disciplina, speculationē uero uniuersi, im-  
possibile esse absq; disciplina adipisci. Sed eo maxime,  
quod ibi quidem tota utilitas ex frequenti circa ipsas res  
operatione, hic autē ex speculatione aduenit. Quare nos etiam putauimus dicere poe-  
rationes quidem nostras dirigere, secundum considerationes eorum, quæ apparent, ut  
neq; nimis deuiemus ab optima & ordinata uniuersi dispositione, maiorē uero ocij par-  
tem circa speculationes, quæ multæ uenustæq; sunt adhibere. Etenim ipsam specula-  
tionem Aristoteles decenter certe in tria prima genera diuidit, Naturale, scilicet Ma-  
thematicum & Theologicum. Cum enim omnia entia ex materia & forma & motu  
consistant, quorum unumquodq; uideri quidem seorsum non potest, sed solum intelli-  
gi absq; cæteris. Primam quidem motus uniuersi causam Deum ipsum inuisibilem atq;  
immobilē recte quis putabit, eiusq; inuestigationē scientiam Theologicam merito no-  
minabit, cuius operationem sursum circa sublimiora mundi esse ponet omnino se-  
tam à substantia sensibilibus. Quod uero materialem & semper motam qualitatem in-  
uestigat, circaq; album & calidum, dulce & molle, & huiusmodi uersatur, naturale utiq;  
appellabit, quod inter corruptibilia ut plurimum & sub orbe lunari reperitur. Id autē  
quod species motusq; locales qualitatis manifestat, figuram ac quantitatem, tum discre-  
tam tum continuam, Item locum & tempus & similia quærit, Mathematicum iuste ap-  
pellabit. Quod uero inter duo prædicta locum habet, non solum quoniam & per sen-  
sum & absq; sensu percipi potest, sed etiam quoniam omnibus simpliciter entibus acci-  
dit, tum mortalibus tum immortalibus. Nam illis quæ semper mutantur, communica-  
tur secundum motum localem, æternis uero secundum immobilitatem atq; immutabi-  
litem formæ suæ. Quo fit ut alia duo speculationis genera coniecturam potius quàm  
scientiam aliquis nominabit, Theologiam quidem propter eius nimiam obscuritatem  
& incōpræhensibilitatem, Naturalem quidem propter continuū & incertum materiæ  
fluxum, propter quod neq; speculari quis possit Philosophos de ea cōcordes esse futu-  
ros. Solam autem Mathematicam signis attentis accedendo ad eam, certam & indele-  
bilem scientiam studiosis suis generare confitebitur. Siquidem eius probationes per cer-  
tissimam

B



## LIBER

tilissimam Arithmeticae, Geometriaeque scientiam fiant. Ob quas res nos etiam compulsi sumus, quo ad fieri possit, omnem quidem speculationem, sed eam praecipue quae circa diuina coelestiaque uersatur exercere, tanquam illa sola sit, quae circa ea, quae semper & eodem modo se habeant, consideret, & ideo possibilis sit, primo quidem in suis ipsius comprehensione, cum nihil obscurum, nihil inordinatum ibi sit, semperque & eodem modo se habeat, quod proprium est scientiae. Deinde etiam ad aliarum intelligentiam non minus quam ipsimet cooperetur. Nam & ad Theologicam scientiam haec maxime nos ducit, cum sola possit recte considerare immobilem & inseparabilem substantiam ab earum uicinitate, quae sensibilibus quidem mouentibusque ac motis, aeternis uero & impassibilibus substantiis accidunt, tum circa rationes, tum circa ordines motuum. Necnon etiam ad naturalem non modicum confert. Fere enim tota materialis substantiae proprietas a proprietate localis coelestium motus manifestatur. Corruptibile namque & incorruptibile a recto & circulari motu, graue uero & leue, aut passiuum & actiuum, a motu ad medium & a medio causatur. Atqui ad morum actionumque decorem haec praeter ceteris alijs nos sollicitos effecit, cum a similitudine circa diuina ordinis commensuratione & modestia, quae in eis reperitur, amatores huius decoris efficiat eos qui eam sequuntur, & consuetudine quadam quasi natura animum eorum ad similitudinem dispositionum impellat. Hunc igitur amorem ea scilicet speculantes, quae semper & similiter se habent continue, nos quoque augere conamur, tum ea discantes quae a nostris maioribus scite optimeque inuenta sunt, tum etiam ipsi innitentes tantum eis addere, quantum temporis inter eos & nos interuallum manifestare potuit, & ea quae putamus in praesentiarum nobis manifestiora fuisse, conabimur quam paucioribus fieri potest, & ita ut illi, qui qualitercunque hanc scientiam degustarunt, sequi possint, litteris mandare. Et, ut cōtinuitate perfectus sit, omnia quidem quae ad coelestium speculationem utilia sunt, per ordinem exponemus. Ut autem sermo noster non fiat longior, ea quidem quae a maioribus nostris complete dicta sunt, breuiter discurreremus, Quae autem uel nullo modo deprehensa fuerint, uel non sufficienter exposita, ea longiori exequemur sermone.

Hanc igitur nostram propositam compositionem praecedit quaedam uniuersalis ambitus totius terrae, ad totum coelum consideratio.

Eorum uero quae particularia & posteriora sunt, primum quidem erit reddere rationem circuli obliqui, & locorum nostrae habitationis, & de eorum quae ad inuicem secundum unumquemque Horizontem, propter inclinationem fit differentia. Eorum enim speculatio praecedens, considerationem aliorum faciliorem reddit. Secundum uero de motibus Solis & Lunae, & de accidentibus eius tractare. Absque enim eorum scientia non erit nobis uia ad speculandum ea quae circa ceteras stellas accidunt. Cum autem ultimum sit ad hunc tractatum de stellis disputare, merito igitur hic praecedit consideratio sphaerae non errantium, consequenter earum quae errantes uocantur. Vnumquodque autem horum conabimur probare tanquam principijs & fundamentis in inquisitione utentes eis quae manifeste apparent, & certis tum antiquorum, tum eorum, qui temporibus nostris fuerunt obseruationibus, & eis consequenter addentes lineares probationes. Quod autem uniuersaliter dicendum est, tale erit quidem, quod uidelicet sphaericum sit coelum, & quod circulariter feratur, quodque terrae figura quidem & ipsa sphaerica est quo ad sensum, accepta secundum uniuersales suas partes, Situ autem media totius coeli tanquam uerum centrum. Magnitudine & distantia puncti rationem habet quo ad Sphaeram non errantium, nullumque ipsa motum localem habeat. De eorum autem quolibet breuiter commemorationis gratia aliqua dicemus.

Conclusio



# PRIMVS.

## CONCLUSIO PRIMA

### Cœli figuram esse Sphericam, & motum eius circularem.

¶ Triplici ad hoc confitendum inducimur Syllogismo, experimentalī scilicet, confutatio & Rationabili. Experimur equidem stellas oriri, paulatimq; eleuari, donec tanq; fastigium itineris sui attingant, Deinde uero pedetentim descendere ad superficiem Horizontis, quæ ubi contingunt mox disparere incipiunt, & aliquandiu latere sub terra, denuoq; oriri, & cursum pristinum repetere. Magnitudines aut stellarum hoc pacto motarum diuersis in locis non reperiuntur uariæ. Vnde nimirū stellas ipsas à terra, cui uicinus est oculus considerantis, æquales in motibus suis conseruare distantias, & ideo circulariter moueri nemo dubitabit. Quod si obieceris stellas apud Horizontem maiores uideri q; in medio cœli, confitebor equidem, Sed in ea re sensum decipi perspectiuis conclamatū est. Huiusmodi autem motus circularis manifesticrem se præbuit in stellis semper apparentibus. Visæ sunt enim istæ stellæ perfectos describere circulos inuicem æquidistantes, inæquales tamen, quorum centrū cōmune nondū nomē poli sortitū erat, immobile cōiecerunt. Stellas autem quanto plus à dicto centro distantes, tanto in maioribus reuolui circulis. Stellas autem occidere solitas id proprietatis fortiri didicerunt, ut quo earum quælibet à suo memorato centro ininus distaret, eo breuiorē sub terra moram pateretur. Cumq; mirarentur tam amicam quā inuariatam stellarū circuitiōnem, coniecerūt eas in uno corpore grandi colligatas haberi, & ad motum ipsius circumferri, nullo adhuc, ut assolet, initio nascentis disciplinæ erraticis & fixis stellis interiecto discrimine. Demū corpori tam nobili dignissimam, & motui circulari accommodatissimam attribuebant figuram sphericam. Cæterum cum experiamur stellas oriri, supra terram uersari, occidere, & sub terra morari, tandemq; repetere uiam pristinam, nemini licebit opinari motū cœli rectum esse in infinitū. Oporteret deniq; stellarū hoc pacto motarū paulatim augeri ab oculo distantias, easq; iccirco continue minores uideri, donec prorsus disparerent, quod nequaq; accidit. Stellæ enim ubi supra terram delatæ sunt, tendentes ad disparitiōē suam, non modo non minores uidentur, uerū etiam maiores erroneo quidem sensus iudicio reputantur. Motum itaq; cœli & stellarū esse circularem nemo inficiabitur, & figuram cœlum sphericam habere nimirū quispiam dubitabit. Non em Sphæræ motus debetur circularis, uerū omni corpori quod à superficie plana circa axem in motū circumducta describitur, ut est columna rotunda, pyramis rotunda, corpus sphæroidale, & similia. Si itaq; corpus cœleste stellas circumducens cylindricum æstimaret aliquis, non tolletur motus stellarū circularis. Verum cū Sphæræ cœlestes sint multæ, sibi circūqua; inuolutæ, & circa diuersos axes moueātur, ut infra aperietur. Si qs aliam q; sphericam cœlo primo figuram deputauerit, aut Sphæris inferioribus motū propriū abnegare cogetur, aut corpora cœlestia scissionē pati fatebitur, Quæ cū sint inconuenientia, nemini recte sapienti admittenda sunt. Ad idem deniq; inconueniens redigemus aduersariū, si quam figuram angularē cœlo ascripserit. Postremo rationibus directis propositum confirmabimus. Naturæ em peccatum fugienti uniuersis in rebus commoditas placet q; maxima. Cœlo igitur cuncta reliqua cōprehensuro figuram impressit sphericam omniū capacissimam. Ad uelocitatem quoq; motus quæ in hoc corpore reperitur maxima & regularissima, decuit eligere figuram sphericam. Sphæra enim ad quamlibet positionis differentiam circa centrū suum mota, nihil penitus habet resistentiæ, similitudine partium superficiēi sphericæ id efficientis. Nam unaqua; earū locū sibi uicinæ partis subintrat, nullo extrinseco corpore aut cedente aut resistente, quod profecto nullis alterius figuræ corporibus accidere constat. Satis igitur ostendisse uidemur cœlum esse sphericum, & motum eius circularem.

# LIBER

## CONCLUSIO SECUNDA.

### Terram esse rotundam.

¶ Quod sensui uidetur Sphæricum, uocare solemus rotundum. In omni superficie licet considerare geminam diuisionem, longitudinis uidelicet & latitudinis. Longitudinem itaq; in superficie terræ intelligimus ab occidente ad orientem, latitudinē autem per transuersum. Terram autem esse rotundam secundum longitudinem ex eo conuincitur, quod stellæ non in eodem tempore oriuntur & occidunt, neq; ad meridianos perueniunt orientalibus & occidentalibus, Sed illis quidem ante, istis autem posterius. Quod eclipsatæ Lunæ depræhenditur indicio. Conferendo namq; tempus unius eclipsis computatum secundum orientales ad tempus eiusdem eclipsidis secundum occidentales numeratum, reperitur tempus orientalium maius tempore occidentalium, in composito quidem, non autem in re ipsa. Nam in uno & eodem tempore toti mundo est Eclipsis. Vnde oportet Solem distinctione temporis plus concessisse orientalium quàm à meridiano occidentalium. Similiter accidit, si temporis computatio ad Horizontem referatur, quod nequaquā eueniret, nisi terra rotunda foret. Qui deinceps alludat, quod notatis quotlibet computationibus ad unam & eandem eclipsin, duæ computationum proportionales habeantur distantijs locorum, in quibus eclipses istæ consideratæ sunt. Necessesse est igitur hanc terræ dimensionem esse gibbosam. Si enim causa esset, ante uiderentur stellæ occidentalibus quàm orientalibus, si recta simul apparerent. Quæ res experimento nō consonat. Dimensionem aut transuersalem gibbosam facilius constabit. Procedenti enim ab Austro ad Boream, stellæ polaris altitudo crescere uidetur. Cæteræ quoq; stellæ apud eam altitudines medinocurnas habent. Maiores uero nonnullæ etiam quæ ante has oriebantur & occidebant, nunc neq; oriuntur neq; occidunt. Contrarium autem horum accidit si à Borea uersus Austrum profecti fuerimus. Cumq; metiemur interualla statonum nostrarum, reperiemus eas proportionales differentijs altitudinum prædictarum. Nihil autem horum uideretur, si hæc dimensio aut recta esset caua. Illud autem accidens generale est, undecumq; iter inchoauerimus in terra. Quod profecto sufficiens existit indicium rotunditatis, tametsi eclipsium considerationes neglexerimus. Non aliter imo facilius declarabimus aquam esse rotundam, si corpora cælestia, quemadmodum in terra suspiciemus, Manifesto præterea signo id confirmabitur. Existentibus enim in mari præter cælum & aquam nihil circumspicitur. Vbi uero littora petimus, montes, scapuli, arces, & huiusmodi paulatim surgere cernuntur, ac si ex aqua emergerent. Quod non accideret, si aut plana aut caua haberetur aqua.

## CONCLUSIO TERTIA

### Terram in medio mundi sitam esse.

¶ Nisi enim in medio mundi constitueretur, oporteret terram aut esse in axe motus cæli, inæqualiter tamē distante à duobus polis, aut extra axem, æqualiterq; ab utroq; polorum elongatam, aut item extra axem, inæqualiter tamen à polis remotā. Quod si prius horū situm terræ cedat, nullus Horizon cælū in duo æqua partiretur, præterq; rectus & obliquus. Ille quidem in cuius superficie est linea recta à centro mundi exiens, & terram contingens. Nemini igitur Horizontem aliū habenti semper apparebunt sex signa supra Horizontē, cuius contrariū experiri liquet. Præterea Horizon alius æquinoctialem uon secabit per æquas partes, Vnde non erit æquinoctiū Sole in medio duorū tropicorum constituto, imo prorsus nō erit æquinoctium Horizonte obliquo, aut ipsum erit Sole inæqualiter à duobus tropicis distante. Horizon enim huiusmodi nullum circulorum, quos motu diurno Solem describere aiunt, in æqua scindet, aut si forsam quēpiam



## P R I M V S.

quempiam bipartietur, nō erit ille medius inter duos Tropicos. Quo demum eueniet, ut augmenta & decrementa dierum, sicut non in temporibus æqualibus accidunt: ita neq̃ alterno respectu inuenientur. Volo dicere, si duo puncta æqualiter ab æquinoctij puncto remota signauerimus, nō erit hic augmentum diei ad diem æquinoctialem tantum, quantum illic decrementum. Nihil autem horum accidentiū comperimus. Terræ igitur ei, quem introduximus situm nemo nisi insanus deputabit. Item fines umbrarū, quas notamus in superficiebus Horizonti æquidistantibus videntur describere lineas rectas, Sole æqualiter à duobus Tropicis distante. Quòd haud accideret, nisi terra sub æquinoctiali circulo iaceret. Si deinceps secundo loco terram constituas, fiat ut nullo horizonte cœlum in æquas diuidatur partes, nisi eo cui axis mundi perpendiculariter incidet, aut in cuius superficie est centrum mundi. Quare & hunc situm prædicta inconuenientia comitabuntur: hoc quidem insuper adiecto, quòd stellarum magnitudines iudicio quidem sensus variari oporteat. Multifariam em̃ ab oculo distantiam affert diuersus stellarum supra Horizontem situs. Quòd si tertio situ locatam opineris terram, commemorata omnia promiscue accident, sed & Eclipses Lunares non semper contingunt in oppositione luminariū, neq̃ necessario uenient Lunares Eclipses Sole & Luna secundum Diametrum mundi oppositis. Cum itaq̃ nihil horum appareat, nullus tamen adductorū situm terram continebit. Reliquum igitur, ut in medio mundi resideat. Possumus præterea, idem directā argumentatione confirmare. Videmus enim grauiā libere secundum mundi semidiametrum descendentiā, superficiē terræ ad angulos æquales incidere, ubicunq̃ fuerimus. Linea autem superficiē Sphæricæ secundū angulos æquales occurrens, per centrum eius continuata transibit. Omnes igitur, quas mundus habet Diametros intra terram se secare patulum est. Punctus autē huiusmodi sectionis Diametrorum, centrum mundi necessario habetur. Quare centrum mundi intra terram reperiri, ideoq̃ terram in medio mundi sitam liquebit.

### C O N C L V S I O   Q V A R T A.

Terram respectu firmamenti puncti uicem habere.

¶ Vbicunq̃ enim existentibus nobis in superficie terræ, & considerantibus stellas in diuersis locis, non videntur magnitudines, neq̃ earū inter se distantia variari. Vnde & eas æqualiter à terra remotas haberi comprobatur, sensu id æstimaute. Terra igitur est centrum Sphære, & ideo puncti sortietur officium. Idem accidet terræ ad Sphæram Solis comparatæ, quod & alijs comperitur indicijs. Nam opera in centrīs instrumentorum circularium posita, umbras proijciunt eas longe motas, quia & Sol ipse radians motu primo circumfertur. Ex regularitate itaq̃ motus umbræ, quam sensu deprehendimus, elicitur Solem circa centrum instrumentorum regulariter moueri, ideoq̃ centra huiusmodi instrumentorū centri mundi, circa quod motus primus regulatur, uicem obtinere. Cum itaq̃ terræ crassitudo nihil in his rebus immittat uarietatis, uerum proposuisse uidemur. Præterea Horizon oculo in se existenti dimidium cœlum occultat, dimidiumq̃ uideri sinit, Quod profecto nulli superficiē planæ, nisi per centrum Sphære transeunti proprium est. Aliter autem eueniret, si terra respectu firmamenti haberet magnitudinem.

### C O N C L V S I O   Q V I N T A.

Quòd terra localem motum non habeat, declarare.

¶ Ex superioribus constat, terræ non accidere motum rectum. Sic enim medium mundi relinquere cogeretur, quod antehac prohibuimus. Oporteret deniq̃ terram ue-

locissime moueri, mole sua id agente. Vnde reliqua opera minus grauiam terræ adiacentia in aëre relinquerentur, si omnia grauiam ad unum niterentur terminum, quod nusquam apparet. Terra demum circularem non habet motum. Si enim circa axem mundi moueretur ab occidente ad orientem, omnia quæ in aëre mouerentur, semper uersus occidentem moueri uiderentur. Non enim possent consequi motum terræ. Cuius contrarium in nubibus motis atque auibus sæpenumero experimur. Idem quoque accideret, si aërem unam cum terra hoc pacto moueri putaueris. Terra postremo circa aliam quampiam axem non mouetur. Sic enim altitudo poli nobis in terra quiescentibus uaria haberetur. Quod cum nemini appareat, terram hac lege moueri non posse constat.

## CONCLUSIO SEXTA.

Motus cœlestes in duplici differentia reperiuntur.

¶ Est enim motus quidam cunctis cœlestibus communis ab oriente ad occidentem, quem in prima huius circularem & regularissimum ostendimus super duobus polis mundi. Quem quidem motum consequitur, ut omnia puncta extra axem suum signata, circulos inter se æquidistantes, & ad axem ipsum erectos describant. Horum circulorum maximus describitur à puncto æqualiter à polis mundi remoto, quem æquinoctialem uocant, quod Sole ipsum occupante, dies nocti habeatur æqualis. Alius est motus prædicto contrarius, ab occidente uidelicet ad orientem, non super polis mundi sed alijs. Secundum hunc motum non describuntur circuli æquidistantes æquinoctiali, quod profecto accideret, si uterque motus eorundem fortiretur polos. Quo autem pacto motus ille secundus innotuerit, sic intelliges. Primi admiratores corporum cœlestium & eorum motuum considerauerant Solem oriri & paulatim eleuari, donec meridianum attingeret, quo denique meridiano relicto, tendere ad occasum, & immorari sub terra, rursusque oriri ut pridem. Id ipsum in reliquis astris deprehenderant. Cumque notassent loca ortus & occasus in terra, uiderunt post dies multos Solem in eisdem non oriri & occidere. Sed aut ad meridiem, aut ad Septentrionem accessisse. Itemque Solem in meridiano circulo constitutum, nunc quidem ad uertices capitis uergere, nunc autem ab eis longius remoueri. Vnde coniecerunt in alio quodam orbe moueri, non quidem super polis mundi, cum in motu suo non seruaret æquales ab ipsis polis distantias. Amplius autem idem apparuit in cæteris plurimis circa stellas fixas notatis. Viderunt enim quod stellæ fixæ suas inter se seruarent distantias, locaque ortuum & occasuum non uariari. Putabant igitur stellas fixas non nisi secundum motum primum moueri. Planetas autem alio in supermotu deferri coniecerunt, quod ipsi apud stellas fixas notati, post tempus aliquantum ab eis uersus orientem recessisse uiderentur. Cumque in hoc motu non seruarent easdem à polis mundi distantias, sed nunc quidem ad Austrum, nunc uero ad Septentrionem declinarent, oportuit motum huiusmodi circa polos alios accidere. Verum declinationem Solis & cæterorum planetarum declinationes eisdem ferme claudi limitibus didicerunt. Vnde ratum asseriebant, eos non supra polos mundi, sed alios in circulo quodam obliquo ad æquinoctialem circumferri. Has sex Conclusiones tamen si nullam præ se ferunt difficultatem, in capite operis nostri conscribere decreuimus. Præfationem autem

Ptolomæi ad litteram exprimere libuit, tum propter crebras in ea sententias sciti dignissimas, tum propter auctoritatem Ptolomæi, quo etiam imitatio nostra fidelior redderetur. Nunc ad scientiam Chordarum feliciter descendamus.

Propositio




# PRIMVS.

## PROPOSITIO PRIMA.



**DATA CIRCULI DIAMETRO,**  
latera Decagoni, Hexagoni, Pentagoni,  
Tetragoni, atq; Trianguli, Isopleuroꝝ,  
eidem circulo inscriptorum reperire.

¶ Sit semicirculus a, b, g. supra diametrum a, d, g.  
& centrum d. erectus. Protraham d, b. perpendicu-  
larem super a, g. per 11. primi Euclidis. Lineamq;  
d, g. diuidam per duo æqualia sup puncto e. & du-  
cam lineam e, b. huic æqualem faciam e, z. productaq; b, z. Dico z, d. esse  
æquale lateri Decagoni, & b, z. æquale lateri Pentagoni. Quod sic osten-  
dam: quia g, d. diuiditur in duo æqua super e. & addita est ei in longū d, z.  
ergo per sextam secundi quadrangulum quod fit ex g, z. in d, z. cum qua-  
drato d, e. æquum est quadrato lineæ e, z. Sed e, z. est æqualis e, b. & per pe-  
nultimam primi quadratum e, b. æquum est duobus quadratis b, d. & d, e.  
quod igitur fit ex g, z. in z, d. cū quadrato d, e. æquale erit duobus quadra-  
tis b, d. & d, e. ablato communi quadrato d, e. erit quod fit ex g, z. in z, d.  
æquale quadrato b, d. ideo etiam æquale quadrato d, g. Ergo per secundā  
partem 16. sexti g, z. ad d, g. proportio fiet sicut d, g. ad z, d. proportio. Ideo  
per principium sextilinea z, g. est diuisa in puncto d. secundum proportio-  
nem habentem mediū & duo extrema. Sed maior eius portio scilicet d, g.  
est latus Hexagoni per Correlarium 16. quarti. Ideo per conuersam nonæ  
tredecimi minor eius portio scilicet d, z. est latus Decagoni, quod est pri-  
mu. n. Et quoniam per penultimam primi quadratum b, z. est æquale duo-  
bus quadratis b, d. & d, z. & b, d. est latus Hexagoni, & d, z. latus Decago-  
ni, ideo per conuersam decimæ 13. b, z. erit latus Penthagoni, quod est se-  
cundum. Quod si duxeris lineam a, b. constabit ipsam ex 6. quarti esse la-  
tus quadrati circulo inscriptibile. Sed & per octauam 13. manifestum est  
latus Trigoni potēcialiter triplum esse lateri Hexagoni seu semidiametro.  
Qualicunq; igitur diuisione Diameter diuisa fuerit, in eadem constabit  
eius medietas, scilicet latus Hexagoni, cuius quadratum & medietatis qua-  
dratum, sunt quadratū lineæ z, c. ideo z, e. nota, à qua ablata d, e. remane-  
bit z, d. nota, chorda decimæ partis circuli. Sed & huius quadratum cum  
quadrato lateris Hexagoni sunt quadratum lateris Pentagoni. Ideo chor-  
da quintæ partis circuli nota fiet. Quadratum uero lateris Tetragoni du-  
plum est quadrato lateris Hexagoni, ideo utrunq; horum notum fiet.



## PROPOSITIO II.

**Data alicuius arcus chorda nota fiet chorda arcus residui  
de semicirculo.**

¶ Patet ex 30. tertij angulum quem continent tales chordæ rectum esse,  
ideo per penultimam 1. quadratum Diametri circuli æquum erit quadra-  
tis duobus ipsarum chordarum, igitur &c. Sic ex latere Decagoni inue-  
nies chordam arcus 144. graduum, Ex latere Penthagoni inuenies chor-  
dam arcus 108. & sic similiter, de alijs.

B iij


Propositio



# LIBER

## PROPOSITIO III.


Si quadrilaterum inscriptum circulo fuerit rectangulū, quod sub duabus eius rectangulis Diametris continetur, est æquale duobus quæ sub lateribus eius oppositis continentur rectangulis pariter acceptis.



¶ Sit circulo a, b, g, d. inscriptum quadrilaterū a, b, g, d. cuius Diametri a, g. & b, d. Dico quod fit ex b, d. in a, g. esse æquale duobus, quæ fiunt ex a, d. in b, g. & ex a, b. in d, g. rectangulis. Ponam em̄ per 23. primi angulum a, b, e. æqualem angulo d, b, g. addito cuilibet horū angulo e, b, d. fiet angulus a, b, d. æqualis angulo e, b, g. Angulus autem b, d, a. per 20. tertij æqualis est angulo b, g, e. Ideo per 32. primi, tertius angulus scilicet b, a, d. æqualis erit tertio b, e, g. Sunt igitur trianguli a, b, d. & e, b, g. similes siue æquianguli. Ergo per 6. sexti proportio a, d. ad e, g. est sicut proportio b, d. ad b, g. Quare per 17. sexti quod fit ex a, d. in b, g. æquale est ei quod fit ex b, d. in e, g. Item angulus a, b, e. ex hypotheli æqualis est angulo d, b, g. & ex 20. tertij angulus b, a, e. æqualis angulo b, d, g. Ergo per 32. primi tertius tertio æqualis. Sunt igitur trianguli a, b, e. & d, b, g. æquianguli. Ideo per quartam sexti a, b. ad b, d. sicut a, e. ad d, g. Quare per 17. sexti quod fit ex a, b. in d, g. æquale est ei quod fit ex b, d. in a, e. Iam autem ostensum fuit quod fit ex a, d. in b, g. æquale esse ei quod fit ex b, d. in e, g. Sed per primam secundi, quod fit ex b, d. in e, g. & ex b, d. in a, e. æquale esse ei quod fit ex b, d. in a, g. Ergo quod fit ex b, d. in a, g. æquale est his quæ fiunt ex a, d. in b, g. & ex a, b. in d, g. quod erat ostendendum.

## PROPOSITIO IIII.

Notis chordis inæqualium arcuum in semicirculo, arcus quo maior minorem superat chorda nota fiet.



¶ Ut in semicirculo a b d. supra diametrum a d. notæ sint chordæ a b. a, g. Dico notam fieri chordam b, g. Nam per Correlariū primæ huius notæ etiam fient chordæ b, d. & g, d. Sint in quadrilatero a, b, g, d. Diametri a, g. & b, d. notæ. Sunt & latera a, b. & g, d. opposita nota. Igitur per præmissam quod fit ex a, d. in b, g. notum fiet. Sed a, d. est nota, quia diameter circuli, ideo b, g. nota fiet, quæ quærebatur. Per hanc plurimorum arcum chordas cognosces. Reperies em̄ chordam arcus quo quinta pars circumferentiæ sextam superat, scilicet chordam arcus 12. graduū, & sic de alijs.

## PROPOSITIO V.


Cuiuscunq; arcus in semicirculo chorda data fuerit, chordam medietatis talis arcus notam fieri.

¶ Sit in semicirculo a, b, g. super diametro a, g. collocatus arcus b, g. & sua chorda data, & punctus d. per 29. tertij secet arcum b, g. per æqualia. Dico chordam b, d. aut d, g. fieri datam. Ductis enim chordis a, b, b, d. & d, g. & per 12. primi à puncto d. eat d, z. ppendicularis super a, g. Ostendendum primo est z, g. esse medietatem excessus lineæ a, g. super a, b. sic. Sit per tertiam primi a, e. æqualis a, b. ductaq; d, e. duo latera d, a. & a, b. trianguli



# PRIMVS.


trianguli  $d, a, b$ . sunt æqualia duobus lateribus  $d, a$ . &  $a, e$ . per ultimam 6. uel per 26. tertij, eo quod arcus dictos angulos suscipiētes sunt æquales. Ergo per quartam primi basi  $b, d$ . æqualis basi  $d, e$ . Sed  $b, d$ . est æqualis  $d, g$ . per 28. tertij. Ergo triangulus  $e, d, g$ . fiet duorum æqualium laterū. Quare per 5. primi angulus  $d, e, g$ . æqualis est angulo  $d, g, e$ . Sed uterq; angulorū ad  $z$ . est rectus, quod  $d, z$ . sit perpendicularis. Ideo triangulus  $e, d, z$ . est æquiangulus triangulo  $g, d, z$ . hinc per 4. primi  $e, z$ . fiet æqualis  $z, g$ . Sed  $e, g$ . est excessus  $a, g$ . super  $a, b$ . Ergo  $z, g$ . est medietas illius excessus. Per Correlarium autem primæ huius ex data chorda  $b, g$ . nota fiet chorda  $a, b$ . Ideo  $e, g$ . notus fiet excessus, quare & eius medietas  $z, g$ . data fiet. Quoniam autem in triangulo  $a, d, g$ . rectangulo per 30. tertij, à recto angulo descendit perpendicularis  $d, z$ . ad basim. Igitur p 8. sexti  $d, g$ . est media proportionalis inter  $a, g$ . &  $g, z$ . Quare per 16. sexti quod fit ex  $a, g$ . in  $g, z$ . æquale est quadrato  $d, g$ . Sed  $a, g$ . &  $g, z$ . sunt datæ, ideoq;  $d, g$ . data fiet, quæ quærebatur. Hac igitur doctrina plurimorum arcuum chordas reperiēs, ut ex superiori nota est chorda arcus 12. graduum, iam nota fiet chorda arcus 6. graduum, hinc chorda arcus trium graduū, hinc chorda arcus gradus unius & semis, hinc chorda arcus semis & quartæ, & sic de alijs.



## PROPOSITIO VI.

Datis chordis duorum arcuum in semicirculo, cognoscetur & chorda arcus ex his compositi.


¶ Sint in circulo  $a, b, d$ . cuius centrum  $z$ . & Diameter  $a, z, d$ . duorum arcuum  $a, b$ . &  $b, g$ . notorū chordæ duæ  $a, b$ . &  $b, g$ . datæ. Dico arcus totius  $a, g$ . chordam notam fieri. Ductis enim lineis  $a, g, b, d, g, d$ . item Diametro  $b, z, e$ . &  $g, e$ . &  $d, e$ . per correlarium primæ huius ex  $a, b$ . sciatur  $b, d$ . & ex  $b, g$ . sciatur  $g, e$ . Quadrilateri igitur  $b, g, d, e$ . Diametri  $b, d$ . &  $g, e$ . datæ sunt, & duo latera  $b, g$ . &  $a, b$ . æqualia  $d, e$ . Et latus etiam  $b, e$  cognitum, quia diameter circuli. Igitur per tertiam huius quartū latus scilicet  $d, g$ . notum fiet. Hinc ex correlario primæ huius  $a, g$ . cognoscetur, quod est propositum. Ex his itaq; præmissis patefactæ sunt chordæ arcuum omnium in semicirculo per unum gradum & semis crescentium.



## PROPOSITIO VII.

Arcuum inæqualium in semicirculo, maioris ad minorem est proportio maior q̄ chordæ maioris ad chordam minorem.

¶ Sit in semicirculo arcus  $b, g$ . maior arcu  $a, b$ . chorda maioris sit  $b, g$ . minoris sit  $a, b$ . Dico proportionē arcus  $b, g$ . ad arcum  $a, b$ . esse maiorem proportionē chordæ  $b, g$ . ad chordam  $a, b$ . Diuidam enim angulum  $a, b, g$ . per æqualia linea  $b, d$ . per 9. primi, & protraham  $a, g$ . secantem  $b, d$ . in  $e$ . Item  $a, d$ . &  $d, g$ . per 26. & 25. tertij, fiet  $a, d$ . æqualis  $d, g$ . Quoniam aut per tertiam 6. proportio  $b, g$ . chordæ ad  $a, b$ . chordam, est sicut  $g, e$ . ad  $e, a$ . &  $g, b$ . est maior  $a, b$ . Ergo  $g, e$ . est maior  $e, a$ . Punctus itaq;  $z$ . diuidens  $a, g$ . per æqualia, erit in  $e, g$ . & ducta  $d, z$ . erit p 8. primi uterq; angulus  $a, d, z$ . rectus, & ideo in triangulo  $e, z, d$ . per 18. & 32. primi, latus  $d, e$ . est maius latere  $d, z$ . & p eisdem in triangulo  $a, e, d$ . latus  $d, a$ . longius est latere  $d, e$ . Quare si statuamus





# LIBER

mus d. centrum circuli, cuius circumferentia uadat per e. necesse est ut ea peripheria abscindat d, a. transiens infra a, & non attingat d, z. transiens supra z. Abscindat itaq; d, a. in h. & d, z. continuata occurrat peripheriæ in t. Quia ergo sector e, d, t. est maior triangulo e, d, z. erit per octauā quinti sectoris e, d, t. ad sectorē e, d, h. pportio maior pportione trianguli e, d, z. ad sectorē e, d, h. Sed & per eandem trianguli e, d, z. ad sectorē e, d, h. pportio est maior pportione trianguli e, d, z. ad triangulū e, d, a. Igitur a fortiori pportio sectoris e, d, t. ad sectorē e, d, h. est maior pportione triangulie, z, d. ad triangulum e, d, a. Sed pportio sectoris ad sectorē in eodem circulo per demonstrata Archimedis de area circuli, est sicut arcus unius ad arcum alterius. Arcus autem ad arcum per ultimam sextifunt angulus unius, qui est super centro, ad angulum alterius. Item pportio trianguli e, d, z. ad triangulum e, d, a. per primam 6. est ut z, e. ad e, a. Ergo coniunctim per tertiam additarum coniuncti anguli z, a, d. ad angulum e, d, a. pportio maior est pportione g, e. ad e, a. Per ultimam autem sexti anguli g, d, b. ad angulum b, d, a. pportio est ut arcus b, g. ad arcum a, b. & per tertiam 6. g, e. ad e, a. est ut chordæ b, g. ad chordam a, b. Ideo arcus b, g. ad arcum a, b. pportio maior est pportione chordæ b, g. ad chordam a, b. quod fuit propositum.

## PROPOSITIO VIII.

Arcus unius gradus, chordā absq; sensibili errore patefacere.

¶ Sit arcus a, b. medius gradus & quarta unius. Chorda eius a, b. erit p præmissa iuxta Ptolemæi inuentionem, 47. minut. 8. secun. Item si sit arcus a, g. gradus unius, eius chorda quæritur. Per præcedentem apertum est, quòd maior est pportio arcus a, g. ad arcum a, b. quàm pportio chordæ a, g. ad chordam a, b. Sed arcus a, g. continet arcum a, b. & eius tertiam, igitur chorda a, g. continet chordam a, b. & minus eius tertia. Tertia autem chorda a, b. est 17. minuta, 42. secunda & 2. tertia unius secundæ, quæ addita ad 47. minuta, 8. secun. faciunt unum gradum minuta 4. & c. 50. secunda, & duas tertias unius secundæ. Id igitur necessario maius est chorda unius gradus. Item sit arcus a, b. unius gradus, & arcus a, g. gradus & semis, ex prioribus Ptolemæus inuenit chordam a, g. esse unum gradum 34. minuta & 15. secunda. Quæritur ex hac chorda a, b. per præmissam maior est pportio arcus a, g. ad arcum a, b. quàm pportio chordæ a, g. ad chordam a, b. Sed arcus a, g. continet iam arcū a, b. & eius medietatem, igitur chorda a, g. continet iam chordam a, b. & minus medietate sua. Si itaq; tertiam arcus a, g. scilicet b, g. dempsero ab arcu a, g. remanet a, b. Ideo si etiā tertiam chordæ arcus a, g. scilicet 31. minut. 25. secunda dempsero à tota a, g. quæ est unius gradus, 34. minut. 15. secunda remanet unus gradus. 2. minut. 50. secunda, quod necessario oportet minus esse chorda arcus unius gradus. Frit itaq; chorda arcus unius gradus plus uno gradu, 2. minutis 50. secundis, & minus uno gradu, duobus minutis, quinquaginta secundis & duabus tertijs unius secundæ. Conueniens igitur fuit, ut chorda arcus unius gradus poneretur unius partis, duorum minutorum, 50. secundorū, & nullus ex hoc in calculationibus Astronomicis sensibilis error sequeretur, propter parū & insensibilem differentiam quantitatū, intra quas eam iam constare conclusum fuit. Ex chorda arcus unius gradus iuxta doctrinā quartæ





# PRIMVS.

quartæ huius constabit chorda arcus dimidiij gradus. Hinc iuxta præmissarum doctrinas perficies chordas omnium arcuum augmentatorum per gradum dimidium.

## PROPOSITIO IX.

Si à terminis duarum linearum ab angulo aliquo descendunt duæ lineæ sese secantes, super descendentes mutuo reflexæ fuerint, erit lineæ descendentes ad partem suam superiore proportionis ex duabus proportionibus, quarum una est à termino huius descendentes reflexæ ad partem eius supra sectionem, alia est partis infra sectionem alterius reflexæ, ad totam eandem reflexam composita.

¶ Ut ab angulo a. descendant duæ lineæ a, b, a, g. à terminis earum b, & g. reflectantur duæ mutuo super descendentes, quæ sint b, e. g, d. secantes se in z. Dico quod proportio g, a. ad a, e. est composita ex duabus, scilicet proportionibus g, d. ad d, z. & proportionibus z, b. ad b, e. Ducatur enim per 31. primi e, h. æquidistans g, d. fietq; p 29. primi angulus d, g a. æqualis angulo h, e, a. & angulus g, d, a. æqualis angulo e, h, a. & angulus a. est communis utriq; triangulo. Ideo p quartam sexti proportio g, a. ad a, e. erit sicut g, d. ad e, h. Inter g, d. & e, h. ponamus d, z. mediam, fietq; g, d. ad e, h. composita ex duabus scilicet g, d. ad d, z. & d, z. ad e, h. sed p 29. primi & quartam sexti d, z. ad h, e. est sicut z, b. ad b, e. igitur g, d. ad e, h. composita est ex duabus scilicet g, d. ad d, z. & z, b. ad b, e. quare & g, a. ad a, e. proportio composita est ex duabus scilicet g, d. ad d, z. & z, b. ad b, e. quod fuit intentum.




## PROPOSITIO X.

Item proportio partium lineæ descendentes inferioris ad superiorem componetur ex duabus, quarum una est proportio partium à termino huius descendentes reflexæ inferioris ad superiorem. Alia est proportio partis inferioris alterius descendentes ad totam eandem descendentes.

¶ Ut sint descendentes sicut antea & reflexæ. Dico q; proportio g, e. ad e, a. est composita ex duabus, scilicet proportionibus g, z. ad z, d. & proportionibus d, b. ad b, a. Ducatur enim per 31. primi a, h. æquidistans e, b. cui g, d. continuata occurrat in h. sicut ut prius trianguli a, h, d. & b, z, d. æqui anguli. Trianguli aut g, a, h. duo latera secant e, z. tertio æquidistans. Ergo per secundam sexti e, g. ad e, a. est ut g, z. ad z, h. Sed inter g, z. & z, h. ponamus d, z. mediam, fiet igitur proportio g, z. ad z, h. composita ex duabus scilicet g, z. ad d, z. & z, d. ad z, h. z, d. aut ad z, h. per quartam sexti coniunctam & conuersam proportionalitatis est, ut d, b. ad b, a. Quare proportio g, z. ad z, h. composita est ex duabus scilicet g, z. ad z, d. & d, b. ad b, a. Liqueat igitur proportionem g, e. ad e, a. componi ex duabus, scilicet g, z. ad z, d. & d, b. ad b, a. quod est intentum.

## PROPOSITIO XI.

Duobus arcibus continuis in semicirculo sumptis, semidiameter





# LIBER

ameter ad terminum communē eorum ducta, chordam arcus compositi ex eis secundum proportionem chordæ arcus dupli unius, ad chordam arcus dupli alterius secabit.

¶ In semicirculo sint duo arcus a, b. & b, g. quorū aggregati chordam a, g. secet semidiameter b, d. in puncto e. Dico proportionem a, e. ad e, g. esse sicut proportionē chordæ dupli arcus a, b. ad chordā dupli arcus b, g. Sint enim super d, b. perpendiculares a, z. & g, h. per quartam sexti fiet a, e. ad e, g. proportio sicut a, z. ad g, h. Sed per tertiam tertij a, z. est medietas chordæ arcus dupli a, b. & g, h. medietas chordæ arcus dupli b, g. quare per 15. quinti a, e. ad e, g. proportio est sicut proportio chordæ dupli arcus a, b. ad chordam dupli arcus h, g. quod fuit ostendendum.

## PROPOSITIO XII.

Si arcus cognitus in semicirculo in duos diuidatur, proportioq; chordæ dupli unius ad chordam dupli alterius data sit, uterq; eorum quos diuidit, cognitus erit.

¶ Quia totus a, b, g. arcus cognitus est, ergo sua chorda a, g. ex tabula chordarum data erit. Et quia proportio chordæ arcus dupli a, b. ad chordam arcus dupli b, g. data est, sed ea per præmissam est, sicut a, e. ad e, g. Quare proportio a, e. ad e, g. data. Et cum tota a, g. data sit, per coniunctam proportionalitatem, & 15. sexti quælibet duarum a, e. & e, g. patefiet. Ducatur autem à centro d. perpendicularis ad a, g. quæ sit d, z. per tertiam tertij a, z. erit æqualis z, g. ideo e, z. excessus medietatis a, g. super a, e. nota erit. Sed triangulus a, d, z. cum sit orthogonius, suscipit medietatem arcus a, g. ideo notus, & cum angulus z. in triangulo a, d, z. sit rectus per 32. primi, notus fiet angulus d, a, z. quia angulus z, a, d. cum angulo a, d, z. faciunt unum rectum. Ergo triangulus a, d, z. cum sit orthogonius & notorum angulorū, fiet per tabulam chordarū notorum laterū notus, uel per penultimam primi ex a, z. & a, d. cognoscetur z, d. Item per eandem penultimam primi ex e, z. & d, z. notis, nota fiet e, d. Trianguli itaq; e, d, z. orthogonij notorum laterum in partibus quibus a, d. est 60. per 15. primi, nota fient latera in partibus quibus d, e. est 120. Hinc per tabulam chordarum noti fient eius anguli, prout tres anguli trianguli orthogonij correspondent toti circulo sibi circūscripto, idest prout rectus est 180. gradus. Ergo & noti fient eius anguli, cum rectus angulus est 90. sic notus erit angulus z, d, e. Sed prius notus fuit a, d, z. Ergo notus erit angulus a, d, e. cuius quantitas est arcus a, b. qui quærebatur.

## PROPOSITIO XIII.

Si linea præter centrum ab uno termino arcus semicirculo minoris arcum secans educatur, donec diametro per reliquum eiusdem arcus terminum adiunctæ concurrat, proportio lineæ præter centrum transeuntis ad partem eius extrinsecam circulo, fiet sicut proportio chordæ arcus dupli totius ad chordam dupli partis eius, quam extractæ lineæ includunt.

¶ Sit circulus a, b, g. super centro d. in quo per terminū arcus a, g. exeat diameter



## PRIMVS.

diameter  $l, d, a$ , in  $e$ . & linea alia præter centrum transiens ab altero termino arcus sit  $g, b, e$ , secans arcum in  $b$ , & occurrens diametro continuate in  $e$ . Dico quod proportio  $g, e$ , ad  $e, b$ , sit sicut proportio chordæ arcus dupli  $a, g$ , ad chordam arcus dupli  $a, b$ . A punctis  $b$ , &  $g$ , descendant perpendicularares  $b, z$ , &  $g, h$ , super  $l, e$ . Ideo per 32. primi trianguli  $g, h, e$ , &  $b, z, e$ , fient æquianguli. Quare per 4. sexti  $g, e$ , ad  $e, b$ , sicut  $g, h$ , ad  $b, z$ . Sed per tertiam tertij, & ultimam sexti  $g, h$ , est medietas chordæ dupli arcus  $a, g$ , &  $b, z$ , medietas chordæ dupli arcus  $a, b$ , quare per 17. quinti proportio  $g, e$ , ad  $e, b$ , est sicut proportio chordæ dupli arcus  $a, g$ , ad chordam dupli arcus  $a, b$ , quod est propositum.

### PROPOSITIO XIII.

Data parte una arcus, lineis eductis, ut iam dictum est diuisi, notaq; proportione chordæ dupli arcus totius, ad chordam dupli partis eius, quam lineæ eductæ includunt, cognoscetur & arcus lineis inclusus.

¶ Sit  $b, g$ , portio una arcus,  $a, g$ , nota, & proportio chordæ dupli  $a, g$ , ad chordam dupli  $a, b$ , data. Dico arcum  $a, b$ , notum fieri. Ducatur enim à centro  $d$ , perpendicularis ad  $b, g$ , quæ sit  $d, z$ , æqualis  $z, g$ . Ideo cum tota chorda  $b, g$ , sit data, quod eius arcus sit notus, erit  $b, z$ , nota, & per ultimam sexti angulus  $b, d, z$ , suscipit medietatem arcus  $b, g$ , ergo notus. Sed  $b, d$ , nota: quia semidiameter, ergo per penultimam primi  $d, z$ , nota fiet. Item quia proportio chordæ dupli  $a, g$ , ad chordam dupli  $a, b$ , data est, sed per præcedentem  $e, a$ , est sicut  $g, e$ , ad  $e, b$ , & cum  $g, b$ , sit nota, per coniunctam proportionalitatem, & 15. sexti nota erit  $e, b$ , ergo tota  $e, z$ , nota. Ex  $e, z$ , autem &  $d, z$ , notis per penultimam primi cognoscetur  $e, d$ . Trianguli itaq;  $e, d, z$ , orthogonij notorum laterum uia, quæ in ante præmissa dicta est, noti fient omnes anguli. Sic angulus  $a, d, z$ , notus est, à quo dempto angulo  $b, d, z$ , iam noto, relinquetur angulus  $a, d, b$ , cuius quantitas est arcus  $a, b$ , qui quærebatur.


### PROPOSITIO XV.

Si in superficie Sphæræ fuerint quatuor arcus circulorum maiorum, quorū neuter sit semicirculo maior, duo quidem ab angulo uno descendentes, duo uero reliqui à terminis priorum alternatim reflexi sese secantes, proportio chordæ dupli partis inferioris unius, descendentiū ad chordam dupli partis eius superioris fiet composita ex duabus, quarum una est proportio chordæ dupli partis inferioris reflexæ à termino illius descendentis ad chordam dupli partis eius superioris. Altera est proportio chordæ dupli partis inferioris alterius descendenti ad chordam dupli totius huius descendenti.


¶ Sint in superficie Sphæræ quatuor arcus circulorum magnorum, & quilibet eorum sit semicirculo minor, duo quidem descendentes ab angulo  $a$ , sint  $a, b$ , &  $a, g$ , duo uero à terminis illorum reflexi super se sint  $b, e$ , &  $g, d$ , sese secantes in  $z$ . Dico quod proportio chordæ dupli arcus  $g, e$ , ad

C

chordam



# LIBER



chordam dupli arcus e, a. est composita ex duabus proportionibus, quarum una est chordæ dupli arcus g, z. ad chordam dupli arcus z, d. altera est proportio chordæ dupli arcus d, b. ad chordam dupli arcus b, a. Ponamus enim centrum Sphæræ h. à quo ad puncta b, z, e. ducantur semidiametri h, b, h, z, h, e. & chorda a, d. continuata quantumlibet: occurrat semidiametro h, continuatæ similiter in puncto t. Item chordæ g, a. & g, d. secant semidiametros h, e. & h, z. in punctis l, & k. necesse est tria puncta l, k, t. esse in una linea recta, nam sunt in superficie circuli b, z, e. sunt etiam in superficie trianguli a, d, g. Igitur necessarium est, ut sint in sectione harum superficierum communi, quam per tertiam undecimi constat esse lineam rectam. A terminis itaque duarum linearum a, t. & a, g. reflectuntur aliae duæ t, l. & g, d. secantes se super k. ergo per quintam decimam huius proportio g, l. ad l, a. componitur ex duabus: scilicet proportionem g, k. ad k, d. & proportionem d, t. ad t, a. Proportio autem g, l. ad l, a. per undecimam huius, est sicut proportio chordæ dupli g, e. ad chordam dupli e, a. Et g, k. ad k, d. proportio per eandem est, sicut chordæ dupli g, z. ad chordam dupli z, d. Item per 13. huius & conuersam proportionalitatem proportio d, t. ad t, a. est sicut chordæ dupli d, b. ad chordam dupli b, a. quare oportet ut proportio chordæ dupli g, e. ad chordam dupli e, a. sit composita ex duabus: scilicet proportionem chordæ dupli g, z. ad chordam dupli z, d. item proportionem chordæ dupli d, b. ad chordam dupli b, a. quod fuit probandum.

## PROPOSITIO XVI.


Item proportio chordæ dupli unius arcuum descendentiū ad chordam dupli partis eius superioris, componetur ex duabus, quarum una est proportio chordæ dupli arcus reflexi conterminalis huius descendenti ad chordam dupli partis eius superioris. Altera est proportio chordæ dupli partis inferioris alterius reflexi ad chordam dupli totius huius reflexi.

¶ Sint arcus ut in figura præcedentis. Dico quod proportio chordæ dupli arcus g, a. ad chordam dupli a, e. est composita ex duabus: scilicet proportionem chordæ dupli arcus g, d. ad chordam dupli d, z. & proportionem chordæ dupli z, b. ad chordam dupli b, e. Sit enim h. centrum Sphæræ, à quo ductæ semidiametri h, a, h, d, h, b. conueniant cum chordis continuatis g, e, g, z, e, z. in punctis l, k, t. constabit hæc tria in una linea recta fore, quod sint in duabus superficiebus planis: scilicet circuli b, d, a. & trianguli z, e, g. quare constat per tertiam undecimi sese secare in linea recta. Habes itaque quod à terminis duarum linearum l, t. & l, g. reflectantur duæ aliae t, e. & g, k. secantes se in z. Igitur per octauam huius g, l. ad l, e. proportio componitur ex duabus: scilicet g, k. ad k, z. & z, t. ad t, e. Sed per duodecimam huius patet has proportionem esse sicut chordæ dupli g, a. ad chordam dupli a, e. Item chordæ dupli g, d. ad chordam dupli d, z. & chordæ dupli z, b. ad chordam dupli b, e. Constat igitur propositum.

## PROPOSITIO XVII.

Distantiam duorum tropicorum instrumenti artificio deprehendere.

Dispones





PRIMVS.

PROPOSITIO XVIII.

Cuiuslibet puncti eclipticæ, cuius distantia à sectione eclipticæ & æquatoris data sit, declinationem patefacere. Ex hoc constat, quòd proportio sinus totius, ad sinum maximæ declinationis eclipticæ, sit sicut proportio sinus distantie puncti à sectione dicta ad sinum declinationis eiusdem puncti.

¶ Quando uero una proportio fuerit ab alia subtrahenda, ut si uelimus proportionem c. ad d. subtrahere à proportionē a, ad b. ducimus terminū secundum auferendæ in primum terminum alterius. & productum statuimus terminum primum residuæ, & terminum primum auferendæ in secundum alterius, & productum facimus terminum secundum residuæ. Vt d. in a. ductus faciat e. & c. ductus in b. producat f. Dico quòd pro-

portio e, ad f, est quæ remanet post subtractionem proportionis c, ad d, à proportionem a, ad b. Quod sic patet, Ex c, in a, fiat h, quia itaq; ex c, in a, fit h, & ex c, in b, fit f, ergo per 17. quinti Euclidis h, ad f, sicut a, ad b. Item ex a, in c, fit h, & ex a, in d, fit e, ergo per eandem h, ad e, sicut c, ad d. Sed h, ad f, est composita ex duabus; scilicet h, ad e, & e, ad f. quare a, ad b, est composita ex eisdem duabus. Et cū h, ad e, sit ut c, ad d, erit a, ad b, composita ex duabus; scilicet c, ad d, & e, ad f. quare ablata proportionem c, ad d, à proportionem a, ad b, manebit proportio e, ad f, q̄ fuit ostendendū.

¶ Quando autem una fuerit alteri addenda; ducimus terminum primum unius in terminum primum alterius; productumq; statuimus terminum primum compositæ. Item terminum secundum unius in terminum secundum alterius; & productum statuimus terminum primum compositæ ex eis. Vt si proportio a, ad b, iungenda sit proportioni c, ad d, ducō a, in c, & fiat e, item b, in d, & fiat g. Dico e, ad g, esse proportionem compositā ex duabus; scilicet proportionem a, ad b, & proportionem c, ad d. Quod sic patebit. Ex a, in d, fiat f, quod pono medium inter e, & g. Quia itaq; ex a, in c, & d, fiunt e, & f igitur per 15. quinti Euclidis e, ad f, sicut c, ad d. Item ex d, in a, & b, fiunt f, & g, igitur per eandem f, ad g, sicut a, ad b. Sed e, ad g, proportio est composita ex duabus; scilicet e, ad f, & f, ad g, igitur est etiam composita ex duabus illis æqualibus; scilicet a, ad b, & c, ad d, quod erat demonstrandum.

¶ Hæc quidem de additione & subtractione unius proportionis ad aliā aut ab aliā dicta sunt, quod in demonstratione huius propositionis mentio facta est de subtractione proportionū. Nunc uero ueniamus ad correlariū.

¶ Si nūc alius arcus uoco dimidium chordę dupli talis arcus. Quicquid igitur Ptolemæus in figuris suis, quas Græci sectiones uocant, de proportionibus chordarum arcuum duplorum ostenderit, id etiam per 15. quinti patet uerum esse de proportionibus sinuum talium arcuum. Ideo in figura huius propositionis proportio sinus arcus z, a, ad sinum arcus a, b, est aggregata ex duabus proportionibus; scilicet sinus arcus z, t, ad sinum arcus t, h, & sinus arcus h, e, ad sinum arcus e, b. Sed tres arcus z, a, z, t, e, b, sunt æquales; quia quilibet est quarta circuli magni, & cuiuslibet eorum sinus est semidiameter circuli, quam uocamus sinum totum. Erit igitur proportio sinus totius ad sinum arcus a, b, qui est sinus maximæ declinationis composita ex duabus; scilicet proportionem sinus totius ad sinum t, h, & proportionem sinus h, e, ad sinum totum. Vtram harum postremarum primam feceris; nihil interest. Sed duæ proportionem; scilicet proportio sinus h, e, ad sinum totum, & proportio sinus totius ad sinum t, h, simul efficiunt proportionem sinus h, e, ad sinum t, h, quod sinus totus medius inter hos sit, ergo proportio sinus totius ad sinum maximæ declinationis est, sicut proportio sinus arcus h, e, ad sinum arcus t, h. Tribus itaq; primis notis, per 15. sexti notus fiet sinus arcus t, h, hinc per tabulam sinuum arcus t, h, dabitur. Et ita patet ueritas & usus correlarij.

¶ Ex dictis constat; cum fuerint sex quantitates, & proportio primæ ad secundā sit composita ex proportionibus tertiæ ad quartam; & quintæ ad sextam, si quinq; harum quantitatum cognitæ; fiet & sexta cognita. Vt sit proportio a, ad b, composita ex duabus, scilicet c, ad d, & e, ad f. Sit autem unū ex his ignotum; reliqua sint nota. Dico ipsum etiam notum fieri. Nam necesse est in talibus sex quantitatibus, ut multiplicatio primæ in quartam ductam in sextam sit æqualis multiplicationi secundæ in tertiā ductam in quintam




in quintam. Ex a, enim in d, fiat g. & ex c, in b, fiat h, per regulam dictam de subtractione proportionum constat, quod g, ad h, sit sicut e, ad f, ergo per 15, sexti ex g, in f, sit tantum quantum ex h, in e. Si itaq; f, fuerit ignotum, cum g, ad h, sit ut e, ad f, cum g, h, & e, sint nota, fiet f, notum. Si e, esset ignotum, cum g, ad h, sit ut f, ad e, tria uero eorum prima data, dabitur & quartum, Si autem aliqua ex c, & d, esset ignota, ponerem loco illarū, e, tertiam, f, quartam, & agerem uia iam dicta, & ignotū nosceretur. Si uero aliqua ex a, & b, esset ignota, ex c, in e, fiat k, ex d, in f, fiat l, per regulam additionis proportionum k, ad l, erit ut a, ad b, Et cum k, & l, & altera ex a, & b, sint nota, fiet & reliqua nota, Sic patet propositum,

PROPOSITIO XIX.

Cuiuslibet arcus eclipticæ à sectione æquatoris & eclipticæ inchoati, ascensionem in Sphæra recta ostendere. Hinc manifestum est, quòd proportio sinus totius ad sinum complementi ascensionis recte sit, sicut proportio sinus complementi declinationis puncti, arcum eclipticæ terminantis ad sinū complementi talis arcus eclipticæ, arcus in quam qui tali ascensioni recte correspondet.

¶ Ascensio recta alicuius arcus eclipſicæ uocatur arcus æquinoctialis, qui cum tali arcu eclipſicæ incipit, & deſinit oriri in Sphæra recta. Sit igitur figura ſuperioris propoſitionis, in ea arcui eclipſicæ e, h. correſpondet aſcenſio recta quæ eſt arcus e, t. hæc quæritur. Quia duo arcus deſcendunt ab angulo a, ſcilicet a, e. & a, z. a quibus refleſcuntur duo alij e, b. & z, t. ſeſecantes in h. Igitur p 16. huius, & 15. quinti proportio ſinus arcus z, a. ad ſinum arcus b, a. componitur ex duabus, ſcilicet proportione ſinus z, h. ad ſinum h, t. & ſinus t, e. ad ſinum e, a. Sed quinque arcus ſunt noti: ſcilicet z, b, b, a, z, h, h, t. & e, a. nam z, b. eſt complementum declinationis maximæ b, a. uero eſt maxima declinatio z, h. eſt complementum declinationis puncti h, h, t. eſt declinatio h, puncti e, a. eſt quarta circuli, igitur & horum quinque arcuum chordæ aut ſinus noti ſient per tabulas, quare per regulam ſex quantitatum ſinus e, t. notus fiet, ergo & ſinus arcus, qui quærebatur. Verum hac uia correlarium non ſequitur, ſed ita procedet: quia per 15. huius proportio ſinus e, a. ad ſinum a, t. componitur ex duabus: ſcilicet proportione ſinus e, b. ad ſinum b, h. & proportione ſinus h, z. ad ſinum z, t. Quinque uero ſunt nota: quia arcus e, a, e, b, z, t. ſunt quartæ circuloꝝ b, h. uero complementum arcus e, h. dati h, z. uero complementum declinationis puncti h, dati, ergo per regulam ſex quantitatum a, t. notus fiet, ergo reſiduum de quarta cognitum: quod querebatur. Ex hac patet correlarium: quia proportio ſinus totius ad ſinum a, t. compoſita eſt ex duabus: ſcilicet proportione ſinus totius ad ſinum b, h. & ſinus h, z. ad ſinum totum, non refert utram harum poſtremarum proportionum alteri præpoſueris. Sequitur enim ut proportio ſinus h, z. ad ſinum b, h. ſit æqualis proportioni ſinus totius ad ſinum a, t. ſed harum quantitatum tres ſunt cognitæ, igitur & quarta pateſcet. Patet igitur ueritas correlarij atq; uſus eius.



FINIT LIBER PRIMVS.

# LIBER SECVNDVS

## REGIONVM, VARIETATEM ORTVS,


Prolixitatem diei, Altitudinem poli, Vmbras Solis, Ascensiones obliquæ Sphæræ angulorum, ex concursu circularū prouenientium, uarias habitudines perscrutando exactissime explicat.

### PROPOSITIO PRIMA.



#### IN HORIZONTE OBLIQVO

latitudinem ortus dati puncti eclipticæ per arcum semidiurnū talis puncti demonstrare. Vnde palam est, quod proportio sinus totius ad sinum arcus semidiurni alicuius puncti eclipticæ sit sicut proportio sinus complementi declinationis eiusdem puncti, ad sinum complementi latitudinis ortus eius.



¶ Horizon obliquus seu declinatus dicitur, supra quem alter polorum mundi cleuatur. Latitudo ortus alicuius puncti eclipticæ vocatur arcus horizonis inter ortum talis puncti & æquinoctialem interceptus. Arcus semidiurnus alicuius puncti eclipticæ est medietas arcus paralleli talis puncti existentis supra horizontem.

¶ Sit in figura circulus meridiei a, b, g, d. medietas æquatoris a, e, g. medietas horizonis obliqui b, e, d. secans æquatorem sup e. polus mundi sub horizonte uel supra sit z punctus eclipticæ datus oriatur supra h. fiet latitudo eius ortus e, h. transeat arcus circuli magni à polo z. p h. qui sit z, h, t. à terminis itaq; duorum arcuū magnorum descendentiū a, z. a, e. reflectuntur duo z, t. & e, b. se secantes super h. igitur per 15. primi huius proportionis sinus e, a. ad sinum a, t. componitur ex duabus, scilicet pportione sinus e, b. ad sinum b, h. & proportionem sinus h, z. ad sinum z, t. Quinq; autem arcus ex his dati sunt, nam e, a. e, b. & z. t. sunt quartæ circularum a, t. uero arcus semidiurnus, sed h, z. complementum declinationis puncti eclipticæ, cuius ortus est in h. igitur p regulam sex quantitarum notus fiet arcus b, h. cuius complementū est h, e. residuum de quarta circuli quod quærebatur. Correlarium uero ex his trahitur. Nam in his sex quātitatibus prima tertia & sexta sunt inter se æquales. Ergo eodem argumento quo superiora correlaria ostensa sunt, pportio primæ ad secundā fiet sicut pportio quintæ ad quartam. Prima autem est sinus totus, secunda sinus arcus diurni, quinta sinus complementi declinationis puncti, quarta uero sinus complementi latitudinis ortus, igitur &c.

### PROPOSITIO II.

Idem per altitudinem poli cognoscere. Manifestū est igitur quod proportio sinus altitudinis æquatoris ad sinum totum sit sicut proportio sinus declinationis puncti eclipticæ ad sinum latitudinis ortus eiusdem puncti.

¶ Sit figura prior, quia proportio sinus z, a. ad sinum a, b. cōponitur ex duabus



## SECUNDVS.

duabus: scilicet proportionē sinus  $z$ ,  $t$ . ad sinum  $t$ ,  $h$ . & proportionē sinus  $h$ ,  $e$ . ad sinum  $e$ ,  $b$ . per 15. primi huius. Sed quinque arcus sunt noti: nam  $z$ ,  $a$ ,  $z$ ,  $t$ . &  $e$ ,  $b$ . sunt quartæ.  $a$ ,  $b$ . autē est complementū altitudinis poli  $t$ ,  $h$ . uero declinatio puncti dati, ideo sextus: scilicet  $h$ ,  $e$ . notus fiet. Correlariū patet eo modo quo priora correlaria patuere: & per conuersam proportionalitatē.

### PROPOSITIO III.

Ex nota quantitate arcus semidiurni alicuius puncti eclipticæ & latitudine ortus eius altitudinē poli deprehendere. Constat itaque quod proportio sinus complementi arcus semidiurni ad sinum talis arcus sit composita ex duabus: scilicet proportionē sinus latitudinis ortus puncti eclipticæ ad sinū complementi huius latitudinis, & proportionē sinus altitudinis poli ad sinū totum.

¶ Sit iterum prior figuratio. Patet quod proportio sinus  $e$ ,  $t$ . ad sinū  $t$ ,  $a$ . est composita ex duabus: scilicet proportionē sinus  $e$ ,  $h$ . ad sinum  $b$ ,  $h$ . & proportionē sinus  $b$ ,  $z$ . ad sinum  $z$ ,  $a$ . Sed quinque arcus sunt noti: scilicet  $e$ ,  $t$ . complementum arcus semidiurni  $t$ ,  $a$ . arcus semidiurnus  $e$ ,  $h$ . latitudo ortus  $h$ ,  $b$ . complementum huius latitudinis, & sexta scilicet  $z$ ,  $a$ . quarta circuli. Per regulam igitur sex quantitatum: quinta scilicet sinus  $b$ ,  $z$ . cognita fiet.

### PROPOSITIO IIII.

Idem aliter patefacere. Palam est ergo quod proportio sinus totius ad sinū complementi altitudinis poli sit sicut proportio sinus latitudinis ortus ad sinū declinationis puncti eclipticæ,

¶ Correlarium primo manifestū est ex correlario secundæ huius & conuersa proportionalitate. Cum itaque latitudo ortus & declinatio puncti eclipticæ notæ sint, fiet & per regulam quatuor numerorum nota altitudo poli, quæ quærebatur.

### PROPOSITIO V.

Cuiuscunque puncti eclipticæ arcum semidiurnum per altitudinem poli notificare. Vnde proportio sinus altitudinis poli ad sinum complementi eiusdem componitur ex duabus: scilicet proportionē sinus complementi declinationis puncti eclipticæ ad sinum declinationis eius: & sinus differentię arcus semidiurni, & quartæ ad sinum totum.

¶ In priori figura proportio sinus  $z$ ,  $g$ . ad sinum  $b$ ,  $a$ . componitur ex duabus: scilicet proportionē sinus  $z$ ,  $h$ . ad sinum  $h$ ,  $t$ . & proportionē sinus  $t$ ,  $e$ . ad sinum  $e$ ,  $a$ . Sed quinque arcus dati sunt, nam  $z$ ,  $b$ . est altitudo poli  $b$ ,  $a$ . complementum eius  $z$ ,  $h$ . complementum declinationis puncti eclipticæ dati  $h$ ,  $t$ . declinatio eiusdem, &  $e$ ,  $a$ . quarta. Ex quibus per regulā sex quantitatum notus fiet arcus  $t$ ,  $e$ . qui est differentia arcus semidiurni & quartæ circuli, quo noto, noscetur & arcus semidiurnus.

### PROPOSITIO VI.

Idem aliter habebis per latitudinem ortus.

¶ Ex prima huius proportio sinus  $h$ ,  $z$ . ad sinum  $h$ ,  $b$ . est sicut proportio sinus totius ad sinum  $a$ ,  $t$ . igitur &c.

Inuentionem differentiae semidiurni æqualis & breuissimi in omni regione ad quatuor quãtitates pportionales redigere.

¶ Figuratio quintæ huius habuit proportionẽ sinus  $z, b.$  ad sinum  $b, a.$  componi ex duabus, scilicet proportionẽ sinus  $z, h.$  ad sinum  $h, t.$  & sinus  $t, e.$  ad sinum  $e, a.$  Sed dum  $h.$  fuerit punctus ortus tropici Capricorni, sequitur ut  $z, h.$  &  $h, t.$  &  $e, a.$  maneant eadem quantitates in omni regione. Est enim  $z, h.$  complementum maximæ declinationis  $h, t.$  maxima declinatio  $e, a.$  quarta circuli. Multiplicatio igitur sinus  $h, t.$  in sinum  $e, a.$  faciat  $l, l.$  autem diuisum per sinum  $z, h.$  producat  $n.$  Dico quod proportio  $n.$  ad sinum  $t, e.$  sit sicut proportio sinus  $b, a.$  ad sinum  $z, b.$



¶ Multiplicatio enim sinus  $z, h.$  in sinum  $t, e.$  faciat  $m.$  ex regula additionis proportionum constat, quod  $l.$  ad  $m.$  proportio sit sicut proportio sinus  $z, b.$  ad sinum  $b, a.$  Sed  $m.$  ad  $l.$  per 15. quinti est ut sinus  $t, e.$  ad  $n.$  ergo proportio sinus  $t, e.$  ad  $n.$  est sicut proportio sinus  $z, b.$  ad sinum  $b, a.$  Ideoque conuersim proportio sinus  $b, a.$  ad sinum  $z, b.$  est sicut proportio  $n.$  ad sinum  $t, e.$   $H.$  uero manebit idem in omni regione propter quantitates  $z, h, t.$  &  $e, a.$  easdem manentes, ex quibus productum fuit  $n.$  Ideo sinum altitudinis poli in regione qua uolueris duc in  $n.$  & productum diuide per sinum complementi eiusdem altitudinis poli, & exibit sinus differentiae semidiurni æqualis & breuissimi in eadem regione. Fietq; hoc ingenio tabulæ diei longissimi in omni regione compositio facilis.

## PROPOSITIO VIII.

Quilibet duo paralleli per puncta eclipticæ æqualis distantia à duobus punctis tropicis euntes, secant de horizonte obliquo ab utraq; parte æquinoctialis arcus æquales, & fit alternatim arcus diei unius æqualis arcui noctis alterius. Idem quoq; fit de parallelis euntibus per puncta eclipticæ à duobus punctis æquinoctiorum æqualis distantia.

¶ Sint talia duo puncta eclipticæ unũ ad partem septentrionis ab æquatore, alterum ad partem meridiei. Meridionale oriatur in horizonte obliquo in  $h.$  septentrionale in  $k.$  Portiones parallelorum per ea euntium sint  $n, k.$  &  $m, h.$  quartæ circulorum magnorum à polis uenientium sint  $z, h, t.$  &  $l, k, f.$  Dico arcum  $h, e.$  æqualem esse arcui  $e, k.$  & alternatim arcum unius diei arcui noctis alterius. Nam cum puncta data sunt æqualis distantia à punctis tropicorum aut æquinoctiorum, oportet per ea quæ de declinatione habentur, ipsa æqualis esse declinationis. Sic arcus  $h, t.$  æqualis erit arcui  $k, f.$  ergo amboparalleli æqualis erunt magnitudinis, quod sinus arcus  $h, z.$  sit æqualis arcui sinui  $l, k.$  quæ sunt semidiametri parallelorũ, ergo per 6. primi Theodosij, horizon circulus magnus refecat ex eis alternatim arcus æquales, quare arcus  $m, h.$  fiet æqualis arcui  $n, k.$  sed  $n, k.$  est arcus semidiei puncti orientis in  $k.$   $m, h.$  autem arcus seminoctis puncti in  $h.$  orientis. Item his similes sunt arcus  $a, f.$  &  $t, g.$  igitur æquales, à quibus demptis  $a, t.$  &  $f, g.$  æqualibus, remanent  $t, e.$  &  $e, f.$  æquales, igitur & residui  $a, t.$  &  $f, g.$  sunt æquales, & arcus semidiei puncti orientis in  $h.$  arcui seminoctis puncti orientis in  $k.$  æqualis, quod est secundum.

Præterea





## SECUNDVS.

¶ Præterea cum duo arcus  $e, t, h$ , sint æquales duobus arcibus  $e, f, k$ : & anguli  $t$ , &  $f$ , recti, & anguli  $a, d, e$ , compoliti æquales: sequitur per modum probationis iuxta primū Euclidis arcum  $e, h$ , æquari arcui  $e, k$ , quod erat primum. Vel posses hoc primum probare per ea quæ demonstrata sunt in secunda huius, quod proportio sinus  $b, a$ , ad sinum totum, est sicut proportio sinus  $h, t$ , ad sinum  $h, e$ . Item proportio sinus  $d, g$ , ad totum, est sicut proportio sinus  $k, f$ , ad  $f, e$ , sed  $a, b$ , est æqualis  $d, g$ , &  $h, t$ , æqualis  $k, f$ , ergo sinus  $t, h$ , ad  $h, e$ , sinum sicut  $t, h$ , ad  $e, k$ , quare per nonam quinti  $h, e$ , æqualis erit  $e, k$ . Simili uia secundum probabis per ea quæ dicta sunt in probatione præmissæ, quod proportio  $n$ , ad sinū  $t, e$ , sit sicut  $n$ , ad sinū  $e, f$ , igitur &c.

### PROPOSITIO IX.

Data Solis altitudine, umbram rectam seu uersam perscrutari. Vnde necesse est, ut proportio sinus altitudinis datæ ad sinum complementi eius sit sicut proportio longitudinis umbrosi ad umbræ suæ rectæ longitudinem.



¶ Umbram rectam dicimus umbram quam res orthogonaliter super superficiem horizontis erecta efficit in ipsa horizontis superficie. Sed umbram uersam uocamus umbram quam res horizontis superficie æquidistans efficit in superficie orthogonaliter super horizontem, uelut est umbra stili in cylindro pendente.

¶ Sit itaq; circulus altitudinis  $a, b, g$ , cuius centrum  $e$ , & propter insensibilem quantitatem semidiametri terræ respectu semidiametri orbis Solis ponimus, ut centrū huius circuli sit caput umbrosi facientis umbram, sitq; tale umbrosum  $e, g$ , orthogonaliter superficie horizontis, in qua sit linea  $g, z$ , infixum, semidiameter  $e, b$ , æquidistet superficie horizontis, sit etiam nunc dicta Solis altitudo arcus  $b, c$ , ducta linea  $c, e$ , representans radium solare obuiet horizonti in  $z$ : Umbroso itaq;  $g, e$  responderet umbra recta  $g, z$ , dum altitudo Solis fuerit  $b, c$ , arcus cadat  $c, d$ , super  $b, e$ , perpendicularis, &  $c, l$ , super  $e, a$ , etiam perpendicularis, fiet per 28. & 34. primi  $c, d$ , æqualis  $l, e$ , &  $c, l$ , æqualis  $d, e$ ,  $C, d$ , autem est sinus altitudinis  $b, c$ , &  $c, l$ , sinus complementi eiusdem altitudinis. Sed per quartam sexti  $c, d$ , ad  $d, e$ , proportio: sicut  $e, g$ , ad  $g, z$ , sed prima tria data sunt: igitur quartum notum fiet. Hinc etiam correlarium probatum est. Sed de umbra uersa sit  $m, o$ , orthogonaliter super horizontem, cui infixum sit umbrosum æquidistans horizonti, quod sit  $m, e$ , cuius extremitatem  $e$ , sicut antea reputabimus tanquam centrum circuli altitudinis propter paruitatem semidiametri terræ respectu semidiametri orbis Solis. Altitudine itaq; Solis existente arcu  $b, c$ , umbrosi  $d, m$ , umbra uersa est  $m, n$ , quæ quæritur, nota autem fiet ex quarta sexti, quod  $e, d$ , ad  $d, c$ , proportio sit sicut  $e, m$ , ad  $m, n$ . Sed tria prima sunt data; igitur quartum  $m, n$ , notum fiet. Infertur ex hoc correlariū illud.

### PROPOSITIO X.

Proportio sinus complementi altitudinis datæ ad sinū altitudinis, est sicut proportio longitudinis umbrosi ad suā umbrā uersam ex umbra Solis seu recta seu uersa altitudinē Solis coniungere.

¶ Sit primo  $g, z$ , umbra recta data umbrosi  $g, e$ , quadrabo utramq; longitudinem, producti radix erit linea  $z, e$ , sed  $z, e$ , ad  $e, g$  proportio sicut  $e, c$ , sinus totius ad  $c, d$ , sinum altitudinis quæ quæritur. Sed tria prima





# LIBER

prima sunt data: igitur quartū cognitum fiet. Item sit  $n, m$ , umbra uersa data, ex qua &  $e, m$ , notafiet  $e, n$ . Sed  $e, n$ , ad  $n, m$ , sicut  $e, c$ , ad  $c, d$ , ergo sicut antea.

## PROPOSITIO XI.

Sub æquatore omnes dies sunt æquales noctibus, & omnes stellæ ortū habēt & occasum, & umbræ quandoq; uersus meridiem, quandoq; uersus septentrionē, quādoq; nusq; declinant.

¶ Horizon enim habitantium sub æquatore, secat ipsum æquatorem & omnes parallelos in portiones semicirculos. Et quia transit per polos mundi, super quibus fit stellarū reuolutio: oportet ut omnes oriantur omnesq; occidant. Et cum Sol in hora meridiei nunc sit meridianus à zenith, nunc septentrionalis, nunc uero in ipso zenith, quod est polus horizontis: Verū constat quod de umbris dicitur.

## PROPOSITIO XII.

Sub omni parallelo uersus septentrionem ab æquatore bis tantum fit dies equalis nocti in anno, & dies æstiu hibernis longiores, noctes breuiores. Et quanto ab æquinoctijs distantiores, tanto æstiu productiores, hiberni correptiones. Et quædā stellæ apparentes semper, quædam occulte semper. Et distantia zenith ab æquinoctiali æqualis altitudini poli.

¶ Sit meridianus  $a, b, c, d$ , axis mundi in eo  $a, e, c$ , duo poli  $a$ , &  $c$ , æquinoctialis  $b, d$ , parallelus meridianus  $h, i$ , unus  $f, t$ , alter. Septentrionales uero  $l, m, o, p, f, g$ , erit itaq;  $a, e, c$ , loco horizontis in Sphæra recta. Et quia in obliqua alter polorum eleuatur, sit ille  $c$ , & linea horizontem obliquū designans  $f, e, g$ . Palam est autem quod horizon  $f, e, g$ , æquatorem  $b, d$ , tantū per æqua secat. Reliquos uero parallelos inæqualiter secare necesse est, &  $o, q$ , maiorem esse  $l, n$ . Item  $l, n$ , maiorem  $b, e$ , &  $b, e$ , maiorem  $h, k$ . Item stellæ inter parallelum  $g, f$ , semper erunt supra horizontem: & inter parallelum  $f, t$ , semper sub horizonte. Item zenith capitū sit  $r$ , fietq; arcus  $b, r$ , æqualis arcui  $c, g$ , quod  $b, c$ , sit quarta, &  $r, g$ , quarta.

## PROPOSITIO XIII.


Sub remotiori parallelo ab æquatore maior est dierum & noctium inæqualitas, maiorq; pars stellarum semper apparentium, maior etiam semper occultantium.

¶ Vt si in figura superiori obliquum horizontem magis inclines, & designaueris eum per lineam  $u, e, x$ , in parallelo  $o, p$ , tunc arcus semidiurnus signabitur per  $o, y$ , nocturnus per  $y, p$ . In horizonte autem minus obliquo punctus  $q$ , hæc separabat. Sed maior est inæqualitas  $o, y$ , &  $y, p$ , quā  $o, q$ , &  $q, p$ . Item pars stellarū semper apparentiū iam distinguetur parallelo, &  $x$ , & non apparentium  $u, z$ , sed  $h, i$ , paralleli plura includunt quā paralleli  $f, g$ , igitur &c.

## PROPOSITIO XIII.

Sub omni parallelo inter æquinoctialem & tropicū cancri, umbræ meridiei quandoq; uersus septentrionē, quandoq; uersus meridiem flectuntur, & bis in anno nusquam.

Quando





## SECVNDVS.

¶ Quando enim est in gradu paralleli per zenith cunctis: nusquam flexitur umbra meridiana, sed in gradu meridiano ab hoc declinat umbra uersus septentrionem; in septentrionali uersus meridiem.

### PROPOSITIO XV.

Sub tropico canceri semel in anno nulla fit umbra meridiana, nunquam autem ad meridiem fiet inflexio.

¶ Reflexu quidem caret Sole in principio canceri existente. In reliquis uero locis eclipticæ perflexum uersus septentrionem necesse est esse.

### PROPOSITIO XVI.

Inter tropicum canceri & circulum arcticum habitantibus, umbra meridiana nunquam flexu caret, sed omnes uersus septentrionem inflectuntur.

¶ Patet quia Sol zenith eorum nunquam attingit.

### PROPOSITIO XVII.

Sub circulo arctico semel in anno dies xxiiij. horarum sine nocte constituitur, & umbra in eo ad omnem partem horizon-  
tis circuit, semelq; nox xxiiij. horarum sine die producitur.

¶ Illic enim tropicus canceri horizontem contingendo nunquam mergitur; sicut tropicus Capricorni nunquam emergitur.

### PROPOSITIO XVIII.


Sub polo mundi medietas Sphæræ apparet semper & reliqua culta est semper. Annoq; dimidio lux continua, & reliquo nox una;

¶ Equinoctialis em̄ illic in superficie horizon-  
tis est; ideo patet ppositū.


### PROPOSITIO XIX.

In horizonte obliquo quilibet duo eclipticæ arcus æquales, à punctis æquinoctiorum inchoati, æquales habent ascensiones. Vnde constat quoslibet duos arcus eclipticæ æquales, & æqualiter à punctis æquinoctiorum distantes, æquales habere ascensiones.

¶ Sit meridianus a, b, g, d. medietas æquatoris a, e, g. medietas horizon-  
tis obliqui b, e, d. duo arcus eclipticæ æquales z, h. & t, k. ita quod quisq; punctorū z. & t. sit punctus æquinoctij. Palam est quod cū arcu z, h. oritur arcus æquatoris z, e. & cum arcu t, k. oritur arcus æquatoris t, e. Dico duos arcus z, e. & t, e. æquales esse. Sint poli mundi l, & m. ducantur arcus circulorū magnorū l, e, m, l, k, l, t, m, h. & m, z. quia h, & k, sunt puncta æqualis distantia à sectione æquatoris & eclipticæ, igitur p ea quæ habentur de declinatione: declinationes eorū & cōplementa declinationū suarum sunt æqualia. Ita arcus l k. æqualis arcui m, h. sed l, t. æqualis m, z. quod uterq; sit quarta, & t, k. æqualis sit z, h. exposito igitur p scientiam triangulorum Sphæraliū angulus z, m, h. æqualis, est angulo t, l, k. Item p octauā huius e, k. æqualis



## LIBER




æqualis est e, h. & duo k, l. & l, e, æquales duobus h, m. & m, e. igitur p eandem scientiam angulus k, l, e. æqualis angulo h, m, e. ergo residuus e, l, t. æqualis residuo e, m, z. Sed duo latera z, m, m, e. sunt æqualia duobus e, l, l, t. quia omnes sunt quartæ, igitur basis z, e. æqualis basi e, t. quod fuit ostendendum. Hinc patet correlariũ, & ex conceptione. Si ab æqualibus æqualia demas, remanentia fient æqualia.

### PROPOSITIO XX.

Quilibet duo arcus eclipticæ æquales, & æqualiter ab alterutro puncto tropico distantes, habent ascensiones in horizonte obliquo coniunctas, æquales ascensionibus rectis eorundem pariter coniunctis.

¶ Sit ut antea meridianus a, b, g, d. medietas æquatoris a, e, g. medietas horizontis obliqui b, e, d. duo arcus zodiaci æquales, & æqualium distantiarum à puncto tropico hiemali sint z, h, t, h. ita ut t. sit principii æquinoctij uernalis, z. æquinoctij autumnalis: quos necesse est in h. terminari p octauam huius, etiam per æqualitatem complementorũ suarum declinationum. Palam autem est qd z, h. eleuatur in horizonte obliquo cum z, e. & t, h. eleuatur cum t, e. eo quod cum punctus t. peruenierit ad horizontem, tam t, h. quàm t, e. sunt perorti. Igitur totus arcus t, e, z. æquatur ascensionibus obliquis duorum arcuum z, h. & t, h.



¶ Præterea sit polus meridianus k, a. quo per h. ueniat quarta circuli magni k, h, l. p dicta superius de ascensionibus rectis, palam est quod in Sphæra recta z, h. eleuatur cum z, l. & t, h. eleuatur cum t, l. Sed duo arcus t, l. & l, z. sunt æquales duobus arcibus t, e. & z, e. ergo patet propositum. Ex his inferitur hoc correlarium.


Notis ascensionibus obliquis in una quarta eclipticæ, notæ quoq; fient in quartis reliquis.

¶ Notis em̃ ascensionibus in quarta ab ariete ad cancerum, per præmissam, noscentur & ascensiones in quarta à Capricorno ad Arietem. Inde p hanc reliquarum quartarum ascensiones patefient.

¶ Habes etiam quod differentia ascensionum in Sphæra recta & obliqua arcuum eclipticæ æqualium, & æqualiter à puncto tropico distantium sunt eadem, & quod per medietatem eclipticæ septentrionalem ascensio recta sit obliqua maior, per reliquam uero minor.

### PROPOSITIO XXI.

Cuiuslibet arcus Eclipticæ à puncto æquinoctij uernalis inchoati, ascensionem in horizonte obliquo demonstrare.



¶ Sit meridianus a, b, g, d. medietas horizontis obliqui b, e, d. medietas æquatoris a, e, g. medietas eclipticæ z, h, t. punctus æquinoctij uernalis h. arcus eclipticæ h, l. datus. Palam est qd eius ascensio in hoc horizonte est arcus h, e. quæ quæritur. ¶ Sit polus Septentrionalis k. à quo ueniat quarta circuli magni p l. quæ sit k, l, m. Palam est qd arcus h, l. ascensio recta est h, m. quæ ex superioribus nota est, eius autem & ascensionis oblique differentia est, e, m. quæ sic nota fiet. Quia duo arcus k, m. & e, d. à terminis duorum

g, k.




SECUNDVS.

g, k. & g, e. ducti secant se super l. ergo proportio sinus arcus k, d. ad sinu arcus d, g. composita est ex duabus: scilicet proportione sinus arcus k, l. ad sinum arcus l, m. & proportione sinus arcus m, e. ad sinum arcus e, g. Sed quinque arcus noti sunt, nam k, d. est elevatio poli super horizontem propositum d, g. complementum eius k, l. complementum declinationis puncti, l. & l, m. sua declinatio, & e, g. quarta circuli, igitur per regulam sex quantitatum m, e. cognitus erit, ideoque & h, e. residuus de h, m. datus erit: qui quærebatur.

PROPOSITIO XXII.

In quocunq; horizonte obliquo dato inuentionem iam dictam ad quatuor quantitates redigere. Hinc manifestum est, si sinus altitudinis poli in horizonte tuo ductus fuerit per sinum rotum, & quod exit diuisum per sinum complementi eiusdem altitudinis poli, erit eius quod ex hac diuisione prouenit ad sinum differentiae ascensionum rectae & obliquae, quae quaeritur proportio ueluti sinus complementi declinationis ad sinū eiusdem declinationis proportio.

¶ Habes enim ex præmissa, quòd proportio sinus  $k, d.$  ad sinum  $g, d.$  composita est ex duabus; uidelicet proportionem sinus  $k, l.$  ad sinum  $l, m.$  & proportionem sinus  $m, e.$  ad sinum  $e, g.$  Vtram harum præposueris postremam; nihil defert. Duc sinum  $k, d.$  in sinum  $e, g.$  & exeat  $q.$  divide  $q.$  per sinum  $d, g.$  proueniat  $r.$  Dico quòd  $r.$  ad sinum  $m, e.$  proportio sit sicut sinus  $k, l.$  ad sinum  $l, m.$  proportio. Nam  $k, d.$  sinus in  $e, g.$  sinum facit  $q.$  Item sinus  $d, g.$  in  $r.$  facit etiam  $q.$  ergo per 15. sexti proportio  $k, d.$  sinus ad sinum  $d, g.$  est sicut proportio  $r.$  ad sinum  $e, g.$  quare proportio  $r.$  ad sinum  $e, g.$  componetur quoque ex duabus, ex quibus sinus  $k, d.$  ad sinum  $d, g.$  est composita. Necessè est igitur ut  $r.$  ad sinum  $m, e.$  proportio sit sicut sinus  $k, l.$  ad sinum  $l, m.$  quod est propositum, & correlarij intentio. R. itaque in unaquaque regione proposita semper idem manebit, propterea quòd in ea  $k, d.$   $d, g.$  &  $e, g.$  arcus iidem continue maneant, ex quibus  $r.$  producitur.



PROPOSITIO XXIII.

Cuiuslibet arcus eclipticæ ascensionum rectæ & obliquæ  
differentiam per arcum circuli magni à polo mundi uenientem  
determinare.

¶ Sit circulus meridiani a, b, g, d. medietas horizontis b, e, d. medietas equinoctialis a, e, g. & eclipticæ z, e, h. ita ut e. sectio equinoctialis eclipticæ & horizontis sit punctum uernale. Sit autem de ecliptica arcus e, t. datus, portio paralleli transeuntis per t. sit t, k. à polo meridionali l. procedât arcus quartarum circularum l, t, m, l, k, n, l, e. Palam est arcum zodiaci e, t. in Sphæra recta oriri cum arcu m, e. & in obliqua cum arcu m, n. æquatoris. Oritur enim in obliqua cum arcu paralleli t, k. cui similis est arcus m, n. Cû eadem autem proportionē oriuntur similes arcus parallelorû in omni loco & tempore. Est igitur e, n. differentia ascensionum rectæ & obliquæ arcus ipsius e, t. determinata p arcum circuli magni l, k, n. à polo uenientis, quod est intentum. Quare talis ascensionû differentia semper determinabitur p arcû circuli magni uenientis à polo p punctum sectionis paralleli & horizontis.

D      Propositio


D

## Propositio

# LIBER

## PROPOSITIO XXIII:


Ascensionum rectarū & obliquarum differentias uia compendiosiori deprehendere. Patet ex hoc quòd proportio sinus totius ad sinum ascensionum rectarum alicuius arcus eclipticæ ab Ariete inchoati, sit sicut proportio sinus differentiæ semidiurni minimi & æqualis; ad sinum differentiæ ascensionū rectæ & obliquæ talis arcus.



¶ Maneant horizon meridianus & æquator ut in figura superiori, & punctum h. sit sectio horizontis obliqui & paralleli tropici hiemalis, & sectio horizontis & paralleli transeuntis per finem arcus eclipticæ incepti ab e. puncto uernali, cuius ascensio obliqua quæritur sit k. quartæ magnorum circulorum à polo z. uenientium, sint z, h. t, z. k, l. Palam est ex antedictis l, e. esse differentiam ascensionum quæ quæritur, & t, e. esse differentiam semidiurni minimi & æqualis. Cum autem à terminis duorum arcuum t, z. t, e. reflectantur duo alij z, l. e, h. secantes se in k. fiet proportio sinus z, h. ad sinum h, t. composita ex duabus: scilicet pportione sinus z, k. ad sinum k, l. & sinus l, e. ad sinum e, t. Sed ex ultima primi huius patet, quòd sinus z, h. ad sinum h, t. proportio componitur ex duabus: scilicet proportione sinus z, k. ad sinum k, l. & proportione sinus elevationis rectæ talis arcus eclipticæ, cuius terminus oritur in k. aut cuius parallelus habet declinationem k, l. ad totum. Necesse est igitur ut proportio sinus arcus t, e. ad sinum arcus e, l. sit sicut proportio sinus totius ad sinum elevationis rectæ talis arcus eclipticæ. Patet itaq; propositum.

## PROPOSITIO XXV.

In regione cui polus mundi eleuatur xlvij. gradibus, proportio sinus complementi declinationis alicuius arcus eclipticæ ad sinum declinationis eiusdem, est sicut proportio sinus totius ad sinum differentiæ rectæ & obliquæ ascensionum talis arcus.



¶ Sit talis regionis horizon b, c, d. medietas æquatoris a, e, g. & meridianus a, b, g, d. polus mundi k. punctum uernale sit h. arcus eclipticæ sit h, l. quarta circuli magni à polo uenientis sit k, l, m. erit itaq; arcus equinoctialis h, m. ascensio recta arcus eclipticæ h, l. & eius ascensio obliqua erit h, e. differentia autem harum ascensionum est e, m. Dico quòd proportio sinus k, l. ad sinum l, m. est sicut proportio g, e. sinus ad sinum e, m. Proportio enim sinus k, d. ad sinum d, g. componitur ex duabus: scilicet proportione sinus k, l. ad sinum l, m. & proportione sinus m, e. ad sinum e, g. Sed in hac regione k, d. est æqualis d, g. quare proportio æqualitatis constituitur ex duabus iam dictis. Igitur per regulam de additione proportionum quod fit ex ductu k, l. in sinum m, e. est æquale ei quod fit ex ductu sinus l, m. in sinum totum. Ideo per 15. sexti proportio sinus k, l. ad sinum l, m. est sicut proportio sinus totius ad sinum m, e. quod est intentum.

## PROPOSITIO XXVI.

In omni alia regione obliqua proportio sinus complementi  
altit



## S E C V N D V S.

altitudinis poli ad sinum altitudinis poli est sicut proportio sinus differentiae ascensionum rectae & obliquae alicuius arcus eclipticae, in regione cui polus eleuatur xlv. gradibus ad sinum differentiae ascensionū rectae & obliquae eiusdem arcus eclipticae in tali alia regione.

¶ Repetatur proxima, nisi quod  $k, d.$  &  $d, g.$  iam sint inaequales  $h, l.$  tamen &  $k, l.$  &  $l, m.$  manent eiusdem quantitatis ut in proxima, & sit gratia exempli  $k, d.$  iam 40. gradus. Dico quod in regione cui polus eleuatur 40. gradus, proportio sinus  $d, g.$  ad sinum  $k, d.$  est sicut proportio sinus  $m, e.$  in regione cui polus eleuatur 45. gr. ad sinum  $m, e.$  in regione cui polus eleuatur 40. gr. Nam in regione eleuationis poli 40. gr. proportio sinus  $k, d.$  ad sinum  $d, g.$  composita est ex duabus: scilicet proportionem sinus  $k, l.$  ad sinum  $l, m.$  & proportionem sinus  $m, e.$  in illa regione ad sinum  $e, g.$  Sed proportio sinus  $k, l.$  ad sinum  $l, m.$  per praemissam est sicut proportio sinus totius ad sinum  $m, e.$  regionis eleuationis poli 45. gr. ergo proportio sinus  $k, d.$  ad sinum  $d, g.$  in regione 40. est composita ex duabus: scilicet proportionem sinus totius ad sinum  $m, e.$  in regione 45. & proportionem sinus,  $m, e.$  in regione 40. ad sinum totum, utram harum ultimarum praeposueris, nihil interest. Faciunt enim simul proportionem sinus  $m, e.$  in regione 40. ad sinum  $m, e.$  in regione 45. igitur conuersum proportio sinus  $d, g.$  ad sinum  $k, d.$  in regione 40. est sicut proportio sinus  $m, e.$  in regione 45. ad sinum  $m, e.$  in regione 40. quod est propositum. Reducta itaque proportionem sinus  $d, g.$  ad sinum  $k, d.$  in tua regione ad terminos, quorum primus sit articulus, in figuris significatiuis tantum unitatem habens, & habitis sinibus differentiarum ascensionum rectarum & obliquarum in regione 45. gr. facillimum erit componere tabulam ascensionum obliquarum.

### P R O P O S I T I O    X X V I I.


Hac iam dicta ex uigesima secunda huius decerpere.

¶ Ibidem conclusum est, proportionem sinus  $k, d.$  ad sinum  $d, g.$  ex duabus componi: scilicet proportionem sinus  $k, l.$  ad sinum  $l, m.$  & proportionem sinus  $m, e.$  in horizonte obliquo dato ad totum. Ex sinu  $l, m.$  in totum fiat  $q, q.$  diuisum per sinum  $k, l.$  faciat  $r.$  Fiat igitur per 15. sexti proportio sinus  $k, l.$  ad sinum  $l, m.$  sicut proportio sinus totius ad  $r.$  Sed per 25. huius talis etiam est proportio sinus totius ad sinum  $m, e.$  in regione 45. quare per nonam quinti  $r.$  erit aequalis sinui  $m, e.$  in regione 45. ex sinu  $k, l.$  in sinum  $m, e.$  alterius regionis fiat  $f.$  erit ex additione proportionum  $q.$  ad  $f.$  proportio sicut sinus  $d, g.$  ad sinum  $k, d.$  Sed per 15. quinti sic est etiam proportio  $r.$  ad sinum  $m, e.$  alterius regionis, quare patet propositum.


### P R O P O S I T I O    X X V I I I.

Si super duo puncta eclipticae aequaliter à puncto uernali aut autumnali remota, duo arcus circulorum magnorum à polo mundi ueniant, causabunt duos angulos ex eadem parte eclipticae extrinsecum aequalem intrinseco sibi opposito.

¶ Sit medietas æquinoctialis  $a, b, g.$  medietas eclipticae  $d, b, e.$  punctus  
D ij                      equino




# LIBER



equinoctij b. duo puncta eclipticæ sunt h. & t. æqualiter à puncto b. remota. Duo arcus circulorum magnorum à polo z. ueniant super illa puncta, qui sunt z, k. h, z. t, l. Dico angulū z, t, e. æqualem esse angulo z, h, b. Est enī k, h. æqualis l, t. propter declinationes æquales, & b, l. æqualis b, k. ppter æquales ascensiones rectas, ideo triangulū b, h, k. & b, t, l. sunt æquilateri, igitur & æquianguli per ea quæ ex Theodosio & Mileo trahuntur. Ergo angulus b, h, k. æqualis est angulo b, t, l. Sed b, t, l. est æqualis contrapposito z, t, e. igitur propositum &c.

## PROPOSITIO XXIX.


Tales autē duos angulos pariter duobus rectis equos esse, dū puncta eclipticæ talia equaliter à puncto tropico distiterint.



¶ In arcu eclipticæ a, b, g. punctum tropicum sit b. duo puncta æqualiter ab eo remota sint e, & d. super quæ à polo z. arcus magni ueniant z, e. z, d. Dico angulum z, e, g. cum angulo z, d, b. pariter duobus rectis equos esse, quia b, e. æqualis est b, d. erit propter declinationes pares z, e. æqualis z, d. ergo anguli super basim e, d. sunt æquales. Sed unus eorum cum angulo extrinseco alterius simul sunt æquales duobus rectis, ergo patet propositum.

## PROPOSITIO XXX:


Angulus ex concursu meridiani & eclipticæ in puncto tropico rectus est.



¶ Sit meridianus a, b, g, d. medietas eclipticæ a, e, g. in qua a. sit punctū tropicum. Erunt enim tunc poli eclipticæ in meridiano, scilicet d. & b. unde a, d. erit quarta circuli. Sic & d, g. describamus circuli magni medietatē euntē per polos d, & b. huiusq; poli sint a, & g. hic secet a, e, g. in e. constabit a, e. quartam esse sicut e, & g. Quia itaq; à polo d. circuli a, e, g. descendunt arcus circulorum magnorum super circulum a, e, g. scilicet d, a, d, e, d, g. necesse est ut quisq; sit quarta, ergo d, e. est quarta, sed ipse subtenditur angulo a, igitur angulus d, a, e. est rectus, quod est intentum.

## PROPOSITIO XXXI.

Angulos tales in punctis equinoctiorum prouenientes paterfacere.



¶ Meridianus a, b, g, d. poles mundi teneat b. & d. medietas æquatoris sit a, e, g. & eclipticæ a, z, g. ita ut a. sit punctum autumnale per polos mundi & puncta tropica circuli magni procedentis, medietas sit d, b. qui erit colurus solstitiorum, ideo z. punctum hiemale, & maxima e, z. declinatio. & e, d. quarta circuli, ergo anguli d, a, z. quantitas est arcus d, e, z. cognitus, & per ante præmissam residuum de duobus rectis, est quantitas huius anguli in puncto uernali prouenientis.

## PROPOSITIO XXXII.

Angulum talem in quolibet alio puncto eclipticæ prouenientem inquirere.



SECUNDVS.



¶ Si hos angulos sciuerimus per quartam eclipticæ quæ est à puncto æstiuo in punctum autumnale, tunc ex doctrina 28. atq; 29. huius sciemus eos etiam in reliquis tribus quartis.

¶ Sit igitur meridiani circulus a, k, g, d. æquatoris medietas a, e, g. eclipticæ medietas b, z, d. ita ut z. sit punctum autumnale, & b. unus de punctis eclipticæ in quarta quæ est à puncto æstiuo in punctum autumnale. Inuenire uolumus angulum k, b, z. Fiat medietas circuli magni k, e, t, h. cuius poli sint b. & d. unde b, t. erit quarta, sicut & b, h. quod à polo circuli k, t, h. ueniant super eum circumulum. Item quia amborum circumulorum a, e, g. & h, e, k. poli sint in circulo a, b, g, d. oportet ut e. sit polus circuli a, b, g, d. ergo & e, h. quarta. Sed proportio sinus b, a. ad sinum a, h. componitur ex duabus: scilicet proportione sinus b, z. ad sinum z, t. & proportione sinus t, e. ad sinum e, h. B, a autem est declinatio puncti b. dati, a, h. complementum eius b, z. est arcus zodiaci notus z, t. complementum eius, & e, h. est quarta circuli, ideo per regulam sex quantitatũ t, e. notus fiet. Sed e, k. est quarta, ideo p̄ totus k, t. arcus, qui est quantitas anguli t, b, k. datus erit. Conemur id modo in quatuor quantitates redigere.

PROPOSITIO XXXIII.

Proportio sinus complementi declinationis puncti eclipticæ dati ad sinum complementi maximæ declinationis, est sicut proportio sinus arcus talis eclipticæ à sectione æqualitatis ad punctum datum ad sinum suæ ascensionis rectæ.


¶ Repetatur figura ultima primi huius, in qua meridians uicem coluri solstitiorum habens est a, b, g, d. equatoris medietas a, e, g. eclipticæ b, e, d. est sectio æqualitatis arcus e, h. datus. Polus mundi sit z. à quo ueniat quarta circuli magni z, h, t. erunt ex prioribus t, h. declinatio puncti h, h, z. complementum eius, & ascensio recta arcus e, h. erit e, t. Dico proportionem sinus z, h. ad sinum z, b. arcus, qui est complementum maximæ declinationis, esse sicut proportionem sinus e, h. ad sinum e, t. Quod sic patet: Quia proportio sinus z, b. ad sinum b, a. componitur ex duabus: scilicet proportionem sinus z, h. ad sinum h, t. & proportionem sinus t, e. ad sinum totum, scilicet arcus e, a. Pono inter sinum z, b. & sinum z, h. medio loco sinum b, a. tunc constabit, quod proportio sinus z, b. ad sinum z, h. componitur ex duabus: scilicet proportionem sinus z, b. ad sinum b, a. & proportionem sinus b, a. ad sinum z, h. ergo proportio sinus z, b. ad sinum z, h. constabit ex tribus: scilicet proportionibus sinus b, a. ad sinum z, h. & sinus z, h. ad sinum h, t. & sinus t, e. ad sinum totum. Sed primæ duæ faciunt proportionem sinus, b, a. ad sinum h, t. ergo proportio sinus z, b. ad sinum z, h. componitur ex duabus: scilicet proportionem sinus b, a. ad sinum h, t. & proportionem sinus t, e. ad sinum totum. Proportio autem sinus b, a. ad sinum h, t. per correlarium penultimæ primi huius, & per mutatam proportionalitatem est ut proportio sinus totius ad sinum e, h. quare proportio sinus z, b. ad sinum z, h. componitur ex duabus: scilicet proportionem sinus totius ad sinum e, h. & proportionem sinus t, e. ad sinum totum, utram harum præposueris, nihil uariat. Sed componunt proportionem sinus t, e. ad sinum e, h. quare proportio sinus z, b. ad sinum z, h. est sicut proportio sinus t, e. ad sinum e, h. ideoque conuersim patet propositum. ¶ Ex hac iterum habes inuentionem ascensionum rectarum ad quatuor quantitates redactam.



# LIBER

## PROPOSITIO XXXIII.


Proportionem sinus cōplementi declinationis puncti eclipticæ, dati ad sinum complementi maximæ declinationis, esse ut proportionem totius sinus ad sinum anguli ex sectione eclipticæ & meridiani super dato puncto prouenientis.



¶ Repetatur figura ante præmissæ, in qua b, a, fuit declinatio puncti b, dati, & a, h, complementum eius. Dico quod proportio sinus a, h, ad sinum complementi maximæ declinationis est sicut proportio sinus totius ad sinum t, k, arcus, qui est quantitas anguli t, b, k. Nam proportio sinus t, k, ad sinum totum scilicet arcus k, e, est composita ex duabus: scilicet proportionem sinus totius, qui est arcus t, b, ad sinum arcus b, z, & proportionem sinus z, a, ad sinum z, e, qui est totus, utram harum postremarum ante posueris, non mutatur. Ipse enim faciunt proportionem sinus z, a, ad sinum z, b, quare proportio sinus t, k, ad sinum totum, est ut proportio sinus z, a, ad sinum z, b, z, a, autem est ascensio recta arcus eclipticæ z, b. Ideoq; cum præmissam sinus z, a, ad sinum z, b, proportio sit sicut proportio sinus complementi maximæ declinationis ad sinum h, a, erit proportio sinus t, k, ad sinum totum uelut proportio sinus cōplementi maximæ declinationis ad sinum h, a, ergo conuersim patet propositio. Habemus igitur hoc opus reductum ad quatuor quantitates, in quibus duæ semper eadem manent, quod non paræ facilitatis erit,

## PROPOSITIO XXXV.

Omnes duo anguli ex concursu eclipticæ & horizontis obliqui qui in punctis eclipticæ æqualiter à punctis æquinoclii remotis prouenientes ex eadem parte extrinsecus, uidelicet intrinseco opposito sibi sunt æquales.



¶ Sit meridianus a, b, g, d, horizontis obliqui mediætas b, e, d, æquatoris mediætas a, e, g, duo arcus æquales eclipticæ z, h, & k, l, ita ut tam z, q; k, sit punctum autumnale. Dico angulum e, h, t, æqualem esse angulo d, l, k. Sunt enim trianguli z, h, e, & k, l, e, æquorum laterū. Nam z, h, æquale k, l, h, e, æquale l, e, ut ex secunda huius ostendi potest, & basis e, z, æqualis basi e, k, propter ascensiones rectas æquales, ut ex 33. huius trahitur, igitur anguli æquis lateribus contenti æquales erunt, sic angulus e, h, z, æqualis est angulo e, l, k, quare residuus e, k, t, æqualis residuo d, l, k, quod est intentū.

## PROPOSITIO XXXVI.

Tales duos angulos, quorum unus sit in oriente, alter in occidente, unus quidem extrinsecus, alter intrinsecus ex eadem parte eclipticæ oppositus, simul æquales duobus rectis esse.

¶ Sint horizontis circulus a, b, g, d, & circulus eclipticæ a, e, g, z, se in punctis a, & g, secantes. Dico duos angulos d, g, z, & d, a, e, simul duobus rectis æquales esse. Nam duo anguli z, a, d, æquales angulo z, g, d, ex eo quia arcus maximæ declinationis horum circulorum uelut arcus d, z, transiens



## S E C V N D V S.

scis per puncta maximæ declinationis eorum est unus, quare duo anguli d, g, z. & d, a, e. simul sunt æquales duobus rectis, quod est propositum.

¶ Ex hoc manifestum est.

Duos angulos tales qui fiunt in punctis eclipticæ à puncto tropico æqualiter remotos, orientalem quidem unum, alium occidentalem simul duobus rectis æquales esse.

¶ Quoniam enim in punctis eclipticæ æqualiter à punctis æquinoctiæ remotis, duo anguli orientales ambo sunt æquales, ut in præmissa angulus m, h. æqualis angulo m, l. ideoq; & anguli occidentales duorum punctorum punctis h, & l. oppositorum unus alteri est æqualis. Sed angulus orientalis puncti h. cum angulo occidentali puncti oppositi l. sunt punctorum æqualiter à puncto solstitij remotorum, sed ipsi simul sunt æquales duobus rectis, igitur. Notis itaq; angulis orientalibus ab ariete in libram, noti fient anguli orientales alterius medietatis, ut ex his patefient anguli occidentales utriusq; medietatis.

### P R O P O S I T I O    X X X V I I.



Angulos dictos in punctis æquinoctiorum patefacere.

¶ Sit meridianus a, b, g, d. horizon obliquus a, e, d. quarta æquinoctialis z, e, z. punctum uernale quartæ eclipticæ e, g. Item & e, punctum autumnale quartæ eclipticæ e, b, g. punctus solstitij æstivalis, b. hiemalis. Dico angulos d, e, g. & d, e, b. notos fieri, ex ratione Sphæræ patet z, b. & z, g. esse maximas declinationes eclipticæ, & d. complementum altitudinis poli, cui si abstuleris z, g. aut addideris z, b. prouenient arcus d, g. & d, b. notos, scilicet quantitates angulorum d, e, g. Sed d, e, b. est orientalis, qui fit in puncto uernali. Residuum uero de duobus rectis est occidentalis, qui fit in eodem puncto d, e, b. autem est orientalis, qui fit in puncto autumnali, residuum de duobus rectis est occidentalis, qui fit in eodem puncto.

### P R O P O S I T I O    X X X V I I I.

Angulum orientalem qui fit ex sectione eclipticæ & horizonis obliqui apud quodcunq; punctum eclipticæ per motum cœli medium & eius declinationem inuestigare.

¶ Sit meridianus a, b, g, d. medietas eclipticæ a, e, g. cuius duo puncta a, & e. sunt data, medietas horizonis obliqui sit e, d. Sit autem exempli gratia e. punctus primus tauri. Ideoq; per ascensiones notus erit punctus a. in medio cœli, & ei oppositus g. hinc arcus e, g. datus erit, sed ipse in regionibus septentrionalibus minor est quarta circuli. Sit itaq; quarta e, g, h. per h. eat circulus magnus, cuius polus sit e. secans horizontem in t. & meridianum in z. Quia itaq; anguli ad d. & t. sunt recti, necesse erit ut z. sit polus horizonis, ideoq; z, d. & z, t. sunt quartæ. Item per declinationem gradus mediæ cœli, & latitudinē regionis nota fiet altitudo meridiana gradus mediæ cœli, scilicet arcus a, b. cui est æqualis arcus d, g. Sed proportio sinus z, t. ad sinum t, h. componitur ex duabus: scilicet proportione sinus z, d. ad sinū d, g. & pportione sinus e, g. ad sinū e, h. Sed quinque ex his arcibus sunt noti, nā z, t, z, d. & e, h. sunt quartæ d, g. altitudo meridiana puncti



# LIBER

¶ Si medij coeli g, e. distantia gradus ascendentis à gradu mediæ noctis, igitur arcus t, h. notus fiet, qui est quantitas anguli d, e, g. qui quærebatur.

¶ Ex his trahitur illud correlarium.

Proportio sinus totius ad sinum anguli qui quæritur, est sicut proportio sinus arcus eclipticæ inter puncta ascendentis & medij coeli ad sinū altitudinis puncti eclipticæ in medio coeli.

¶ Patet, nam proportionem duarum quæ componunt primam, faciunt proportionem sinus g, e. ad sinum g, d. Sinus autem g, e. est idem cum sinu a, e. quod a, e, g. sit semicirculus, igitur &c.

## PROPOSITIO XXXIX.




Quælibet duo puncta eclipticæ ab alterutro puncto tropico æqualiter remota, dum à meridiano ad utramque partem per æquos paralleli arcus sui distiterint, æquales habent à circulis altitudinum à zenith distantias. Anguli quoque duo qui fiunt ex concursibus circularum altitudinum, & eclipticæ in illis punctis extrinsecus cum intrinsecus sibi ex eadem parte opposito simul sunt duobus rectis æquales.

¶ Sit portio meridiani a, b, g. in qua b. polus horizonis g. polus mundi arcus eclipticæ unus a, z, h. uersus occidentem, alter a, d, e. uersus orientem, in quibus sint duo puncta z. & d. æqualiter ab alterutro puncto tropico remota, distentque per æquos arcus paralleli sui à meridiano ductis arcibus circularum altitudinum b, z. b, d, g, z. & g, d. Dico duos arcus b, z. & b, d. æquales esse, & angulos b, z, a. & b, d, e. simul æquos esse duobus rectis. Nam propter æquales punctorum z. & d. à meridiano distantias fiet angulus b, g, z. æqualis angulo b, g, d. & propter pares declinationes g, z. erit æqualis g, d. Hinc cum b, g. latus commune sit utriusque triangulo b, g, z. b, g, d. concludes b, z. æqualem b, d. quod est primum. Et angulum b, z, d. æqualem angulo b, d, g. Sed ex 29. huius angulus g, z, a. cum angulo g, d, e. simul sunt æquales duobus rectis, dempto itaque b, z, g. ex uno & alteri, addito b, d, g. fient duo anguli b, z, a. & b, d, e. simul æquales duobus rectis, quod est secundum.

## PROPOSITIO XL.

Cum fuerit idem punctus eclipticæ ad utramque partem à meridiano per arcus paralleli sui æqualiter remotus, æqualis erit à polo horizonis distantia. Anguli quoque ex sectionibus circularum altitudinum cum ecliptica in eo puncto extrinsecus cum intrinsecus sibi ex eadem parte opposito simul sunt æquales duplo anguli qui fit ex meridiano & ecliptica super eodem puncto eclipticæ, siue puncta eclipticæ, tunc cælum medianua sint meridiana à polo horizonis, siue septentrionalia.

¶ Sit portio meridiani a, b, d. in qua sit polus horizonis g. polus arcticus d. duæ portiones eclipticæ a, e, z, b, h, t. in quibus h. & e. idem punctum eclipticæ representant, cum æqualiter à meridiano hinc atque inde distiterint per arcus paralleli sui e. quidē orientale h. occidentale, & puncta eclipticæ





SECUNDVS.

PROPOSITIO XLI.

Si noti fuerint anguli antemeridiani ad unum quodq; punctum zodiaci ab initio cancri ad capricornum, noti etiam erunt anguli

# LIBER

anguli eorundem postmeridiani. Reliquæ quoq; medietates  
zodiaci utriq; anguli cogniti fient.

¶ Patet ex duabus præmissis & præsentī.

## PROPOSITIO XLII.

Apud punctum eclipticæ cœlum medians, aut in horizon-  
te existens, angulum ex coincidentia circuli altitudinis & eclipti-  
cæ, atq; arcum inter polum horizontis & punctū notum esse.

¶ Sit meridianus a, b, g, d, medietas horizontis b, e, d, medietas eclipticæ z, e, h, poli horizontis a, & g, apud punctum z, datum ex 32. aut 34. huius noscetur angulus a, z, e, qui quæritur. Hinc ex declinatione puncti, z, & nota regionis latitudine noscetur, & arcus a, z, scilicet apud punctum e, in oriente, quia a, c, d est rectus, & ex 38. huius per punctum e, noscetur angulus d, e, h, quare totus a, e, h, qui quærebatur notus fiet. Arcus vero a, e, est quarta circuli.

## PROPOSITIO XLIII.

Proportionem circuli altitudinis à polo horizontis usq; ad  
punctum eclipticæ datum ex noticia punctorum ascendantis  
& medij cœli deprehendere.

¶ Sit meridianus a, b, g, d, medietas horizontis b, e, d, portio eclipticæ, z, h, t, z, quidem punctus medij cœli, & t, oriens puncti dati. Item in hac portione sit h, punctus, p quem & polos horizontis eat circulus magnus, cuius medietas sit a, h, e, g, secans horizontem in e, quærimus quantitatem arcus a, h, quia proportio sinus a, b, ad sinum b, z, ex duabus componitur: scilicet proportione sinus a, e, ad sinum e, h, & sinus h, t, ad sinum t, z. Sed a, b, & a, e, quartæ b, z, altitudo est meridianæ puncti medij cœli, quæ nota est ex declinatione & latitudine regionis h, t, distantia puncti h, à puncto ascendantis dato t, z, distantia medij cœli à puncto ascendantis, quare & e, h, notum erit, hinc eius complementum scilicet a, h, qui quærebatur.

Correlarium.

Proportio sinus arcus eclipticæ inter puncta orientis & medij cœli ad sinum altitudinis meridianæ puncti medij cœli, est sicut proportio sinus arcus eclipticæ inter orientem punctum & punctum eclipticæ datum ad sinum altitudinis eiusdem puncti.




¶ Nam ex sinu toto in sinū e, h, fiat m. Item ex sinu toto in sinum b, z, fiat n, ex regula subtractionis constat m, ad n, esse proportionem sinus h, t, ad sinum t, z. Sed m, ad n, per 15. quinti est ut proportio sinus e, h, ad sinum b, z, quare proportio sinus h, t, ad sinum t, z, est ut sinus e, h, ad sinum b, z, permutatim igitur conclude correlarium.

## PROPOSITIO XLIII.

Aliter idem perquirere.

¶ Constituo t, polum circuli magni transeuntis per maximam declinationem eclipticæ ab horizonte, cuius quarta sit a, n, o, eritq; t, n, quarta similiter t, o, quarta, & ppter angulos n, & o, rectos necesse est eum ire per polos horizontis & eclipticæ.

Quantitas





## SECUNDVS.

Quantitas anguli  $h, t, e$ , nota est ex 38. huius, & ipsa est arcus  $n, o$ . & quia proportio sinus  $a, o$ , ad sinum  $o, n$ , componitur ex duabus: scilicet proportionem sinus  $a, e$ , ad sinum  $e, h$ , & proportionem sinus  $h, t$ , ad sinum  $t, n$ . Sed  $a, o, a, e$ , &  $t, n$ , sunt quartæ circularum, ideo cum etiam  $n, o$ , &  $h, t$ , notifint, notus erit  $h, e$ . Hinc eius complementum  $a, h$ , quod quærebatur.

Palam igitur ex hoc quod proportio sinus totius ad sinum altitudinis puncti eclipticæ per quartam ab ascendente, est sicut proportio sinus distantie puncti eclipticæ dati ab ascendente ad sinum suæ altitudinis,



¶ Dux enim postremæ ex quibus prima componitur: componunt proportionem sinus  $h, t$ , ad sinum  $e, h$ .

### PROPOSITIO XLV.

Apud quodlibet aliud punctum eclipticæ angulum ex coincidentia circuli altitudinis & eclipticæ inuestigare.

¶ Resumiatur figura antepremissæ, quærimus angulum  $a, h, t$ , constituto  $h$ , polum circuli magni, cuius portio sit  $k, l, m$ , duorum circulorum maiorum  $b, e, d, k, l, m$ , poli sunt in circulo  $a, e, g$ , ideo  $e, k$ , erit eorum maxima declinatio, quare  $e, & h$ , distant per quartas à sectione  $m$ , eruntq;  $h, k$ , &  $h, l$ , quartæ. Quia uero proportio sinus  $h, e$ , ad sinum  $e, k$ , componitur ex duabus: scilicet proportionem sinus  $h, t$ , ad sinum  $t, l$ , & proportionem sinus  $l, m$ , ad sinum  $m, k$ . Arcus autem  $h, e, e, k, h, t, l$ , &  $m, k$ , noti sunt. Nam  $h, e$ , est altitudo puncti dati nota per alteram præmissarum  $e, k$ , est eius complementum,  $h, t$ , distantia puncti dati ab ascendente  $t, l$ , eius complementum  $m, k$ , quarta circuli, igitur  $l, m$ , notus fiet, quare residuum de quartâ: scilicet arcus  $l, k$ , notus erit, qui est quantitas anguli  $k, h, l$ , ergo residuus de duobus rectis: scilicet angulus  $a, h, t$ , notus fiet, qui quærebatur.

FINIT LIBER SECUNDVS.



# LIBER TERTIVS

SOLSTITIORVM ET EQVINOCTI-  
orum tempus, Anni quantitatem, Solis in eadem puncta in-  
gressionem, eiusq; Medium motum, Luminariorum & Plane-  
tarum Motus æqualis, & Apparentis diuersitatem, Radicis  
motus alicuius constitutionem, Diei Naturalis Equalis  
siue Astronomici, Diuersi quoq; siue Apparentis  
discrepantiam, Horum & Causas & Modos  
indicando serie edocet.

## PROPOSITIO PRIMA.




INGRESSVM SOLIS IN  
punctum æquinoctij instrumenti adiuto-  
rio colligere.

¶ Disponatur quadrans a, b, c. in superficie me-  
ridiana, sicut in 16. primi huius ostensum est, & cū  
eo prope æquinoctij tempus, quod facile ex meri-  
dianis altitudinibus conijcies, obserua. Note namq;  
prius tibi sunt per obseruationes tuas regionis tuæ  
altitudo, maxima Solis declinatio, etiam ad singula puncta eclipticæ decli-  
nationes ipsæ. Ideo si aliquo die altitudo meridiana fuerit præcise comple-  
mentum altitudinis poli in tua regione, scito eo die in meridie æquinocti-  
um esse. ¶ Per altitudines autem meridianas proximo maiores, & mino-  
res complemento altitudinis poli: si nulla altitudo meridiana præcise æqua-  
lis sit complemento altitudinis poli, reperies horam ingressus Solis in pun-  
ctum æquinoctij sic. Si fuerit iuxta uernale, pro quolibet minuto differen-  
tiæ minoris altitudinis meridianæ & complementi altitudinis poli unam  
horam accipe, horisq; à meridie præcedentis æquinoctij numeratis fit talis  
ingressus. Si autem iuxta autumnale fuerit, tot horis à meridie præceden-  
te æquinoctium computatis, quot sunt minuta differentiæ maioris altitudi-  
nis meridianæ & complementi altitudinis poli, fiet ingressus in æquinocti-  
um. Tale tamen obseruationi autumnali magis conuenit, quia tunc aer pur-  
ior fit. ¶ Ingressus uero in puncta tropica difficilioris sunt obseruatio-  
nis, propterea quod tunc declinatio Solis parum & insensibiliter uarietur,  
propter quod ferè ad quatuor dies eadem altitudo Solis meridiana maneat.  
Sed ingressus in æquinoctij puncta magis huic rei commodi sunt, quod tūc  
declinatio Solis multum uarietur, sicut altitudo meridiana in die 24. mi-  
nutis unius gradus uel augeatur uel minuat.

## PROPOSITIO II.

Anni quantitatem per obseruationem elicere.

¶ Diuersi diuersas circa anni quantitatem considerationes habuere. Ve-  
rustissimi enim Egyptiorum annum Solarem reditionem Solis ad aliquam  
stellarum fixarū esse dicebant. Inueneruntq; id fieri in 365. diebus, quarta  
diei, & 130. parte diei. Verum hæc anni assignatio non conuenit, propte-  
rea quod stellæ fixæ motū separatum habeant à motu totius, pariq; ratione  
reuerſio Solis ad Iouem uel Saturnū annus dici deberet. Ideo Hyparchus  
& Pro-





## TERTIVS.

& Ptolemæus dixerunt annum esse reditum Solis in aliquod punctū equi-  
noctij aut solstitij. Quantum itaq; temporis est ab ingressu Solis in punctū  
equinoctij autumnalis usq; proximum eius ingressum in idem punctum,  
tantam quantitatem annus habere dicitur. Verum propter instrumentorū,  
quibus tales ingressus deprehenduntur, fallaciam, uix potest uera anni quan-  
titas inueniri, nisi per multorū annorum spacium. Quantoq; inter duas ob-  
seruationes maius temporis intercadat, tanto ueracius hanc anni quantita-  
tem reperire poterimus. Hinc Hypparchus reperit annum 365. dierum, &  
quartæ unius. Ptolemæus uero 365. dierum, & quartæ unius minus 300.  
partediei. Hac uia procedens sumit obseruationē Hypparchi, qua subtiliter  
ut dicit, equinoctiū autumnale considerauit in anno tricesimo secundo re-  
uolutionis tertie. Fuitq; à morte Alexandri anno 178. ægyptio, & dicit  
eam fuisse die tertia ex quantitate, superaddita hora noctis media in Ale-  
xandria, cuius crastinum fuit dies quarta superadditarū. Sumit deinde con-  
siderationē suam, qua anno 463. ægyptio à morte Alexandri equinoctiū  
autumnale considerauit. Dicitq; eam fuisse nona die mensis Athyr, qui est  
tertius ægyptiorū, post ortum Solis ferè per unam horam. Interuallū autem  
inter ambas obseruationes fuit 285. anni ægyptij 70. dies, & quarta, & ui-  
cesima diei. Quia itaq; in hoc interuallo fuerunt 285. reuersiones Solis, & si  
annus constitisset ex 365. diebus, & quarta unius, oportuisset ipsum inter-  
uallum fuisse 285. anni ægyptij 71. dies, & quarta unius. Sed non fuit in-  
teruallū nisi 285. anni 70. dies 7. horæ, & quinta unius, ergo minor quan-  
titas anni est 365. diebus, & sex horis. Differentia uero inter hæc interual-  
la est 23. horæ, & quatuor quintæ unius, qui sunt 19. uicesimæ unius diei.  
Proportio autem 19. ad 20. est uelut 285. annorum ad 300. annos, quare  
conclufit Ptolemæus, quod in 300. annis solaribus deficiat unus dies à num-  
mero dierum quem facerent 300. anni, si annus ex 365. diebus, & quar-  
tæ unius constaret. Ideoq; ueram anni quantitatem constare dicebat ex 365.  
diebus, & quarta unius, minus 300. parte diei. Hanc eandem quantitatem  
reperit uia simili per obseruationes plures. Deinde Albategni anno à mor-  
te Alexandri 206. scilicet post Ptolemæum annis 743. obseruans consi-  
derationē suam cū Ptolemæi considerationibus cōparando, reperit in 106.  
annis, unum diem deficere à numero dierum, quem 106. anni constituit,  
dum quilibet ex 365. diebus, & quarta unius, minus 106. parte diei, quæ est  
13. minuta horæ, & tres quintæ unius minuti. Nam consideratio Albategni  
fuit post prædictam autumnalē annis 743. ægyptijs. 178. diebus cum me-  
dietate & quarta diei minus duabus quintis unius horæ. Ptolemæus enim  
in Alexandria considerauit, Albategni uero in Aracta, quæ est orientalis  
in gradibus 10. Et æqualitas Albategni fuit ante Solis ortum horis 4. &  
tribus quartis unius ferè respectu sui meridiani. Ptolemæi uero respectu  
meridiani Albategni fuit post ortum hora una & duabus tertijs unius. Sic  
ultra dies integros in interuallo fient horæ 15. & tres quintæ unius ferè. An-  
ni autem solares 743. unoquoq; anno ex 165. diebus & quarta constante.  
Sunt 743. anni ægyptij 185. dies 18. horæ quæ excedunt ipsum interual-  
lum in 7. diebus & 25. minutis horæ, quæ si diuisa fuerint per 743. annos  
solares, fiet ut unī anno proueniant 13. minuta horæ, & tres quintæ unius  
minuti. Posuit igitur annum solare 365. dies 5. horas 46. minuta & duas  
quintas unius. propter huiusmodi diuersitatē in quantitate anni à uarijs re-  
perta, similibus tamē instrumentis & uijs quæ sita Thebit causam huius di-  
uersitatis inquirens per motus fuit, ut motū octauæ sphaeræ, quem trepidat-

# LIBER

tionis dicimus, super duobus circulis paruis, in quibus caput Arietis & Libra circumferuntur ponat. Qua positione tam uariationes declinationum eclipticæ, quàm anni uarias quâtitates saluare nititur, ut patet huius motus qualitatem contemplanti. Dixitq; anni quantitatem non esse tempus ab æquinoctio ad simile æquinoctium, nec à solstitio ad simile solstitium, sed residuum Solis ab aliquo puncto eclipticæ mobilis in idem, siue reuersione Solis ab aliqua stella fixa ad eandem, quod dixit fieri in 365. diebus 6. horis 9. minutis, & 12. secundis.

## PROPOSITIO III.

Medium motum Solis tabulare.


¶ Ex præmissa cognoscitur, quâto tempore Sol medio motu suo circuli id est 360. gradus perficit. Per tot igitur dies & fractiones suas si 360. gr. diuiseris, habebis medium motum Solis in una die, hunc Ptolemæus posuit 59. minuta 8. secunda 17. tertia 13. quarta 12. quinta, & 31. sexta. Ex hoc facile tabulas compones.

## PROPOSITIO IIII.

Duos esse modos, quibus motus planetæ æqualis in orbe suo diuersus appareat in orbe signorum.

¶ Vnus est secundum orbem eccentricum tantum, alius secundum orbem concentricum cum epicyclo. Sit enim orbis eccentricus a, b, g, d, cuius centrum e, sit extra centrum mundi z. diameter eius transiens per longitudinem longiorem a, & propiorem d, & per ambo centra sit a e, z, d. Dico si planeta moueatur æqualiter in orbe a, b, g, d, tunc motus eius apparebit diuersus super centro mundi z. Sint enim a, b, & g, d, arcus æquales, ductis lineis e, b, e, g, z, b, & z, g, constabit per ultimam sextiangulos a, e, b, & d, e, g, esse æquales, sed per 21. prima e, b, est maior angulo a, z, b, & g, e, d, est minor angulo g, z, d, igitur angulus g, z, d, maior est angulo a, z, b. Teneat, quia quicquid est maius maiore, est maius minore. Sed in tempore æquali secant hos angulos, eo quod arcus a, b, æqualis est arcui g, d, igitur motus æqualis respectu e, centri, fiet diuersus respectu z, centri. Item sit concentricus planetæ a, b, g, d, sup centro mundi e, & in circumferentiâ huius concentrici sit centrum orbis epicycli a, & circumferentia epicycli z, h, t, k, & diameter transiens per centrum mundi, centrum epicycli, & longitudinem longiorem epicycli z, & propiorem t, sit z, a, t, e, g. Dico si centrum epicycli a, moueatur æqualiter in concentrico a, b, g, d, & planeta moueatur æqualiter in circumferentiâ z, h, t, k, motus eius æqualis in his apparebit diuersus super centro e. Nam ductis lineis e, h, e, k, si planeta motus sit per arcum epicycli z, h, motus eius in epicyclo addet super motum centri epicycli in concentrico arcum anguli a, e, h, & si motus sit per arcum t, k, motus eius in epicyclo minuet de motu centri epicycli in concentrico arcum anguli a, e, k, addet itaq; super motum æqualem per unam medietatē epicycli, scilicet z, h, t, & per alteram scilicet t, k, z, minuet ab eodem. Sic in una medietate epicycli apparens maior est medio, in altera uero minor. Hinc palam est quod secundum uiam eccentrici maior est motus apparens in longitudine propior q̃ in longiori. ¶ Secundum uiam aut concentrici cum epicyclo, potest tam in longitudine longiori, q̃ in propiori motus maior accidere. In figura enim eccentrici angulus g, z, d, maior est angulo a, z, b, In figura aut epicycli ab a.

uersus





SECVNDVS.

uersus b. moueatur, si motus planetę sit a, z. uersus h. maior est motus in longitudine longiori. Sed si tūc motus planetę esset a, z. uersus k. minor esset motus in longitudine longiori, & maior in priori.

PROPOSITIO V.

Sumptis duobus arcubus in medietate eccentrici æqualibus, qui longitudini propiori fuerit uicinior, maiorem in centro terræ subtendit angulum. Ex hoc constat, quòd quanto planeta longitudini propiori uicinior fuerit, tanto motus eius apprens maior erit.


¶ In eccentricis a, b, g, d. cuius centrum e. diameter per longitudinem longiorem & propiorem transiens sit a, e, z, g. in qua centrum terræ z. duo arcus t, h. b, k. sint æquales, unde angulus h, e, t. æqualis erit angulo k, e, b. Dico angulum k, z, b. maiorem esse angulo h, z, t. propterea quod arcus k, b. longitudini propiori sit uicinior t, z. & b, z. cōtinuate occurrant periferie eccentrici in l, & d. ductisque lineis h, l. & k, d. perpendicularibus super eas z, p. & z, q. quia angulus h, l, t. est æqualis angulo k, d, b. per 25. tertij, & angulus z, p, l. æqualis angulo z, q, d. igitur per quartam sexti proportio z, d. ad z, l. sicut z, k. ad z, p. Sed z, d. maior est z, l. per septimā tertij, ergo z, q. maior est z, p. Linea autem h, z. maior est linea k, z. per eandem septimam tertij, ergo per octauam quinti pportio h, z. ad z, k. maior est quāam proportio k, z. ad z, q. & per eandem h, z. ad z, p. maior est quāam h, z. ad z, q. igitur proportio h, z. ad z, p. maior est proportionē k, z. ad z, k. quare ex ratione sinuum seu chordarum angulus z, k, q. maior est angulo z, h, p. Ideoque duo anguli z, k, q. & z, d, q. simul maiores sunt duobus z, h, p. & z, l, p. Igitur per 32. primi angulus k, z, b. maior est angulo h, z, t. quod fuit ostendendum. Correlarium manifestum est.

PROPOSITIO VI.

Sumptis duobus arcubus in medietate epicycli superiori æqualibus, qui longitudini longiori uicinior fuerit, maiorem in centro terræ subtendit angulum.

¶ Sit epicyclus a, b, g. super centro e. diametro a, e, g. transeunte per longitudinem longiorem a. propiorem g. & centrum terræ z. Sumpti sint in parte superiori duo arcus h, t. b, k. æquales h, t. quidem uicinior ad longitudinem longiorem. Dico angulum h, z, t. maiorem esse angulo b, z, k. Secent enim t, z. & k, z. epicyclum inferius in l. & m. & super continuatas h, l. & b, m. cadant perpendiculares z, p. & z, q. Sunt itaq; h, l, t. & b, m, k. anguli æquales per 25. tertij, ideo quod eorum contrapositioni z, l, p. & z, m, q. sunt æquales. p, autem & q sunt recti; ergo per quartam sexti m, z, ad l, z. proportio est sicut z, q. ad z, p. Sed m, z. est maior l, z. per octauam tertij. igitur z, q. est maior z, p. Sed z, h. est maior z, b. per eandem octauam tertij, quare per octauam quinti h, z. ad z, q. proportio maior est quam b, z. ad z, q. H, z. autem ad z, p. maior est h, z. ad z, q. per eandem igitur h, z. ad z, p. maior est quam b, z. ad z, q. igitur ex ratione sinuum angulus z, b, q. maior est angulo z, h, p. Sed extrinseci eorum b, m, k. & h, l, t. sunt æquales, igitur residui duo intrinseci sunt inæquales, scilicet angulus h, z, t. maior angulo b, z, k.


E ij



b, z, k. quod est intentum. Ex his manifestum est tam per modum eccentrici quam epicycli stellam in temporibus æqualibus in orbe signorum inæquales arcus describere.

## PROPOSITIO VII.

Secundum modum eccentrici maxima differentia inter motum æqualem & apparentem continget in puncto transitus mediæ quem determinat linea motus apparentis super diametro per ambo centra eunte stans perpendiculariter.



¶ Sit eccentricus a, b. g, d. per cuius centrum e. & per centrū mundi z. & longitudinem longiorem a. & propiorem g. transeat diameter a, g. Linea motus apparentis stans super a, g. orthogonaliter sit z, b. ductaq; b, e. angulus diuersitatis inter motum æqualem & apparentem est e, b, z. Motus enim æqualis tunc est angulus a, e, b. Sed apparens est angulus a, z, b. Fiant etiam duo alij anguli diuersitatum apud duo puncta t, & k. qui sint e, t, z. & e, k, z. Dico angulum b. maximum horum esse. Continuetur enim b, z. in d. & ducantur t, d. e, d. & k, d. quia per septimam tertij t, z. est longior z, d. igitur per 19. primi erit angulus t, z, d. maior angulo t, d, z. Sed e, d, t. æqualis est angulo e, t, d. per diffinitionem circuli, & quintam primi, igitur residuus z, d, e. maior est residuo e, t, z. sed e, d, z. æqualis est angulo e, b, z. igitur angulus e, b, z. maior est angulo e, t, z. Similiter probabitur e, b, z. maiorem esse e, k, z. ¶ Vel sic ostende. Sint h, t. puncta in arcu a, b. ductis e, k. & e, l. perpendicularibus, super b, z. & t, z. per penultimam primi patet e, z. longiorem esse e, k. & e, k. longiorem e, l. Sed e, b. e, h. & e, t. sunt æquales, ergo per octauam quinti proportio e, t. ad e, l. maior est proportione h, e. ad e, k. & h, e. ad e, k. proportio maior proportione b, e. ad e, z. Ideoq; ex ratione sinus angulus b. est maior angulo h. & angulus h. maior angulo t. igitur & c.

Ex hoc infertur, quanto linea motus apparentis puncto transitus mediæ uicinior fuerit, tanto differentia inter motum apparentem & æqualem maior est.


¶ Idem ostendere poteris de punctis inter b. & g.

Hinc etiam constat arcū à longitudine longiori, id est puncto motus minoris ad punctum transitus mediæ esse maiorem arcu à puncto transitus mediæ ad longitudinem propiorem in punctum motus maioris in duplo maximæ diuersitatis.

¶ Nam quanto angulus a, e, b. est maior angulo a, z, b. tanto etiam angulus g, z, b. maior est angulo g, e, b. Ideo angulus a, e, b. maior est angulo g, e, b. in duplo anguli e, b, z. quod est intentum.

## PROPOSITIO VIII.

Secundū modū epicycli dum centrū epicycli in concentrico, planetaq; in epicyclo eque cito circueat, fueritq; motus minor in longitudine longiori, maxima differentia inter motū æqualem & apparentem continget, dum linea motus apparentis à puncto longitudinis longioris quarta circuli distiterit,





## TERTIVS.

¶ Sit concentricus a, n, g, d. super centro e. sitq̃ a, locus centri epicycli dum planeta fuerit in lōgitudine longiori epicycli z. uero sit punctus centri epicycli, dum linea e, n, motus apparentis distiterit ab a. per quartā circuli seu angulum rectum a, e, n. Dico angulum z, e, n. qui est diuersitas inter motum æqualem & apparentem esse omnium maximum h. sit longitudo longior epicycli, propter motus proportionales, oportet angulū h, z, n. æqualem esse angulo z, e, a. ergo per 2 s. primi, z, n. equidistat a, e. ideoq̃ per 29. anguli coalterni a, e, n. & z, n, e. sunt æquales, igitur z, n, e. quoq̃ rectus erit, quare per correlarium 15. tertij, linea e, n. est contingens epicyclum, ideo fiet angulus z, e, n. maximus. Item sit centrum epicycli in duobus alijs punctis, puta t. & k. oportebit similiter angulum h, t, l. æqualem esse angulo t, e, a. & h, k, m. æqualem angulo k, e, a. propter positionem motuum æqualium. Sic angulus h, t, l. maior fiet angulo h, k, m. ideoq̃ poctam tertij e, m. longior fiet e. l. quod arcus h, m. minor sit arcu h, l. & ex hoc angulus t, e, l. maior erit angulo k, e, m.

Palam est ergo, quanto linea motus apparentis fuerit puncto transitus medij uicinior, tanto diuersitas inter motū æqualem & apparentem maior est.

¶ Voco autem punctum transitus medij n. in concentrico quem indicat linea e, n. orthogonaliter stans super a, g. ¶ Idem posset ostendi, si puncta t, & k. essent inter z, & g.

Hinc iterum palam est, tempus quod est à puncto motus minoris ad punctum transitus medij, maius est tempore quod est à puncto transitus medij ad punctum motus maioris in duplo tempore maximæ diuersitatis,



¶ Quo enim angulus a, e, z. maior est angulo z, e, g. eo etiam angulus h, z, n. maior est angulo n, z, e. sed a, e, z. maior est angulo z, e, g. in duplo anguli z, e, n. igitur.

### PROPOSITIO IX.

Si tres motus æquales sint, uidelicet stellæ in ecentrico, epicycli in concentrico, stellæq̃ in epicyclo, motu tamē eius in longitudine longiori existente minori, fuerintq̃ ecentricus & concentricus eiusdem magnitudinis, & semidiameter epicycli æqualis distantiae centrorum, quicquid diuersitatis secundum unum modorum accidit, continget etiam secundum reliquum.

¶ Sit concentricus a, b, g. super centro d. & huic æqualis sit ecentricus e, z, h. sup centro t. diameter cōmuni per longitudinē longiorē & ppiorem amboq̃ centra transiens sit e, g. concentrici arcus ad libitum sit a, b. super b. tanq̃ centro epicycli descriptus, sit epicyclus secundū quantitātē semidiametri b, k. æqualis lineæ d, t. huius epicycli sectio cum ecentrico sit z. Dico q̃ locus stellæ secundū utrumq̃ modorū erit in sectione tali. Nam propter æqualitātē motuū semp sunt tres arcus a, b. k, z. & e, z. similes. Quadrilaterū etiā b, z, t, d. opposita latera habet æqualia, igitur semper est æquidistantiū laterum, dum centrum epicycli extra a, & g. fuerit, quare k, b, z. & b, d, a. & z, t, e. anguli semper sunt æquales. Ideoq̃ motus apparens semper determinabitur linea d, z. quare secundum utrumq̃ modum locus stellæ apparens

E iij est



## LIBER

est in puncto z. Vnaq; motus equalis & apparētis differentia. Nam secundum modū eccentrici ipsa est angulus t, z, d. sed secundū modū epicycli ipsa est angulus b, d, z. Ipsi aut sunt coaltermi, igitur aequales. Palā est igitur quod secundū epicycli modū stella eccentricū describit, nec usq; ab eo discedet.

PROPOSITIO X.



Idem etiam accidet, si circulus ecentricus & concentricus inæqualis magnitudinis fuerit, dum saltem proportio semidiametrorum ecentrici & concentrici sit sicut proportio distantie centrorum ad semidiametrum epicycli.

¶ Sit eccentricus a, b, g. super centro d. diametro a, g. in qua centrum mundi sit e. longitudo longior a. propior g. sitq; stella in puncto eccentrici b. Palam est quod locus eius apparens est super linea e, b. & angulus diuersitatis motus æqualis & apparentis est d, b, e. sit deinde e, h. equidistans d, b. & secundum quantitatem semidiametri e, k. sumptam ad libitum, imaginor concentricum, secundum itaq; modum epicycli in concentrico, quando stella est in b. centrum epicycli erit in k. propter motuum æqualitatem, & angulos a, d, b. & a, e, k. æquales. Sit igitur semidiameter epicycli k, h. tantæ quantitatis, ut proportio a, d. ad e, k. sit sicut proportio d, e. ad k, h. Item sit d, z. æquidistans e, h. erit igitur secundum modum epicycli locus stellæ in z. Dicoz. esse in directo lineæ e, b. ita ut e, b, z. sit linea una, ducatur enim e, z. Quia z, d. & e, h. æquidistant, erit angulus d, z, e. æqualis suo coalterno h, e, z. Item quia k, e æquidistat d, b. & z, k. æquidistat e, d. igitur p 34. primi angulos oppositos æquales esse oportet, scilicet b, d, e. & e, k, z. Sed & laterum proportio est una, quia b, d, ad e, k. est sicut d, e. ad k, z. quare per sextam sexti triangulus b, d, e. est equiangularis triangulo e, k, z. quare angulus k, z, e. æqualis est angulo d, e, b. Sed iam angulus k, z, e. æqualis fuit angulo a, e, z. igitur angulus d, e, b. est æqualis angulo a, e, z. quare e, b. & e, z. sunt linea una, quod fuit ostendendum. Vnde & angulus z, e, k. æqualis est suo coalterno scilicet angulo e, b, d. scilicet angulus diuersitatis secundum modum epicycli, angulo diuersitatis secundum modum eccentrici. Patet itaq; quod semper secundum quamlibet duarum radicum locus stellæ apparens determinatur per lineam e, b. & diuersitas in utraq; est una, siue eccentricus concentrico maior sit, siue minor.

PROPOSITIO XI.

Iuxta modum eccentrici, diuersitates motuū æqualis & apparentis eædem sunt, dum linea loci apparentis in orbe signorū à longitudine longiore & propiore æqualiter distiterit.

¶ Vt sit eccentricus a, b, g, d, sup centro e. centrū orbis signorū sit z. dia-  
meter per longitudinem longiorē & propiorē sit a, e. z, g sintq̃ anguli a, z,  
b, d. z, g. h, z, g. æquales. Dico tres angulos diuersitatis, scilicet b, h. & d.  
æquales esse. Est enim per quintam primī angulus b, æqualis angulo d. sed  
& duo trianguli e, h, z. & e, d, z. sunt æqualium laterū. Nam e, h. æqualis e,  
d. ex ratione circuli, & z, h. æqualis z, d. per septimum tertij, in punctis ta-  
men a, & g. nulla erit motuum diuersitas. Conuersa huius etiam patet. Sint  
anguli b, & h. æquales. Dico angulos a, z, b. & g, z, h. esse æquales. Nam si  
alter eorū maior esset, respecto eo ad æqualitatē alterius, p hanc em sequitur  
cōtra septimæ huius correlariū, q̃ quāto linea apparētis motus puncto tran-  
situs






## TERTIVS.

fitus mediū uicinior fuerit, nō tanto differētiā diuersitatis maiorē esse, quod est impossibile. ¶ Palam etiā est lineam transitus mediū semp angulū motus apparentis inter puncta earundem diuersitatū contenti per equa secare.

### PROPOSITIO XII.

Iuxta modum epicycli idem etiam acciderē.

¶ Sit concentricus a, g, f. sup centro mundi d. punctus f. locus centri epicycli, dum stella fuerit in longitudine longiori epicycli, g. uero dum in priori. Itē sint tria puncta & loca centri epicycli a, l, o. in sitibus quibus lineæ motuum apparentium æqual ter distiterint à longitudine longiori & propiori in orbe signorum, ita ut lineæ motuum apparentiū sint d, z. d, n. d, q. ut tres anguli z, d, f. n. d, g, q. d, g. sint æquales. Dico angulos diuersitatum scilicet, a, d, z, l. d, n. & o, d, q. esse æquales ex positione motuum æqualium oportet a, z. l, n. & o, q. æquidistare diametro f, g. igitur tres anguli a, z. h. m. n, l. o, q. p. sunt æquales, quia eorū coalterni & intrinseci sunt æquales. Hinc anguli tres z, a, h. n, l, m. q, o p. per quintam & 32. primi sunt equianguli. Sed latera z, a, n, l. q, o. sunt æqualia, igitur per quartam sexti z, h, n, m. & q, p. sunt æqualia. Sed quæ fiunt ex z, d. in d, h. & m, d. in d, n. & ex p, d. in d, q. sunt æqualia, eo qd unumquodq horū æquale sit ei quod sit ex e, d. in d, t. ut patet ex tricesima quinta tertij, quare si z, h. m, n. p, q. p æqualia diuidantur, tunc per sextam secundi, communemq scientiam probabis tres lineas z, d, m. d, p, d. esse sibi inuicem æquales, sunt igitur trianguli z, a, d. m, l, d. p, o, d. æqualium laterum, scilicet quodlibet suo relativo p octauā primi concludes propositum, scilicet angulos a, d, z, l. d, m, o, d, p. esse æquales. Conuersam quoq huius ostendes, si anguli a, d, z, l. d, n. o, d, p. sint æquales, etiam angulos f, d, z. g, d, n. & g, d, q. esse æquales. Quoniā si alter maior esset, reflecto ad æqualitatem alterius per hanc 12. sequitur contra correlarium octauæ huius quod est impossibile. ¶ Ex hoc patet motū æqualem, qui est angulus a, d, l. in hac dispositione æqualē esse motui apparēti, qui est angulus z, d, n. q æqualiter diuiditur linea eunte ad duos trāsitus medios. Item linea à centro mundi epicyclū secante, & stella posita in duobus punctis sectionū æquales habebit diuersitates motū æqualis & apparentis, ut linea z, d. secante epicyclum in z. & h. siue stella fuerit in z. siue h. angulus diuersitatis est a, d, z. tunc autem erit in h. quando centrum epicycli situabitur in l. Erunt enim tunc h, & n. punctus unus, & angulus motus æqualis à longitudine longiori, scilicet e, a, z. maior est angulo motus apparentis qui est a, z, d. seu z, d, f. in angulo a, d, z. qui est diuersitatis. ¶ Præterea angulus motus æqualis à longitudine propiori, qui est l, d, g. seu d, l, n. minor est angulo motus apparentis ab eadē longitudine propiori, scilicet angulo m, n, l. seu m, d, g. in angulo n, d, l. qui est eiusdē quātitatis cū angulo a, d, z. Sic quantū in situ a. unus excedit aliū, tanto in situ l. excedetur ab alio, dum à longitudine uiciniori fiet computatio. ¶ Ex præmissis patet qd possibile est, qd in diuersitate motus apparentis in aliqua stella causa fiat secundū unū modum tantū, uelut secundū modū eccentrici. Aut secundū epicycli in concentrico. In aliqua fiat secundū ambos. In Sole tamen una tantū diuersitatis reperta est, uidelicet qd tempus à minori eius motu ad mediū maius est tempore à medio eius motu ad maiorē semp, ideo satis est assignare ei unū horū modorū tantū. Sed quia modus eccentrici planior & leuior est, completur qd uno motu tantū, modus aut epicycli duobus motibus indiget, ideo conuenientius est Soli eccentricū assignare.



PROPOSITIO XIII.

¶ Ab brachis inuenit tempus ab ingressu Solis in punctū equinoctij uerz

A geometric diagram consisting of two concentric circles. The outer circle has points A, B, C, D, E, F, G, H marked on its circumference. The inner circle has points I, J, K, L, M, N, O, P marked on its circumference. Lines connect various points: a vertical line through B, F, D; a horizontal line through G, E, C, A; a diagonal line from B to H; a diagonal line from C to N; and a vertical line from I to M. Other points like K, L, O, P are also marked on the inner circle's circumference.

PROPOSITIO XIII.

Aliter idem reperire.

¶ Quia non sine magna difficultate per instrumentum haberi potest  
ingressus





TERTIVS.

ingressus Solis in puncta tropica, propter declinationem quæ in ea parte minime variatur. Ideo per tria alia loca potest esse certior. Illud idem cogitauimus inuestigare, uelut sint nobis per instrumentorū observationem dati introitus Solis in ambo equinoctia. Item in principium alterius signi uicini punctis equinoctiorū. ¶ Sit itaq; eccentricus Solis h, l, t. sup. centro z. centrū mundi sit e. aut, h. oppositum augis o. & sit linea distinguens loca Solis in ingressibus in punctū uernale t. autumnale l. Item q. sit punctū ingressus in principiū Tauri, aut medietatis eius. Quod ideo eligo, q; per instrumentum illud facilius deprehendi potest q̄ ingressus in punctū Cancrī. Ductis lineis q, e. p, t. & perpendiculari p, r. super t, l. quia tempus quo Sol perambulat arcum t, q. est notum ex observationibus, ideo arcus t, q. notus. Simili ratione arcus t, l. notus ex noto tempore quo Sol perambulat arcum l, o, t. Item quia angulus t, e, q. est notus ex motu apparēte per observationes cognito, & angulus intrinsecus q, p, t. propter arcū q, t. igitur reliquis intrinsecus p, t, l. notus fiet. quare arcus p, l. datus erit, hinc ambo arcus p, r. & p, q. dati, & chorda p, t. similiter chorda p, q. notarum fiet partium, qualiū est o, h. diameter circuli duplum sinus totius.


¶ Præterea ex angulo q, e, t, seu sibi contrapósito p, e, r, nota fiet propor-  
tio c, p. ad p, r. Similiter ex angulo p, t, l, nota fiet proportio t, p. ad p, r. quare  
& nota fiet proportio t, p. ad p, e. ideoq; p, e. & e, q. datæ erunt in partibus  
quibus o, h, est diameter circuli nota. Sed quod fit ex p, e. in e, q. est æquale  
ei quod fit ex o, e. in e, h. per 34. tertij, ideo quod fit ex o, e. in e, h. notum  
est. Sed per quintam secūdi quod fit ex o, e. in e, h. cū quadrato z. est æquale  
quadrato z, h. ideo sublato quod fit ex o, e. in e, h. à quadrato z, h. remane-  
bit quadratum z, e. notum, ideo nota fiet z, e. quæ quærebatur. Tunc du-  
cta z, q. ex notis lateribus z, e, q. cognoscetur angulus h, e, q. distantia loci  
augis à loco zodiaci, quem ostendit linea c, q.

¶ Possemus etiam idem inuestigare per quæcunque tria alia loca per tres observationes uerificata, sed non sine labore, ut sic: Sint tria loca  $a, b, c$ , ex observationibus tribus cognita, sit centrū eccentrici  $z$ , centrum mundi  $d$ . linea per augem & oppositū augis sit  $k, z, d, n$ . ductis lineis  $a, z, a, d, e, b, d, f, c, d, g, b, c, b, c, e$ . Item perpendicularibus  $z, r$ . super  $a, d, c, m$ . sup  $b, e, e, f$ . super  $b, d, e, g$ . sup  $c, d$ . Ex angulo  $a, d, b$ . qui est motus apparentis inter primam & secundam observationes, & sibi contrapositio  $f, d, e$ . in triangulo rectangulo nota erit proportio  $d, e, ad e, f$ . ex arcu  $a, b$ . qui est motus æqualis inter primas considerationes, & suo angulo  $a, e, b$ . item extrinseco  $f, d, e$ . notus erit alter intrinsecus  $d, b, e$ . hinc in triangulo  $b, c, f$ . rectangulo nota erit proportio  $b, e, ad e, f$ . Sed iam nota fuit  $d, e, ad e, f$ . igitur  $b, e, ad e, d$ . proportio nota fiet.

¶ Præterea ex angulo  $a, d, c$ , qui est motus apparentis inter primam & tertiam obseruationes & suo contrapposito  $g, d, c$ , nota erit proportio  $d, e$ , ad  $e, g$ . Ex arcu quoq;  $a, c$ , qui est motus æqualis inter primam & tertiam obseruationes & angulo suo  $a, e, c$ , extrinsecoq;  $g, d, e$ , notus erit angulus reliquus intrinsecus  $d, c, e$ , hinc in triangulo rectangulo  $c, e, g$ , nota erit proportio  $c, e$ , ad  $e, g$ . Sed iam  $d, e$ , ad  $e, g$ , data fuit, ideo proportio  $c, e$ , ad  $d, e$ , nota erit. Sed &  $b, e$ , ad  $e, d$ , cognita fuit, ideo proportio  $b, e$ , ad  $c, e$ , fiet manifesta. Deniq; arcus  $b, c$ , datus est, quia motus æqualis inter secundam & tertiam obseruationes. Ideo sua chorda  $b, c$ , nota fiet in partibus qualibus  $k, n$ , est duplum sinus totius. Ex arcu quoq; angulus  $b, e, c$ , notus, hinc in triangulo  $b, e, c$ , in rectangulo, proportio  $e, c$ , ad  $c, m$ ,  
etiam




# LIBER



etiam e, c. ad e, m. data erit, hinc e, m. & e, m. notæ erunt in partibus quibus c, e. nota est, igitur & residua m, b. Ex b, m. & m, c. nota erit b, c. in partibus eisdem, sed iam nota fuit in partibus quibus k, n. est duplum sinus totius, igitur tam b, c. quàm e, d. in eisdem cognoscant, quare arcus b, c, e. datus erit, hinc a, b, e. & sua chorda a, d, e. cuius pars d, e. iam nota fuit. igitur & residua eius pars a, d. nota. Sed quod fit ex e, d. in d, a. cum quadrato z, d. ut superius patuit, æquale est quadrato z, k. ideo z, d. nota fiet, Hinc ex trianguli a, z, d. notis lateribus notus erit angulus a, d, k. &c. Sed hæc uia labore plena est, ut uides. Ideo elige præcedentem, & serua ingressus in puncta æqualitatis pro duabus obseruationibus, pro tertia sume ingressum in quodcunque punctum medium in quartis quatuor, puncta 15. Tauri, uel Leonis, uel Scorpij, uel Aquarij, uel prope illa. Fit ex quolibet horum cum duabus æqualitatibus elicies quod dictum est faciliter. Poteris quoque æquinoctia duo nunc cum illo, nunc cum alio iungere, & uidere si in eandem semper concordem inuentionem producaris.

## PROPOSITIO XV.


Quanta sit maxima diuersitas inter æqualem & apparentem motum, in quantacunque elongatione à longitudine longiori acciderit patefacere.



¶ Sit eccentrici a, b, g. diameter a, d, e, g. centrum d. centrum orbis signorum e. fietque e, b. orthogonaliter super a, b. ductaque d, b. ex septima huius patet angulum d, b, e. esse quem quærimus. Cum autem proportio b, d. ad d, e. sit nota ex præmissis duabus, & triangulus sit orthogenus, notus erit angulus d, b, e. qui quæritur, hinc etiam a, d, b. extrinsecus patefiet. Varij obseruatores hanc maximam diuersitatem nariam inuenerunt, ut superius dictum est, quod accidit propter uariam proportionem b, d. ad d, e. ab eis uarie repertam.

## PROPOSITIO XVI.

Iuxta uiam eccentrici dato angulo motus æqualis à longitudine longiori angulum diuersitatis reperire.



¶ Sit orbis signorum a, b, g. super centro d. & eccentricus e, z, h. super centro t. linea per longitudes longiorem & propiorem & ambo centra transiens e, a, t, d, h, g. angulus motus æqualis datus sit e, t, z. scilicet quantitas arcus e, z. ductis z, t, k. & z, d. & perpendiculari d, k. super z, k. angulus motus apparentis erit e, d, z. diuersitas eius ad motum æqualem est angulus d, z, k. quem quærimus in trigono d, t, k. orthogonio anguli t. & d. noti sunt, ideo proportio laterum d, t. t, k. k, d. nota. Sed & proportio z, t. ad t, d. ex 13. huius nota, ideo proportio z, k. ad k, d. nota, igitur angulus d, z, k. notus, qui quærebatur, & ipse differentia inter arcum e, z. & arcum a, b. Contra dato e, d, z. motus apparentis, notus erit ex hoc angulus e, t, z. Sit enim t, l. perpendicularis super z, d. propter angulum d. trianguli d, l, t. orthogonii notum, fiet proportio d, t. ad d, l. & l, t. nota ideo proportio z, t. ad l, t. data, igitur angulus t, z, l. notus, hinc notus fiet angulus extrinsecus scilicet e, t, z. qui quærebatur.

¶ Præterea ex angulo diuersitatis scilicet t, z, l. dato, poterimus reperire angulum e, t, z. motus æqualis. Nam propter angulum z. datum nota erit proportio



TERTIVS.

proportio  $z, t.$  ad  $t, l.$  Sed prius nota fuit proportio  $z, t.$  ad  $t, d.$  ergo nota erit proportio  $d, t.$  ad  $t, l.$  quare  $l, d, t.$  &  $e, t, z.$  extrinsecus notus. Correlariū.

Quocunq; trium angulorū scilicet motus æqualis, motus  
apparentis & diuersitatis dato, noti quoq; reliqui duo fient.

PROPOSITIO XVII.

Idem iuxta uiam epicycli ostendere.

¶ Sit orbis eccentricus super centro d. orbis signorum f. quidem punctum centri epicycli dum Sol est in auge epicycli, arcus medij motus f. a. cui similis sit arcus epicycli e. z. unde a. z. æque distabit f. d. quærimus angulū a. d. z. & arcum b. f. quia angulus k. a. z. trigoni orthogonij datus est, igitur nota est proportio d. a. ad a. z. quare nota fiet proportio d. k. ad k. z. hinc d. z. ad z. k. quare angulus a. d. z. notus &c. Econtra dato angulo f. d. b. seu b. z. a. motus apparentis, cognoscemus etiam duos reliquos angulos. Nam in triangulo orthogonio z. a. l. nota erit proportio z. a. ad a. l. quare & nota erit proportio d. a. ad a. l. ideo angulus a. d. z. notus. hinc extrinsecus z. a. c. qui quærebatur.

¶ Præterea ex angulo diuersitatis, scilicet a, d, z. reliqui duo anguli noti  
sunt. Nam nota erit proportio d, a. ad a, l. ideo & nota fiet, a. ad a, l. hinc  
angulus a, z, l. notus, qui est æqualis angulo f, d, b. motus apparentis, igitur  
& extrinsecus c, a, z. qui est æqualis motus.

PROPOSITIO XVIII.

Iuxta uiam eccentrici dato angulo motus æqualis à longi-  
tudine propiori angulum diuersitatis cognoscere.

¶ Sit eccentricus  $e, z, h$ . super centro  $t$ . orbis signorum  $a, b, g$ . super cen-  
tro  $d$ . sitq; angulus  $h, t, z$ . datus, quærimus angulum  $d, z, t$ . similiter angu-  
lum  $z, g, b$ . facta  $d, k$ . perpendiculari super  $t, z$ . trianguli  $d, t, k$ . laterum pro-  
portio nota erit, quare &  $z, k$ . ad  $k, d$ . hinc  $z, d$ . ad  $d, k$ . ergo angulus  $z$ . no-  
tus, & extrinsecus  $z, d, h$ . qui quærebatur, Econtrâ ex angulo  $g, d, b$ . dato,  
reliquos sciemus. Facta  $t, l$ . perpendiculari super  $b, d$ . proportio  $d, t$ . ad  $t, l$ .  
nota fiet hinc  $z, t$ . ad  $t, l$ . ex hoc angulus  $z$ . & intrinsecus  $t$ . noti fient.



¶ Præterea dato angulo diuersitatis  $z$ , reliquæ quoq; noscentur. Nam nota fiet proportio  $z, t$ . ad  $t, l$ . ideo etiam  $d, t$ . ad  $t, l$ . data, hinc angulus  $d, t, l$ . seu  $d, g, b$ . notus, & reliquus ex hoc, scilicet  $b, t, z$ . noscetur.

PROPOSITIO XIX.


Iuxta uiam epicycli idem reperire.

¶ Sit concentricus f, a, g. super centro mundi d, & sit g. punctus, super quo est centrum epicycli, dum Sol est in longitudine propiori, distet centrum epicycli a, g. per arcum g, a. seu angulum g, d, a. motus æqualis datus erit h, t. arcus similis arcui a, g. propter motus æqualitatē, & angulus h, a, k æqualis angulo, g, d, a. ideo proportio a, h. ad h, k. & k a. nota. Sed d, a. ad a, h. prius nota est, igitur d, k. ad k, h. noscetur, ergo notus erit angulus h, d, k. diuersitatis, hinc h, d, g. motus apparentis. Contra

cx



## LIBER



¶ Præterea dato angulo  $h, d, k$ , nota fiet proportio  $d, a$ , ad  $a, l$ , ideo  $h, a$  ad  $a, l$  nota, quare angulus  $l, h, a$ , æqualis angulo  $l, d, g$ , notus fiet; & reliquis  $a, d, g$ , qui quærebatur.

PROPOSITIO XX.

Dato angulo motus apparentis æquali angulo motus medi, angulum diuersitatis utriusq; & distantiam à longitudine longiori aut propiori deprehendere.

¶ Sit in eccentricis a, b, d. super centro e. centrum mundi f. longitudo longior a. propior d. angulus b, e, c. motus medij æqualis sit aliis angulus b, f, c. motus apparentis, propositum est inuenire angulum e, b, f. & angulum a, f, b. ¶ Ducta linea b, c. cum angulus b, e, c. sit æqualis angulo b, f, c. & anguli a, d, m. cont. oppositi æquales. Erunt duo anguli diuersitatis b. & c. æquales. Ex hoc igitur quadrilaterum b, e, f, c. est circulo inscriptibile, alias enim per 26. tertij sequeretur impossibile contra 16. primi, si circulus per tria puncta b, e, f. transiens non iret per c. sed absconderet f, c. aut supra iret. Quia itaque angulus b, e, c. datus est, ergo uterque reliquorum æqualium e, b, c. & e, c, b. datus erit. Ideoque e, f, b. æqualis e, c, b. notus, hinc arcus qui subtenditur in circulo trigono e, b, c. circumscripto noti. Quare anguli e, c, b. seu e, f, b. subtenfa chorda b, e. nota. Sed & proportio b, e. ad e, f. per 13. huius nota est quare arcus e, f. notus erit. Ideoque & angulus e, b, f. notus fiet, quare extrinsecus a, e, b. dabitur. Angulum autem e, f, b. æquari angulo d, f, c. probauit conuersa undecimæ huius, postquam anguli f, c, c. & f, b, c. sunt æquales, ergo &c.

PROPOSITIO XXI.

Radicem motus aliqualis ad cuiuscunq; temporis principiū  
per obseruationem firmare.

¶ Per tertiam huius habes medium motum tabulatum, & per 13. huius habes proportionem semidiametri eccentrici ad id quod cadit inter, p 16. & 18 habes ex observatione & motu apparente motum æqualem. Ex his nunc ad cuiuscunq; temporis principium instans tuæ observationis antecedens aut sequens poteris radicem medij motus firmare. Exemplo Ptolemy qui supposuit augem seu longitudinem longiorem eccentrici immobilem. Reperitq; distantiam puncti equalitatis autumnalis ab auge per 116. gr. 40. m. secundum motum medium, uelut in figura 1 S. huius. Si b. foret principium libræ, ex angulo b, d, g. quem putauit 65. gr. 30. m. quia oppositum augis posuit in 5. gr. 30. m. Sagittarij, reperit angulū z, t, h. 63. gr. 20. m. Volens firmare radicem motus æqualis ad principium annorū Nabuchodonosaris, accepit considerationem suam subtilissimam & uerissimā æqualitatis autumnalis in 17. annorum Adriani, die 7. mensis Athyr ægyptij, post mediam diem duas horas æquales ferē. Anni uero à principio regni Nabuchodonosaris usq; ad mortem Alexandri fuere 424. anni ægyptij. Hinc ad principium primi anni regni Augusti 294. anni ægyptij. Hinc



## TERTIVS.

Hinc ad principium primi anni regni Augusti 294. anni, & hoc principium fuit primo die mensis thus, & in media die, hinc ad dictam observationem 161. anni, & 66. dies, & duæ horæ. Igitur à principio regni Nabuchodonosaris, quod fuit in principio mensis Thus in media die præcedenti usq; ad horâ huius considerationis fuerunt anni ægyptij 879. 66. dies, & duæ horæ. Motus Solis medius in hoc tempore post integras reuolutiones, fuit secundum positionem eius 21 i. gr. & 25. m. quem si minuemus à loco Solis equali, in dicta cōsideratione remanebit locus Solis æqualis. 45. m. primæ partis Piscium in principio primi annorū Nabuchodonosaris. Secundum hoc exemplum in alijs facito. Fuit autem dicta Ptolemæi consideratio post principium annorum Christi 131. annis ægyptijs 301. diebus 2. & horis 25. Nam à principio annorum Nabuchodonosaris, ad initium annorum Christi transiuerunt 747. anni ægyptij, & 130. dies.

### PROPOSITIO XXII.

**Dies naturales duplici causa inæquales esse.**

¶ Dies naturalis dicitur tempus reuolutionis Solis per motum primi mobilis ab horizonte aut meridiano donec ad ipsum redeat. Sic quantum temporis est à puncto meridiæ in punctum meridiæ, tanta est dies naturalis. Et hoc est tempus in quo reuoluitur totus equinoctialis, & ultra hoc tanta portio equinoctialis, quanta correspondet ei arcui eclipticæ, quem in illo tempore Sol perambulat. Hoc autem additamentum duabus de causis diuersificatur. Vna quidem quod Sol in temporibus æqualibus inæquales arcus de orbe signorum abscindit. Alia quod arcus æquales eclipticæ inæquales habent ascensiones tam rectas q̃ obliquas. Oportet igitur propter additamenta hæc duplici causa diuersificata, dies naturales inæquales esse, quod est propositum.

¶ Ex hoc patet hos dies naturales qui differentes dicuntur, nō esse mensuram motuum aliorum, cum inæquales sint. Oportuit igitur in mensuram huiusmodi alios dies qui æquales essent assumi. Hac ratione unus annus Solis est tempus, in quo totiens reuoluitur equinoctialis, quotiens est unitas in numero dierum anni reperti iuxta doctrinam secundæ huius, addita reuolutione una, quæ reuoluitur cum motu Solis uero petracto in uno anno à Sole. Diuiso itaq; hoc numero reuolutionum per numerum dierum anni, egreditur quantitas diei mediocris, scilicet reuolutio una equinoctialis cum additamento 59. minorum, octo secundorum equinoctialis, iuxta quantitatem mediæ motus Solis in die. Hæc uero additamenta sunt inter se æqualia, hinc constat mediocres inter se esse æquales. Palam est igitur dies naturales differentes unum ab alio atq; à mediocribus differre. Et licet unus dies differens parum à die una mediocri differat & insensibiliter, in pluribus tamē diebus hæc diuersitas collecta, quantitatem de qua curandum est efficit, ut patebit infra.

### PROPOSITIO XXIII.

**Causa inæqualitatis dierum propter diuersitatem motus Solis proueniens ab altera longitudinū mediarū incipit, & ad oppositam finit. Plurimumq; differentiæ ex hoc collectæ duplū est maximæ diuersitatis motuum æqualis & differentis in Sole.**

F Ideo

## LIBER

¶ Ideo incipit ab alterutra longitudine media, q̄ ibi motus apparens motui medio adequatur ad diem unam. Procedendo aut̄ per medietatem orbis signorum superiorē, in qua est longitudo longior eccentrici, patet medium motum differentiae maiorem esse in duplo anguli maximae diuersitatis. Sed procedendo per medietatem inferiorē, in qua est longitudo propior, medius motus minor est apparente seu diuerso in duplo eiusdem anguli. Sed duplum huius anguli Ptolemæus reperit 4. gr. & 45. m̄. Per superiorem itaq; medietatem motus diuersus minuit a medio 4. partes, & tres quartas unius, p̄ inferiorem uero accidit tantundem. Quod igitur per ambas medietates procedēdo de additione & diminutione, consurgit simul est gradus nouem & medius, tantum dies differentes maiores addūt supra dies differentes minores propter hanc quidem causam.

### PROPOSITIO XXIII.

Quo loco causa inæqualitatis dierum propter inæqualitatem ascensionum apud horizontem obliquum proueniens incipiat uel desinat, quantaq; sit differentia tota ex hoc collecta ostendere;

¶ Locus ille secundum uarietatem horizontiū uariis est, in omni tamen regione ante tropicum æstiualem, & post tropicum hiemalem depræhendere. ¶ Ibi enim est inceptions principium, ubi unus gradus eclypticæ cum uno gradu equinoctialis oritur. Id igitur per tabulam ascensionū obliquarum horizontis tui depræhendas. Vide itaq; quanta sit portio eclypticæ inter hæc duo loca, & quanta sit huius portionis obliqua ascensio, harum differentia est ea quam quæris. Quantum autem ex hac causa sola, dies mediocres addunt super differentes per portionē eclypticæ, in qua est Aries. Tantū differentes addūt sup̄ mediocres per reliquā portionē eclypticam.

¶ Ex hoc constat quod dies differentes maiores addunt super dies differentes minores duplum collectæ differentiae, quantum prouenit ratione huius causæ. Palam est iam quod differentia sic inuenta, augmentum diei solstitialis super diem equinoctialis excedit, propterea quod locorū in quibus inæqualitatis huius est inceptio, & finis unus est ante tropicum æstiualem, alius post tropicum hiemalem. Propterea itaq; quod hæc causa uaria sit secundum horizontiū uarietatem. Sed causa diuersitatis dierum, quæ est propter inæqualitatem ascensionum rectarum, quæ fiunt respectu circuli meridiani est una in omni regione. Commodius igitur est ut dies initium sumant ab instanti, quo Sol in meridiano fuerit.

### PROPOSITIO XXV.

Punctum in quarta eclypticæ apud quod plurimum differentiae est inter arcum eclypticæ eo terminatum ex ascensione, suam rectam determinare.

¶ Sit quarta eclypticæ à principio Arietis ad principiū Cancrī, b, a. quarta æquatoris sibi conterminalis b, g. quarta coluri distinguētis duo solstitia d, a, g. polus equinoctialis d. erit g, a. maxima declinatio, complementū autem eius erit a, d. Inter sinum arcus g, d. & sinum d, a. sit medio loco proportionalis sinus, cuius arcus sit d, n. per n. eat circulus paralellus equinoctiali,



## TERTIVS.

Et ali, secans arcum eclipticæ in e. Dico e. punctum quæsitum esse. Nam duco quartam d, e, l, quæ secet equinoctialem in l. sumamq; ab utraq; parte c. puncta ad libitum, & sint z, & h. per quæ uadant quartæ d, z, k. d, h, t. Ab e. ueniant duo arcus, uidelicet e, m. perpendicularis super d, z. & e, n. perpendicularis super h, t. Probandum est quod differentia e, b. super b, l. est maior quàm differentia z, b. super b, k. etiam maior quàm differentia h, b. super b, t. Primum sic ex theorematibus Gebri. Quia e, m. & l, k. cadunt orthogonaliter super d, k. ergo proportio sinus l, k. ad sinum, e, m. est sicut proportio sinus d, l. ad sinum d, e. Sed hæc ex hypothesi est sicut proportio sinus d, e. ad sinum d, a. Et proportio sinus d, z. ad sinum d, a. maior est pportione sinus d, e. ad sinum d, a. quare proportio sinus z, d. ad sinum d, a. maior est pportione sinus l, k. ad sinum e, m. Sed proportio sinus z, d. ad d, a. est sicut proportio sinus z, e. ad sinum e, m. q; d, a. & e, m. sint perpendiculares super z, a. & z, d. Igitur pportio sinus z, e. ad sinum e, m. maior est pportione sinus l, k. ad sinum e, m. quare sinus arcus e, z. est maior sinu arcus l, k. Et cum uterq; eorum sit minor quarta circuli, erit arcus e, z. maior arcu l, k. Sed arcus e, b. est maior arcu b, l. sicut e, d. est maior d, a. & iam z, b. est maior b, k. Ideoq; excessus e, b. super b, l. maior est quàm excessus z, b. super b, k. quod est primum.

¶ Secundum sic: Quia proportio sinus l, t. ad sinum e, n. est sicut proportio sinus l, d. ad sinum d, e. seu sicut sinus d, e. ad sinum d, a. hæc autem maior est pportione sinus h, d. ad sinum d, a. Sed proportio h, d. ad d, a. sinum, est sicut sinus h, e. ad sinum e, n. igitur proportio sinus l, t. ad sinum e, n. maior est pportione sinus h, e. ad sinum e, n. Igitur cum arcus sint minoris quartis l, t. arcus maior erit arcu e, h. Sed h, b. est maior b, t. etiam e, b. maior b, l. igitur differentia h, b. super b, t. est minor differentia e, b. super b, l. quare patet secundum. Igitur arcus e, b. est ille qui plurimum suam rectam ascensionem excedit. Inuenimus autem arcum d, e. esse. 73. gr. 13. m. & e, l. 16. gr. 47. m. hinc arcum b, e. 46. gr. 15. m. & arcum b, l. 43. gr. 45. m. & excessum b, e. super b, l. duum graduum & medij.

### PROPOSITIO XXVI.

Arcus eclipticæ plurimum à sua ascensione recta differens cum sua ascensione recta quartam circuli perficit dum à puncto æqualitatis initium sumat.



¶ Ut in figura sit arcus eclipticæ b, e. ille qui plurimum ab ascensione recta sua differat, scilicet b, l. Dico aggregatum ex e, b. & b, l. quartam circuli fieri, trahitur ex demonstratis Milei.

¶ Sit in coluro solstitiali g, d, k. punctus medius inter g. & a. & k, z. sit quarta circuli, erit d, z. medietas maximæ declinationis, quia ex Mileo trahitur, quod proportio quadrati sinus z, d. ad quadratum sinus d, k. sit sicut proportio sinus excessus e, b. super b, l. qui est e, m. ad sinum aggregati e, b. & b, l. Quantum igitur sinus aggregati ex e, b. & b, l. est maior, tanto sinus e, m. est maior, sed non potest esse maior sinu toto, igitur quando e, b. & b, l. perficiunt quartam circuli e, m. erit maximus, quod est ppositum.

¶ Vel sic: In figura superioris sinus e, b. ad sinum b, l. sicut sinus e, d. ad sinum d, a. Sinus autem e, d. ad sinum d, a. exposito sicut sinus l, d. ad sinum d, e. Sed sinus l, d. ad sinum d, e. sicut sinus l, g. ad sinum e, a. igitur quod fit ex sinu b, e. in sinu e, a. æquale est ei quod fit ex sinu b, l. in sinum l, g. Quid

F ij

uero





## LIBER II

vero esse nequit, nisi b, e, sit æqualis l, g. & b, l, æqualis e, a. In duobus enim trigonis orthogonis æqualibus super una basi constitutis, necesse est ut duo latera unius sint æqualia duobus lateribus alterius. Sunt enim inscriptibiles eidem circulo, alias sequeretur per 30. tertij impossibile contra 16. primi. Et cum sint æquales per 39. primi erunt inter lineas æquidistantes, hinc ex angulis coalternis 25. & 28. tertij patebit propositum.

### PROPOSITIO XXVII.

Causa inæqualitatis dierum propter inæqualitatem ascensionum rectarum proueniens iuxta puncta media in quartis, quas puncta principalia terminant incipit, atq; iuxta punctum sequentis quartæ medium desinit. Totaq; differentia cum collecta fuerit, ad quinque gradus peruenit.

¶ Ibi enim est inceptio hæc, ubi unus gradus equinoctialis cum uno gradu eclipticæ oritur in Sphæra recta. Hoc autem contingit circ 16. Tauri, 14. Leonis, & punctis his oppositis, ut numeratio indicat. Sed portio a. 16. Tauri in 14. Leonis, quæ est 88. gr. oritur in Sphæra recta cum 93. gradibus equinoctialis, propterea differentium dierum super mediocres differentia, cum collecta fuerit, quinque perficit gradus. Item portio a. 14. Leonis in 16. Scorpii, quæ est 92. gr. oritur in Sphæra recta cum 87. gr. equinoctialis, quare mediocrium dierum super differentes differentia cum collecta fuerit, quinque gradus complet. Simile accidit in quartis oppositis. Patet igitur est, quod dies differentes maiores superant dies differentes minores, ob hanc causam quantitate 10. graduum.

### PROPOSITIO XXVIII.

Quo loco principium additionis dierum differentium super mediocres sit, quantaq; differentia tota sit ex utrisq; causis simul collecta depræhendere.

¶ Ex superioribus ad singulos dies differentias ex utraq; causa prouenientes collige. Et cum ambæ sint addentes aut minuents super dies mediocres aut ab eis, eas in unum iunge. Sed cum una fuerit addens, altera minuens, minorem de maiori deme. Sed cum una minuit tantum quantum altera addit, eo loco dies differens æqualis est diei mediocri. Si tunc post hocambo simul addant, aut una plus addat quàm alia minuat, fit ibi principium additionis. Si autem post hoc ambæ simul minuant, aut una plus minuat quàm altera addat, fit ibi principium diminutionis. Plurimum uero differentia huiusmodi aggregati quo ad additionem repertum est in portione, quæ est à principio Scorpii usq; ad mediū signum Aquarii. Sed quo ad diminutionē in portione quæ est à medio Aquarii ad finem libræ. Nam in prima utraq; differentia est addens, in altera minuens. Et in his differentia ratione inæqualitatis Solis est, 3. gr. & duæ tertiæ. Differentia autē ratione inæqualitatis ascensionum rectarū est 4. gr. & duæ tertiæ, quæ simul faciunt octo gradus, & tertiā unius, scilicet differentia ex utrisq; causis collectis. Illud uero quasi medietatē horæ facit & decimam octauā partē horæ. Quam licet dum negligamus in Sole uel in alijs planetis tardī motus, nihil erroris sensibilis fiat. In Luna tamen neglecta, propter uelocitatem motus eius, sensibilis fit error, eo q; ad tres quintas unius gradus ferè attingat.

Propositio



# TERTIVS.

## PROPOSITIO XXIX.

**Dies differentes in mediocres conuertere, & econtra.**

¶ In tempore dato tam cursum Solis uerum quàm medium numera, uero cursui eleuationem in Sphæra recta correspondentem accipe, & eius ad medium motum Solis differentiam nota. Nam ipsa erit dierum æquatio, cuius quilibet gradus & quatuor minuta unius horam repræsentant. Tempus igitur huius æquationis adde super dies differētes, si eleuatio recta cursum medium excellerit. Aut minues si econtra fuerit, & exhibunt dies mediocres. Si uero dies æquales ad dies diuersos reducere uoles in tempore, similiter cursum uerum & æqualem numera, cursui uero ascensionē rectam respondentem accipe, eius ad medium motum differentia erit dierum æquatio. Cuius tempus super dies mediocres aut æquales adde, si medius motus fuerit ascensione maior, uel minue, si econtra, & prodibunt dies diuersi seu differentes. Hac uia certius depræhendes quod præmissa exposuit.

¶ Aduertendum autem, si radix temporis posita fuerit super principium additionis, hanc differentiam semper addendam fore diebus differētibus, ut ex eis fiant mediocres, semp minuendam à mediocribus, ut ex eis fiant differentes. Econtra si radix temporis posita sit super principium diminutionis. ¶ Exemplum prædictorum: Sit uerus motus Solis in die naturali ab æquinoctio 59. m. medius uero semper est 59. m. ferè ascensio respondens uero motui est 54. m. differentia huius & mediij motus est 5. m. unius gradus æquinoctialis, qui in tempus conuersa faciunt tertiam unius minuti horæ. Est igitur dies medius maior die differēte in tertia unius minuti. Hinc igitur unus dies differens conuersus in mediocres facit medietatem minus tertia minuti horæ. Sed unus dies mediocris conuersus in differentes efficit unum differentem & tertiam unius minuti horæ. Ex hoc exemplo habes causam conuersionis dierum differentium in mediocres, & econuerso.


## PROPOSITIO XXX.

**Principium diminutionis dierum differentium à mediocribus aliter inquirere. Tabulamq; æquationis dierum cōponere.**

¶ Tale principium iam ostensum est esse circa medium Aquarij. Sed supposita fuit aux Solis immobilis, nunc uero cum aux Solis comperta est moueri, quærendum est hoc principium præcisius. Eritq; principium illud in eo loco circa medium Aquarij, ubi motus Solis æqualis correspondens uni gradui motus ueri, fuerit præcise æqualis ascensionē recte correspondēs uni gradui ueri motus Solis. Et ante tale punctum principij oportet diem differentem maiorem esse mediocri, & post tale punctum principij oportet diem medietatem maiorem esse differente. Sit itaq; in figura eclypticæ portio à sectione uernali uersus principium Capricorni b, a. portio æquatoris sibi conterminalis p, g. polus mundi d. Item superficies eccentrici Solis in superficie eclypticæ sit h, c. cuius centrum sit e. & centrum mundi f. longitudo propior ex superioribus constat esse sub Capricorni nostro tempore principio, scilicet sub a. Erit itaq; principium diminutionis dierum differentium à mediocribus in portione a, b. sit ipsum punctum n. factoque m, n. gradu uno, & n, o. gradu uno, ductisque lineis & circulis ut in figura, uero

F iij


motui



# LIBER

motui m, n, respondeant eleuatio recta q, p. & medius motus k, h. Sic uero motui o, n, respondent eleuatio recta t, q. & medius motus l, k. Oportet si n, est punctus principij diminutionis dierum differentium à mediocribus, quòd arcus t, q. sit maior arcu l, k. & arcus k, h. sit maior arcu p, q. Nam dum dies differens maior est mediocri, oportet ut additamentum uerum maius sit additamento medio. Sed cum dies medius maior est differente, oportet ut additamentum medium maius sit additamento uero. Ad additamentum autem medium non est aliud nisi medius motus Solis in tempore dato. Additamentum autem uerum est ascensio recta quæ respondet uero motui Solis in tempore dato, ut patet ex ratione dierum differentium & mediocrium, quare oportet ut ante punctum principij diminutionis dierum differentium à mediocribus, ascensio recta quæ respondet uero motui Solis in tempore dato, sit maior medio motu Solis in eodem tempore. Et post tale punctum sit econuerso. Ad inquirendum igitur punctum n, & componendum tabulam æquationis dierum, primo compone tabulam, quæ ex uero motu Solis ab auge dato extrahitur, & medius motus sibi correspondens. Id fac secundum doctrinam datam in 16. huius, eius tabulæ adiutorio facile habebis propositum. Pone n. finem 21. gradus Aquarij, & n, m. uuum gradum. similiter n, o. unum gradum, & sit aux in principio cancri. Erit igitur a. principium Capricorni, ex tabula distantia mediij motus à uero fiet l, k. 58. m. 33. secunda k, h. 58. m. 35. secunda. Ex tabula ascensionis recte erit t, q. 58. m. 49. secunda q, p. 58. m. 38. secunda. Quia itaq; t, q. excedit l, k. etiam q, p. excedit k, h. Sunt adhuc dies differentes maiores mediocribus, erit n. scilicet 21. gradus Aquarij ante principium diminutionis quæsitum. Item si pones n. 21. gr. 15. m. Aquarij inuenies l, k. 58. m. 35. secun. t, q. uero 58. m. 46. secun. q, p. e, h, k. 58. m. 35. secun. Cum itaq; ante punctum n. iam dies differens maior sit mediocri & in puncto n. sint æquales, q; additamenta uerum & medium sine æqualia, fiat hoc nostro tempore principium diminutionis dierum differentium à mediocribus in 51. gr. 15. m. Aquarij, quod quærebamus. Mutabitur tamen successu temporis secundū augis mutationem. Habito principio tali, facile compones tabulam æquationis dierum. Posui namq; principium in fine 21. gr. Aquarij, feci deinde arcū n, m. unum gradum, post duos, deinde tres &c. ad complementum circuli, & arcui n, m. quæsiui correspondentiam k, h. & q, p. inueni q; k, h. semp maiorem k, p. Eorum differentiam tabulaui. Nam ipsa est æquatio dierum, addenda quidem ad tempus mediocre, ut dies differentes exeant, & à differentibus minuenda, ut tempus mediocre exeat.

FINIT LIBER TERTIVS,





# LIBER QVARTVS

MOTVS LVNÆ, ET PER ECLY-  
psēs & per instrumenti medium depræhensionem, suæq; mo-  
tus diuersam uariationem demonstrando declarat.

## PROPOSITIO PRIMA.



VERVM LOCVM LVNÆ IN  
eclyptica certius per Eclypsēs lunares q̃ in-  
strumēta uel considerationes respectu stel-  
larum fixarum aut eclypsēs solares depræ-  
hendi.

¶ Patet quia semidiametrum magnitudinis ter-  
ræ sensibilis est quantitatis respectu distantiae Lunæ  
a terra. Ideoq; diuersitas aspectus in Lunâ contingit quæ impedimen-  
to est, ut uerus eius locus per instrumenta uel considerationes respectu lo-  
corum stellarum fixarum aut eclypsēs Solares certius depræhendi nō sem-  
per possit. In eclypsibus uero lunaribus, cum facile per principiū & finem  
medium eclypsis cognoscatur, in medio uero Luna sit diametraliter oppo-  
sita, ex loco Solis per priora cognito certus habebitur Lunæ locus.

## PROPOSITIO II.

Reditiones Lunæ in circulo diuersitatis suæ, & in orbe si-  
gnorum atq; latitudine diuersas uideri.

¶ Videmus enim eam sub una & eadem parte zodiaci nunc tarde, nūc  
uelociter, nunc motu mediocri moueri, nec eandē semper sub eadem parte  
zodiaci seruari latitudinē. Quæ satis nobis significāt, quod reuersio eius in  
circulo diuersitatis motus æqualis est alia a reuersione ipsius in orbe signo-  
rum. Et etiam quod nodus orbis eius declinis moueatur in eclyptica, hinc  
& reditiones in latitudine diuersas esse.

## PROPOSITIO III.

Qua uia maiores nostri in circulo diuersitatis atq; in orbe  
signorum reditiones Lunæ depræhenderunt.


¶ Quia uiderūt motū Lunæ apparente diuersum esse, nūc uelocem, nūc  
tardū, nunc mediocrē: Oportuit in circulo diuersitatis suæ quatuor puncta  
esse, in quorū uno contingat motus Lunæ uelocissimus, & in huius opposito  
tardissimus, & in duobus medijs mediocris. Quæ quidem puncta circulū  
in quatuor portiones diuidunt. In prima portione motus Lunæ est a motū  
uelocissimo eius ad mediū primū, & est uelox diminutus. In secunda est me-  
dius diminutus. In tertia tardus additus. In quarta mediocris additus. Aspi-  
cientes autē quotidie ad motū Lune, scire poterūt, in qua portione circuli sui  
Luna moretur. Elegerūt ergo duas eclypsēs lunares, in quarū una quæq; Lu-  
na in eadem portione circuli suæ diuersitates eadem motus uelocitate mora  
esset, unde coniecturam fecerūt, Lunam in secunda eclypsi rediisse ad pun-  
ctum sui circuli, in quo fuit in prima eclypsi, & quod interuallum temporis  
inter ambas contineret integras reuolutiones in circulo suæ diuersitatis.

Vtq; tale spacium temporis certissime uerificatum haberent. Considerauerunt etiam duas alias eclypses lunares. In quibus Luna in portione circuli suae diuersitatis priori opposita iterum aequaliter mota esset. Inueneruntq; interuallum harum duarum aequale interuallo primarum duarum, & uerum motum Lunae in primo interuallo, aequalem uero motui eius in secundo interuallo. Hypparchus autem quantitatē huius interualli reperit, 126007. dies, & horam unam, & in hoc interuallo fuerunt menses lunares, 4267. quod facile per numerum nouiluniorum considerare potuit. Reditiones autem in circulo diuersitatis fuerunt, 4573, quod etiam per motus Lunae conditionatos tardum medium uelocem, & medium deprehendit. Reditiones uero in orbe signorum 4912. minus septem gradibus & medietate ferē. Tantum enim Sol minuit in 347. reuolutionibus huius temporis, eo quod in reditionibus istis processum est in relatione ad stellas fixas. Interuallum itaq; dictum diuisum per numerum mensium, ostendit quantitatem unius mensis lunaris. Item quia in unoquoq; mense lunari Luna circum perficit, & addit tantum quantum est motus Solis in mense lunari. Hoc igitur totum diuisum per spacium mensis lunaris, declarabit motum Lunae mediocrem in uno die. Circulus diuisus per motum in die, ostendet reuolutionem motus Lunae mediocris. Vel ex numero reditionum in orbe signorum, & per interuallum ipsa cognosces reuolutionem unam in orbe signorum, & motum in uno die. Sic etiam ages de numero reditionum in circulo diuersitatis, multiplicando eum in circum, & productū diuidendo p̄ dies interualli, & exibat motus in circulo diuersitatis in uno. Item dicti numeri, scilicet 4267. mensium, & 4573. reditionū diuersitatis habent se in proportionē 251. ad 269. Igitur in 251. mensibus lunariis reuertitur diuersitas similis motus, & in tanto tempore fiunt 269. reuolutiones diuersitatis,

## PROPOSITIO IIII.

Si interuallum duarum eclypsum priorum fuerit aequale interuallo duarum eclypsum posteriorum, fueritq; in eclypsi secunda motus Lunae in eadem portione circuli diuersitatis, & eiusdem uelocitatis, in qua fuit in prima. Item in quarta eadem portione, & eiusdem uelocitatis cuius in tertia. Motusq; Lunae uerus in primo interuallo aequalis motui, Lunae uero in secundo interuallo. Necessē erit utrumq; interuallum integras reditiones Lunae in circulo diuersitatis continere,

¶ Habeat Luna epicyclum a, b, g, d. cuius centrum e. centrum mundi, z. aux a. oppositum g. linea per augem a, e, g, z. duae lineae cōtingentes z, b. & z, d. erunt duo puncta b, & d. transitus mediocris. Sit Luna in prima eclypsi super h. in tertia super p. ita ut duo incellus eius sint diuersi, ut unus sit cum augmento, alter cum diminutione. Sit tamē in secunda eclypsi motus eiusdem uelocitatis cuius in prima, & in portione a, d. In quarta etiam eiusdem uelocitatis cuius in tertia, & in portione g, b. Sintq; interualla aequalia, & uerū motus Lunae in utrisq; interuallis aequales. Dico quod in secunda eclypsi necessariō redierit ad punctum h. & in quarta redierit ad punctum p. quoniam si non sit in secunda in t. & in quarta in q. quia igitur inter-





## QVARTVS.

interualla sunt æqualia: oportet ut  $t, h.$  sit æqualis  $q, p.$  & medius motus Lunæ in primo interuallo æqualis medio motui Lunæ in secundo. Et quia incessus in  $t.$  &  $h.$  diuersi sunt ab incessibus in  $q.$  &  $p.$  quod unus est cum augmento, alter cum diminutione. Oportet ut motus Lunæ uerus in primo interuallo differat à motu eius uero in secundo per quantitatem duorum angulorum æquationum diuersarum respondentium arcibus  $t, h.$  &  $q, p.$  huius autem contrarium fuit hypothesis, igitur &c.

### PROPOSITIO V.

In inquisitione temporis reditionum Lunæ in diuersitate sua cauendum ab eclypsibus, in quibus Luna est prope puncta transitus medij.


¶ Eligibiliores eclypsēs in hac re sunt, in quibus motus Lunæ uerus plurimum differt à mediocri. Id uero accidit prope puncta longitudinis longioris & propioris. Minus autem accommodatæ sunt & fallaces, in quibus Luna est prope transitus mediocres. Nam si in prima eclypsi fuerit Luna prope  $d.$  scilicet in  $m.$  propter uiciniam horum punctorum, & minimam motus apparentis uarietatem possibile est, ut in secunda eclypsi sit supra  $d.$  in  $n.$  in quo motus eius apparens non est sensibilis uarietatis à motu eius in  $m.$  Et si in tertia eclypsi sit in  $k.$  puncto prope  $b.$  ita ut  $b, k.$  arcus sit æqualis arcui  $d, n.$  possibile est in quarta eclypsi ut sit in  $l.$  sub  $b.$  ita ut arcus  $b, l.$  sit æqualis arcui  $d, m.$  Nos itaq; putabimus Lunam in secunda eclypsi redisse ad locum eius quo fuit in prima, & in quarta redisse ad locum eius quo fuit in tertia. Et licet ita sit, ut uerus motus interualli primi sit æqualis uero motui interualli secundi, propterea quod angulus diuersitatis respondens arcui  $k, l.$  sit æqualis angulo diuersitatis respondentis arcui  $n, m.$  & ambo anguli sunt unius gradus, scilicet quo ad augmentum aut diminutionem in uero motu, & interualla etiam temporis sint æqualia propter arcus  $n, m.$  &  $l, k.$  æquales, tamen in neutro interuallo factæ sunt reditiones integre in diuersitate. Similiter fieret, si in prima eclypsi esset in puncto transitus medij primo, & in quarta in puncto transitus medij altero. In secunda autem & tertia in uno duorum punctorum  $n.$  &  $k.$  aut  $l.$  &  $m.$

### PROPOSITIO VI.

Reditionem Lunæ in latitudine dapræhendere.

¶ Considerauerunt obseruatores interuallum duarum eclypsium, in quarum utraq; pars diametri eclypsata unius quantitatis fuit, & Luna in utraq; in eodem puncto diuersitatis suæ constiterit, & pars eclypsata in utraq; uersus septentrionem, aut in utraq; uersus meridiem apud unum & eundem modum fuerit. Nam harum conditionum positionem sequetur, ut longitudo Lunæ in prima harum eclypsium à nodo, sit æqualis longitudini eius à nodo in secunda earum, & in eandem partem. Ideoq; hoc interuallum continebit reditiones integras Lunæ in latitudine, & centri orbis reuolutionis eius in orbe decliui. Inuenit autem Hipparchus hoc interuallum continere 1458. menses, in quibus fuerūt 5923 reditiones in latitudine. Diuiso itaq; interuallo temporis per numerum reditionum, proueniet tempus reditionis unius, & diuiso circulo per tempus unius reditionis, proueniet motus Lunæ in latitudine in uno die.

Propositio





# LIBER

## PROPOSITIO VII.

Si motus Lunæ in ecentrico fuerit æqualis, aut similis motui Lunæ in Epicyclo, moueaturq; ecentricus ad partem successione signorum secundum quantitatem excessus medijs motus longitudinis supra medium motum diuersitatis. Fuerintq; ecentricus & cōcentricus eiusdem magnitudinis, & ecentricitas æqualis semidiametro epicycli, quicquid diuersitatis secundum unum modorum accidit, continget & secundum reliquum.

¶ Sit concentricus a, b, g. super centro mundi d. & diametro a, d, k. & epicyclus e, z. super centro g. sitq; arcus concentrici a, g. medijs motus longitudinis à puncto a. in quo dum centrū epicycli fuerat, Luna stetit in longitudine longiori epicycli sui. Interea dum centrum epicycli peragit arcū a, g. Luna in epicyclo peragat arcum e, z. Et quia arcus a, g. est maior portio de suo circulo quā e, z. de suo. ideo sit arcus b, g. similis arcui e, z. quare secundum positionem oportebit centrum ecentrici esse in linea d, b. ducta. Et motus ecentrici in eodem tempore fiet angulus a, d, b. qui est excessus anguli a, d, g. super angulum e, g, z. Sit ergo d, h. æqualis g, z. & ducta h, z. ipsa fiet æqualis lineæ g, d. per 34. primi. Super h. centro fiat ecentricus eiusdem magnitudinis cum concentrico, qui sit t, z. cuius longitudo longior t. Dico itaq; siue ponamus Lunam in epicyclo moueri, ita ut centrum epicycli secundum quantitatem motus medijs in longitudine uoluatur super concentrico, & Luna in epicyclo secundum quantitatem motus diuersitatis. Siue ponamus Lunam in ecentrico moueri secundum quantitatem motus diuersitatis, & cum hoc augem ecentrici seu ecentricum ad eandem partem, secundum quantitatem excessus medijs motus in longitudine super motum in diuersitate. Idem semper apparet quo ad motum eius apparentem. Nam quadrilaterum g, z, h, d. semper est æquidistantium laterum, quare angulus e, g, z. æqualis angulo g, d, b. Sed & g, d, b. æqualis est angulo z, h, t. ideoq; arcus e, z. similis arcui t, z. quare secundū utrumq; modorum Luna apparebit super puncto, quem indicat linea d, z.

## PROPOSITIO VIII.

Idem etiam accidere, si ecentricus & concentricus inæquales fuerint. Proportio tamē semidiametrorum ecentrici & concentrici sit sicut proportio distantiae centrorum ad semidiametrum epicycli, seruata ratione motus ut antea.


¶ Sint in figuris diuersis circulus concentricus a, b, g. sup centro mundi d. & diametro a, d, k. sitq; a. punctum, in quo centrum epicycli est dum Luna est in auge epicycli, centrum epicycli distet ab a. per arcum a, g. epicyclus sit super centro g. & dum centrum epicycli peragit arcum a, g. Luna peragat arcum e, z. Item in alia h, t, k. circulus ecentricus alterius magnitudinis super centro suo l. & centro mundi m. & diametro t, l, p. Sit tamen proportio t, l. ad l, m. sicut g, d. ad g, z. dum centrum epicycli est in a. Sit in figura secunda Luna super h. & in tempore quo centrum epicycli mouetur per angulū a, d, g. motus sit ecentricus p angulum h, m, t. cui angulo æqualis sit angulus a, d, b. in prima figura. In eodemq; tēpore Luna in epicyclo descripsit angulū e, g, z. cui sit æqualis angulus t, l, k. quem in eodē describit Luna mota ab auge in secūda figura. Dico q; secundū ambos modos

Luna



## TERTIVS.

Luna in eodem loco cœli appareat. Hoc patebit si probabimus angulū  $a, d, z.$  æqualem esse angulo  $h, m, k.$  quia angulus  $e, g, z.$  æqualis est angulo  $t, l, k.$  ergo residuus  $z, g, d.$  æqualis residuo  $m, l, k.$  & duo latera  $z, g.$  &  $g, d.$  sunt proportionabilia duobus lateribus  $m, l.$  &  $l, k.$  igitur per sextam sexti erit angulus  $g, z, d.$  æqualis angulo  $l, m, k.$  Sed angulus  $g, z, d.$  est æqualis angulo  $z, d, b.$  propter æquidistantiam linearū  $g, z.$  &  $d, b.$  quæ sequitur ex hypotesi, igitur angulus  $l, m, k.$  est æqualis angulo  $b, d, z.$  Sed &  $a, d, b.$  est æqualis  $h, m, t.$  quod uterq; sit excessus medijs motus in longitudine super motum mediū in diuersitate, quare totus  $a, d, z.$  æqualis est toti  $h, m, k.$  quod est propositum. Quoniam igitur secundum ambos modos idem cōtingit, & ut postea dicemus, in Luna reperta est etiam diuersitas secunda, quæ prouenit ex diuersa habitudine Lunæ ad Solem, commodius est ut hanc primam diuersitatem Lunæ saluemus per epicyclum & eccentricum, & seruemus diuersitati secundæ.



### PROPOSITIO IX.

Proportionem semidiametri epicycli ad lineam inter centrum terræ & centrū epicycli per tres eclypses notas patefacere.

¶ Assumit Ptolemæus eclypses antiquas, quarum prima fuit in anno primo Mardochæi 29. diebus transactis mensis Thus ægyptiorum, cuius mane fuit tricesimus dies Sole existente in 24. gr. & 30. m. Piscium ante mediam noctem in Alexandria, tribus horis, & tertia horæ. Secunda fuit in secundo anno Mardochæi transactis 19. diebus mensis Thus, cuius mane fuit 19. dies, in qua eclypsati fuerunt à parte meridiei tres digiti, in Babylonia quidem in media nocte, sed in Alexandria ante medium noctis medietate & tertia horæ, quibus orbis meridiei Alexandriæ præcedit orbem meridiei Babyloniæ, Sole tunc in 13. gr. & medietate & quarta gradus Piscium existente. Tertia quoq; fuit in anno secundo Mardochæi, transactis nouem diebus mensis Chamant ægyptij, eo mane fuit decimus quo Luna eclypsata est plus medietate à parte septentrionis ante mediū noctis. In Alexandria horis quatuor & tertia horæ, Sole tunc in tertio gradu & quarta unius signi Virginis existente. Verus itaq; motus Solis in intervallo primæ & secundæ eclypsis, fuit 343. gr. 15. m. & Lunæ toridem post reuolutiones integras, & in intervallo secundæ & tertiæ 169. gr. 30. m. Intervallum uero inter primam & secundam fuit 354. dies, duæ horæ, & medietas dierum differentium, sed mediocres addunt quindecimam partem horæ. Intervallum inter secundam & tertiā fuit 170. dies, 20. horæ, & medietas dierum differentium, sed reductum ad dies mediocres facit 170. dies 20. horas, & quintam horæ. Motus uero æqualis in diuersitate in primo intervallo est per tabulas post reuolutiones integras 306. partes & 25. m. Sed motus æqualis in longitudine est 345. gr. 51. m. Item in intervallo secundo motus æqualis in diuersitate est 150. gr. 26. m. In longitudine 170. partes, & 7. m. Manifestum est igitur q; motus diuersitatis in primo intervallo addit motui Lunæ medio in longitudine 3. gr. 24. m. Sed motus diuersitatis in secundo intervallo minuit ex medio motu in longitudine 37. m. Describamus itaq; epicyclum Lunæ  $a, b, g.$  super centro  $k.$  & sit  $a.$  locus Lunæ in medio primæ eclypsis  $b.$  locus Lunæ in medio secundæ,  $g.$  uero tertiæ, & sit motus Lunæ à puncto  $b.$  uersus  $a.$  & ab  $a.$  uersus  $g.$  prout modus epicycli postulat, erit igitur arcus  $a, g, b.$  306. graduum



graduum, 25.  $\bar{m}$ . addens ad motum medium in longitudine 3. gr. 24.  $\bar{m}$ . & arcus b, a, g. erit 150. gr. 26.  $\bar{m}$ . minuens à medio motu in longitudine 37.  $\bar{m}$ . quare arcus b, a, 53. gr. 35.  $\bar{m}$ . necessario minuet à medio motu longitudinis 3. gr. 24.  $\bar{m}$ . Ideoq; arcus a, g. 90. gr. 51.  $\bar{m}$ . addet supra motum medium in longitudine 2. gr. 47.  $\bar{m}$ . Ex hoc necessarium est, ut longitudo propior epicycli non sit in arcu b, a, g. propterea quia minor est medietate circuli, & minuit ex motu medio in longitudine. In eo enim oportet Lunam secundum successionem signorum moueri.

¶ Fiat igitur figuratio, ut in his rebus consona sit, centrum quidem d. orbis signorum linea transiens à centro mundi per centrū epicycli & suas longitudes longiorem & propiorem, sit d, m. k, l, m. quidem longitudo propior l. longior, propositum est ex his inuenire proportionem lineæ l, k. ad lineam k, d. Ductis lineis d, e, b, d, a, d. g, a, e, a, g. & super a, d. perpendicularie, z. & super d, g. perpendiculari e, h. & super a, e. perpendiculari g, t. Quia angulus z, d, e. est z. gr. 25.  $\bar{m}$ . ideo nota est proportio d, e. ad e, z. & angulus g, e, a. notus propter arcum b, a, notum. Fiet residuus angulus intrinsecus e, a, d. notus. Ideo proportio a, e. ad e, z. nota. quare proportio d, e. ad a, e. nota fiet. Item quia angulus g, d, e. est 37.  $\bar{m}$ . ideo proportio d, e. ad e, h. nota, & angulus b, e, g. extrinsecus propter arcum b, a, g. notus est, ideo residuus intrinsecus e, g, d. notus. quare proportio h, e. ad e, g. nota. Ideoq; & proportio d, e. ad e, g. nota. Item quia angulus a, e, g. notus est propter arcum a, g. datum, nota fiet proportio e, g. ad utramq; g, t. & t, e. ergo & proportio d, e. ad lineas g, t. e, t. & t, a. nota. quare etiam proportio eius ad lineam a, g. nota fiet. Est igitur triangulus a, e, g. notorum laterū in partibus quibus d, e. est nota. Sed & a, g. est chorda arcus a, g. noti, ideo nota fiet semidiameter epicycli in partibus quibus d, e. est nota ex semidiametro epicycli, & e, g. in eisdem partibus quibus notis a, e. nota est, noscetur chorda arcus e, g. ideo arcus e, g. notus, hinc totus b, a, e. scilicet 159. gr. 11.  $\bar{m}$ . notus, & sua chorda b, e. quam reperit minorem diametro epicycli. Ideo certus fuit, quod k. centrum epicycli esset extra portionem b, a, e. Erit itaq; tota d, b. nota in partibus tam d, e. quam semidiametri epicycli. Sed quod fit ex b, d. in d, e. æquale est ei quod fit ex l, d. in d, m. cui si iunxeris quadratum k, m. exhibit quadratum k, d. Ideo proportio l, k. ad k, d. nota fiet, quæ quærebatur. Inuenit autem l, k. esse 5. partium 13.  $\bar{m}$ . quibus k, d. est 60.

## PROPOSITIO X.

Distantiam Lunæ ab. auge epicycli in qualibet trium dictarum eclipsium, locūq; Lunę secundum medium cursum elicere.

¶ Sit in figura superiori epicyclus l, b, m. super centro k. & lineæ à centro mundi ductæ d, m. k, l. & d, e. b, b. quidem locus Lunæ. In secunda edyphi sit k, n, s. perpendicularis super b, e. & ducta b, k. quia in præmissa proportio d, e. ad e, b. nota, & e, n. est medietas e, b. Etiam proportio d, e. ad d, k. data fuit, igitur nota erit proportio d, k. ad d, n. quare notus erit angulus d, k, n. quare & residuus k, d, n. qui est angulus diuersitatis medij loci Lunæ à uero in edyphi secunda, ideo notus erit medius locus Lunæ in ea. Sed angulus d, k, n. notificat arcum m, s. ergo residuus de semicirculo scilicet l, b, s. notus. Sed b, s. est medietas b, e. arcus, ergo nota, ideoq; residuus



## QVARTVS.

dus l, b, s. distantia Lunę ab auge epicycli in secunda eclypsi nota, Inuenit autem 12. gr. 24. m. & angulum k, d, n. 59. m. hinc locum Lunę mediũ, 14. gr. 44. m. uirginis ex his trahes, & radices alias facile quære.

### PROPOSITIO XI.


Quod præmissæ proposuerunt per alias tres eclypses indicare.

¶ Hæ tres eclypses à Ptolemæo subtiliter in Alexandria consideratæ sunt. Prima fuit in 17. annorum Adriani, 20. diebus mensis Tegni ægyptiorũ transactis, cuius mane fuit uigesimus primus, cuius tempus fuit ante medium noctis medietate horæ & quarta, & fuit tota Luna eclypsata Sole in 13. gr. & quarta unius Tauri. Secunda fuit in anno 19. eiusdem, duobus diebus mensis Signach transactis, cuius mane fuit dies tertius. Mediũ huius eclypsis per considerationem, fuit ante medium noctis hora una, & eclypsata est in Luna à parte septentrionis medietas & tertia diametri eius, Sole in 25. gr. 10. m. Libræ. Tertia fuit anno 20. annorũ Adriani, transacto 19. die mensis Formiche ægyptiorum, cuius mane fuit uigesimus, & fuit medietas huius eclypsis post medium noctis 4. horis, & eclypsata est medietas diametri Lunę à parte septentrionis, Sole in 14. gr. 5. m. Piscium. Motus itaq; uerus Solis & Lunæ post integras reuolutiones in primo interuallo, fuit 161. gr. 55. m. In secundo interuallo 138. gr. 55. m. Interuallũ primum annus ægyptius, & 116. dies 23. horæ, medietas, & quarta horæ de tempore differenti. Sed de tempore mediocri fuerunt ultra 23. horas medietas & octaua horæ. Interuallum secundum annus unus, & 137. dies. 5. horæ de tempore differenti, sed de mediocri tempore ultra quinque horas medietas horæ. Medius autem motus in diuersitate in primo interuallo secundum numerationem habetur 10. gr. 21. m. In secundo interuallo 81. gr. 36. m. Et medius motus Lunæ in longitudine in primo interuallo, 169. gr. 37. m. In secundo autem interuallo 137. gr. 34. m. Manifestum est igitur, quòd motus diuersitatis in primo interuallo minuit ex medio motu in longitudine 7. gr. 42. m. Et motus diuersitatis in secundo interuallo addit super medium cursum in longitudine gradum, & 21. m.


¶ Figuremus nunc circulum a, b, g. epicyclum Lunæ, locus Lunæ in medio primæ eclypsis sit a. secundæ b. tertiæ g. & sit motus Lunæ ab a. in b. & a, b. in g. prout epicycli positio postulat, eritq; arcus a, b. 110. gr. 21. m. minuens ex medio motu 7. gr. 42. m. Et arcus b, g. 81. gr. 36. m. addens medio motui gradum unum, & 21. m. ergo arcus g, a. residuus de circulo, scilicet 168. gr. 3. m. erit addens super medium cursum in longitudine 6. gr. 21. m. Ideoq; oportet ut longitudo longior epicycli sit in arcu a, b. eo quòd non potest esse in arcu b, g. nec in arcu g. propterea quòd uterq; eorum sit minor semicirculo, & addens. Oportet enim in arcu minore semicirculo, in quo est longitudo longior Lunam moueri contra successionem signorum. ¶ Fiat igitur secundum hoc figuratio d. centro orbis ignorũ, ductis lineis d, e. a, d. b, d. g, b. g. e. b, e, g. & e, h. perpendiculares super d, g. & e, z. perpendiculari super d, b. & g, t. perpendiculari super e, b. Quia itaq; in triangulo e, d, z. retriangulo angulus d. est notus, ideo pportio d, e. ad e, z. est nota. Similiter in triangulo b, e, z. angulus b. est notus ppter extrinsecum a, e, b. & intrinsecum e, d. b. notos. Ideo proportio b, e. ad e, z. nota, Sed iam fuit proportio d, e. ad e, z. data, notafiet igitur pportio d, e.

G

ad







ad e, b. Similiter in triangulo e, d, h. rectangulo propter angulum d, notū, nota fiet proportio d, e. ad e, h. Et in triangulo g, e, h. notus erit angulus g. propter extrinsecum a, e, g. & intrinsecum e, d, g. notos, ideo nota erit proportio g, e. ad e, h. Sed iam d, e. ad e, h. nota fuit, quare nota erit proportio d, e. ad e, g. Item propter angulum b, e, g. notum in triangulo e, g, t. nota erit in partibus quibus d, e nota fuit. Ideo & residua t, b. Et ex g, t. & t, b. dabitur b, g. nota. Sed ex arcu b, g. nota fiet chorda b, g. respectu partium semidiametri epicycli, ergo & eodē respectu nota fiet e, g. quare arcus e, g. datus. Hinc totus b, g, e. notus, quare & residuus e, a. notus fiet, quem inuenit nonagintaquinque graduum, sedecim minutorum, quinquaginta secundorum. Ex quo manifestum fuit, quod centrum epicycli cecidit in portione a, b, e. Sit itaq; k. centrum epicycli, ducta linea d, m, k, l. per m. longitudinem propiorem, & l. longitudinem longiorem. Iam mediante chorda e, g. aut b, g. nota erit proportio d, e. ad e, a. ergo tota d, e, a. nota erit in partibus semidiametri epicycli, & etiam d. e. in eisdem. Sed quod fit ex a, d. in d, e. cū quadrato semidiametri epicycli est æquale quadrato k, d. Ergo p. portio l, k. ad k, d. nota erit, quod est propositū. Sic inuenit l, k. esse quinque partes, quatuordecim minuta, dum d, k. est sexaginta, quod uicinum est inuentioni & eclipsibus antiquis. Distantiam autem Lunæ ab auge epicycli, & radicem mediū motus Lunæ in prædictis similiter reperit in forma simili priori, ducendo lineam k, n. scilicet perpendicularem sup d, e, a. ductaq; lineam a, k. Quia iam nota fuit proportio d, e. ad e, a. & e, n. est medietas e, a. ergo nota erit proportio n, d. ad d, k. ergo notus erit angulus d, k, n. & eius arcus m, e, s. quare totus m, s, a. notus erit. Ergo & residuus a, l. q. est distantia Lunæ ab auge epicycli medio in primæ eclipsi, ex quo cognoscuntur & arcus l, b. & l, g. Inuenitur autem arcus a, l. quadragintaquinque graduum quadragintatrium minutorum, & l, b. sexagintaquatuor graduum, triginta octo minutorum, & l, b, g. centum quadraginta sex graduum, quatuordecim minutorum. Item ex d, k, n. noto notus fuit residuus angulus, scilicet n, d, k. quem inuenit trium graduum, uiginti minutorum. Per hunc cognouit locum Lunæ medium nouem gradus, quinquagintaquinque minuta Scorpij in prima eclipsi. In secunda autem uigintinouem gradus, triginta minuta Arietis. In tertia autem decem & septem gradus, quatuor minuta Virginis.

## PROPOSITIO XII.

Quantitatem mediorum motuum Lunæ in longitudine & diuersitate ex eclipsibus prefatis certificare.

¶ In secunda trium eclipsium antiquarum locus Lunæ medius fuit 14. gr. 44. m. Virginis. Locus medius in diuersitate 12. gr. 24. m. ab auge epicycli. In eclipsi autem secunda trium posteriorum locus Lunæ medius fuit, 29. gr. 30. m. Arietis, & locus medius in diuersitate 64. gr. 39. m. ab auge epicycli. Interuallum autem inter has duas eclipses continet 854. annos ægyptios, 73. dies 23. horas, & medietatē unius horæ de tempore differente, sed de æquali 23. horas, & tertia unius horæ. In quo per considerationes ultra integras reditiones medius motus Lunæ in longitudine fuit, 244. gr. 46. m. & medius motus in diuersitate 52. gr. 24. m. Sed in prædicto tempore secundum numerationem medius motus in longitudine



## QVARTVS.

dine fuit ultra reditiones integras, 224. gr. 46. m. Sed in diuersitate 52. gr. 51. m. Concordat itaq; motus in longitudine secundum numerationē cum motu in longitudine secundū observationem. Sed in diuersitate differunt in 27. m. Ideoq; hæc 27. m. per dies interualli diuisa ostendent, quantum motui diuersitatis in uno die prius tabulato foret detrahendum, ut motus diuersitatis in uno die correctus haberetur.

¶ Simili uia Albategni secutus suo tempore inuenit motum medium diuersitatis à Ptolemæo positum, maiorē esse motu medio diuersitatis quem ipse per eclypses reperit. Et differentiam per numerum dierum inter Ptolemaum & suam observationem intercidentium diuisit, & quod exiuit, abstulit à motu diuersitatis in die posito in Ptolemæo. Motum uero longitudinis eundem inuenit quem Ptolemæus, nisi q̄ addidit ei quod motui Solis addiderat, illius enim lunationis æqualis tempus acceperit.

### PROPOSITIO XIII.

Radices mediij motus Lunæ in longitudine & diuersitate ad principium datum ex eclypsibus firmare.


¶ Velut Ptolemæus uolens ad principium annorū Nabuchodonosaris radices has figere, considerauit interuallum inter principium hoc, & mediū eclypsis secundæ trium eclypsium antiquarū, uidelicet quæ fuit in secundo anno Mardochæi 18. diebus mensis Thus ægyptiorum transactis, ante medietatem noctis per horæ medietatem & tertiam. Fuitq; interuallum 27. anni ægyptij 17. dies 11. horæ, & sexta unius horæ, tam de tempore differente quàm mediocri. In quo quidem tempore medius motus Lunæ in longitudine habetur numeratione 123. gr. 22. m. in diuersitate 103. gr. 35. m. quæ diminuta à loco mediij motus Lunæ in longitudine & diuersitate in hora secundæ eclypsis, relinquunt radices motuum mediorū Lunæ ad principium annorum Nabuchodonosaris, in longitudine quidem 11. gr. 22. m. Tauri. In diuersitate 268. gr. 49. m. Ideoq; longitudo inter Solem & Lunam media tunc fuit, 70. gr. 37. m. ut ex radice mediij motus Solis habetur ex 21. tertij huius.

### PROPOSITIO XIII.

Si Luna in eccentrico positione superius dicta moueretur, proportionem semidiametri eccentrici ad distantiam centrorū, cæteraq; quæ superius expressa sunt elicere.

¶ Positio fuit in septima huius, etiam in octaua expressa, quòd motus Lunæ in eccentrico esset secundum proportionem motus Lunæ in epicyclo. Ita tamen ut aux eccentrici moueretur secundum successionem iuxta proportionem quantitatis excessus mediij motus Lunæ in longitudine, super medium motum eius in diuersitate seu epicyclo. Sit nunc ea nobis positio, uolumus inuenire eccentricitatem Lunæ per eclypses tres antiquiores, de quibus in nona facta est mentio. Sit itaq; eccentricus Lunæ b, a, g, e. super centro suo k, in quo sit centrum mundi d. Querimus distantiam k, d. Locus Lunæ in eccentrico in prima eclypsi sit a, in secunda b, in tertia g. ductis lineis b, d, e, ad g, d, a, g, g, e. & perpendicularibus e, z. super a, d, e, h. super g, d, & g, i. super a, e. Quoniam in interuallo primo uerus motus secundū

G ij longitus





longitudinem est 349. gr. 15. m. medius autem 345. gr. 51. m. & medius in diuersitate est 306. gr. 25. m. In secundo uero interuallo uerus motus secundum longitudinem est 196. gr. 30. m. Medius autem 170. gr. 7. m. & medius in diuersitate 150. gr. 26. m. Ergo motus augis eccentrici in primo interuallo fuit 39. gr. 26. m. scilicet excessus medij motus in longitudine super medium in diuersitate. Sed in secundo interuallo fuit 19. gr. 41. m. Ideoque motus diuersus in eccentrico in primo interuallo fuit 309. gr. 49. m. Nam motus uerus Lunæ in longitudine secundum positionem excedit motum diuersum in eccentrico tanto, quanto medius motus longitudinis excedit medium motum diuersitatis, ut patet ex figura septimæ huius. Et motus diuersus in eccentrico in secundo interuallo fuit 149. gr. 49. m. simili ratione. Arcus itaque a, b, g. est 308. gr. 25. m. Sed arcus motus diuersi sibi correspondens, scilicet q, s, p. concentrici super d, fiet 306. gr. 49. m. quare residuus de circulo 50. gr. 11. m. & est angulus b, d, a. Item arcus b, a, g. est 150. gr. 26. m. Sed arcus motus diuersi sibi correspondens fiet, 149. gr. 49. m. & est angulus b, d, g. Nunc processus est similis ei qui dictus est in 14. tertij huius. Ex angulo b, d, a. nota fiet proportio d, e. ad e, z. Item ex arcu b, a & suo angulo a, e, b. & extrinseco b, d, a. nota fiet proportio a, e. ad e, z. Sed iam fuit d, e. ad e, z. nota, ideo, proportio a, e. ad e, d. nota fiet. Item ex angulo b, d, g. nota fiet proportio d, e. ad e, h. Sed ex arcu b, g. suoque angulo g, e, b. & extrinseco b, d, g. nota erit proportio g, e. ad e, h. Sed iam d, e. ad e, h. nota fuit, ideo proportio g, e. ad e, d. nota fiet, quare & g, e. ad e, a. dabitur.


¶ Præterea ex arcu a, g. & suo angulo g, e, a. nota fiet proportio e, g. ad g, t. etiam ad t, e. quare ad residuam t, a. hinc ex g, t. & t, a. nota fiet, proportio e, g. ad g, a. Sic triangulus a, g, e. est notorum laterum respectu partium d, e. notæ. Sed & arcus a, g. notus, quia excessus b, g. super b, a. ergo ex chorda a, g. nota erit d, e. & a, e. uel g, e. in partibus quibus k, m. est sinus totus notus. Igitur arcus a, g, e. notus, quare & b, a, e. notus, hinc sua chorda b, d, e. Et cum portio eius d, e. in eisdem partibus iam nota fuit, erit & residua scilicet b, d. in eisdem cognita. Sed quod sit ex e, d. in d, b. cum quadrato d, k. est æquale quadrato k, m. Ideo notum erit quadratum k, d. quare proportio d, k. ad k, l. nota fiet, quæ quærebatur. Quod si uoles inuenire arcum l, b. facies illud ex triangulo h, d, k. notis lateribus. Ducta enim perpendiculari super d, b. erit e, n. æqualis n, b. Ideo d, n. nota. Sic ex k, d. & d, n. noscetur angulus n, k, d. ideo residuus ad complementum recti n, d, k. notus.

## PROPOSITIO XV.

Quantitatem medij motus Lunæ in latitudine rectificare.

¶ Ad id sumendæ sunt eclypsæ lunares duæ sic conditionatæ, quod quantitas eclypsata de diametro sit una, & fiant apud eundem nodum, & ex eadem parte, scilicet septentrionis aut meridiei, & quod Luna in epicyclo sit in loco uno pene, sic enim fiet ut distantia Lunæ a nodo in ambabus sit una, & in interuallo integræ reditionis factæ sint.

¶ Assumpsit Ptolemæus eclypsæ duas: Prima fuit in anno 21. annorum Darij primi, tertio die transacto mensis Toe ægyptiorum, cuius mane quarta fuit dies, ante mediu noctis Alexandriæ per horam & tertiam unius, Eclypsatiq; sunt





## QVARTVS.


**funt de Luna à parte meridiei** duo digiti. Secunda fuit in nono annorum Adriani, die 17, mensis Machir ægyptiorū: cuius mane fuit dies 18, ante mediū noctis Alexandria tribus horis & tertia & quinta. Eclipsata quoq; est de Luna sexta diametri à parte meridiei. Fuit autē utraq; iuxta nodum caudæ, & Luna in utraq; iuxta longitudines medias epicycli sui, quod sciri potuit per tabulas motus in diuersitate iam factas, & radicem eius in principio annorum Nabuchodonosaris, & differentiam temporis usq; ad ambas eclipses. Fuit enim prima eclipsis à principio annorum Nabuchodonosaris 256, annis ægyptijs 122, diebus, 10, horis, & duræ tertiæ horæ de tempore differente, sed de mediocri 10, horæ & quarta. Secūda uero fuit à principio annorum Nabuchodonosaris 871, annis ægyptijs 256, diebus 8, horis, & duabus quintis unius de tempore differente, sed de mediocri 8, horæ, & medietas sextæ unius horæ. In prima itaq; eclipsi distabat Luna à longitudine longiori epicycli 100, gr. 19, m. In secunda 251, gr. 56, m. Ideoq; in prima fuit cursus uerus minuens ex medio 5, gr. In secunda fuit cursus uerus addens super medium 4, gr. 53, m. Quare in interuallo duarum eclipsium, scilicet in 615, annis ægyptijs 133, diebus 21, horis, & 50, m, unius fiet cursus Lunæ in latitudine uerus, continens integras redictiones, sed cursus medius minuet à uero reuolutionem integram, aggregatum ex ambabus diuersitatibus, scilicet 9, gr. 53, m. sed secundum numerationem quam posuit Abrachis in prædicto interuallo, minuit cursus medius in latitudine à uero 10, gr. 2, m. Fit igitur cursus medius in latitudine in prædicto interuallo maior in 9, m. eo quem assignauit Abrachis, quæ diuisa per dies interualli, scilicet 224609, ferè ostendunt, addendum super motu medio latitudinis in uno die posito ab Abrachi, ut exeat cursus reificatus.

### PROPOSITIO XVI:


**Distantiam Lunæ à nodo secundū cursum latitudinis medium atq; uerū per eclipses indagare, atq; radicem mediū motus in latitudinem ad principium datum firmare.**

¶ Assumpsit ad hoc Ptolemæus sciendum eclipses duas. Vnam ex eis quam diximus. Secundam trium antiquarum, scilicet quæ fuit in secundo anno Mardochæi, transactis 18, diebus mensis Thus ante medium noctis Alexandria medietate horæ & tertia. In qua eclipsati sunt tres digiti à parte meridiei. Et fuit à principio annorum Nabuchodonosaris 27, annis ægyptijs 17, diebus, 11, horis, & sexta horæ de utroq; tempore. Et distantia Lunæ à longitudine longiori epicycli sui 12, gr. 24, m. quæ minuebat à cursu medio 59, m. Aliam assumpsit, quæ fuit in anno 20, annorū Darius, qui regnauit post Philippum 28, die mensis Thus ægyptiorū, cuius mane fuit uicesimus nonus, ante medium noctis Alexandria per unam horā. In qua eclipsati sunt similiter tres digiti à parte meridiei, & fuit à principio annorum Nabuchodonosaris 245, annis, 327, diebus, 10, horis, & medietate & quarta de tempore differente, sed de mediocri 10, horis & quarta horæ. Et distantia Lunæ à longitudine longiori epicycli sui 2, gr. 44, m. minuens à medio motu 13, m. Interuallum itaq; ambarum eclipsium fuit, 218, anni, 309, dies, 23, horæ, & 12, unius ferè. In quo tempore medius cursus latitudinis per numerationē, habet ultra reuolutiones integras 160, gr. 4, m. Sit igitur circulus Lunæ decliuis a, b, g. super diametro a, g. nodus capitis a, nodus caudæ sit g. & b, sit maxima declinatio huius decliuis

G in circuli







circuli ab eclyptica, arcus a, d. sit æqualis arcui g, e. ita ut Luna in eclypsi prima sit super d. in secunda super e. Item sit d, z. distantia mediij loci Lunæ, a. uero in prima eclypsi, & in secunda sit e, h. Fiet itaq; arcus z, h. 160. gr. 4. m. sed z, d. est m. 59. ideo h, d. est 161. gr. 3. m. h, e. autem est 13. m. fiet ideo d, e. 160. gr. 50. m. igitur residuum de semicirculo fuit 19. gr. 10. m. cuius medietas a, d. aut g, e. fuit 9. gr. 35. m. cursus Lunæ uerus in latitudine à nodo. ergo a, z. fuit 10. gr. 34. m. distantia Lunæ à nodo secundum cursum latitudinis mediij in prima eclypsi, & b, g. a, z. fuit 286. gr. & 34. m. distantia Lunæ in latitudine secundum motum æqualem à puncto maximæ latitudinis in partem septentrionis. Ex hoc & interuallo inter principium annorum Nabuchodonosaris firmata est radix huius motus. Nam motus medius in latitudine prædicto interuallo, scilicet 27. annis ægyptijs, 17. diebus, 11. horis & sexta fuit, 286. gr. 19. m. quem si auferimus à 280. gr. 34. m. remanent 354. gr. 15. m. radix mediij motus in latitudine computando à puncto septentrionali maximæ latitudinis in principio annorum Nabuchodonosaris.

## PROPOSITIO XVII.

Quantus sit medius motus nodi contra successione[m] signorum conducere.

¶ Quia medius motus in longitudine ad unam diem minorem medio motu latitudinis ad unā diem, ideo oportet ut hoc accadat propter motum nodi, scilicet cōtra successione[m] signorū. Aufer itaq; mediū motum in longitudine unius diei à medio motu latitudinis unius diei, remanebit medius motus capitis Draconis unius diei, qui semper est contra signorum successione[m].

## PROPOSITIO XVIII.

Tabulam diuersitatis primæ componere.

¶ Hæc semper sufficit pro locis Lunæ æquandis ad horam coniunctio[n]is aut oppositionis ueræ. Componitur autem eo ingenio, quod habitum est in 17. & 19. tertij huius de Sole, secundum uiam epicycli, nisi quod hic proportio d, a. ad a, e. hoc est Lunæ à centro terræ ad centrum epicycli ad lineam quæ est semidiameter tenetur, quæ est 60. ad quinque partes & quartam,

## PROPOSITIO XIX.

Propositionem semidiametri epicycli ad lineam inter centrum terræ & centrum epicycli inuentam esse diuersam à proportionē distantie centri eccentrici à centro mundi ad semidiametrum eccentrici ex errore numerationis Abrachis, non ex horum modorum epicycli & eccentrici diuersitate contigisse.

¶ Idem em̄ secundū utrāq; uiam accidere iam demonstratū est in s. huius. Abrachis aut̄ reperit secundū uiam eccentrici p̄portionē semidiametri eccentrici ad distantia[m] centrorū p̄portionē 3144. ad 327. & tertiam unius, & est uelut p̄portio 60. ad 6. & quartā unius. Sed secundū uia[m] epicycli dixit se inuenisse p̄portionē lineæ à centro mundi ad centrū mundi in coniunctione aut oppositione ad semidiametrū epicycli p̄portionē 3122. ad 347. & medietatē unius, & est uelut p̄portio 60. ad 4. & 45. m. Proportio aut̄ 60. ad 6. & quartā unius facit angulū maximæ diuersitatis ueri motus à medio in eclypsibus 5. gr. 59. m. Sed p̄portio 60. ad 4. & tres quartas facit angulum



## QVARTVS

gūlū hūc 4. gr. & 34. m. Proportio autē q̄ Ptolemęus reperit, scilicet 60. ad 5.  
 & quartā unius, facit hūc angulū 5. gr. & unius m. Propter uariā itaq; ppor-  
 tionē q̄ inuenit Abrachis, existimauit q̄ uia epicycli aliud diuersitatis daret  
 a diuersitate quā dat uia eccentrici. Sed cū illud nō possēt esse, necesse fuit in  
 numeratiōe eclypsū eū errasse. Dicamus itaq; eclypsēs tres q̄bus usus est in  
 uia prima. Prima fuit Lunæ parua pte eclypsata annis Nabuchodo. 365. die-  
 bus 25. horis 18. m. 30. t̄pis differētis, sed mediocris horis 18. m. 15. in Ale-  
 xandria, in qua Sol repitur fuisse secundū numerationē in 28. gr. 18. m. Sa-  
 gittarij. Luna uero in 28. gr. 17. m. Gemi. Sed medius motus Lunæ tūc fuit  
 in 24. gr. 20. m. Gemi. Argumentū autē Lunę in 22. gr. 43. m. Secūda fuit an-  
 nis 365. Nabucho. diebus, 203. ho. 8. m. 15. de tpe differēte, sed mediocris  
 horis 7. m. 50. In hac Sol p numerationē repitur fuisse in 21. gr. 46. m. Ge-  
 minorū. Luna in 21. gr. 46. m. Sagittarij. Sed secundū motū mediū Luna fuit  
 in 23. gr. 55. m. Sagittarij, argumentū Lunæ 27. gr. 37. m. Tertia fuit uni-  
 uersalis in annis Nabuchodo. 366. diebus, 15. horis, 10. m. 10. t̄pis differen-  
 tis, sed mediocris horis, 9. m. 50. in qua Sol p numerationē reperit fuisse in  
 17. gr. 29. m. Sagittarij. Luna in 17. gr. 29. m. Gemi. Sed secundū medium  
 motū, Luna in 22. gr. 28. m. Gemi. Argumentū Lunæ 81. gr. 12. m. Inter-  
 uallum igitur primū fuit, 177. dies, 13. horæ, 35. m. temporis mediocris; &  
 uerus Solis motus in eo 173. gr. 28. m. Interuallū secundū, 177. dies, horæ  
 duæ tēporis mediocris, & uerus Solis motus in eo 175. gr. 43. m. Abrachis  
 autē dixit interuallū primū fuisse 177. dies, horas 13. & tres quartas unius, &  
 cursum uerum Solis in eo, 172. gr. 53. m. Et interuallū secundū dixit fuisse  
 177. dies, horam unam, & 40. m. & cursum Solis uerū in eo 175. gr. 7. m.  
 Errauit igitur in tempore interualli in tertia unius horę ferē, & in cursu So-  
 lis in tribus quintis unius gradus ferē. Vsus etiā est tribus eclypsibus alijs.  
 Prima fuit anni Nabuchodo. 546. diebus; 345. horis 7. temporis differen-  
 tis, sed mediocris 6. m. 30. Sol secundū numerationē in 26. gr. 6. m. Virgi-  
 nis, & Luna in 26. gr. 7. m. Piscium. Sed secundū mediū motū Luna in 22.  
 gradu Piscium. Argumentū Lunæ 13. gr. 13. m. Secunda fuit uniuersalis  
 annis Nabuchodo. 547. diebus 158. horis 13. & tertia utriusq; temporis.  
 Sole secundū numerationē in 26. gr. 17. m. Piscium; Luna in 26. gr. 17. m.  
 Virginis. Sed medius Lunæ motus in 1. gra. 7. m. Libræ. Argumentū Lu-  
 næ 109. gr. 24. m. Tertia fuit etiam uniuersalis annis Nabuchodo. 547.  
 diebus 334. horis, 14 & quarta tēporis differentis, sed mediocris horis 13.  
 & tribus quartis unius. Sole p numerationē in 15. gr. 12. m. Virginis. Lu-  
 na in 15. gr. 13. m. Piscium. Sed medius Lunæ motus in 10. gr. 24. m. Pi-  
 scium. Argumentū Lunæ 249. gr. 9. m. Interuallū igitur primū fuit 178.  
 dies 6. horæ 50. m. temporis mediocris; Et uerus motus Solis in hoc 180.  
 gr. 11. m. Secundū fuit 176. dies, horæ 0. m. 25. tēporis mediocris. Verus  
 Solis cursus in eo 168. 55. m. Abrachis autē dixit interuallū primum fuisse  
 178. dies, horas 6. Et cursum Solis uerum in eo 180. gr. 11. m. Et secundū  
 interuallum dixit fuisse 176. horam unam, & tertiā unius. Et Solis cursum  
 uerum in eo 168. gr. 33. m. Errauit igitur in tempore interualli in medie-  
 rate, & tertia, & decima unius horę ferē. Et in cursu Solis in quinta & sexta  
 unius partis. Ex hoc igitur errore prouenire potuit, ut diuersas proportio-  
 nes eccentricitatis ad semidiametrum eccentrici, & semidiametrum epicycli  
 ad lineam inter centrum mundi & centrum epicycli reperientur.

FINIT LIBER QVARTVS.

Liber



# LIBER QVINTVS

INSTRVMENTIS NONNVLLIS ASTRO-  
nomicis motus Lunæ deprehensionem, & in longitudine & in  
latitudine prosequitur. Habitudo nemq; suam in suis &  
partibus uariam ad Solem & terram &c. cum  
diuersitate aspectus perspicacissime  
declarat.

## PROPOSITIO PRIMA.




INSTRVMENTVM AR-  
millarum componere.

¶ Duæ armillæ decentis & eiusdem magnitudi-  
nis superficierum lenium, ita primum sibi inuicem  
inferantur, ut una uicem eclipticæ, alia uicem co-  
luri solstitiorū teneat. In polis eclipticæ, scilicet in  
coluro figantur duo clauiculi rotundi æqualis ma-  
gnitudinis, ita quod exterius & interius promine-  
neant. His superaddeamus duas alias armillas. Vnam quidem affixam in-  
terius, ut super polis zodiaci uoluatur in clauiculis prædictis, ita ut motu fa-  
cili sua exteriori superficie contingat eclipticæ superficiem interiorē. Aliam  
affixam in eisdem clauiculis exterius, ut super eisdem polis eclipticæ motu  
facili in prædictis clauiculis uolui possit, sua interiori superficie, superficiem  
exteriorem eclipticæ contingendo. Armilla autem quæ uicem eclipticæ  
tenet, diuisiones habeat 360. gr. horarum, prout fieri potest per subdivisi-  
ones. Similiter armilla quæ interius clauiculis affixa est, quæ uicem circuli  
latitudinis Lunæ aut stellarum tenet, 360. diuisiones graduum habeat.  
Huic interiori armillæ, quæ latitudinum est, adaptabimus aliam armillam,  
quæ in ea moueri possit, & habeat ex opposito diametraliter duas pinnulas.  
Verum in idem redibit, si centro huius interioris armillæ aptaueris regu-  
lam cum pinnulis & linea fiduciæ sicut in astrolabio sit, potest enim uicem  
armillæ supplere, id fit propter latitudines Lunæ & stellarum accipiendas.  
Præterea in armilla quæ uicem coluri solstitiorum tenet, secundum quantita-  
tem maximæ declinationis, sumes puncta à polis eclipticæ, quibus axes  
polorum mundi figendi sunt, ut super eis totum hoc instrumentum uolui  
possit. Tandem ei sedes præparanda est, quæ sit armilla, exterius quidem  
quadrata, interius uero immobilis circularis, habens sibi clauiculos polorū  
mundi infixos, ut totum instrumentum secundum motum primi mobilis  
in eis uolui possit, habens polos eleuatos secundum regionis, in qua fueris  
habitudinem Et sit hæc si armilla uicem meridianā tenens orthogonaliter  
super superficiem horizontis erecta.

## PROPOSITIO II.

Locum stellæ in longitudine & latitudine huius instrumen-  
ti auxilio inuenire.

¶ Situatio instrumento in regione tua ut debet, quod armilla immobilis  
uicem meridiani sui suppleat, & poli instrumenti polis mundi respondeat,  
dum





## QVINTVS.

dum Solem & Lunam ambos super terram uideris, & uoles locum Lunæ in longitudine & latitudine per locum Solis cognitum cognoscere. Pone armillam exteriorem uolubilem in polis zodiaci super loco Solis in ecliptica cognito, & uolue eam fixam in loco suo cum toto instrumento uersus Solem, donec utraq; armilla sese obumbret, scilicet eclipticæ & exterioris transeuntis super loco Solis, & sic situs eclipticæ instrumenti situi in cœlo eclipticæ respondebit. Fixo itaq; instrumento, subito armillam intrinsecam in partes diuisam, uolue cum regula sua aut armilla in ea mobili ad Lunam donec per foramina aut acies pinnularum Lunam in cœlo uideas, pariterq; eclipticæ & exterior armilla sese obumbrent. Et tunc sectio armillæ interioris cum eclipticæ armilla locum Lunæ in longitudine, arcusq; armillæ interioris inter eclipticam & regulam pinnularum latitudinem Lunæ ab ecliptica ostendet. ¶ Simili uia per locum Lunæ cognitum loca aliarum stellarum in longitudine & latitudine uerificabis. Aduerte tamen quod in Luna hæc consideratio fallere potest propter diuersitatem aspectus eius, ut patebit.

### PROPOSITIO III.

Lunæ diuersitas secūda, quibus indicijis reperta sit declarare.

¶ Sæpe instrumento armillarum locum Lunæ Ptolemæus uerificauit. Et ut diuersitatem aspectus excluderet, cū in medio cœli esset obseruauit. Inuenitq; locum eius per considerationem inuentum aliquando concordem esse loco eius, quem ex superioribus numeratio dedit, aliquando discordem. Et quandoq; differentia fuit parua, quandoq; multa. Quotū autem consideratio fuit uicinior coniunctioni aut oppositioni, tantū differentia minor, quotū uicinior quadraturæ, tantū maior. Nullam etiam reperit dum esset in auge epicycli aut opposito augis, sed maximam comperit differentiam dum Luna ab auge epicycli per quartam in quadratura ad Solem distaret. Et tunc si diuersitas fuit minuenda, inuenit per considerationem locum Lunæ magis diminutū quā numeratio dabat. Et si fuit addenda, inuenit magis auctum quā numeratio exigebat. Ex his palam fuit, quod Luna præter diuersitatem primam haberet etiam diuersitatem secundam. Et quod talis maxima accidere potest in quadraturis eius ad Solem, nullā uero in coniunctionibus aut oppositionibus esse. Sic bis in mense lunari hæc secunda diuersitas perficitur.

### PROPOSITIO IIII.

Huius secundæ diuersitatis causam reddere.

¶ Quia itaq; in quadraturis Lunæ ad Solē maxima diuersitas uerimotus Lunæ à medio, maior est maxima diuersitate uerimotus Lunæ à medio reperta per numerationem, necesse est ut centrum epicycli Lunæ in quadraturis uicinius sit centro mundi quā in coniunctione aut oppositione. Propter huius enim ad terram accessum fit, ut anguli diuersitatis primæ maiores contingant. Oportet igitur ut centrū ad centrum terræ accedat & recedat, ut in mense lunari bis sit in maxima accessione, bisq; in maxima eius elongatione à centro mundi. In maxima quidē accessione in quadraturis ambabus, in maxima distātia in cōiunctiōibus & oppositionibus.



Id uero fit, si centrum orbis eccentrici moueatur circa centrū mundi in contrarium successionis, ita dum centrum epicycli Lunæ fecerit unam reuolutionem secundum successionem signorum redeundo ad lineam medijs motus Solis, centrum eccentrici fecerit quoque unam reuolutionem contra successionem etiam redeundo ad lineam medijs motus Solis. Hoc enim motu addito ad priores motus quos diximus, scilicet motus centri epicycli in longitudine, & motum medium in latitudine, atque motum in diuersitate epicycli, manebit apparentia superius dicta de diuersitate prima, atque accidunt convenientia iam dictis de diuersitate secunda.

¶ Ut in figura: Imaginemur circulum in superficie orbis decliuis, cuius centrum sit centrum mundi, qui sit a, b, g, d, super centro e, & eius semidiametro a, e. Sit autem propter exemplum aux eccentrici, centrum epicycli, & punctus circuli decliuis, maximæ declinans ad septentrionem, locus Solis medijs, atque principium Arietis simul super lineam e, l. ita ut intelligamus tres lineas mobiles, scilicet e, a, e, b, e, d, iacere super lineam e, l. tanquam immobili. Dico quod in die uno mouebitur punctus circuli decliuis maxime declinans, dictus secundum motum nodi capitis contra successionem signorum tribus minutis fere, donec sit in 29. gr. 57. m. Piscium, qui designantur per motum Lunæ e, a, separata ab e, l. immobili, & centrum epicycli, mouebitur in eodē die secundum successionem 13. gr. 11. m. Arietis, cuius motus designatur per motum Lunæ e, h, b, separata ab e. Sic motus in latitudinem ea die fiet arcus b, a, compositus ex motu longitudinis secundum successionem, & motu nodi contra 13. gr. 14. m. & aux eccentrici mouebitur contra successionem quantitate residui de duplo longitudinis mediæ inter Solem & Lunam, hoc est 11. gr. 12. m. scilicet per arcum l, d. Ita ut totus arcus b, a, d, sit 24. gr. 23. m. quod est aggregatum ex arcu b, a, motu latitudinis, & arcu a, d, motu augis eccentrici contra successionem, & fit illud aggregatum, scilicet motus centri epicycli ab auge eccentrici, æquale duplo longitudinis mediæ inter Solem & Lunam. Ideoque duplex longitudo uocatur. Sic linea medijs motus Solis semper media est inter centrum epicycli Lunæ, & auge eccentrici, dum centrum epicycli non sit in auge eccentrici. Hinc accidit, ut in quadraturis medijs lineæ b, e. & e, d, sint oppositæ. Ideoque Luna tunc in opposito augis eccentrici, & reuertetur semper ad auge eccentrici in omni coniunctione media aut oppositione. Palam est itaque e, & hoc accidere apparentiam, quæ huic secundæ diuersitati reperte conueniat. Nam cum centrum epicycli fuerit in coniunctione cum Sole, aut oppositione eius, nulla fit huiusmodi diuersitas secunda, sed eueniunt omnia quæ ad primam diuersitatem sequuntur.

¶ Ut sit eccentricus a, h, super centro z. & centro mundi e. & epicyclus super auge eccentrici a, fiet proportio e, a, ad a, m. quæ reperta est superius per tres eclipses. Angulusque super e, consistens, qui epicyclum continet, erit omnium minimus, qui hinc sequetur. Nam precedente centro epicycli uersus oppositum augis eccentrici, continue maiorabitur ille angulus propter epicycli centri ad centrū e, accessum, & ita apparebit angulus diuersitatis maior, proportioque lineæ inter centrū mundi & centrū epicycli ad semidiametrum epicycli minor, donec centrum epicycli sit in longitudine propiori eccentrici, quod in quadraturis accidit, tunc angulus dictus est omnium maximus, & proportio dicta omnium minima. Ideoque tunc angulus diuersitatis maximus apparebit. Hinc centro epicycli uersus longitudinem longiorē eccentrici procedente, propter eius a terræ cen. ro remotionem angulus dictus

minuo:



## QVINTVS.

minorabitur, & proportio dicta maiorabitur, donec in longitudinem longiorem eccentrici perueniat.

### PROPOSITIO V.

Quanta sit maxima secunda diuersitas patefacere.

¶ In obseruatione huius rei tria necessaria sunt, scilicet ut Luna sit in quadratura media Solis, nam tunc centrum epicycli eius est in opposito augis eccentrici. Et ut distet ab auge epicycli sui circiter quartam circuli, quia tunc est maximus angulus diuersitatis inter medium uerumq; locum Lunæ qui fieri potest. Atq; ut sit per quartam à gradu ascendente uel prope, quia nulla tunc fit diuersitas aspectus in longitudine, quæ nobis impedimento esse posset. Sic enim per obseruationem uerus locus eius deprehensus differret à medio loco eius per numerationem ueram inuento, in maximo angulo diuersitatis qui quæritur. Obseruauit itaq; Ptolemæus locum Lunæ in secundo annorum Antonij 25. die mensis Chamant, qui est septimus mensis ægyptiorum ante meridiem, horis 5. & quarta unius. Fuitq; Sol uisus per considerationem in 18. gr. medietate & tertia unius Aquarij, & fuit medium cœli in hora considerationis 4. gr. Sagittarij, Lunaq; uisa est in 9. gr. & duabus tertijs Scorpionis, & ille fuit uerus eius locus, quod tunc non fuerit ei diuersitas aspectus in longitudine. Fuit enim tunc elongatio Lunæ ab orbe meridiei Alexandriæ per horam unam & medietatem horæ circiter. Tempus autem à principio regni Nabuchodonosaris, usq; ad hanc considerationem fuit 885. anni, 203. dies, 18. horæ, medietas & quarta unius, utriusq; temporis, cum quo Sol inuentus est secundum cursum medium 16. gr. 27. m. Aquarij, sed secundum uerum, 18. gr. 50. m. quod considerationi per instrumentum concordat. Inuenta autem est Luna secundum medium motum in longitudine 17. gr. 20. m. Scorpj, & elongatio eius media à Sole circiter quartam circuli, & elongatio à longitudine longiori epicycli 87. gradus, 19. minuta, quæ maximum angulum diuersitatis facere ferè solet. Fuit itaq; cursus Lunæ uerus per obseruationem repertus minor medio per numerationem inuento, 7. gr. & duabus tertijs loco 5. gr. quæ sunt angulus diuersitatis primæ. Abrachis quoq; in anno 50. tertiæ, reuolutionis annorū Philippi 16. die mensis Achit, uidelicet annis à principio Nabuchodonosaris 619. ægyptijs, 314. diebus 17. horis, & medietate, & tertia unius de tempore differente, sed de mediocri 17. horis, medietate & quarta, uidit Solem per considerationem in 9. gr. atq; medietate, & medietate sextæ unius Leonis, & Lunam in 12. gradu, & tertia Tauri absq; sensibili diuersitate aspectus. Distantia itaq; inter Lunam & Solem fuit, 86. gr. 15. m. Per numerationem autem Ptolemæi inuenitur Sol secundum medium cursum fuisse in 10. gr. 27. m. Leonis. Et secundum uerum in octauo gradu, 20. m. Luna uero in longitudine secundum medium in 4. gr. 25. m. Tauri. Fuit itaq; longitudo media inter Solem & Lunam circiter quarta circuli, & distantia à longitudine longiori epicycli 257. gr. 47. m. In qua etiam ferè contingit maximus angulus diuersitatis medij motus à uero. Sic distantia inter uerum locum Solis & Lunæ medium est 93. grad. 55. m. & inter uera loca amborum est 86. gradus, 15. m. ergo locus Lunæ secundum considerationem addit loco eius medio per numerationem inuento 7. gradus, & duas tertias unius loco quinque graduum, qui sunt angulus diuersitatis primæ.

Quoniam



Quoniam igitur consideratio Ptolemæi primæ diuersitati diminuit 2. gr. & duas tertias unius. Consideratio uero Abrachis eidem addit 2. gr. & duas tertias unius, & in pluribus alijs considerationibus similiter conditionatis idem inuentum est, patet hanc esse quantitatem maximam secundæ diuersitatis, quæ fuit quæsitæ.

PROPOSITIO VI.

Quanta sit centri eccentrici Lunæ à centro terræ distantia cognoscere.

¶ Sit centrum epicycli in longitudine propiori eccentrici g. centrum eccentrici d. centrum mundi e. linea e, t. contingens epicyclum h, b, z. Ducta t, g. quærimus quantitatem d, e. quia angulus t, e, g. iam repertus fuit 7. gr. 40. m. & angulus t. est rectus, ergo proportio t, g. ad g, e. est nota. Sed iam ex 11. quarti huius t, g. ad e, a. nota fuit, ergo g, e. ad e, a. nota erit. Inuenit autem Ptolemæus g, e. esse 39. partes 22. m. quibus e, a. est 60. ideoq; a, g. 99. partium, & 22. m. Fiet eius medietas scilicet d, a. 49 partium, 41. m. ergo d, e. fuit 10. partium 19. m. quibus e, a. est 60. quod quærebatur.

PROPOSITIO VII.

Data elongatione centri epicycli ab auge maximum angulum diuersitatis ueri motus à medio, qui in ea contingit uidere.

¶ Sit eccentricus a, b, g. centrum eius d. centrum mundi e. & sit centrum epicycli super b. ita ut angulus a, e, b. sit datus. Ductis lineis e, t. contingens epicyclum, & t, b. quærimus angulum t, e, b. Ducatur d, b. item d, p. perpendicularis super e, b. quia itaq; notus est angulus a, e, b. nota erit proportio d, e. ad e, p. & p, d. ex d, b. itaq; & d, p. notis, nota fiet b, p. hinc tota b, e. Sic ex e, b. & b, t. notis, noscetur angulus b. & qui quærebatur.

PROPOSITIO VIII.


Quare indicatum sit, quòd diameter epicycli Lunæ transiens per auge epicycli mediam, & eius oppositum, respiciat punctum oppositum centro eccentrici, tantum à centro terræ distantem, quantum ab eodem centro terræ centrum eccentrici distiterit,

¶ Frequentauit enim Ptolemæus considerationes suas per instrumentum in obseruando loca Lunæ in reliquis elongationibus Lunæ à Sole, scilicet cum centrum epicycli extra auge eccentrici & eius oppositum fuit, m cū centrum epicycli fuit in medietate ab auge eccentrici uersus oppositū augis eius & Luna in auge epicycli, inuenit locum Lunæ per considerationem diminutum à loco per numerationem inuento. Sed Luna tunc in opposito augis epicycli existente, inuenit locum considerationis auctum sup loco numerationis. In reliqua autē medietate eccentrici centro epicycli existente, Lunaq; in auge epicycli, inuenit locum per considerationem maiorem loco numerationis. Sed Luna tunc in opposito augis epicycli existente, inuenit locum considerationis minorem loco numerationis. Maximam autē in




## QVINTVS.

in his diuersitatem reperit, Luna existente in sextilitate aut triplicitate ad Solem, atq; in auge epicycli aut opposito eius. Sed Luna existente in transitibus medijs epicycli, scilicet ubi maximi anguli diuersitatum argumenti contingunt: nullam diuersitatem in his reperit. Hac igitur re significatum fuit ei, qd diameter epicycli transiens p auge mediā epicycli & oppositum eius, non semper recte respiciat centrū mundi, sed punctū aliud oppositum ei. Ad probandum aut quantā distantia esset ille punctus oppositus a centro terrae, assumpsit duas obseruationes Abrachis ad hoc. In quarum prima fuit Luna prope sextilitatē Solis, & prope oppositū augis epicycli sui, fuitq; obseruatio in Rhodo in anno a morte Alexandri 197. 11. die mensis Formiche octauī ægyptiorū, in principio temporalis horæ secundæ diei, uidit Solem in 7. gr. medietate & quarta Tauri, Lunam in 21. gra. & duabus tertijs Piscii p aspectū, sed diuersitate aspectus remota in 21. gr. tertia & octaua unius gr. Piscii, ergo distantia a uero Solis in uerū Lunæ fuit, 313. gr. 42. m. ferē. Principiū aut horæ secundæ temporalis distabat a meri die 5. horis & duabus tertijs unius æqualibus. Ideoq; a principio annorum Nabuchodo. ad horā huius considerationis fuerūt 620. anni ægyptij 219. dies 18. horæ & tertia tps differentis, sed mediocris 18. horæ tm, per cuius numerationē cursus Solis medius fuit 6. gr. 41. m. Tauri, uerus 7. gr. 45. m. Medius Lunæ 22. gr. 13. m. Piscii, & elongatio eius ab auge mediæ epicycli 185. gr. 30. m. distantia medijs loci Lunæ a uero Solis 314. gr. 28. m. Sit igitur eccentricus Lunæ a, b, g. super centro d. & diametro a, d, g. centrū orbis signorum e. epicyclus z, h, t. super centrū b. & quia mediæ Solis & Lunæ est, 315. gr. 32. m. duplata facit 271. gr. 4. m. distantia centri epicycli ab auge secundum successionē. Igitur angulus a, e, b. fuit 88. gr. 7. 6. m. Super e, b sit perpendicularis d, k. ppter angulū d, e, k notum, nota erit pportio e, d. ad d, k. & k, e. ideo in partibus qbus e, d. est 10. partes, 19. m d, k. & k, e. notæ fiunt. Sed in eisdem iam semidiameter eccentrici t, b. nota fuit, quia 49. partes & 41. m. ideo nota erit h, k. hinc b, e. Et quia elongatio medijs loci Lunæ a uero Solis fuit 314. gr. 28. m. sed elongatio p considerationē ueri Loci Lunæ a uero Solis fuit 313. gr. 42. m. horū differentia est 46. m. quibus elongatio medijs Lunæ a uero Solis maior est. Sed e, b. est linea medijs loci Lunæ, ideo sit angulus b, e, h. 46. m. fiet igitur locus Lunæ consideratus sup h. iuxta oppositum augis epicycli t. eo qd elongatio eius ab auge mediæ epicycli sit 185. gr. 30. m. sup e, h. sit b, l. perpendicularis, ductaq; b, h. ppter angulū b, e, l. notum, nota erit pportio e, b. ad b, l. Sed iam nota fuit pportio e, b. ad semidiametrū epicycli, dū semidiameter est 5. partes, 15. m. nota fiet, igitur pportio h, b. ad b, l. ideo angulus b, h, l. notus, quare & reliquis intrinsecus, scilicet t, b, h. datus, cuius quātitas est arcus t, h. qui repertus fuit 6. gr. 21. m. scilicet distantia Lunæ ab opposito augis uere epicycli Sed qā distantia eius ab auge mediæ epicycli fuit 185. gr. 30. m. oportet igitur ut Luna sit ultra oppositū augis mediæ 5. gr. 30. m. Sit itaq; oppositū augis mediæ epicycli punctus m. & super b, m, n. ducta sit perpendicularis e, s. Eritq; angulus e, b, s. 11. gr. 51. m. ideo pportio b, e. ad e, s. nota, & ex angulo extrinseco a, e, b. notus fiet reliquus intrinsecus e, n, b. ex quo nota fiet pportio n, e. ad e, s. quare b, e. ad e, n. pportio dabitur, reperta igitur est e, n. partiū 10. 18. m. quibus e, a. est 60. & in eisdē d, e. fuit 10. partiū 19. m. quare constat punctū q respicit ipsa diameter epicycli transiens p auge mediā epicycli & oppositū eius tantū distare a centro terræ quantū centrū eccentrici ab eodē distat. Secūda cōsideratio Abrachis fuit eodē anno, scilicet 197. a morte Alexandri in Rhodo die






17. mensis Teguz decimi ægyptiorum 9. horis, & tertia diei transactis. Viditq̃ Solem in 1. gr. Cancrī minus 10. unius. Lunam in 29. gr. Leonis sine diuersitate aspectus, ergo distantia uisī loci Lunæ à uero Solis fuit 48. gr. 6. m. Nouem autē horæ tēporales, & tertia unius tūc fuerūt post meridiē 4. horis æqualibus. Intervallū igitur à principio Nabucho. fuit 620. anni ægyptij 286. dies 4. horæ temporis differentis, sed mediocris horæ tres, & duæ tertiæ unius, p̃ hoc Solis cursus medius numeratus est 12. gr. 5. m. Cancrī, uerus 10. gr. m. 40. Locus Lunæ medius 27. gr. 20. m. Leonis. Distantia itaq̃ medij Lunæ à uero Solis fuit 46. gr. 40. m. & longitudo Lunæ ab auge media epicycli 333. gr. 13. m.



¶ Describatur ergo secundū hęc eccentricus Lunæ a, b, g, super centro d, & diametro a, d, g, in quo centrū terræ sit e, & epicyclus z, h, t, sup̃ centro b, ductis lineis d, b, & e, t, b, z. Longitudo uero medij Lunæ à medio Solis duplicatā fecit 90. gr. 30. m. tantus erit angulus a, e, b, ducaturq̃ d, k, perpendicularis super b, e, angulus residuus de duobus rectis, scilicet d, e, k, notus erit, ex hoc proportionēs e, d, ad lineas d, k, & k, e, notæ fient, ergo in partibus quibus d, e, est 10. & 19. m. notæ fient ipsæ lineæ, & in eis d, b, semidiameter eccentrici iam fuit 49. partium, 41. m. ex his nota fiet b, e. Et quia distantia uerī loci Lunæ à uero Solis p̃ considerationē fuit 48. gr. 6. m. sed distantia loci Lunæ medij à uero Solis p̃ numerationē fuit 46. partium, 40. m. ergo uerus motus maior est medio in 4. gr. 26. m. Sed linea e, b, est medij motus, ideo sit angulus b, e, h, 1. gr. 26. m. erit h, prope auge epicycli, locus Lunæ in epicyclo. Ductis itaq̃ b, h, & linea b, l, perpendiculari sup̃ e, h, nota erit p̃portio e, b, ad b, l. Sed & nota fuit e, b, ad b, h, quare b, h, ad b, l, proportio nota, ideo angulus b, h, l, notus. Sed extrinsecus z, b, h, æqualis est duobus b, h, l, & b, e, l, ideo notus, ideo arcus z, h, scilicet distantia Lunæ ab auge uera epicycli nota, & fuit 14. gr. 43. m. Sed distantia Lunæ ab auge epicycli media fuit cōtra motū in epicyclo 26. gr. 48. m. scilicet residuū ultra 333. gr. 12. m. Sit itaq̃ m, aux epicycli media, fiet m, z, scilicet distantia augis mediæ à uera 2. gr. 5. m. Ducta autē e, s, p̃pendiculari sup̃ b, n, ex angulo e, b, s, noto, nota fiet proportio b, e, a, e, e, s. Item ex angulo e, b, s, & extrinsecus a, e, b, notus erit aliter intrinsecus e, n, s, quare n, e, ad e, s, p̃portio nota fiet, igitur b, e, ad e, n, p̃portio data, & ita reperta est e, n, 10. partium 20. m. qualiū e, a, est 60. quare uerū ostensum est, q̃ centrū mundi mediet per æquidistantiā inter centrū ecētrici & punctū extremū, q̃ diameter epicycli transiens per longitudinē longiorem & propiorem epicycli respicit.

## PROPOSITIO IX.

Data elongatione centri epicycli ab auge eccentrici, quantus sit arcus epicycli inter utramq̃ eius auge m̃ comperire.



¶ Sit in figura præcedenti angulus a, e, b, datus, quærimus ex hoc arcu epicycli m, z, ductis d, k, & n, s, p̃pendicularibus super e, b, propter datū angulum, erit angulus d, e, k, notus, ideo p̃portio d, e, ad e, k, & k, d, nota. Sic ex b, & d, k, nota erit b, k, a, quæ ablata k, s, quæ est dupla k, e, nota erit b, s. Sed s, n, æqualis est d, k, ideo ex b, s, & s, n, nota fiet b, n. Ideoq̃ angulus n, b, s, notus, cui opponitur arcus m, z, quæsitus. Hac uia facta est equatio centri in Luna, p̃ cuius additionē ad argumentū mediū: dū centrū epicycli fuerit in medietate ecētrici a, b, g, aut eius subtractionē ab eadē in altera medietate cōsurgit distantia Lunæ ab auge uera epicycli, q̃ uocat̃ argumentū uerū.

Propositio



# QVINTVS.

## PROPOSITIO X.

Datis medijs motibus Lunæ in longitudine & diuerſitate & diſtantiã mediã eius à Sole uerum locum eius demonſtrare.

¶ Sit in figura locus Lunæ e, b. datus, diſtantiãq; mediã Lunæ à Sole duplicata ſit angulus a, e, b. datus. Item arcus epicycli m, h. datus, ex his quærimus locum quem oſtendit linea e, h. per præmiſſa nota erit linea e, b. in partibus quibus b, h. data eſt, item arcus m, z. quare arcus z, h. cognitus erit, proportio b, l. ad h, l. data, ſimiliter b, h. & l, b. quare nota fiet e, l. ex qua & l, h. cognoscetur e, h. hinc angulus h, e, l. ergo locus quem oſtendit e, h. dabitur. Ex hac trahitur quomodo factæ ſint æquationes argumentorū ueroꝝrum ad augem eccentrici atq; oppoſitum eius, tamen e, a. & e, g. ſumendo loco e, b. quocūq; fieri poſſint ad quemlibet ſitū centri epicycli in eccentrico.

## PROPOSITIO XI.

Tabulas æquationum Lunæ complere.

¶ Ex 9. huius perfectas habebis æquationes centri, imo quare æquationes argumenti Luna in coniunctione mediã uel oppoſitiõe cū Sole, ex eadẽ æquationes argumentorū Lunę centro epicycli exiſtente in oppoſito augis eccentrici, niſi q; iam pportio Lunæ à centro terræ ad centrū epicycli ad lineam quæ eſt ſemidiameter epicycli ſit ut 60. ad 8. hinc diuerſitas circuli breuiſ diametri nota. Reſtat itaq; tantū minut. pportionalia facere, quæ ſic fiunt. Minuas per 7. huius maximam æquationẽ argumēti p ſingulos gr. centri ſeu duplicis diſtantiæ ad ſemicirculū, & differentiã horū quæ contingunt in auge, & oppoſito augis eccentrici conſtitue 60. m. & ſecundū proportionem hanc efficias reliquas differentiã, ſcilicet earum quæ contingūt in auge eccentrici & alijs locis minut. & factum eſt.




¶ Vt in exemplo ſit diſtantiã duplex 120. gr. reperietur e, b. 43. partes, 43. m. ſecundū quantitã quæ ſemidiameter eccentrici eſt 49. partes, & 41 m. ideo angulus b, e, m. maximæ diuerſitatis tunc eſt 6. gr. 54. m. ſed diuerſitas maxima in auge eccentrici fuit 5. gr. 1. m. & in oppoſito augis fuit, 7. gr. 40. m. Differentia ergo eius quæ in auge ſit & in oppoſito augis eſt, 2. gr. 39. m. Sed differentiã eius quæ ſit in auge, & quæ in diſtantiã ab auge 120. eſt, 1. gr. 53. m. Quando itaq; 2. gr. 39. m. fiunt 60. m. tunc 1. gr. 53. m. fiunt 42. m. & 36. ſecun.

## PROPOSITIO XII.

Æquationẽ argumēti dati hora ueræ applicatiōis luminariū parum differre ab æquatione eiufdem hora mediæ applica.

¶ Poſſibile eſt, ut diſtantiã ueræ coniunctionis aut oppoſitiōis à mediã ſit hora 14. ſerẽ, q; accidit cū in hora mediæ applicatiōis luminariū habeat maximã diuerſitatẽ ueri motus ſui à medio, & diuerſitas unius ſit addenda, & alterius diminuẽda, ita ut diſtantiã intermedia loci amborū fiat 5. gr. 24. m. ſcilicet aggregatū ex maxima diuerſitate Lunæ, & in tali uera applicatiōe oportet diſtantiã centri epicycli Lunæ ab auge eccentrici eſſe 14. gr. 48. m. ppter hoc erit differentiã inter æquationes eiufdẽ argumēti q; fiunt in hoc ſitu centri epicycli & in auge eccentrici. Talis aut differentiã maxima eſt Luna exiſtente in longitudinibus medijs epicycli, ſcilicet in lineã cōtingente epicyclū, hæc tamẽ differentiã 2. m. nō transcendit. ¶ Sit eñ angulus a, e, b. 14. gr. 48. m. & b. centrū epicycli, cōtingens epicyclū ſit e, t. erit b, t. ducta ppendicularis ſup e, t. ſitq; d, m. ppendicularis ſup b, e. ex angulo d, e

H ij m, dato



**m.** dato, nota erit pportio d, e, ad e, m, & m, d. & ex b, d. & d, m. nota fiet b, m. hinc tota b, e, ex e, b, & b, t. notus erit angulus b, e, t. quē Ptolemæus inuenit 5, gr. 3. m. sed existente centro epicycli in auge eccentrici repertus est 5, gr. 1. m. est igitur horū differentia 2, m. tantum, quod est ppositum.

¶ Præterea cū Luna in cōiunctione uera aut oppositiōe fuerit in auge epicycli aut opposito augis mediæ, possibile est q̄ distātia loci mediij Solis à medio Lunę sit ferè maxima diuersitas Solis, quæ est 2. gr. 23. m̄. distabit ergo tunc centrū epicycli ab auge eccentrici 4. gr. 46. m̄. ferè. Sit itaq; Luna sup̄ oppositū augis epicycli mediæ, ductis l, m. & z, s. ppendicularibus sup̄ e, b, ut antea ex angulo d, e, m. nota, fiet b, e. & d, m. & m, e. sunt æquales, z, s. & s, e. ergo ex b, s. & z, s. nota fiet b, z. ideo angulus z, b, s. notus, sed b, z. ad z, s. sicut b, l. ad l, m. item b, z. ad b, l. sicut b, s. ad b, m. ideo l, m. & b, m. noræ erunt in partibus quibus b, e nota fuit ex l, m. & m, e. nota fuit e, l. ideoq; angulus l, e, m. q̄ repertus à Ptolemæo 4. m̄. erit igit̄ tunc in applicatione uera distātia ueri loci Lunæ à medio 4. m̄. quæ in applicatione mediij nulla fuisset. Huiuscemodi autē differentiā Ptolemæus nihili fecit, non quia difficilis esset in his ueritatis inuētio, sed quia parū sensibilis erroris ea neglecta inducere potest. Nam ad maximum hæc 4. m̄. neglecta ad octauā unius horæ transire possunt. Sed sæpe huiuscemodi in eclypsibus error deprehenditur, qui euenit tum ppter diuersitatē aspectus Lunæ in obseruationibus obmissam, tum ppter eius motus variabilitatē, & p̄ instrumēta nō satis certe uerificata. Aduertendū tamen si semp̄ argumēto medio usus fueris in applicationibus p̄ æquato, possibile est ut aliquando in maiore errorem incidās, uelut si in applicatione uera æquatio Lunę esset, 3. gr. minuēda à medio motu Lunæ, & Solis centro, 2. gr. addēda medio eius, in tali distātia centri epicycli ab auge eccentrici fieret 10. gr. Ex angulo itaq; a, e, b. 10. gr. inuenies arcum k, h. gr. 1. & semis ferè, siue faceres opus p̄ lineas, siue per tabulas, & ex angulo b, e, r. 3. gr. inuenies arcū k, t. 40. gr. ferè, ideoq; arcus h, t. argumēti mediij fiet, 38. gr. & semis ferè, cū quo tanq; argumento æquato si quæris æquationem, inuenies, 2. gr. 54. m̄. loco trium gr. iam fieret in m̄. 6. quæ quasi quintam unius horæ faciunt.

PROPOSITIO XIII.



## Regulas Ptolemæi fabricare.

¶ Tres regulas planas superficiū parallelogramarū longitudin's 4. cubitorū, grossitudinis sufficientis, ut sine tortura manere possint inuenias, in dimidio latitudinis cuiusq; recta linea ducat, quas quidē lineas præsentes in margine signabo, a, b. a, d, c, d, e. & earū fortior a, b. atq; grossior b, a, f. g. æquidistanti horizonti infigatur ppendiculariter, ita ut in foramine b, circumuolui possit. In alia uero quæ sit a, d. duæ primæ cōtineantur cū foraminibus, more regulæ in astrolabio. Sint uero a, b. & a, d. coniuncte sibi iam, ita ut a, d. uolui possit sup axe in a. fixo p modū crucis in circino, & longitudini a, d. æqualis sit longitudo a, c. Lōgitudo uero regulæ tertiæ scilicet c, d, e. sit equalis lateri quadrati inscriptibilis circulo, cuius semidiamet est, a, d. sitq; c, d, e. cōiuncta regulæ a, b. in c. ita ut c, d, e. uolui sup axe possit in c fixo, & sit regulæ c, e. portio e, d. æqualis lineæ a, c. diuisa in 60. partes æquales, de qbus habebit tota c, e. 84. gr. & 51. m̄. Regula aut c, e. sit cauata usq; ad lineā c, e. ita ut extremitas regulæ ad æquitatē possit sup lineā c, e. lineā aut a, b. orthogonalē esse ad superficiē horizontis, p̄babit ppendiculi officium factum esse.

PROPOSITIO XIII.

PROPOSITIO XIII.

Latitudinem Lunæ maximam elicere.





## QVINTVS.

¶ Ptolemæus in Alexandria, cuius latitudo ab æquinoctiali dicitur 30. gr. 58. m. obseruauit Lunā cum regulis dum esset in principio Cancrī in extremo suæ latitudinis uersus septentrionē, inuenitq; distantia Lunæ à polo horizontis 2. gr. & octauæ unius p obseruationē cum regulis, nam eleuauit regulam d, a. cum pinnulis donec uidit p foramen pinnulæ Lunam, & fini d, adhibuit lineam c, e. & per chordam c, d. reperit arcum 2. gr. & octauæ unius. Et quia tam paruam distantia habuit à zenith, & fuit polus eclipticæ tunc in superficie merid. ei, qui erat circulus altitudinis, si qua fuit diuersitas aspectus Lunæ in circulo altitudinis, ipsa fuit insensibilis. Ideoq; si 2. gr. & octaua à 30. gr. 58. m. deuantur, remanent 28. gr. 51. m. & medium, quo excedunt maximam declinationē, scilicet 23. gr. 51. m. & tertiam unius in quinq; gr. ferè, quare concludit latitudinē Lunæ maximam esse 5. gr. Cognita maxima latitudine Lunæ, p eam fient latitudines aliæ ad quicunq; distantiam eius à nodo datam per uiam qua in prima huius confectæ sunt tabulæ declinationis eclipticæ.

### PROPOSITIO XV.


Diuerstatē aspectus Lunæ in circulo altitudinis concludere.

¶ Considerauit Ptolemæus in 20. annorū Adriani, die 13. mensis Athus, qui est tertius ægyptiorū 5. horis, medietate & tertia horæ æqualis à media die, uisa tunc fuit p instrumentū regularum Luna distare à polo horizontis gr. 50. m. 55. Fuit autē cōsideratio à principio annorū Nabucho, 882. annis ægyptijs 72. diebus, 5. horis, medietate & tertia unius horæ tpis differentis sed æqualis 5. horis & tertia unius. Cum hoc tempore uerificauit loca luminarium, inuenitq; Solem medio motu 17. gr. 31. m. Libræ, uero autē motu, 15. gr. 24. m. Libræ. Lunā secundū mediū 25. gr. 43. m. Sagittarij. Mediam elongationē Lunæ à Sole 78. gr. 13. m. Argumentū mediū 262. gr. 20. m. Argumentū latitudinis mediæ à puncto septentrionali max. mæ latitudinis 354. gr. 40. m. Aequatio Lunæ addēda 7. gr. 26. m. Ideo uerus locus Lunæ secundum numerationē fuit 3. gr. 9. m. Capricorni, & argumentum uerum latitudinis 2. gr. 6. m. Ideo latitudo uera septentrionalis fuit 4. gr. 59. m. Declinatio autem ueri loci Lunæ fuit 23 gr. 49. m. & latitudo regionis 30. gr. 58. m. Fuit igitur uera elongatio Lunæ à polo horizontis 49. gr. 48. m. Sed uisa ut dictum est, fuit 50. gr. 55. m. ideo diuersitas aspectus in circulo altitudinis fuit 1. grad. & m. 7.

### PROPOSITIO XVI.

Quanta sit distantia centri Lunæ à centro terræ in partibus quibus semidiameter terræ est una in hora dictæ obseruationis pandere. ¶ Sit in figura circulus terram designans a, b. super centro k. & super eodē centro circulus transiens per lineam & polum horizontis sit q, d. Item circulus altitudinis, respectu cuius corpus terræ est punctus, sit e, t. Sitq; d. centrum Lunæ, & lineā k, a, g, e. pcedat à centro terræ p polum aspicientis a, & g. & e. in axe horizontis, ductisq; a, d, t. & k, d, h. erit h. uerus locus Lunæ, t. aut uisus h, t. uero diuersitas aspectus e, h. lōgitude uera Lunæ à zenith, & e, t. longitudo eius uisa p instrumentum. Ex arcubus, e, h. & e, t. datis quærimus pportionem lineæ d, k. ad lineam a, k. Fiat a, z. æqui distans lineæ k, h. & h, l. perpendicularis super k, b. Quia a, k. est insensibilis quantitatis respectu a, t. igitur z, t. arcus insensibiliter differt ab h, t. arcu. & simili ratione arcus z, a, t. insensibiliter differt à quātitate e, k. exposito. Ideo

H iij      necesse



## LIBER

neceſſe eſt, ut  $z, h$ , ſit inſenſibilis quantitatis reſpectu circuli  $e, t$ . igitur  $z, t$ . arcus inſenſibiliter differt ab  $h, t$ . arcu. Et ſimili ratione angulus  $z, a, t$  inſenſibiliter differt à quantitate anguli conſtituti in centro  $k$ . quẽm ſubtendit arcus  $z, t$ . Ex præmiſſa aut  $z, t$ . fuit unius gr.  $7. \bar{m}$ . dum arcus  $e, h$ . fuit  $49. \text{gr. } 48. \bar{m}$ . Ideo angulus  $z, a, t$ . tunc fuit  $1. \text{gr. } 7. \bar{m}$ . Cui etiam æqualis angulus  $a, d, l$ . ergo pro portio  $d, a$ . ad  $a, l$ . & etiam  $d, a$ . ad  $l, d$ . data. Sed  $d, l$ . inſenſibiliter breuior eſt  $d, a$ . ergo nihil erroris ſequitur, ſi  $d, l$ . eiſdem quantitatis, cum  $d, a$  ponis. Angulus autem  $a, k, l$ . eſt  $49. \text{gr. } 48. \bar{m}$ . Ideo nota erit proportio  $k, a$ . ad  $a, l$ . & ad  $l, k$ . quare  $a, l$ . &  $l, k$ . notæ erunt, prout  $a, k$ . eſt par; una, in eiſdem quoq;  $l, t$ . nota fiet. Tota itaq;  $d, k$ . fu' t  $39. \text{partiu, } 45. \bar{m}$  qualium  $a, k$ . eſt una, quod erit oſtendendũ facilius ſic. Quia angulus  $e, a, t$ . per obſervationem eſt notus, inſenſibiliter enim differt ab angulo  $e, k, t$ . ſi produceretur  $k, t$ . & angulus  $a, k, d$ . notus per numerationẽ, igitur trigonus  $a, d, k$ . erit notorũ angulorũ, quare pportio laterũ eſt nota quæ quærebatur.

PROPOSITIO XVII.


Proportionē semidiametrorū eccentrici & epicycli Lunę, atq̃  
eccentricitatis ad semidiametrū terrę ex dicta obseruationē inferre.

¶ Sint in hora dictæ obseruationis eccentricus a, b, g. sup diametro a, g. eunte per centrum eccentrici d. centrū mundic. & punctū oppositū z. Item epicyclus h, l. sup centro b. ita ut angulus a, e, b. sit duplū longitudinis mediæ inter Solem & Lunam, scilicet 156 gr. 26. m. & locus Lunæ in epicyclo sit l. ductis lineis ut in figura uides, oppositū augis epicycli mediæ sit k. ueræ sit t. Ideo cū in obseruatione dicta argumentū Lunæ medium fuerit, 262 gr. 20. m. fiet arcus k, l. 82. gr. 20. m. Cum igitur angulus a, e, b. sit notus nota erit p. portio e, d. ad d, m. & m, e. Sed iam nota fuit b, d. ad d, e. p. portio, ideo p. portio b, d. ad d, m. & m, e. nota. Ex duabus autem b, d. & d, m. nota fiet b, m. hinc ex b, n. & n, z. nota fiet b, z. ergo angulus z, b, n notus, & est arcus t, k. quem reperit Ptolemæus 7. gr. 40. m. Sed iam fuit k, l. 52. gr. 20. m. ideo q. fuit t, l. arcus 90 gr. sic angulus e, b, l. & c. Linea uero b, d. fuit 49. partium. 41. m. dum b, l. erat 5. partium & 15. m. & in eisdem fuit e, b. 40. partes, 4. m. Sic ex e, b. & b, l. inuenit e, l. 40. partiū, 25. m. Sed iam est ostensum in præmissa, q. e, l. fuit 39. partiū, 45. m. qualium semidiameter terræ est una, igitur ex dicta linearū proportionē fiet d, b. talium, 48. partium, & 51. m. b, l. talium 5. partium, 10. m. d, e. talium 10. partiū 9. m. quæ quærebantur. Ideo q. e, a. talium 59. partium ferè est & e, g. talium 38. partium, 43. m. Ex his modo facile cognoscentur distantia Lunæ à centro terræ in partibus quibus semidiameter terræ est pars una in horis applicationum Solis & Lunæ, similiter in quadraturis eorum. Suadeo tamē in hoc opere ut lineas iam ductas scilicet a, e. e, d. d, b. b, l. in his numeris teneas, scilicet a, e. 60000. e, d. 10317. d, b. uel d, a. 49683. b, l. 5250 & in his agas p. pter uitare fractionū multitudinē, donec in illis quātitatibus reperias e, l. maneb tēp quadratū d, a. semp idem, scilicet 2468400489. inuēta e, l. in eisdē inuenies etiā e, l. in partibus qbus e, a. est 59. & factū erit.

PROPOSITIO XVIII.

Quantitates diametrorū Solis & Lunæ uisualium, & etiam  
umbræ in loco transitus Lunæ maxime remoto declarare.

¶ Quia neqꝫ per instrumenta aquarũ, nec p̄ elevationes circuli equinoctialis





## QVINTVS.

etialis illud præcise satis reperiri potest, elegit ad hoc duas eclypses lunares. Quarum prima fuit in 12. die mensis Atuni ægyptiorum, fuitq; tempus à principio annorum Nabucho 126. anni 86. dies 17. horæ differentis, sed æqualis 16. horæ mediætas & quarta unius. Locus Lunæ mediæ 25 gr. 22. m. Libræ, uerus 27. gr. 5. m. Libræ. Argumentū Lunæ mediū 340. gr. 5. m. & longitudo Lunæ ab uno nodorū 9. gr. tertiā unius, igitur latitudo Lunæ septentrionalis fuit 48. m. & mediætas unius, & fuit eclypsatū de diametro Lunæ quaria ferè à parte meridiei. Secunda fuit annis Nabucho. 224. diebus 196. horis 10. & sexta unius temporis differentis, sed æqualis horis 9. & mediætas & tertiā. Sole in 18. gr. 12. m. Canceri. Luna secundū mediū in 20. gr. 20. m. Capricorni, secundum uerum in 18. gr. 12. m. Argumentū Lunæ 28. gr. 54. m. Longitudo Lunæ à nodo 7. partes, & quatuor quintæ unius. Ideoq; latitudo Lunæ meridionalis 40. m. & duæ tertiæ unius. Et fuit eclypsatū de diametro mediætas à parte septentrionis.

¶ Ponamus itaq; in figura circulum umbræ in loco transitus Lunæ, eo quod in ambabus eclypsis fuerit ferè eiusdem distantia à centro mundi, circulum a, f, b, e. super centro c. & uicem eclipticæ teneat a, c, b. In prima eclypsi Luna sit super d. centro. In secunda super e. fietq; f, g. quarta diametri Lunæ e, k. mediætas eius. Fiet igitur c, d. 48. m. & mediætas unius, & c, e. 40. m. & duæ tertiæ unius. Sed c, e. est æqualis c, f. igitur f, d. erit 7. m. & quinq; sextæ unius. Sed d, f. est quarta diametri Lunæ, fiet igitur totus diameter Lunæ uisibilis uisualis 31. m. & tertiā unius, & semidiameter umbræ c, e. 40. m. & duæ tertiæ unius. Cum autem fecerimus proportionem k, e. ad c, e. inuenimus q; c, e. contineat k, e. bis & trēs quintas eius. Et cū in pluribus alijs proportionibus inuenierimus hanc proportionem eandem manere, conuenit ut secundū hanc operabimur. Diametrum aut Solis uisualem dicit Ptolemæus p. regulas suas inuenisse æqualem diametro Lunæ uisuali iam reperta, uidelicet dum Luna fuerit in maxima à terra longitudine.

### PROPOSITIO XIX.


Proportionem semidiametri terræ ad semidiametrum corporis Lunæ atq; semidiametrum umbræ ostendere.

¶ Sit circulus super n, designans terram, & circulus super t. centro designans Lunam in maxima sua remotione à terra, ductaq; n, t. linea, & n, h. contingente, & t, h. perpendiculari ad n, h. quia angulus n, t, h. ex præmissa cognitus est, quia 15. m. & duæ tertiæ unius, ergo proportio n, t. ad t, h. data. Sed n, t. est 64. partes 10. m. talium qualium m, n semidiameter terræ est una, ut patuit ex ante præmissa, ergo t, h. nota fiet in eisdem. Sic ex proportionem h, t. ad t, z. cognita fiet t, z. semidiameter umbræ in eisdem partibus. Inuenit itaq; t, h. esse 17. m. 33. secun. & t, z. 45. m. 36. secunda.

### PROPOSITIO XX.


Solis diametrum, & centri eius à centro terræ distantiam, atq; longitudinem axis umbræ terræ in partibus quibus semidiameter terræ est pars una manifestare.

¶ Compertum dicit Ptolemæus q; Luna in maxima sua remotione totū Solem tegat sine morâ. Quæ res fuit signū eius, q; tunc semidiameter Solis eidem angulo subtenderet apud uisum, cui semidiameter Lunæ subtendit.



Sic

## LIBER



¶ Sit itaq; circulus a, b, g. super centro d. representans Solem, & circulus e, h. super t. representans Lunam in sua maxima remotione, & circulus k, l, m. representans terram super centro n, & sint n, t, d. in linea recta. Lineæ cōtingentes Solem & terram sint a, k. & g, m. concurrentes in cono umbræ s. axis umbræ fiet n, s. chordæ arcuum inclusæ à contactibus in Sole quidem sit a, d, g. in terra k, n, m. item in Luna sit e, t, h. dum n, e. & n, h. continuate contingunt, Solem queq;. Constat aut; ppter longitudines Solis & Lunæ à terra, q; tales chordæ insensibiliter differāt à diametris suorum circulorum. Item sit n, f. æqualis n, t. & g, f, c. diameter umbræ in loco transitus Lunæ maxime remoto, ppositum est inuenire proportionem d, g. ad n, m. Item d, n. ad n, m. & n, s. ad n, m. pcedat e, h. ad z. Quia dictum est q; angulus t, n, h. sit notus, ergo p præmissam pportio n, t. ad e, t. & t, h. ad n, m. est nota, & inuenta fuit t, h. 17. mi. 33. secun. qualium n, m. est pars una. Sed pportio t, h. ad f, c. fuit sicut unius ad duo & tres quintas, ideo f. c. nota, & fuit 45. m. 38. secun. in eisdem. Sed ppterea q; n, t. æqualis est n, f. fient duæ lineæ f, c. & t, z. simul sumptæ æquales duplo n, m. quod facile pateret, ducta per m æquidistanter & æqualiter c, f. ergo f, c. & t, z. similiter sunt duæ partes. Quare ablatiis f, c. & t, h. manebit h, z. 6. m. 49. secun. Sed pportio n, m. ad h, z. est sicut n, g. ad g, h. & n, g. ad g, h. est sicut n, d. ad d, t. quare n, m. ad h, z. est sicut n, d. ad d, t. Ideo si linea n, d. fuerit una pars, erit d, t. 56. m. 49. secun. & t, n. residua, 3. m. 11. secun. ergo proportio t, n. ad n, d. nota. Ideo etiam n, t. sit 64. partium, 10. m. talium qualium n, n. est una fiet n, d. 1210. partium ferè. Item n, t. ad t, h. sicut n, d. ad d, g. ideo d, g. fiet talium 5. partium, 30. m. ferè. hinc & nota proportio d, g. ad t, h. Item n, m. ad f, c. sicut n, s. ad s, f. igitur f, n. ad n, s. nota. Sic inuenta est n, s. 265. partium talium qualium n, m. est una. Sed n, f. 64. partium 10. m.

### PROPOSITIO XXI.

Proportiones trium corporum Solis, terræ, & Lunæ ad inuicem assignare.

¶ Ex præmissis habes proportionem semidiametrorum suorum, igitur triplicitatis proportionibus confurgent proportionem corporum sic. Cum d, g. sit quinta, & medietas talium qualium n, m. est una, cubi horum sunt 166. una quarta & octaua unius item unum, quare Sol centies sexagesies sexies est maior tota terra, & insuper tres octauas eius continens.

¶ Præterea cum d, g. contineat t, h. decies octies, & quatuor quintis, cubus huius est 6644. & dimidiū ferè. Ideo Sol maior est Luna sexies milies sexcenties quadragesies quater, & insup continēs medietatē. Item n, m. continet t, h. ter, & duas quintas ferè, huius cubus est 39. & 4. ferè. Ideo terra maior Luna trigiesies nonies, & insup continēs quartā ferè. Hæ itaq; sunt pportiones trium corporū inuentæ à Ptolemæo. Sed ipse constituit Solis & Lunæ diametros secundū uisum eidem angulo subtendi. Luna in sua maxima remotione à terra exeunte, diametro uero Solis nullam posuit variationem propter paruam eius eccentricitatem respectu distantie eius maximæ. Albategni autem eclipses à se obseruatas diuersas reperit in quantitate & tempore ab his quæ ex numeratione Ptolemæi ostendebantur. Inquit em̃ se duas solares considerasse. Quarum prima fuit anno ad Lularnam 1202. qui est à morte Alexandri annus 1214. uera quidem coniunctio post dimidium octauæ, decimi mensis in Aracta ciuitate per spacium horæ



## QVINTVS.

horæ temporalis. Eclypfatūq; fuit ex Sole plus duabus tertijs secundū uisum, & secundū numerationē fuit Sol motu medio in 20. gr. 54. m. Leonis, uero in 19. gr. 14. m. eiusdē. Luna medio motu in 17. gr. 50. m. Leonis, uero cū loco Solis. Argumentū Lunæ æquatū 332. gr. 57. m. Argumentū latitudinis mediū 174. gr. 43. m. æquatū 167. gr. 41. m. Eclypsis autē medietas, scilicet cōiunctio uisibilis, ueram coniunctionē p octauā ferē horæ partem secuta. Est ergo tūc argumentū latitudinis æquatū 177. gr. 11. m. latitudo uera 16. in septētrionalis, uisa autē 6. m. meridionalis. Secundū numerationē autē Ptolemæi fieri debuit, ut eclypsatum plus esset medietate & quarta, & eclypsis medietas p unius horæ spaciū uisa per instrumentum præcederet. ¶ Secunda fuit anno dicto ante mediā diē 23. diei mensis Calbat, tribus horis, & duabus tertijs unius horæ æqualis in Antiochia. Eclypsatumq; fuit de Sole modico plus medietate secundū uisum. In Araçta uero eclypsis medietas ante meridiē tribus horis & dimidia unius equalis. Eclypsatumq; ibidē de Sole apparuit minus duabus tertijs eius secundū uisum. Sol secundū numerationē suā fuit medio motu, 7. gr. 9. m. Aquarij, uero autē in 8. gr. 37. m. Luna medio cursu in 12. gr. 49. m. Aquarij. Argumentum Lunę æquatū 126. gr. 22. m. Argumentū latitudinis mediū 173. gr. 25. m. æquatū uero 369. gr. 41. m. Visibilisq; cōiunctio præcessit uerā p dimidiū horæ, ideo tunc argumentū latitudinis æquatū 168. gr. 45. m. latitudo uera 79. m. uisa autem 10. m. fuit. Secundum Ptolemæi uero numerationē Sol totus eclypfari debuit: & eclypsis mediū post uisam à nobis duabus horis ferē contingere. Considerauit etiā duas eclypses lunares. Prima fuit anno à morte Alexandri 1206. die 23. mensis Kemir. Eius mediū fuit in Araçta post meridiē horis 8. & modicum plus ex horis æqualibus & eclypsatum de diametro Lunæ modico plus medietate & tertia. Sol per numerationem fuit medio motu in 5. gr. 21. m. Leonis, uero in 4. gr. 2. m. Medius Lunæ in 8. gr. 45. m. Aquarij. Argumentum medium 93. gr. æquatū autem 94. gr. 10. m. Argumentum latitudinis medium 100. gr. 49. m. æquatū uero 186. gr. 51. m. Latitudo Lunæ meridiana 32. m. ferē. Sed secundū Ptolemæi numerationē eclypfari debuit medietas, tertia, & octaua pars diametri. Et mediū eclypsis tempus uisum præcedere debuit per dimidium & quartā horæ æqualis. ¶ Secunda fuit anno 1224. à morte Alexandri post meridiē secundi diei mensis Ab, horis 15. & tertia unius ferē in Antiochia. Sed in Araçta horis 15. & tertia ac quarta ferē. Eclypsatumq; fuit modico minus diametro Lunæ. Secundū numerationē Sol fuit medio motu 16. gr. 10. m. Leonis, uero cursu autē in 14. gr. 36. m. Medius Lunæ in 19. gr. 24. m. Aquarij. Argumentū em æquatū 91. gr. 5. m. Argumentū latitudinis æquatū 185. gr. 21. m. Latitudo Lunæ 28. m. Secundum autē computationē Ptolemæi eclypsatata esse debuit medietas & tertia tūc, & tempus mediæ eclypsis ferē per dimidiam & tertiam horæ unius præcessisse debuit. Dicitq; in pluribus alijs eclypsisibus lunaribus & solaribus dissonantiā inuenisse à numeratis secundum tabulas Ptolemæi. Duas tamē iam expositas sufficere uoluit ad inquirēdā diuersitatis causam, q; in utraq; earū sol fuerit, ppe augem eccentrici sui, & Luna in longitudine mediæ epicycli sui, & ferē eadem latitudo Lunæ fuerit in utraq; in eandem partem. Differentia tamen latitudinum erat 3. m. 50. secun. Sed differentia partium eclypatarū fuit diameter octaua & medietas octauę unius quartę. Inuenit itaq; diametrū Lunæ esse tunc 33. m. 20. secun. & semidiametrum umbræ 43. m. 30. secun. ferē. Considerauit autē pportiones ueri motus Lu

## LIBER

nã in hora tñ ad quãtitatẽ diametri Lunę uisualis iam inuentã, & secundũ  
 eandẽ pportionẽ ex motu Lunę uero in hora, Luna in auge epicycli in ap-  
 plicationibus existente inuenit diametrum Lunę in auge epicycli 29. m.  
 & dimidiũ. Similiter secundũ eandẽ proportionem ex motu Lunę uero in  
 hora, in opposito augis epicycli inuenit diametrũ Lunę 35. m. & unius ferẽ.  
 existimauit em̃ proportionẽ motus Lunę diuersi in hora ad diametrũ uis-  
 sualem esse ueluti 6. ad 6, minus octaua unius, hoc est 48. ad 47. Secun-  
 dum hanc ubiq; posuit ex motu diuerso in hora diametri Lunę. Proportio-  
 nem uero semidiametri Lunę ad semidiametrũ umbrę quam Ptolemæus  
 posuit seruauit, scilicet 5. ad 13. hoc est unius ad duo & tres quintas. Sic se-  
 midiametri umbrę in loco transitus Lunę longiori minore reperit ea quã  
 Ptolemæus posuit in duobus minutis ferẽ & tertia unius. Diametri quoq;  
 Solis uariationẽ ponit. Nam in longitudine longiori dicit esse 31. m. & ter-  
 tiã ueluti Ptolemæus. Ideo infert totũ Solem à Luna non posse obscurari,  
 utroq; in sua lōgitudine longiori existente. Considerauit etiã proportionẽ  
 ueri motus Solis in hora, dum in longitudine longiori fuerit ad hanc suam  
 diametrũ, & secundũ eam reperit diametrũ Solis in locis alijs, ex uero mo-  
 tu eius in hora, tenens q̃ motus Solis in hora se habeat ad diametrum Solis  
 sicut 5. ad 66, hoc est sicut nnius ad 13. & quintã, quare Solis diameter in  
 lōgitudine ppiori sit 33. m. & duarũ tertiarũ unus. Sic Solis diameter inter  
 suas longitudes longiorẽ & propiorem diuersificatur duobus m. & tertia  
 unius. Deniq; umbrę diametri ppter Solis accessum & recessum uariari  
 contingit. Nam in loco transitus Lunę remotissimo, Sole in auge eccentrici  
 existente, reperit esse 1. gr. 17. m. Sed Sole in auge, Luna in longitudine pp-  
 piori 1. gr. 32. m. Conuenit etiã ut diameter umbrę Sole in longitudine  
 propiori existente, minor sit diametro umbrę Sole in longitudine longiori  
 existente 1. m. 40. secun. Ex his igitur Albategni distantiã centri Solis à  
 centro terrę, & lōgitudinẽ axis umbrę alias inuenit. Nam secundũ præ-  
 dictã cũ Sol & Luna in maxima eorũ remotiōe fuerint, diameter Lunę mi-  
 nor est diametro Solis secundũ uisum in uno. m. & 50. secun. Variatio uero  
 diametri Lunę ab auge epicycli ad oppositũ eius est 5. m. 50. secun. Accepit  
 igitur de 10. partibus & tertia unius quibus distantia Lunę à terra uariatur  
 ab auge epicycli ad oppositum, partẽ pportionale secundũ proportionẽs 5.  
 m. 50. secun. ad 1. m. 50. secun. quæ fuit tres partes & quarta unius, quibus  
 ablati 64. partibus 10. m. scilicet maxima Lunę distantia relinquũtur 60.  
 partes 55. m. Hęc erit distãtia Lunę à terra, cũ eius diameter uisualis est 31.  
 m. & tertiã, & tñc semidiameter umbrę iuxta pportionẽ assignatã fiet 40  
 m. 4. secun. Ex his secundũ uiam præmissæ reperta est n. d. scilicet distãtia  
 Solis in auge sua 1146. partes, qbus semidiameter terrę est una, & n. s. scili-  
 cet lōgitudo axis umbrę, 254. partes de eadẽ. Item ex pportionẽ semidi-  
 ametri eccentrici Solis ad distantiã centrorũ eccentrici Solis & terrę repit, q̃  
 ecẽtricitas Solis 38. partes cõtineat, qbus semidiameter terrę est una. Ideoq;  
 fiet distãtia Solis minima 1070. ptes & media 1108. taliũ, & q̃ Luna totum  
 Solem occultat, cum distãtia inter ambo eorũ centra, scilicet linea t. d. 1085.  
 uicibus semidiametrũ terrę cõtineat, & his pportionibus quantitatũ dia-  
 metrorũ atq; distantiarũ in eclypsibus solaribus uisa respondet, ut dixit Al-  
 bategni quo argumento concludit certas esse dictas pportiones.

### PROPOSITIO XXII.

Semidiametros Solis Lunę & umbrę uisuales uia Geome-  
 trica perquirere.

Præ



## QVINTVS.

¶ Præsupponendæ sunt quantitates distantiarum Solis & Lunæ & semidiametrorū quæ contingunt in maximis eorū distantijs. Primo itaq; de semidiametro Solis. Sit igitur distantia Solis maxima n, d. semidiameter Solis d, g. ducta g, n. sitq; maxima distantia n, d. ut Albategni ponit 1146. partes, quibus n. semidiameter terræ est una, & angulus d, n, g. 15. m. 40. 2. & quia angulus g. est rectus, nota est igitur proportio n, d. ad d, g. & fiet ut d, g. sit 5. partes, 13. m. quibus n, d. est 1146. seu qbus semidiameter terræ est una. Sit postea Sol uicinior, uolumus reperire quantitate n. semidiametri eius uisualis. Id fiet postquam cognoueris distantiam eius à terra in partibus, quibus semidiameter terræ est una. Ideo sit eccentricus a, b, g. super centro e. & centrum terræ sit z, angulus a, e, b. datus fiet z, e. 38. partes, quibus semidiameter terræ est una, & in eisdem est a, e. siue b, e. 1108. Fiet igitur ex proportionē e, z. ad z, k. & k, e. nota z, b. in partibus quibus semidiameter terræ est una, scilicet distantia Solis à terra, quæ quærebatur.

¶ Sit itaq; in figura talis distantia n, u. & super u. semidiameter Solis u, x. æqualis lineæ d, g. & tracta x, n. ita ut angulus u, x, n. sit rectus, nota igitur erit proportio n, u. ad u, x. q; n, u. sit distantia Solis iam data, & u, x. sit 5. partes, 13. m. quare angulus u, n, x. notus, scilicet quem subtendit semidiameter Solis uisualis, quod est propositum.

¶ Hunc de semidiametro umbræ in loco transitus lunæ sit n. ut antea centrum terræ. Semidiameter uero terræ sit n, m. & semidiameter Solis d, g. g, m. continuata concurrat axi umbræ m, s. fietq; conus umbræ s. ita tamen ut anguli d, g, m. & m, n, s. sint recti, sicut fit in contactu laterum umbræ. Item n, f. sit distantia lunæ à terra ex prioribus nota, in cuius transitu sit semidiameter umbræ f, c. orthogonalis super n, s. ducta linea n, c. quærimus quantitatem anguli c, n, f. quem semidiameter umbræ in loco transitus lunæ subtendit ex n, d. distantia Solis data, & n, f. distantia lunæ. Fiet enim l, m. æquidistans n, d. erit d, l. æqualis n, m. ideo l, g. erit partes, 4. m. 13. quibus semidiameter terræ est una. Sed g, l. ad l, m. sicut m, n. ad n, s. quare n, s. axis umbræ cognitus fiet. ideoq; f, s. nota. Item ex m, n. & n, s. nota fiet s, m. Verum propter insensibilem errorem poteris n, s. uti pro s, m. Sed s, m. ad m, n. sicut s, f. ad f, c. ideo f, c. nota. Similiter propter insensibilem errorem poteris n, f. sumere loco n, c. hinc ex n, c. & c, f. reperire quantitatem anguli c, n, f. qui quærebatur. Sic in maximis distantijs Sole & Luna existentibus fiet semidiameter umbræ in loco transitus Lunæ 40. minut. 54. secun. & axis umbræ 271. partes 47. m. quibus semidiameter terræ est una. Sole uero in auge eccentrici, & Luna in opposito augis epicy. li in applicatione cum Sole, fiet semidiameter umbræ 51. minut. 12. secun. Sole in auge, & Luna in longitudine media epicycli, in applicatione tamen cum Sole, sit semidiameter umbræ 45. m. 37. secun. Item Sole in opposito augis eccentrici, & Luna in auge epicycli, in applicatione tamen cum Sole sit semidiameter umbræ 40. m. 2. secun. Igitur uariationum umbræ propter descensum Solis ab auge ad oppositū augis eccentrici umbræ in quantum in loco transitus lunæ in auge eccentrici, & oppositio augis epicycli existēte, est 52. secun. Sed sole in oppositio augis eccentrici, & luna in oppositio augis epicycli, semidiameter umbræ est 50. m. 28. secun. fit ergo propter descensum solis ab auge ad oppositū eius uariatio umbræ in loco transitus lunæ existentis in minima distantia eclypsalis 54. secun. Pro semidiametris Lunæ fiat opus, sicut factū est p semidiametro Solis.

Supp. sita





Supposita enim semidiametro uisibili eius in maxima distantia 14. m. 45. secun. fiet in prima figura huius angulus d, n, g. tantus, ergo pportio n, d. ad g, d. nota. Sic dum n, d. est. 64. partes, 10. m. erit d, g. 16. m. 30. secun. Et cum Luna habuerit distantiam minimam, scilicet 33. partiū & dimidie, quod accidit in opposito augis eccentrici & epicycli ex n, u. & u, x. quæ est æqualis d, g. reperiens angulum u, n, x. esse 28. m. 11. secun. Sed mirum est, q̃ in quadratura Luna in opposito augis epicycli existente non tanta appareat, cum tamen si integra liceret, quadrupla oportet apparere ad magnitudinem suam, quæ apparet in oppositione, cum fuerit in auge epicycli. Habent & alij modum alium, semidiametros Lunæ & umbræ ex eis, quæ in auge & in opposito per obseruationem repertæ sunt inueniendi, de quo dicitur in sexta sexti.

PROPOSITIO XXIII.

Ex data Solis aut Lunæ à centro terræ distantia, & elongatione eius à polo horizontis, diuersitatem aspectus in circulo altitudinis inuestigare.


¶ Repetatur figura 16. huius ex angulo g, k, d. & distantia k, d. quæ est arcus h, t. Nota enim erit proportio a, k. ad a, l. & l, k. ideoq̃ d, l. nota fiet, quæ si uice d, a. sumeretur, nihil sensibilis erroris fiet, hinc ex a, d. & a, l. notus erit angulus l, d, a. qui est æqualis angulo d, a, z. Sed ipse insensibiliter differt ab angulo, quem z, t. subtendit in centro k. ergo z, t. arcus notus erit, & propter insensibilem quantitatem a, k. respectu e, k. z, t. insensibiliter excedit h, t. igitur h, t. notus qui quærebatur.

PROPOSITIO XXIIII.

Tabulas diuersitatum aspectuum in circulo altitudinis fabricare.

¶ Ptolemæus in constituendo tabulas huiusmodi, primo supposuit Soli eandem distantiam à terra, scilicet 1210. partes quibus semidiameter terræ est una. Huius quantitatis posuit d, k. ubiq̃, & reperit cum angulus g, k, d. est 90. gr. arcum h, t, z. m. 51. secun. Deinde fecit pro Luna diuersitates aspectus in circulo altitudinis quatuor terminorū. Primi termini sunt Luna in auge eccentrici & epicycli existente, tunc reperit maximam 53. m. 34. secun. Sed secundi termini sunt Luna in auge eccentrici & opposito augis epicycli existente, tunc reperit maximam 1. gr. 3. m. 51. secun. Tertij termini sunt Luna in opposito augis eccentrici & auge epicycli existente, tunc maxima fuit 1. gr. 19. m. Quarti termini sunt Luna in opposito augis eccentrici & epicycli existente, tuncq̃ fuit omnium maxima, 1. gr. 43. m. k, d. in primo termino fuit 64. partes, 10. m. In secundo habet 53. partes 50. m. In tertio 43. partes, 53. m. In quarto 33. partes, 33. m. Deinde quoq̃ ut ex his cognosci possit diuersitas aspectus in circulo altitudinis Luna extra hos quatuor terminos existente, subtili processit compendio. Et primo quasi centrū epicycli Lunæ sit in auge eccentrici, ut in figura, e, z. sit 60. partes, quibus e, a. semidiameter epicycli est 5. partes, & 15. m. Sit distantia Lunæ ab auge epicycli est 5. partes, & 15. m. Sit distantia Lunæ ab auge epicycli, scilicet a, b, 60. gr. aut alius arcus, erit igitur proportio e, b. ad b, h. & h, e. nota ppter angulum

luna





## QVINTVS.


lum h. rectum, & arcum a, b. notum ex z, h. & h, b. nota fiet z, b. Excessus igitur z, a. super z, b. est duæ partes 30. m. notus. Sed rota a, d. est decem partes, 30. m. Si itaq; tota a, d. fieret 60. m. proportionalium, fieret in hoc loco excessus z, a. super z, b. 14. m. fere, hæc m. proportionalia scribantur in directo 30. gr. q; postea cum centrum epicycli fuerit in auge ecentrici, & Luna intra auge epicycli & oppositum eius, intrabimus tabulam cum argumento dimidiato, & secundum proportionem minorum proportionalium inter primum & secundum terminum ad 60. sumemus partem proportionalem de differentia primi & secundi termini diuersitatum, & eam addemus diuersitati aspectus termini primi, & pueniet nobis diuersitas aspectus ad locum Lunæ in epicyclo quæsita. Similiter fient minuta proportionalia inter tertium & quartum terminum quasi centrum epicycli e. sit in opposito augis ecentrici, & tunc z, e. ad e, a. proportio erit ut 60. ad 8. & ita sumpto a, b. 60. gr. fiet excessus z, a. super z, b. tres partes 37. m. Sed a, d. est 16. quæ si fiant 60. m. proportionalia, fiet excessus propositus 13. m. 33. secun. quæ loco suo scribantur. Et cum centrum epicycli fuerit in opposito augis ecentrici, & Luna inter auge & oppositum augis epicycli, intrabimus cum argumento dimidiato, & secundum proportionem minorum proportionalium tertij & quarti termini ad 60. sumemus partem proportionalem de differentia diuersitatum aspectuum tertij & quarti termini, & eam addemus diuersitati aspectus termini tertij, & exhibet diuersitas aspectus ad locum Lunæ in epicyclo quæsita.

¶ Sit præterea ecentricus a, b, g. super centro e. & centrum terræ sit z, locus epicycli sit b. angulus a, z, b. 60. gr. qui fit dum elongatio Lunæ à Sole media sit 30. gr. Fiet igitur z, a. 60. & z, b. 54. partes, 3. m. 3. gr. 39. partes, 22. m. excessus z, a. super z, g. 20. partes, 38. m. excessus z, a. super z, b. 5. partes 57. m. Si igitur 20. partes, 38. m. fiant 60. m. proportionalia, fiet excessus z, a. super z, b. 17. m. 14. secun. quæ in directo 30. gr. scribantur in tabula minorum proportionalium, & sic perfecta sunt triplicia minuta proportionalia post quatuor terminorum diuersitates. Quotiens itaq; Luna non fuerit in auge ecentrici uel epicycli, æquabis primo diuersitatem aspectus eius per primum & secundum modos, deinde per tertium & quartum terminum, & differentia harum nota, intrabis tabulam cum elongatione media Solis & Lunæ, & accipias ultima minuta proportionalia secundum quorum proportionem ad 60. accipe partem proportionalem de differentia notata, quam adde diuersitati aspectus æquata ex primo & secundo termino, & proueniet diuersitas aspectus Lunæ in circulo altitudinis quæsita ad locum Lunæ in ecentrico & epicyclo.

### PROPOSITIO XXV.

**Diuersitatem aspectus Lunæ ad Solem in circulo altitudinis considerare.**

¶ Inquire ex præmissis utriusq; diuersitatem aspectus seorsum post Solis diuersitatem aspectus, aufer a Lunæ diuersitatem aspectus, & manebit quæsitum, ueluti in figura uides. Nota quia distantia maxima Solis secundum Ptolemæum fuit, 1210. sed secundum Albategni fuit 1146. harum differentia est 64. quæ sunt fere decimanona pars distantiae Solis secundum Ptolemæum. Ideo si quæris ex tabulis Ptolemæi uolens diuersitatem aspectus Solis rectificare, adde super eam decimanonam sui partem, sic maxima diuersitas






uerſitas aſpectus Solis exiſtente in auge ſui ecentrici fieret trium minuto-  
rum. Item quia Sole exiſtente in oppoſito augis ecentrici, diuerſitas aſpe-  
ctus maxima eſt 3. mi. 13. ſecun. Ideo pro alijs locis ecentrici ſolis cum ar-  
gumento Solis iubet intrandum Albategni tabulam equationum Lunę p-  
minutis pportionalibus, & ſecundū eorū ad 60. pportionem de illis 13.  
ſecundis accipere partem proportionalem addendam, uerū id prope uerū  
eſſet, melius eſt igitur ſecundū ante premiſſam agere, & fiet opus certius.


## PROPOSITIO XXVI.

Diuerſitatem aſpectus lunę aut ſolis in longitudine, & lati-  
tudine dum luna ſub eclyptica fuerit ſecernere.



¶ Sit medietas eclypticę a, e, g in qua locus lunę aut ſolis ſit e: ita ut e, a. ſit quarta, ſimiliter e, g. quarta, medietas integri circuli altitudinis ſit b, e, d. ita quoq; ut e, b. ſit quarta, & e, d. quarta. Circulus tranſiens per polos ambo-  
rum eorum ſit a, b. g, d. in quo polus eclypticę ſit z. diuerſitas aſpectus Lunę  
aut Solis in circulo altitudinis ſit e, h. per h. ueniat à polo eclypticę cir-  
culus magnus z, h, t, k. ppoſitum eſt ex arcu e, h. & quantitati anguli b, e, t.  
ſecernere arcum h, t. diuerſitatem aſpectus in latitudine, & arcum e, t. di-  
uerſitatem aſpectus eius in longitudine, ex angulo b, e, t. noſcetur reſiduuſ  
ſcilicet a, e, b. cuius quantitas eſt arcus a, b. igitur a, b. notus. Proportio uero  
ſinus a, b. ad ſinum a, z. eſt compoſita ex duabus, ſcilicet proportionem ſinus  
b, e. ad ſinum e, h. & proportionem ſinus h, t. ad ſinum t, z. a, z. autem b, e.  
& t, z. ſunt quartę & b, a. & e, h. dati, igitur h, t. notus fiet. Correlarium.

Proportio ſinus totius ad ſinum anguli ex concurſu circu-  
li altitudinis, & eclypticę eſt ſicut proportio ſinus diuerſitatis aſ-  
pectus in circulo altitudinis ad ſinum diuerſitatis aſpectus in  
latitudine.



¶ Conſtituo deinde h. polum circuli magni, cuius proportio ſit k, n, m.  
ſientq; h, k. & h, n. quartę, & propter angulos t. & k. rectos k, n, m. & t, e, m.  
procedent per polos circuli z, h, k. Ideo polus eius eſt m, & hinc k, m. & t, m  
ſiunt quartę, quæremus primo quãtitatem arcus k, n. qui eſt quantitas an-  
guli t, h, e. ſi libet quia proportio ſinus h, t. ad ſinum t, k. componitur ex dua-  
bus, ſcilicet proportionem ſinus h, e. ad ſinum c, n. & pportione ſinus n, m.  
ad ſinum m, k. Sed h, t. k, h, e, c, n. & m, k. noti ſunt, iam ergo notus erit  
m, n. quare & complementum eius n, k. cognitum fiet, quod quærebatur.  
Nota tamen quòd ſi angulus a, e, b. dematur à recto, manebit angulus ferè  
æqualis angulo e, h, t. quem ſi ſumpſeris loco anguli e, h, t. nulla ſenſibilis  
diuerſitas in eclypſibus proueniet. Nunc quæramus quantitatẽ arcus e, t.  
quia proportio ſinus m, k. ad ſinum k, n. componitur ex duabus, ſcilicet pro-  
portionem ſinus m, t. ad ſinum t, e. & proportionem ſinus, e, h. ad ſinum h, n.  
Correlarium.

Proportio ſinus totius ad ſinum anguli ex concurſu circu-  
li altitudinis & circuli uenientis à polo eclypticę per locū uifum  
eſt ſicut proportio ſinus diuerſitatis aſpectus à circulo altitudi-  
nis ad ſinum diuerſitatis aſpectus in longitudine.

Sed



QVINTVS.

¶ Sed si libeat inuenire e, t. absq; notitia anguli e, h, t. sed solum per arcus e, h, h, t. iam notos, quia proportio sinus k. ad sinum k, t. componitur ex duobus, scilicet proportione sinus h, n. ad sinum n, e. & proportione sinus e, m. ad sinum m, t.

Correlarium.

## Correlarium.


Proportio sinus complementi diuersitatis aspectus in latitudine ad sinum totum, est sicut proportio sinus complementi diuersitatis aspectus in circulo altitudinis ad sinum complementi diuersitatis aspectus in longitudine.

¶ Nota etiam quod angulus t, e, h. uocatur angulus latitudinis, quia ei opponitur diuersitas aspectus in latitudine. Angulus autem e, h, t. uocatur angulus longitudinis, quia ei opponitur diuersitas aspectus in longitudine.

PROPOSITIO. XXVII.

Cuius rei inquisitionem præcedere oporteat, cum Luna latitudinem ab eclyptica habuerit.


¶ Sit portio eclipticæ a, b, g. portioq; circuli decliui Lunæ a, d. ut a. sit nodus d. uero locus Lunæ in circulo decliui, à puncto d. sit orthogonalis super eclipticam d, b. à polo horizonis e. ueniant portiones circulorum altitudinum e, b, e, d, h, z. sitq; d, h. diuersitas aspectus Lunæ in circulo altitudinum, ut locus eius uisus in eodem circulo t, h, ab h. cadant duæ portiones h, k. quidem perpendicularis super a, b. & h, t. perpendicularis super d, b. Sic longitudo Lunæ à nodo uera erit a, b. uisa a, k. diuersitas aspectus in latitudine arcus d, t. in longitudine h, t. secundum k, b. Quærendi igitur sunt arcus d, h. h, t. & d, t. nobis uero ex præmissis non constat arcus e, d. sed notus est arcus e, b. Ideoq; si uelimus scire arcum d, h. opus est scire prius arcum e, d. loco arcus c, b. Item si ex arcu d, h. cupiamus scire arcus h, t. & t, d. opus est scire angulum e, z, g. qui sine sensibili differentia æqualis est angulo d, h, t. hic uero ex præmissis nondum notus est, sed tantum angulus c, b, g. notus fuit, quare ad cognitionem arcum d, h, h, t. & t, d. oportet præcognoscere arcum e, d. & angulum e, z, g. quod est intentum.



PROPOSITIO XXVIII.

Quando circulus altitudinis orthogonaliter eclypticæ infistat, arcum inter polum horizontis & Lunam. Item angulum ex concursu huius circuli altitudinis, & eclypticæ ostendere.

¶ Sit portio eclipticæ a, b, g portioq; circuli altitudinis z, d, b, e. inciden-  
tis super eclipticam ad angulos rectos, & tunc idem fiet etiam circulus lon-  
gitudinis loci Lunæ, & sit d. uel e. locus Lunæ palam tunc est, quòd nulla est  
diuersitas aspectus in longitudine, propterea quòd circulus altitudinis per  
polos zodiaci transeat. Sit autem z. polus horizontis, quia iam notus est ar-  
cus z, b. ex præmissis, & data latitudo Lunæ b, d. uel b, e. ideoq; arcus z, d.  
aut z, e. notificent qui quærentur. Palam etiam est quòd anguli apud puncta  
d. & e. ex circulo altitudinis, & circulo decliui Lunæ prouenientes. insensi-  
biliter à rectis differunt. propter modicam latitudinem in eclipsisbus, ideo  
nihil diuersitatis sequeretur, si pro eis recti fumerentur.



# LIBER

## PROPOSITIO XXIX.

Quando circulus altitudinis cum ecliptica unus fuerit, arcus & angulos propositos determinare.

¶ Sit eclipticæ & circuli latitudinis portio una a, b, g. in qua polus horizon-  
tis a, portio circuli longitudinis locis Lunæ orthogonaliter eclipticæ  
insistens sit d, b, e. Latitudo Lunæ sit d, b, uel b, e, ductis arcibus a, d, & a,  
e, quærimus quantitatem arcuum a, d, & a, e, & angulorum b, a, d, & b, a, e.  
In his utitur Ptolemæus arcibus, ut lineis rectis, propter diuersitatis par-  
uitatem. Sic cum anguli a, d, b. sint recti, ex arcibus a, b. & b, d, & b, e,  
datis per penultimam primi reperit quantitatem arcuum a, d, & a, e, hinc  
tanquam in triangulis orthogonijs recti lineis quantitates angulorum b, a,  
d, & b, a, e, qui quærebatur.

## PROPOSITIO XXX.

Cum autem circulus altitudinis super eclipticam oblique  
inciderit, arcus & angulos dictos uerificare.

¶ Sit enim portio eclipticæ a, b, t. cui arcus altitudinis z, b, k. oblique  
incidat, sitq; z. polus horizon-  
tis, circulus longitudinis loci Lunæ sit, d, b, e.  
quem oportet orthogonaliter eclipticam secare, sitq; Luna in d. uel e. du-  
ctis arcibus z, g, d, & z, e, t. ex arcu z, b. & angulo z, b, a. & latitudine Lu-  
næ b, d, uel b, e. quærimus arcum z, d, uel z, e, & angulum z, g, a, uel z, t, a,  
ducamus d, k, & e, l. perpendiculares arcus super z, b, k. Utitur iterum ar-  
cibus tanquam lineis rectis propter diuersitatem insensibilem. Ex angulo  
z, b, a. dato, & recto e, b, a, notus erit angulus e, b, l. aut d, b, k. Ideoq; pro-  
portio e, b. ad e, l. & l, b, data. Similiter proportio b, d. ad d, k, & k, d, data.  
Et cum latitudines b, e, b, d, datæ sint, ideo arcus d, k, k, b, e, l, & l, b, dati,  
itaq; ex z, k, & k, d, sciatur tanquam in lineis rectis arcus z, d. Similiter ex  
z, l, & l, e, sciatur z, e. quare ex proportionem laterum triangulorum anguli  
d, z, k, & e, z, l, noti fient. Sed d, z, k, est differentia qua angulus z, t, b. mi-  
nor est angulo a, b, z, igitur anguli a, g, z, & a, t, z, noti fient, qui quærebantur.  
Sic Ptolemæus posito arcu z, b. 45. gra. & angulo a, b, z. 30. gra. Item latitu-  
dinibus Lunæ, scilicet b, e. 5. gra. similiter b, d. 5. gra. inuenit angulum b,  
z, t. 5. gra. & 4. quintas unius, & angulum b, z, d. 5. gra. & sextam unius. Sic  
angulus a, t, z. 24. gra. & quinta unius, & angulus a, g, z. 35. gra. & sexta  
unius. Arcus autem z, e, repertus est ab eo, 42. partes, & 54. minu. & arcus  
z, d. 47. gra. 54. mi. Item maxima differentia, quæ esse potest in diuersitate  
aspectus in latitudine propter Lunæ latitudinem, contingit Luna in 90.  
gr. ab ascendente posita, quia tunc nulla erit diuersitas aspectus in longitu-  
dine. Et cū Luna 5. gr. habuerit latitudinē maxima differentia diuersitatum  
aspectuū, quæ propter hoc accidere potest, est 10. m. ferè. Sed cum latitudo  
Lunæ in eclypsi solari maxima fuerit, quæ gradus unius, & medietas ferè  
est, maxima differentia diuersitatum aspectus, quæ propter ea fit est minuti  
unius, & medietas unius, quod tamen rarissime contingit.

## PROPOSITIO XXXI.

Arcum inter polum horizon-  
tis, & Lunam in latitudine ab  
ecliptica existentem cerius demonstrare.



QVINTVS.

PROPOSITIO XXXII.

Diuerſitatem quoꝛuſque aſpectus in longitudine & latitudine  
ueracius tunc diſcernere.

FINIT LIBER QVINTVS.

# LIBER SEXTVS

## DVORVM LVMINARIVM CON- iunctionem & Oppositionem: Item utriusq; Eclypsim, cum modis suarum uariabilitatum luci- diffime explanat.

### PROPOSITIO PRIMA.



VO PACTO TEMPVS ET LO-  
cus mediæ coniunctionis luminariū reperitur.

¶ Exemplum Ptolemæi, quo primā mediā coniun-  
ctionē in annis Nabuchodonosaris ext axit. Ex e s quæ  
præmissa sunt in superioribus libris, habuit quod iti me-  
ridie primæ diei mensis Thus, quo fuit principium annō  
rum Nabuchodonosaris, locus Solis medius fuit 45. m, principij Piscium.  
Media elongatio Lunæ à Sole 70. gr. 37. m. Argumentum Solis, quod  
uocauit mediū loci Solis ab auge sui distantiam fuit, 265. gr. 15. m. Argu-  
mentum mediæ Lunæ 268. gr. 49. m. Et distantia mediū loci Lunæ à  
puncto circuli decliuis maxime septentrionali, quam uocamus argumentū  
latitudinis Lunæ mediū, fuit 354. gr. 15. m. Diuisit igitur elongationem  
mediā à Sole per elongationem huiusmodi, quæ fit in uno die, & prodie-  
runt quinq; dies, 47. minutæ, & 33. secunda unius diei. Fuit igitur ante  
meridiem primi diei mensis Thus per 5. dies, & sua cum proxima quæ  
præcessit, mediā luminarium coniunctio. Sed mensis Iutaris, hoc est tem-  
pus ab una coniunctione mediā ad proximā, habuit 29. dies. 31. m. 50.  
secunda unius diei. Igitur à meridie primi diei mensis Thus per 23. dies,  
44. m. & 17. secun. unius diei, fuit proximā sequens mediā luminarium  
coniunctio. Oportuit itaq; eam fuisse uigesima quarta die mensis Thus,  
post meridiem minutis 44. secundis 17.

¶ Præterea addidit radicibus præfatis medios motus Solis, argumenti  
Lunæ, & argu menti latitudinis Lunæ in diebus 23. minutis, 44. secundis,  
17. & exhibant in prædicta mediā coniunctione locus medius luminarium  
24. gr. 8. m. 50. secun. Piscium. Argumentum Solis 288. gr. 38. m. 50.  
secun. Argumentum Lunæ mediū 218. gr. 57. m. 15. secun. Argumen-  
tu n latitudinis Lunæ mediū à puncto maxime septentrionali compu-  
tando 303 gr. 17. minut. 21. secun. Ad similitudinem huius exempli in  
cæteris agas.

### PROPOSITIO II.

De tabulis coniunctionum & oppositionum luminarium  
differere.

¶ Fabricauit Ptolemæus tabulas deferentes huic negotio super me-  
ridianum Alexandria, & ad annos principij Nabuchodonosaris. In diffe-  
rentia primā posuit annos collectos & currentes per 25. ita ut in prima li-  
nea poneret annum primū Nabuchodonosaris, & in directo eius tempus  
primæ coniunctionis mediæ, scilicet dies mensis Thus 24. minut. 44.  
secun. 17. Item argumenta Solis, Lunæ, & latitudinis Lunæ mediā, quæ  
in



## S E X T V S.

in præmissa reperta fuerunt. In secunda uero linea posuit annum uicesimū sextum Nabuchodonosaris, & in directo huius numeri tempus, scilicet dies & minuta mensis Thus, quo fuit cōiunctio prima media, & argumenta Solis & Lunæ, & latitudinis Lunæ, hoc ingenio considerauit, quod in omnibus uiginti quinque annis ægyptijs in tempore anticiparentur cōiunctiones mediæ in 2. m. 47. secun. & 5. tertijs diei. Ideo per huius numeri subtractionem perfecit aream temporis primæ cōiunctionis usque 1101. annum Nabuchodonosaris. In hoc uero tempore motus Solis medius ultra integras reuolutiones fuit, 353. gr. 52. m. 34. secun. 13. tertia. Argumentum Lunæ medium 57. gr. 21. m. 44. secun. 1. tertia, & argumentū medium latitudinis Lunæ 117. gr. 12. m. 49. secun. 54. tertia. Per horum motuum additiones ad primas radices perfecit totam differentiam primā, quæ est cōiunctionum mediarum in annis collectis. Ad similitudinem huius posuit differentiam secundam, quæ est oppositionum mediarum. Dixit enim medium mensem lunarem esse 14. dies, 45. m. 55. secun. motumque Solis medium in hoc tempore 14. gr. 33. m. 12. secun. Argumentum Lunæ medium 192. gr. 54. m. 30. secun. Argumentum latitudinis medium 195. gr. 20. m. 6. secun. Id diminutum ex radicibus primæ cōiunctionis primi anni Nabuchodonosaris, reliquit radices primæ oppositionis mediæ eiusdem anni Nabuchodonosaris, quibus habitis cōtinuauit eas quodque sicut radices cōiunctionum ad 1101. annum Nabuchodonosaris. Deinde perfecit differentiam tertiam, quæ est cōiunctionum & oppositionum in annis expansis. Considerauit enim excessum 13. lunationum super 365. dies, & fuit 18. dies, 53. m. 51. secun. 48. tertia. Item in hoc tempore 13. lunationum motus Solis medius 18. gr. 22. m. 59. secun. 14. tertia. Argumenti Lunæ medij 335. gr. 37. m. 12. secun. 51. tertia. Considerauit etiā spacium duodecim lunationum, quod fuit 354. dies, 24. m. 1. secun. 40. tertia. Et in hoc tempore motum Solis 349. gr. 16. m. 36. secun. 16. tertia. Argumentum Lunæ 309 gr. 48. m. 1. secun. 53. tertia. Argumentum latitudinis medium 8. gr. 2. m. 49. secun. 42. tertia. Ex his perfecit tabulam annorum expansorum ad annos 25. Aliquando quidem addendo numeris positus in prima linea duodecim lunationes cū motibus suis, & inde abijciendo 365. dies. Aliquando excessum tredecim lunationum dictum cū motibus suis, tunc quidem duodecim lunationes cū uidit, si excessum dictum addidisset, plus una lunatione prouenisset. Tandem tabulam mensium posuit, quam ad 12. extendit. Vna enim lunatio fuit 29. dies, 21. m. 50. secun. 4. tertia, 20. quarta. In hoc tempore motus Solis medius 29 gr. 6. m. 23. secun. 1. tertia. Argumentum Lunæ 25. gr. 49. m. 0. secun. 8. tertia. Argumentum latitudinis 30. gr. 40. m. 14. secun. 9. tertia. Ex his complet tabulam mensium uia additionis.

### P R O P O S I T I O   I I I .

Vsum talium tabularum depromere.

¶ Cum annis currentibus à principio Nabuchodonosaris intra tabulas, quod si præcise inueneris numerum eorum in annis collectis, in directo eorum habebis cōiunctionem & oppositionem mediam in primo mense scilicet Thus, atque motum argumenti Solis medij, & argumenti Lunæ, & argumenti latitudinis Lunæ ad eandem.

I   iij

Si

## LIBER

Si uero supersunt anni ultra collectos proxime minores in tabula repertos, cum eis intra tabulam annorū expansorum, & quæ in directo eorum inuenis, iunge cum eis quæ cum collectis annis accepisti, quodlibet quidem sub suo genere, & consurget coniunctio uel oppositio media, computando tempus à principio mensis Thus, & motus dicti ad eandem. Deinde per additionem positorum in tabula mensium habebis quamcunq; uoles coniunctionem sequentem aut oppositionem.

### PROPOSITIO IIII:

**Superationem ueram Lunæ in hora considerare.**

¶ Scire præoportet ueros motus Solis & Lunæ in hora, id communiter quæritur, & certior est uia æquandi Solem & Lunam ad principium talis horæ, item ad finem eiusdem, tunc differentia motuum erit motus in hora quæsitus. Facilius sic, & habebis rationem compositionis tabulæ motus ueri in hora. Considera æquationem argumenti Solis ad tempus, pro quo cupis habere motum Solis uerum in hora, huius æquationis, & æquationis argumenti proximo uno gradu maioris differentiam nota, de qua sume partem proportionalem secundum proportionem, 2. m. & 28. secundorū ad 60. m. quam deme à 2. m. 28. secundis, si argumentū Solis minus sit 93. gr. uel adde eisdem, si plus, usq; ad 180. gr. & exibat uerus motus Solis in hora. Sic compones tabulam ad semicirculum. Ratio est quia argumentū Solis augetur in una hora per 2. m. 28. secun.

¶ Item similiter fiat in Luna. Considera æquationem argumenti Lunæ dati, item æquationem argumenti uno gradu maioris, de differentia harum sume partem proportionalem secundum proportionem 41. m. 49. secun. ad 60. m. hanc subtrahe à 32. m. & 56. secundis, si argumentum fuit minus 45. gr. aut adde si maior 45. gr. ad 180. sic compones tabulam ad semicirculum. Ratio, quia argumentum Lunæ uerum post unam horam à coniunctione media uel ante differt ab argumento medio in hora coniunctionis mediæ per motum argumenti medi in hora, & æquationem centri quæ uni horæ correspondet 41. m. 49. secun. æquationes etiam Lunæ crescunt usq; ad 35. gr. argumenti, post ad semicirculum decrescunt. Habebitis motibus ueris Solis & Lunæ in hora, aufer motum Solis de motu Lunæ, & remanebit superatio quæsitæ.

### PROPOSITIO V.

**Veram applicationem luminarium & locum dinumerare.**

¶ Ex ante præmissa primum mediam applicationem cognoscas cum argumentis Solis & Lunæ, ex quibus secundum doctrinas superiores uera loca luminarium deprehendas. Quod si concordia fuerit, tempus mediæ applicationis est tempus uere. Si discordia, differentiam eorum nota, huic, ut Ptolemæus, adde suam duodecimam, q; tantum interea uere Sol moueatur, & totum diuide per motum uerum Lunæ in hora repertum per præmissam. Vel melius differentia eorū simplicem diuide per superationem ueram Lunæ in hora, & tempus quod sic pueniet, est distantia inter ueram & mediam applicationē. Sequetur aut uera mediā, si locus Solis præcessit locū Lunæ. Si uero locus Lunæ præcessit Solem, tunc per dictum tempus ex diuisione pueniens, secuta fuit mediā uerā, hinc motus Solis in hora ductus, in tempus distantie inter ueram & mediam applicationē, pducet uerū motū Solis



## SEXTVS.


Solis in dicto tempore, per quem noscetur locus applicationis ueræ. Verū quia id opus aliquando non iussit, licet si prope uerum, ideoq; oportebit æquare ad hoc tempus sic inuentum loca luminarium secundario, & si res perietur concordia: satis. Si discordia, opus est iterum more priori tempus uerum elicere.

### PROPOSITIO VI.

Duabus eclypsibus quibus Luna fuit prope longitudinem propiorem epicycli, semidiametros umbræ & Lunæ elicere.

¶ Prima fuit in octauo annorum Naboth, qui fuit à principio annorum Nabucho, annus quingentesimus septuagesimus quartus, transactis 27. diebus mensis Phument, qui est septimus ægyptiorū, cuius mane fuit dies 28. & fuit à principio horæ octauæ ad finem horæ decimæ, plurimū partis eclypsatæ à parte septentrionis, fuit 7. digitis. Tempus medium fuit post mediū noctis duabus horis temporalibus, & medietate, & Sol in 7. g. Tauri. Tempus à principio annorū Nabucho, fuit 573. anni 206. dies 14. horæ, & tertia unius temporis differentis, sed mediū fuit 24. horæ tantum usq; ad mediū huius eclypsis. Locus Lunæ mediū 7. gr. 49. mi. Scorpij, uerus 6. gr. 19. mi. eiusdem, argumentum 160. gr. 40. mi. & argumentum latitudinis à puncto maxime septentrionali 98. partes 20. mi. Secunda fuit anno 607. annorū Nabucho, diebus mensis Tobj transactis duobus, cuius mane fuit dies tertius ante mediū noctis hora una æquali, medietate & tertia, & eclypsatū à parte meridiei fuit 3. digitis. Sole in 5. gra. & octaua unius partis Aequarij. Tempus à principio annorū Nabucho, 606. anni ægyptij, dies 91. horæ 10. & sexta horæ utriusq; temporis. Luna secundum medium motum in 5. gr. 15. mi. Leonis, secundū uerum 5. gr. 8. m. eiusdem. Argumentū 178 gr. 45. mi. Argumentum latitudinis à puncto maxime septentrionali 80. gr. 36. mi. Quia itaq; distantia Lunæ à nodo in prima eclypsi fuit 8. gr. 20. mi. fuit latitudo meridionalis 43. mi. 3. secun. Et in secunda distantia à nodo fuit 10. gr. & tres quintæ, fuit latitudo meridiana 54. mi. medietas & tertia. Differentia autem partium eclypsatarum fuit tertia diametri Lunæ. Et differentia latitudinū 11. mi. 47. secun. necesse est igitur ut tota diameter Lunæ fuit 35. mi. & tertia huius uero quarta est 8. mi. medietas & tertia scilicet pars eclypsata in secunda eclypsi equalis parti diametri ab extremitate umbræ ad centrum Lunæ. Ea ablata à latitudine Lunæ in secunda eclypsi, manebunt 46. mi. semidiametri umbræ in loco transitus Lunæ, dū Luna fuerit prope oppositū augis epicycli. Sic iterū reperta est eadē proportio semidiametri Lunæ ad semidiametrū umbræ quæ superius, & ita firmavit eam. Quidam semidiametros Lunæ & umbræ in applicationibus. Luna inter augem epicycli & oppositū eius exilente, ex his quæ in auge, & opposito repertæ sunt sic inueniunt. Sit epicyclus a, b, g. super centro d. in applicationibus a. quidē aux b. oppositū augis e. centrū mūdi sit q. Luna in g. semidiameter lunæ in a. est minima in b. maxima quæ potest esse in applicationibus, & differentia ex dictis nota est, quæ sit l, m, g, z. sit sinus argumēti a, g. erit igitur g, z sinus notus, & similiter z, a. sinus uersus, sed a, b. est notarū partium, quibus d, e est 60. igitur in eisdē a, z, g, z, d. notæ fient, igitur e, z. nota hinc e, g. nota, quæ sit equalis e, h. q̄re a, h. data. Sine sensibili aut differentia, p̄portio b, a. ad a, h. est ut l, m. ad augmentū, quo semidiameter lunæ existētis in g. excedit semidiametrū eius existētis in a. quare illud augmentū notū erit, hinc semidiameter umbræ nota fiet. Certior tamē uia hæc reperiēdi in 22. quinti data est.

Ostensis



## LIBER


Ostensis igitur quantitatibus semidiametrorum Lunæ, & umbræ in maxima accessione ad terram tempore eclipsis, præfiniuntur termini eclipsium, ut sequitur.

### PROPOSITIO VII.

#### Terminos eclipsium solarium præfinire.

¶ Ex præmissa patet semidiameter Lunæ maximū in eclipsibus esse, 17. mi. 40. secun. Semidiameter autem Solis ex superioribus habetur, 15. mi. 40. secun. quæ licet propter ecentricitatem Solis variabilis sit, id tamen non curatur, quod ferè sit insensibile. In cōtactu itaq; eclipsis solaris distātia inter ambo centra luminariū sit 33. m. 20. secun. Diuersitatis autē aspectus in latitudine maxima quæ esse potest in omnibus climatibus septem communiter positis, uersus meridiem quidem est 58. mi. & nunc diuersitas aspectus in longitudine maior quæ esse potest, est 15. mi. Sed uersus septentrionem est 8. mi. & tunc diuersitas aspectus in longitudine est 30. mi. Sed etiā plurimum differentię quod cadere potest inter locum uerum applicationis ueræ, & locum medium applicationis mediæ est 3. gr. quod habetur, si maximæ æquationes luminarium iungantur, & totius tredecima pars accipiasur, & huius etiā tredecima pars, propterea quod dū Luna perambulat aggregatum maximarum æquationum, Sol interea tredecimam huius perambulat. Et dum Luna hanc tredecimam secat, Sol quoq; interea per tredecimam huius moueatur. Quod itaq; Sol secat in tempore quo Luna aggregatum maximarum æquationum transit, est 12. pars ferè huius aggregati, quæ duodecima si iuncta fuerit cum maxima æquatione Solis, proueniet quod plurimum intercideri potest inter locum medium mediæ applicationis, & locum uerum ueræ applicationis. Idq; secundum numerationem Ptolemæi est 3. gr. & illud ferè æquale est differentię inter argumentū latitudinis medium in hora mediæ applicationis, & argumentum latitudinis uerum in hora ueræ applicationis, non enim differt hæc ab illa, nisi in motu capitis in hoc tempore. Sit igitur ecliptica a, b. deferens b, d. & sit d. locus Lunæ uerus, uisus autem in coniunctione uisibili sit e. & arcus a, e, g. orthogonalis super eclipticam a. locus Solis erit igitur e. locus Lunæ uisus in differente a, z. semidiameter Solis e, z. semidiameter Lunæ sitq; d, e. diuersitas aspectus in circulo altitudinis, erit d, g. ferè diuersitas aspectus in longitudine e, g. in latitudine. Dum igitur diuersitas aspectus in latitudine fuerit ad partem meridiem, quod semper contingit, dum Luna à polo horizontis uersus meridiem fuerit, erit e, g. 58. mi. a, z, c. autem est 33. mi. 20. secun. Sic fiet a, g. 1. gra. 31. minut. 20. secun. Proportio autem a, g. ad g, b. prope est sicut 1. ad 11. & semis, quod patet ex maxima Lunæ latitudine, & uia quæ data superius est declinationis eclipticæ, & latitudinis Lunæ tabulandi. Fiet igitur arcus b, g. 17. gra. 30. minu. ferè. Sed cum g. sit locus uisibilis coniunctionis, Ponamus ueram adhuc futuram. Dum igitur Luna transsit arcum g, d. qui est 15. mi. Sol interea transsit duodecimam huius, quæ duodecima sit g, k. erit itaq; k. locus ueræ coniunctionis, sic arcus b, k. erit 17. gra. 31. minut. ferè. Ponamus quoq; quod mediæ coniunctio etiam adhuc futura sit. Sed inter locum uerum ueræ & medium locum mediæ, ut superius tactum est cadere possunt 3. gr. Centrum igitur epicycli in mediæ coniunctione distabit à nodo 20. grad. & medio ferè. Sed dum e, g. diuersitas aspectus in latitudine fuerit uersus septentrionem maxima, scilicet 8. minut.


Luna





## S E X T V S.

Luna tamen in latitudine meridiana existente ita intellige b, g. proportionē deferentis ab eclipctica meridiam, erit a, g. 41. mi. Hinc b, g. secundum proportionem dictam erit prope 7. gr. 52. m. g, d. uero 30. cuius duodecimae est 3. m. ferē. Sic k, b. erit 7. gr. 55. m cui k, h. scilicet 3. gr. additi faciūt 10. gr. 55. m. ferē. Ptolemæus tamen addidit illos tres gradus super aggregato ex distantia uisi loci Lunæ in uisibili coniunctione & diuersitate aspectus in longitudine. Sed ipsi sint differentia maxima inter medium locum mediæ coniunctionis, & uerum ueræ coniunctionis locum. Oportet ut addantur ad distantiam ueri loci Lunæ in hora ueræ coniunctionis, ut exeat distantia centri epicycli Lunæ à nodo in hora mediæ coniunctionis, qua possibile est ut Luna Solem contingat secundum uisum. Ideo termini eclipctici sui paulo maiores sunt. Habemus igitur per omnia septem climata terminos eclipcticos solares hos, uidelicet medium argumentū latitudinis meridiane à nodo 10. gr. 55. m. & argumentum latitudinis septentrionalis à nodo 20. gr. & medium ferē. Extra autem hos terminos non est possibilitas eclipsis solaris in dictis climatibus, sed in media coniunctione centro epicycli Lunæ existente, intra dictos terminos possibilis est Solis eclipsis. Albategni autem quia alias semidiametrorum quantitates, seu æquationum maximarum ponit, dicit terminos hos in meridie quidem 10. gr. 40. mi, in septentrione 20. gr. 12. m.



### P R O P O S I T I O . VIII.


#### Lunaris eclipsis terminos assignare.

¶ Sit a, b. eclipctica b, g. decliuis circulus Lunæ, sitq; a. centrum umbræ g. uero centrum Lunæ, dum circuli umbræ & Lunæ uisuales maximi se primum contingant in z. erit g, z. 17. m. 40. secun. & z, a. 45. m. 56. secun. quare a, g. fiet unus gr. 3. m. 36. secunda. Ideoq; secundū proportionem dictam g, b. fiet ferē 12. gr. 12. mi. Si itaq; media oppositio sequatur ueram per maximam distantiam possibilem, addendi sunt gr. 3. de quibus dictū est, & fiet 15. gr. 12. m. maxima distantia centri epicycli Lunæ à nodo in oppositione, qua Luna contingit circulum umbræ sine eclipsi, extra hunc terminum non est possibile Lunam eclipfari. Albategni tamen dicit terminum esse 14. gr. 45. minut.

### P R O P O S I T I O . IX.

Solem aut Lunam in sex mensibus bis eclipsim pati est possibile.

¶ Intelligamus a, b. g, d. circulum Lunæ decliuem, qui secet eclipcticam in nodis a. & g. capitis & caudæ, & medietas septentrionalis sit a, b, g. meridionalis g, d, a. termini eclipctici à parte septentrionali sint e, f. à parte meridiana sint k, l. erunt itaq; a, e. & f, g. in solaribus uterq; 20. gradus & medij, sed g, l. & a, k. 10. gr. 55. quare arcus e, b, f. continet 139. grad. Medius autem motus argumenti latitudinis in sex mensibus lunaribus æqualibus habet 184. gradus, & minutum unum integris reuolutionibus semotis, quare motus argumenti latitudinis in sex mensibus maior est arcu e, h, f. & minor arcu f, d, e. Possibile est igitur, quod si nunc motus latitudinis sit in termino eclipctica, quod post sex menses iterum cadat in terminum eclipcticum, Solemq; in sex mensibus bis eclipfari. Item in lunaribus





lunaribus eclipſibus fient arcus terminorū 15. gr. 12. m. quare tam e, b, f. quā l, d, k. fiet 149. gr. 36. m. Erit igitur motus argumenti latitudinis diſtus utroq; horum maior, minor tamen arcu k, b, l. aut f, d, e. Parebit itaq; uerum eſſe quod dicit propoſitio.

## PROPOSITIO X.

Lunā in quinq; menſibus bis eclipſari eſt poſſibile. Cumq; id acciderit, neceſſe eſt, ut ambabus eclipſibus uerſus eandem partem porrigantur tenebræ.

¶ Sit enim ut in his quinq; menſibus Sol uadat à longitudine media ſui eccentrici per propiorem uerſus alteram longitudinem mediam. Eritq; tunc motus Solis uelox. Luna autem in epicyclo ultra integras reuolutiones perficiat motum p partem epicycli ſuperiorem, ubi tarda curſu exiſtit. Fient igit hi quinq; menſes maiores, in quibus Sol mouetur motu ſuo maiori, & Luna minori. Medius motus Solis & Lunæ in quinq; menſibus medijs, abiectis reuolutionibus, fiet 145. gr. 37. m. Et ſumamus ut longitudo propior Solis diuidat hunc per æqua, addet igitur ſuper mediū curſum æquatio Solis hincinde ſupra 4. gr. 38. m. Motus autem Lunæ in epicyclo in quinq; menſibus eſt 129. gr. 5. m. hunc quoq; per æqua diuidat longitudo longior epicycli, minuet igitur ex medio curſu æquatio hincinde ſumpta 8. gr. 40. m. In tempore itaq; quinq; menſium illorum q; Sol ſit uelox, Luna aut tarda curſu, præcedet Sol Lunam in 13. gr. 18. m. hoc eſt uerus motus Solis maior eſt uero motu Lunæ in hac quantitate. Sed dum Luna id perambulat donec Solem conſequatur, Sol duodecimam huius mouetur, quæ 1. gr. 6. m. hæc duodecima ſi addatur ſuper 4. gr. 38. m. quæ fuerunt differentia ueri motus Solis & medijs, prouenient 5. gr. 44. m. ſcilicet quantum quinq; menſes maiores addunt ſuper quinq; menſes medios. Oportet enim in talibus diſpoſitionibus primam harum oppoſitionū uerarum præceſſiſſe mediam tanto tempore quanto ultima harum mediā ſequitur. Conſtat autem quòd differentia locorum applicationum ueri quidem in uera, & medijs in media ferè æqualis eſt differentia argumentorū latitudinis ueri in uera, & medijs in media, quare differentia argumentorū latitudinis ueri & medijs in prædictis quinq; menſibus erit ferè 5. gr. 44. m. Sed argumentum latitudinis in quinq; menſibus medijs eſt, 153. gr. 21. m. ideoq; argumentum latitudinis uerum in quinq; menſibus ueris lunaribus eſt, 159. gr. 5. m. Termini deniq; eclipſici lunares Luna exiſtente in longitudine media epicycli ſunt 11. gr. 30. m. tunc enim aggregatum ſemidiametrorum Lunæ & umbræ eſt gradus unus, propterea q; Luna in auge epicycli exiſtente in applicationibus tale aggregatum ſit 56. m. 24. ſecun. ſed in propiori longitudine epicycli ſit 1. gr. 3. m. 36. ſecun. Reſpice modo figuram præmiſſæ, fiet iam uterq; arcum e, f. & l, k. 157. gr. ideo minor argumento uero latitudinis in quinq; menſibus maioribus per 2. gr. 5. m. Si igitur hic motus latitudinis a, b, f. per unum gr. in arcu a, c. cœperit, & finierit in arcu f, g. per unum gr. ferè a, b, f. poſſibile eſt, ut in utraq; fiat eclipſis Lunæ. Sic etiam oſtenditur per arcum l, d, k. Et dum motus iſte fuerit per arcum iſtum e, b, f. eclipſabitur in utraq; eclipſi pars meridiana Lunæ. Sed per arcum l, d, k. ſeptentrionalis. Verum tales obſcurationes ferè ſunt inſenſibiles.

Propoſitio



## SEXTVS.

### PROPOSITIO XI.


**Lunarem eclypsim in septimo mense iterari non est possibile.**

¶ Oſtenſio ſimilis eſt quæ præcedens. Accipiamus ad hoc ſeptem meſes minimos qui poſſibiles ſunt, & oportet ut in his Sol moueatur minore curſu ſuo, Luna uero maiore, in ſeptem menſibus æqualibus. Motus luminarium medijs 203. gra. 45. m̄. Argumentum Lunæ 180. gra. 43. mi. Sit autem ut longitudo longior ſolis per æqua diuidat ſolis medium, & longitudo propior Lunæ per æqua diuidat argumentum iſtud. Fiet igitur ut æquatio ſolis hinc inde ſumpta minuet ex motu medio 4. g. 42. mi. & æquatio Lunæ addet medio motui 9. gr. 58. mi. Erit igitur in hoc tempore 7. menſium medijs motus ſolis, minor motu Lunæ uero in 14. gra. 40. m̄. Huius autem duodecima eſt 1. gr. 13. m̄. addita ſuper æquationem ſolis facit 5. gr. 55. mi. ſcilicet quantitas qua uerus ſolis in ſeptem menſibus minoribus deficit à medio curſu ſolis in ſeptem menſibus æqualibus, ſed tantum etiam differt argumentum latitudinis uerum in ſeptem menſibus minoribus ab argumento latitudinis mediæ in ſeptem menſibus medijs. Argumentum autem latitudinis medium in ſeptem menſibus medijs eſt 214. gra. 42. mi. quare argumentum latitudinis uerum in ſeptem menſibus minoribus erit 208. gra. 47. m̄. Totus autem arcus in figura k, b, l. aut f, d, e. nō eſt niſi 203. gra. Luna quidem in longitudine media epicycli exiſtente. Non eſt igitur poſſibile, ſi Luna eclypſatur in oppoſitione prima ſeptem menſium minorū, quod etiam eclypſetur in ultinia illarum, quod fuit propoſitum.

### PROPOSITIO XII.

**Solem in quinque menſibus bis eclypſari in pluribus plagis terræ habitatis, non eſt prorsus impoſſibile.**

¶ Ponamus ad hoc quinque meſes maiores, ut in ante præmiſſa oſtenſum eſt, uerus motus latitudinis Lunæ in his eſt 159. gr. 5. mi. Aggregatum autem duarum ſemidiametrorum Solis & Lunæ cum fuerint in longitudinibus medijs, eſt 32. mi. 20. ſecun. Eſt enim medium inter aggregatū quod fit in auge, & id quod fit in oppoſito augis. Si itaq; longitudo Lunæ fuerit 32. mi. 20. ſecun. fiet Lunæ à nodo diſtantiā 6. gra. 12. mi. quare arcus e, b, f. ſeu l, d, k. in quo non contingit eclypſis fiet 167. gra. 36. mi. Palam igitur, ſi Luna nullam habuerit diuerſitatem aſpectus in latitudine, non eſſe poſſibile, ut bis ſit Solis eclypſis in quinque maioribus meſibus, propterea quod arcus e, b, f. aut l, d, k. ſit maior uero motu latitudinis in quinque magnis menſibus, maior inquam per gra. 8. & 13. mi. Et ſi uerum motum latitudinis diſpoſuerimus, ut per punctum b. maxime declinationis diuidatur per æqua, diſtabit quilibet ſuorum terminorum à nodo per 10. gra. 28. mi. ſerè, horum latitudo eſt 54. mi. & medium ſerè, à qua cum ſublatus fuerit aggregatum ſemidiametrorum Solis & Lunæ, remanent 22. mi. & medium ſerè exceſſus latitudinis terminorum uerū motus latitudinis ſuper tale aggregatum, quibus ſumptus, ſcilicet hinc & illinc à patribus b. facit 45. mi. quæ ſunt etiam latitudo argumenti latitudinis graduum 8 & 31. m̄. ut patet ex proportionem ſepe dicta unius ad 11. cum dimidio. Seruatur enim hæc proportio circa terminos eclipticos ubiq; ut in figura g, f. ad f, o. ſicut g, n. K ad




## LIBER III

ad n, p, sic etiam f, n, ad n, m, dum n, p, sit æqualis f, d. Sic cum f, n, est 8. gra. 31. mi. erit m, n, differentia scilicet n, p, super f, o, 45. mi. Ad cognoscendum autem quibus horis & locis eclypticæ id fieri possit, uidendum est tempus quinque mensium maiorum, quod taliter depræhenditur. Tempus quinque mensium æqualium habet 147. dies 15. horas & medietatem & quartam unius horæ. In hoc: ut patuit, cum Luna sit tarda cursu, Sol uelox, uerus motus Solis, maior uero motu Lunæ in 13. gr. 18. m. quod spaciū dum Luna in medio motu perambulat ad Solis consecutionem, interea Sol duodecimam huius transit. Fit ergo totum 14. gr. 24. mi. quod si diuisum per medium cursum Lunæ in die fuerit, proueniunt dies una, horæ duæ & quarta unius. Luna enim in talibus coniunctionibus ferè motu medio mouetur. Differentia ergo quinque mensium maiorum super quinque medios est dies una, horæ duæ & quarta, quare tempus quinque mensium maiorum fit. 148. dies 19. horæ ferè. Liqueat igitur, si prima earum fuerit iuxta Solis occasum, fiet altera sex horis ante occasum solis. Item si prima fuerit tribus horis post meridiem, erit altera tribus horis ante meridiem. Item uerus motus solis in prædicto tempore quinque mensium maiorum, prout ex ante præmissa colligitur, est 151. gra. ferè, quos longitudo propior Solis per æqua diuidit, quæ cum nostro tempore sit in principio capricorni, fiet locus primæ coniunctionis in 15. gr. libræ, & locus secundæ in 15. gr. piscium; uel circiter hæc loca. In quibuscumque igitur climatibus ita accidit, quod 15. gradu libræ uersus occasum descendente, item 15. gradu piscium prope medium cœli existeret, diuersitas aspectus Lunæ in latitudine, in uno horum locorum, aut ambobus simul aggregata maior fuerit 45. m. in eis, in talibus coniunctionibus fit Solis obseruatio super æquinoctiali nota in dictis horis & locis coniunctionum, dum diuersitates aspectus in latitudine aggregantur, non attingunt 45. m. Sed à climate secundo incipiendo, deinde uersus arctos 45 m. transcendunt. Ideoque in his plagis possibile est uidere Solis eclypsim bis in quinque mensibus, quantoque plaga septentrionalior, tanto possibilitas maior, quod diuersitas in latitudine augeatur, neque hoc contingit, nisi cum Luna uiam in latitudine fecerit septentrionali à capite uersus caudam, ita ut in prima eclypsi fuerit iuxta e, & in secunda iuxta f.

### PROPOSITIO XIII.

Solis eclypsim in septem mensibus bis fieri eisdem plagæ terræ contingit.

¶ Sint septē menses minores, in his patuit uerū argumentum latitudinis lunæ esse 208. gr. 47. m. Sed arcus f, d, e. ex præmissa est 192. gr. 24. mi. qui est à termino eclyptico accedente ad caudā, ad terminū eclypticū recedentē à capite. Clarum est igitur, si Luna diuersitatem aspectus in latitudine non habeat, non est possibile ut Sol bis eclypsetur in his septem mensibus, scilicet in prima harum coniunctionum & extrēma, propterea quod 208. gr. 47. mi. excedant arcum f, d, e. in 16. gr. 23. m. Arcus autem ueri loci latitudinis dispositus, ut punctum d, quod est maximæ latitudinis in meridie diuidat ipsum per æqua, distabit quilibet suorum terminorum à nodo 14. gr. 23. mi. à latitudine his correspondente, ablata quantitate semidiametrorum luminarium, excessus bis sumptus facit 1. gr. 25. mi. ferè, & tanta est etiam latitudo argumenti latitudinis 16. gr. 23. mi. ut patet ex proportionem unius ad 11, & semis. Ita si incipias argumentum uerum latitudinis computare





## S E X T V S.


are a, b, f. procedendo per d. ipsum excedat arcum f, d. in gr. dictis, qui sunt e, n. quare tamen sui latitudo scilicet n, p. excedet latitudinem puncti e. quæ est e, o. scilicet aggregatum semidiametrorum luminare in parte proportionali ad 16. gr. 23. m. secundum proportionem unius ad 11. & semis, & ipsa est n, m. unius gr. 25. mi. Liqueat igitur, si in septimo mensæ eclypsis Solis redire debeat, quod oportet Lunam habere diuersitatem aspectus in una harum coniunctionum, aut aggregatum ex eis in ambabus, quæ sit maior uno gr. 25. mi. Videndum est autem in quibus horis, & quibus locis id fieri quæat. Tempus septem mensium æqualium habet 206. dies 17. horas ferè, in quo Sol tardiori cursu, Luna uero uelociori mouetur. Et medius solis minor uero Lunæ in gra. 14. m. 40. quæ arcum cū sua duodecima Luna medio cursu perambulat in die una, quinque horis. Septem igitur menses minores qui esse possunt, habent dies 205. & horas 12. quare tempus coniunctionis extreme fiet post dies integros ab hora cōiunctionis primæ horis 12. Ideoq; si prior sit iuxta Solis ortum, erit altera iuxta Solis occasum. Verus autem Solis motus in dictis septem mensibus minoribus, ut ex ante præmissa colligitur, est 198. gr. ferè, quos aux Solis per medium diuidit, quæ nostro tempore in principio cancri fiet locus primæ coniunctionis harum circa 21. gr. piscium, & alterius circa 9. gr. libræ. In plagis uero septentrionalibus à quarto climate incipiēdo in prædictis locis & horis, contingit ut diuersitas aspectus in latitudine, ablata diuersitate aspectus Solis excrescant super uno gr. 25. mi. Ideoq; in illis climatibus possibile, ut Solis eclypsis in septem mensibus bis uideatur. Necesse est autem, ut id accadat Luna in prima coniunctionum accedente uersus nodum caude, in secunda uero ea à nodo capitis recedente.

### P R O P O S I T I O   X I I I I.

Eclypsim Solis in uno mense bis fieri apud homines unius climatis, est omnino impossibile.

¶ Licet ad hoc omnium causarum conuenientia sit impossibilis, ponamus tamē ad imaginationem causas congregatas esse, scilicet ut Luna sit in coniunctionibus in longitudine propiori, & sic maximam diuersitatem aspectus in latitudine habeat, & ut sit Lunatio minima quæ esse possit, & sic motus uerus argumenti latitudinis in mense fiat minimus, & minimū addat super arcum circuli decliuis inter duos terminos eclypsis Solaris contentum, & ut sint coniunctiones illæ in horis & locis quibus maximæ fient diuersitates aspectus. Quia itaq; in uno mense æquali medius motus luminarium est 29. gr. 6. m. & argumentum Lunæ 25. gr. 49. m. Sit ut longitudo longior Solis per æqua hunc arcum medijs Solis diuidat, & longitudo propior Lunæ argumentum Lunæ etiam per æqua diuidat. Fiat ut æquatio Solis hinc inde sumpta minuet ex medio Solis 1. gr. 8. mi. & argumentum Lunæ a latet 2. gr. 28. m. Equationes autem illæ coniunctæ faciunt, 3. gr. 36. m. huius duodecima pars, scilicet 18. m. si addita æquationi Solis fuerit, producitur 1. gr. 26. m. scilicet differentia qua uerus motus Solis in minimo mense deficit à medio motu Solis in mense æquali, sed tantum etiam ferè differt argumentum latitudinis uerum in minimo mense ab argumento latitudinis medio in mense æquali. Argumentum autem latitudinis medium in mense est 30. gr. 40. m. Ideoq; cursus uerus latitudinis in mense minimo est 29. gr. 14. m. Ponamus autem ut hunc nodus per æqua diuidat, ha-

K ij   bebit





bebit unusquisque terminorum suorum latitudinem unius gra. 16. m. & medij fere, quæ duplicata facit 2. gr. 33. m. fere, scilicet latitudinem argumenti 29. gr. 14. m. secundum proportionem sæpe dictam. Aggregatum autem semidiametrorum luminarium Luna in longitudine propioris existente, est 33. m. quæ ablata à gradu uno et 16. m. & medio, relinquunt 43. m. quæ ab utraq; parte sumpta nodi, id est bis sumpta, faciunt unum gra. 27. m. fere. Non est igitur possibile, ut Sol bis eclipsetur in mense uno, nisi ut luna nullam habeat diuersitatem aspectus in latitudine in una coniunctionum, & in altera diuersitatem aspectus habeat maiorem 1. gra. 27. m. Aut si ei in utraq; coniunctione diuersitas aspectus sit in eandem partem, & differentia ipsarum maior 1. gr. 27. m. Aut si ei in utraq; coniunctione diuersitas aspectus sit in partes contrarias, & aggregatum ipsarum sit maior 1. g. 27. m. Oportet enim eclipsisibus, ut latitudo uisa in utraq; coniunctione sit minor aggregato semidiametrorum, quod fieri non potest in his coniunctionibus, nisi conditiones iam dictæ seruentur. Est etiam opus, ut latitudo lunæ uera in prima, cum latitudine Lunæ uera in secunda simul perficiant 2. gr. 33. m. quæ est latitudo ueri argumenti latitudinis in mense minori. Verum non est locus in terra, in quo diuersitas aspectus Lunæ ad Solem in latitudine sit maior 1. gr. 27. m. nec est locus in quo in utraq; coniunctione differentia diuersitatum aspectus in latitudine in eandem partem sit maior 1. gr. 27. m. Si igitur debet in uno mense bis eclipsari Sol, oportet ut diuersitas aspectus in utraq; coniunctione sit in partes contrarias, & aggregatum earum sit 1. gr. maius, & 27. m. Sub æquinoctiali autem maxima diuersitas aspectus in latitudine maior non est 25. m. in quamcumque partem, neque in aliquo septem climatium, uersus septentrionem procedendo diuersitas aspectus in latitudine maior est gradu uno, quare non est possibile, ut uni plagæ terræ Sol bis uno mense eclipsetur. Nihil tamen prohibet homines uenius habitabilis plagæ eclipsim Solis uidere, & in sequenti coniunctione alterius plagæ homines etiam eclipsim habere, quod ambæ diuersitates aspectus eis contingentes in partes contrarias, simul maiores esse possunt 1. gr. 27. m. ut si una plaga esset ad meridiem ab æquatore, ad septentrionem alia. Patet igitur, non esse possibile, quod in uno mense Sol bis eclipsetur apud homines unius climatis aut diuersorum, dum ab eadem parte æquatoris sint. Contingens tamen est in locis contrariorū situum ab æquatore.

## PROPOSITIO XV.

Transitum Lunæ in circulo decliui inæquales arcus in ecliptica secare, uerum differentiam longitudinum in ambobus circulis admodum paruam esse,

¶ A nodo a. sint duo arcus sumpti, ecliptice quidem a, g. circuli decliuis Lunæ a, b. Sit autem Luna in b. procedet à puncto b. arcus circuli magni perpendicularis super eclipticam, qui sit b, g. Palam est, quod uerus locus Lunæ in ecliptica est in puncto g. Dato autem arcu a, b. per scientiam datam de ascensionibus Nibrectis, notus erit arcus a, g. qui semper erit minor arcu a, b. & scientiā 24. tertij, huius maxima differentia quæ inter hos esse potest, reperitur 6. m. & hoc dum arcus a, b. est circiter 45. gra. & latitudo maxima Lunæ supposita est iam 5. gr. In terminis uero eclipticis differentia arcuum a, b. & a, g. maxima esse potest 4. m. ut si arcus a, b. sit 20. gr. reperies a, g. esse 19. gr. 56. m. Est enim proportio sinus b, z. ad sinum z, f. sicut



SEXTVS.

sicut proportio sinus b, a, ad sinum a, g. dummodo z. sit polus eclypticæ, & a, f. & a, l. quartæ. Cogniti autem sunt b, z. & z, f. & b, a. Nam l, f. est 5. grad. & proportio sinus a, f. ad sinum f, l. sicut proportio sinus a, b, ad sinum b, g. sic dum a, b. est 20. grad. b, g. est unius gradus, & 42. m. Item à puncto g. cadat perpendicularis super a, b. quæ sit d, g. quia proportio sinus a, l. ad sinum l, f. sicut proportio sinus a, g. ad sinum g, d. inuenies g, d. insensibiliter differre a, g, b. Nam dum a, b. est 20. grad. reperiens g, d. esse 1. grad. 42. m. ferè. Nihil erroris sensibilis sequetur, si loco arcus g, d. in eclypsibus sumatur arcus g, b. etiam si loco arcus a, d. sumatur arcus a, b. quoniam si g. sit centrum Solis uel umbræ, fiet b. uerus locus Lunæ in uera applicatione. Sed d. uerus Lunæ in medio eclypsis est, tamen possibilis est arcuum g, d. & a, d. scientia, ut iam ostensum est de arcu g, d. Arcum autem a, d. inuenies per uiam, qua inuentæ sunt ascensiones rectæ ex arcu a, g. iam noto, uel quia sinus complementi d, g. ad sinum complementi g, a. proportio sit sicut sinus totius ad sinum complementi d, a. Si tamen quis, dicit Ptolemæus, huius rei scientiam exactam quærat, multo iustius illi difficultas operis angat, q̃ utilitas delectet.

PROPOSITIO XVI.




In eclipſi lunari ex latitudine Lunæ in medio eclipſis, & aggregato ſemidiametrorum Lunæ & umbræ digitos eclipſi-  
cæ prænoſcere.

¶ Sit circulus designans umbram in loco transitus Lunæ b, f. Semidiameter eius a, b, semidiameter autem Lunæ sit linea b, c, ita ut aggregatum ambarum semidiametrorum sit a, b, c, portio eclypticæ a, d, circulus Lunæ declivus d, e, in quo locus Lunæ in medio eclypsis sit c. Si itaq; latitudo Lunæ a, e, sit æqualis aggregato semidiametrorum, scilicet a, c. constat quòd Luna contineat circulum umbræ, & nihil eius eclypsabitur.


¶ Sed si latitudo Lunæ a, e, sit minor linea a, c, ita tamen ut sit maior linea a, b, fiet eclypsis Lunæ partialis. Ideo sublata latitudine a, e, ab aggregato semidiametrorum scilicet a, h. remanebit e, h. quæ est æqualis f, g. parti diametri Lunæ eclypsatæ, & cum tota diameter Lunæ sit nota, constituta ipsa 12. digitorum, constabit quot digitorum sit f, g. hoc fit si duxeris f, g. in 12. & productum diuiseris per diametrum Lunæ.

¶ Si autem latitudo Lunæ minor esset semidiametro umbræ in quantitate, semidiameter Lunæ fieret eclypsis totalis sine mora, & sic esset 12. digitorum. Quando uero semidiameter umbræ excedit latitudinem Lunæ in pluri quam semidiametro Lunæ, tunc fit eclypsis totalis cū mora. Quando autem Luna careret latitudine, tunc in medio eclypsis centrum eius esset centrum umbræ, fieretq; eclypsis Lunæ maxima quæ possibilis est, præcipue si foret cursu tarda. Quando itaq; uoles inuenire digitos eclypticos, aufer latitudinem Lunæ ab aggregato semidiametrorum, reliquum duc in 12. & diuide per diametrum Lunæ, si proueniunt puncta pauciora 12. erit eclypsis partialis, si præcise 12. erit uniuersalis, sed sine mora, si plura, 12. erit uniuersalis cum mora. Conuersa huius quoq; nota est, cum uelis ex digitis eclypticis & semidiametris Lunæ & umbræ, latitudinem Lunæ in medio eclypsis cognoscere, duc digitos in diametrum Lunæ ui-

K ij fualeni



# LIBER



sualem, & diuide per 12. quod exit, aufer ab aggregato semidiametrorum & manebit latitudo quæsitæ, huius argumentum, hoc est distantiam à nodo reperies, uel per tabulas latitudinis Lunæ, uel per proportionem unius ad 11. & semis, uel præcisius, si uoles per triangulum sphaeralem a, e, d. ex angulo d. & latere a, e, & angulo e. inuenies latus a, d. hinc e, d. quod quæritur. Verum in præcedenti ostensum est, ea insensibiliter differre.


## PROPOSITIO XVII.

Minuta casus, minutaq; more, cum moram habet, in eclypsi Lunæ determinare,

¶ Sit a. centrum umbræ in eclyptica a, b. circulus Lunæ decliuis b, e. in quo sit in principio contactus Lunæ & umbræ centrum Lunæ g, e. uero centrum Lunæ in medio eclypsis, erit a, e. ex præmissis orthogonaliter super b, f. minuta itaq; casus quæ quærentur, sunt arcus g, e. cui sit æqualis arcus e, f. eritq; ferè eclypsis finis in f. & principium in g. ductis arcibus magnis a, g. & a, f. fiet tam a, g. quàm a, f. aggregatum ex semidiametris umbræ & Lunæ, & a, e. latitudo Lunæ in medio eclypsis, uel arcus parum ab e, a. differens, ex ante præmissa notus. Si tribus arcibus trianguli a, e, g. utaris tanquam rectis lineis, nihil diuersitatis erroneæ sequetur propter earum paruitatem. Ideoq; quadratum a, e. aufer à quadrato a, g. & remanebit quadratum e, g. quare e, g. notus, qui quærebatur. Similiter si Luna eclypsabitur cum mora, sit m. centrum Lunæ in principio totalis obscurationis, & n. centrum eius totalis obscurationis, fiet centrū e, m. ferè æquale e, n. & uterq; horum arcuum dicitur minuta moræ, & erit a, m. aut a, n. excessus semidiametri umbræ supra semidiametrum Lunæ, ideo notus fiet. Et sic ex arcibus e, a. & a, m. modo prædicto inuenies quantitatem arcus e, m. Verū si præcisionem sequi placet, poteris ex scientia trianguli sphaeris e, a, g. cuius duo latera e, a. & a, g. & angulus e. rectus nota sunt, inuenire quantitatem arcus e, g. Est enim proportio sinus complementi a, g. ad sinum complementi e, g. sicut proportio sinus cōplementi e, a. ad sinum totum.

¶ Quidam minuta casus & more, quæ per uiam rectarum linearum inuenerunt, definitiora sic reddunt. Sit eclyptica a, b. in qua a. centrum umbræ. Aggregatum ex semidiametris umbræ & Lunæ sit a, m. & uia obliqua Lunæ b, m. z, t. sitq; m. centrum Lunæ, in contactu umbræ z. centrum Lunæ in oppositione uera, & t. centrum Lunæ in contactu umbræ, postquam liberata est eclypsi a, d. orthogonalis super a, b. erit in oppositione uera latitudo Lunæ a, z. Ex minutis itaq; itaq; casus prius inuentis, dum duodecimam sibi superadijces, addiscas argumentum latitudinis ad principium & finem eclypsis, scilicet minuta casus cum sua duodecima auferendo ab argumento latitudinis a, z. & eidem addendo. Ex quibus habebis latitudines Lunæ ad principium & finem eclypsis. Ad principium sit a, e. ad finem a, d. ex e, a. & a, m. propter rectum angulum e. nota fiet e, m. & ex m, e. & e, z. notis, nota fiet z, m. minuta casus à principio eclypsis ad ueram oppositionem. Similiter ex t, a. & a, d. propter angulum d. rectum nota fiet t, d. ex qua & d, z. nota erit z, t. scilicet minuta casus à uera oppositione ad finem eclypsis. Simili uia de minutis more procedunt. Verum ut sæpius ostensum est in antepre-

missa





## S E X T V S.

mita, parum utilitatis hoc opus affert. Si tamen utiq; præcisionem amas, age opus secundum viam ante præmissæ, ut arcum inter uerum locum oppositionis, & locum mediæ eclipſis cognoscas, & tunc inuenias cuncta definitiora.

### P R O P O S I T I O   X V I I I.

Tria tempora in eclipſi Lunæ particulari, seu quinq; in u-niuerſali diffinire.

¶ Si non habet moram, tria tempora reperies, ſcilicet principium, me-  
dium & finem. Veram oppositionem habes ex dictis, quod nihil uel pa-  
rum à medio eclipſis differt, ſi tamen differt, & uoles præciſius definire,  
medium ipſum ex doctrina data in 15. huius cognosces arcum b, d. in fi-  
gura eiufdem & cum ſua duodecima diuide per motum Lunæ in hora, uel  
ipſum ſolum per ſuperationē Lunæ in hora diuide, & exhibit tempus inter  
ueram oppositionem & medium eclipſis, ex quo cognosces medium eclipſ-  
ſis. Item minuta caſus diuide per ſuperationem Lunæ in hora, & exhibit  
tempus à principio ad medium, tantum quoq; eſt à principio ad finem.

¶ Si moram habet, habebit tempora quinq; ſcilicet principium conta-  
ctus umbræ, principium totalis obſcurationis, medium & finem totalis  
obſcurationis, & finem eclipſis. Principium & finem reperies ut antea.  
Deinde diuide minuta moræ per ſuperationem Lunæ in hora, & exhibit  
tempus quod eſt à principio totalis obſcurationis ad medium eclipſis,  
& tantum eſt à medio ad finem totalis obſcurationis. Ex his facile habe-  
bitur locus Lunæ in punctis horum temporum, ſiue minuta caſus cum ſua  
duodecima addendo ad locum Lunæ in medio eclipſis, & deinde diui-  
dendo. Item minuta moræ cum ſua duodecima addendo ad locum Lunæ  
in medio eclipſis, aut demendo. Siue uelis agere per tempus caſus, & tem-  
pus moræ, multiplicando ipſum per motum diuerſum Lunæ in hora, & pro-  
ductum addendo & demendo, ut dictum eſt. Ex his quoq; latitudines Lu-  
næ ad principia & fines facile addiſces.

### P R O P O S I T I O   X I X.


Viſum locum Lunæ in eclyptica ex uero eius loco dato  
oſtendere.

¶ Ad inſtans datum diuerſitatem aſpectus Lunæ in longitudine ex  
præmiſſis libro quinto huius collige. Et ſi Luna fuerit inter aſcendens &  
nonageſimum gradum ab aſcendente, diuerſitatem aſpectus Lunæ in lon-  
gitudine, adde ſuper uero loco eius ad inſtans datum, & exhibit locus eius  
uiſus. Sed ſi Luna fuerit inter gradum occidentem & nonageſimum gra-  
dum ab aſcendente, diuerſitatem aſpectus dictam minues ex uero loco Lu-  
næ, & proueniet quod quæris.

### P R O P O S I T I O   X X.

Latitudinem Lunæ uiſam comprehendere.

¶ Ex prioribus habeas latitudinem Lunæ ueram ad inſtans datum, &  
diuerſitatem aſpectus in latitudine. Et ſi ambo fuerint in eandē partem ab  
eclyptica



## LIBER

eclyptica, unam alteri iunge, si diuersarum partium, minorem à maiori deme, & relinquetur latitudo Lunæ uisa eius partis cuius maior fuit.

### PROPOSITIO XXI.

**Motum Lunæ uisum in hora assignata perpendere.**

¶ Per ante præmissam ad principium horæ assignatæ reperias uisum locum Lunæ. Et pereandem ad finem horæ datæ, inuenies quoq; uisum locum Lunæ. Et differentia horum est quod cupis. Vel considera per prædicta ad principium, similiter ad finem horæ diuersitatem aspectus in longitudine. Et si diuersitas horæ ad principium sit maior quam diuersitas ad finem horæ, differentiam ipsarum minue à motu uero Lunæ in hora. Si autem diuersitas ad principium horæ sit minor diuersitate ad finem horæ, differentiam ipsarum adde motui uero Lunæ in hora, & probabit motus uisus Lunæ in hora. Et hoc si Luna fuerit inter ascendens & 90. grad. Cum uero Luna fuerit inter 90. grad. ab ascendente & gradum occidentem, si diuersitas ad principium horæ sit maior diuersitate ad finem horæ, differentiam ipsarum adde uero motui Lunæ in hora. Si autem diuersitas ad principium horæ sit minor diuersitate ad finem horæ, differentiam ipsarum minue à uero motu Lunæ in hora, & proueniet uisus motus Lunæ in hora. Similiter reperies superationem Lunæ uisam in hora, sumendo loco motus ueri superationem ueram in hora.

### PROPOSITIO XXII.

**Coniunctionem luminarium uisibilem diffinire.**

¶ Ad tempus ueræ coniunctionis per præcedentes doctrinas reperias diuersitatem aspectus Lunæ ad Solem in longitudine, si ea fuerit secundum successionem signorum, id accidit dum locus coniunctionis fuerit inter ascendens, & 90. grad. ab ascendente, coniunctio uera uisibilem sequitur. Et cum in horizonte maior contingit diuersitas aspectus in longitudine, fiet diuersitas ipsa in hora uisibilis coniunctionis maior q̃ in hora ueræ coniunctionis. Si autem ea fuerit contra successionem signorum, id accidit dum locus coniunctionis fuerit inter gradum occidentem & nonagesimum gradum ab ascendente, coniunctio uera uisibilem præcedit. Et cum iterum in horizonte maior fuerit & contingit diuersitas aspectus in longitudine, fiet ipsa diuersitas in hora uisibilis coniunctionis iterum maior, q̃ in hora ueræ coniunctionis. Si autem nulla esset diuersitas aspectus in longitudine, quod solum accidit quando locus coniunctionis est in nonagesimo gradu ab ascendente, tunc simul fiet coniunctio uisibilis & uera.

¶ Intelligamus itaq; quartam eclypticæ ab horizonte ad nonagesimum gradum ab ascendente g, u. ita ut in horizonte sit g. in nonagesimo gradu, u. in qua quarta locus ueræ coniunctionis sit l. & tunc sit diuersitas aspectus in longitudine arcus l, m. locus Solis quidem uisibilis r. locus Lunæ uisibilis m. propositum est inuenire punctum eclypticæ, in quo cum Luna secundum ueritatem, locus uisus eius sit super r. Erit autem diuersitas aspectus Lunæ ad Solē arcus r, m. huic æqualis sit l, c. ad partem oppositā. Quando igitur Luna fuit in c. si diuersitas aspectus eius est æqualis arcui l, m. seu c r, c. est punctus quæsitus: Sed Luna existente in c. quia tunc uicinior horizonti fuit, diuersitas aspectus eius in longitudine maior fuit quam dum est in l.



Sit



## SEXTVS.

Sit itaq; Lunæ in c. existentis diuersitas c, p. quæ est maior priori in arcu c, p. huic æqualis sit c, q. in contrarium successione. Si ergo Luna existens in q. haberet diuersitatem aspectus in longitudine arcus q, c, q. esset punctus quæsitus. Sed cum sit uicinior horizonti dum est in q. erit eius diuersitas aspectus maior arcu c, p. aut q, r. Sit itaq; tunc q, f. excedens q, r. in arcu r, f. hinc r, f. æqualis q, s. In contrarium successione dico esse s. punctum quæsitum. Nam si Luna fuerit in s. secundum uerum locum, crit locus eius uisus super r. ferè, aut insensibiliter ab eo differens. Præcisius tamen habebis, si q, s. facies æqualem r, f. & tanti parti r, f. quanta ipsa r, f. est pars r, p. Simili uia procederes in reliqua quarta eclyptice. Est igitur opus tale: Diuersitatem aspectus in longitudine Lunæ ad Solem scilicet arcum r, m. diuide per motum uerum Lunæ in hora, & tempus quod exit, aufer ab hora uerè coniunctionis, si fuerit ante nonagesimum gradum ab ascendente, uel adde idem sibi si post, & ad tempus iam proueniens quæras diuersitatem aspectus in longitudine, quæ est arcus c, p. eius differentiam ad primam diuersitatem, quæ fuit c, r. scilicet arcum r, p. diuide per motu Lunæ in hora, & tempus proueniens iterum adde uel minue ut antea à tempore cum quo secundam diuersitatem quæsiuisti, & ad tempus iam proueniens tertio quæras diuersitatem aspectus in longitudine, quæ est arcus q, f. eius differentia ad secundam diuersitatem, quæ fuit q, r. est r, f. super r, f. si sensibilis quantitas sit, iungamus tantam partem r, f. quanta est r, f. pars r, p. ut r, f. cum parte sua sit æquale q, s. erit itaq; s, r. diuersitas aspectus Lunæ in longitudine in hora uisibilis coniunctionis ferè, diuide arcum s, r. per motum Lunæ in hora, & tempus minue uel adde ad tempus uerè coniunctionis, ut antea dictum est, & exibat coniunctiouisibilis, quæ quærebatur. Vel sic agas & facilius: Ad horam uerè coniunctionis quæras diuersitatem aspectus Lunæ in longitudine, & motum eius uisum in hora, agendo in hoc per horam antecedentem ueram coniunctionem, si sit ante nonagesimum gradum, aut sequentem, si sit post nonagesimum gradum, diuidasq; diuersitatem aspectus in longitudine per motum uisum Lunæ in hora, & exiuit tempus distantie uisibilis coniunctionis à uera, quod adde uel minue; ut antea dictum est, ad idem tempus uisibilis coniunctionis, si certior fieri uelis, quæras uera loca luminarium, & diuersitatem aspectus Lunæ ad solem. Quod si distantia uerorum locorum Luminarium æqualis fuerit diuersitati aspectus Lunæ ad Solem in longitudine, certum fuit opus, si differant, repete opus donec ita fiat. Nam necesse est in uisibili coniunctione ut prædicta duo concordent, ut in figura.

¶ Sit in circulo altitudinis Luna secundum ueritatem in o. secundum uisum in n. Sol secundum ueritatem in s. secundum uisum in m. Locus Lunæ uerus in eclyptica t. designatus per arcum à polo eclyptice uenientem x, o, t. Uisus autem locus Lunæ in eclyptica sit i. designatus quoq; per arcum eclyptice à polo uenientem x, i, n. Si uisus locus Solis fuerit super hoc arcu, tunc fit uisibilis coniunctio, & diuersitas aspectus Lunæ ad Solem in longitudine erit tunc arcus t, s. Et ipse est etiam distantia uerorum locorum Luminarium. In his scias, ut superius dictum est, quod angulus a, t, z. si sumptus sit loco anguli q, n, o. & arcus o, n. loco arcus t, i. Similiter q, t. pro n, i, m, p. pro i. nihil sensibilis differentie fier.



Propositio



# LIBER

## PROPOSITIO XXIII.

### Digitos eclypsis solaris prænoscere.

¶ Ad horam uisibilis coniunctionis reperias latitudinem Lunæ uisam, similiter diuersitatem aspectus Solis in latitudine uisam. Ex his scies distantiam centrorum secundum uisum. Item inuenias quantitates semidiametrorum uisualium. Si itaq; aggregatum semidiametrorum uisualium fuerit æquale distantia centrorum secundum uisum, non fiet eclypsis ad tuam regionem, licet Lunam Sol quo ad uisum contingat. Si aggregatum semidiametrorum sit maius, aufer distantiam centrorum ab eo, & remanebit pars diametri Solis eclypsata, ipsa multiplicata in duodecim, & diuisa per diametrum Solis uisualis, ostendit digitos quæsitos. Et si nulla esset distantia centrorum uisualis, centrū Lunæ fieret secundum uisum centrū solis, & contingeret maxima eclypsis, præcipue si Sol esset in auge eccentrici, & Luna prope oppositum augis epicycli. Nam tunc tota Luna totum Solem obtenebraret, & in obscuracione moram faceret. Ratio operis est in figuris, ut sit circulus a, c. Solis super b. centro, & d, f. Lunæ super e. centro, aggregatum semidiametrorum est e, d. & b, c, a. quod si sublatū fuerit b, c. remanebit c, d. pars semidiametri Solis eclypsata. Si autem e. coinciderit cum b. eclypsabitur de diametro Solis, tantum quantum diameter Lunæ occupat. Hanc quoq; sicut 16. huius conuerrere poteris ex digitis & semidiametrorum aggregato datis, distantiam centrorum eliciendo.

## PROPOSITIO XXIII.

### In eclypsi solari minuta casus elicere.

¶ Quadratum distantia centrorum in medio eclypsis aufer à quadrato aggregati semidiametrorum residui. Radix ostendit minuta quæsitæ. Ratio est eadem quæ in decima septima huius. Et si præcisionis labor tibi placet, poteris uti scientia trianguli sphericalis. Nam latus g, a. est aggregatum semidiametrorum Lunæ & Solis a, e. est distantia centrorum in medio eclypsis, & angulus e. est rectus, igitur.

## PROPOSITIO XXV.

### Tria tempora eclypsis Solaris extrahere.



¶ Minuta casus diuide per superationem Lunæ in hora, & exibat tempus à principio ad medium, & tantum nunc supponitur à medio ad finem uel adde minutis casus suam duodecimam, & habebis uisum motum Lunæ à principio ad medium, & à medio ad finem, hunc motum conuerte in tempus, diuidendo ipsum per motum Lunæ uisum in hora.

## PROPOSITIO XXVI.

### Hæc tempora definitiora reddere.

¶ Quia diuersitas aspectus Lunæ in longitudine uariatur in principio, in medio, & in fine eclypsis, & tamen arcus uisus motus à principio ad medium sit æqualis arcui motus uisus à medio ad finem, fit in descriptione horum arcuum secundum uisum diuersitas, ita ut licet arcus sint æquales, tamen in diuersis temporibus uideantur secundum uisum describi. Sic tempus ab initio ad medium, erit aliud à tempore à medio ad finem.

Sit





## SEXTVS.

¶ Sit igitur arcus ueri motus Lunæ à principio ad finem eclypsis a, b, c. ita ut in principio sit secundum ueritatem in a, in medio in b, in fine in c. Sed secundum uisum in principio sit in g, in medio in e, in fine in f. Sit motus uisus à principio ad finem g, f. erit autem g, e, insensibiliter differens ab e, f. propter aggregatum semidiametrorum in principio & fine insensibiliter uariatum. Si diuersitates aspectus in longitudine sint secundum successionem signorum, quod accidit ante 90. gr. ab ascendente, oportet ut a, g, sit maior e, b. Sic motus uerus à principio ad medium, maior est mo u uiso in eodem tempore in tanto in quanto a, g. excedit b, e. Auffer igitur diuersitatem e, b. à diuersitate g, a. & residuum adde cum e, g. exhibit a, b. quod diuide per motum Lunæ uerum in hora, & exhibit temporis quo Luna secundum uisum transit a, g. in e. Similiter ex diuersitatibus f, c. & e, b. inuenies arcum b, c. & tempus suum. Si uero diuersitates aspectus in longitudine fuerint contra successionem signorum, quod fit post 90. gradum, erit a, g. minor b, e. & b, e. minor c, f. Sic iterum uerus motus Lunæ à principio ad medium, maior est uiso motu Lunæ in eodem tempore, in differentia b, e. & a, g. diuersitatum, quare auffer a, g. a, b, e. residuum adde cum g, e. & prodibit a, b. quem diuide per uerum motum Lunæ in hora, & exhibit tempus quo Luna secundum uisum à principio eclypsis cadit in medium eclypsis. Similiter ex differentia diuersitatum c, f. & b, e. & arcu e, f. inuenies tempus quo Luna à medio eclypsis ad finem secundum uisum excidit. Ex his constat, quòd si differentia diuersitatum aspectus in longitudine in principio & medio eclypsis sit æqualis differentie diuersitatum aspectus in longitudine in medio & fine, tempus incidentiæ æquale est tempori excidentie. Id autem contingit, si medium eclypsis in 90. gradu ab ascendente fiet. Quando uero differentia diuersitatum aspectus in longitudine in principio & medio eclypsis sit minor differentia diuersitatum aspectus in longitudine in medio & fine, quod accidit ante 90. gradum, tempus incidentiæ minus est tempore excidentie. Sed quando differentia diuersitatum in longitudine in principio & medio eclypsis fuerit maior differentia diuersitatum aspectus in longitudine in medio & fine eclypsis, quod fit post 90. gradum, tempus incidentie maius est tempore excidentie. Quod autem differentie diuersitatum aspectus in longitudine uersus 90. gradum, maiores sint quam uersus ascendens uel occidens, trahitur ex scientia angulorum in secundo huius, & tabulis suis. Vt autem breuius singula complectantur, minuta casus diuide per superationem Lunæ uisam in hora repertam ad principium eclypsis, & proueniet tempus incidentie in medium eclypsis. Item diuide ea per superationem Lunæ uisam in hora repertam ad mediū eclypsis, & proueniet tempus excidentie à medio eclypsis.

### PROPOSITIO. XXVII.

IN eclypsi partiali ex digitis diametri eclypsis quantitatē superficiē eclypsatam metiri.


¶ Sit circulus a, b, g, d. repræsentans solem in eclypsi solari, aut umbram in eclypsi Lunari. Circulus uero a, h, g, z. sit Lunæ. Centrum Solis aut umbræ sit e. Lunæ uero t. puncta uero z, d. de diametro Solis aut Lunæ sint data, propositum est inuenire quantitatē superficiē oualis figure a, d, g, z. in portione ad totā superficiē circuli a, b, g, d. in eclypsi solari, aut a, h, g, z. in eclypsi Lunari. Quia linea e, t. scilicet quæ est inter duo cētra in medio eclypsis est nota ex præmissis, scilicet ex punctis datis, & etiā semidiametris ductis  
autem

f — e — b — g — t


c — f — b — e — a — z



# LIBER



autem lineis e, a, a, t, g, e, g, t, & a, g, secante e, t, in k, erūt e, a, & a, t, notæ, quia semidiameter Solis, aut umbræ & Lunæ uisuales. In triangulo autem a, e, t, differentia quadratorum a, e, & a, t, diuisa per e, t, producet differentiam linearum e, k, & k, t, quare e, k, & k, t, notæ fient, & quoniam anguli a, d, k, recti sunt, ideo nota erit a, k, quæ est æqualis k, g, quare uterq; triangulorum e, a, g, & t, a, g, notis, prout communis mensura quadratellum unius partis talis qualium e, a, a, t, & t, e, sunt notarum partium. Item ex proportionē e, a, ad a, k, notus erit arcus a, d, g, per tabulam sinuum. Similiter ex proportionē t, a, ad a, k, notus erit arcus a, z, g, prout circumferentia circuli est 360. gra. proportio deniq; circumferentiæ circuli ad diametrum, ut ostendit Archimedes, est minor quam tripla sex qui septima, & maior quam tripla superpartiens 10. septuagesimas primas. Inter has autem media proportio est trium partium 8. mi. 30. secun. ad unam partem. Ex hac itaq; & notis semidiametris e, a, & a, t, notæ erunt periferiæ circulorum a, b, g, & a, h, g, & ex proportionē arcus a, d, g, aut a, z, g, ad totam periferiam, noti erunt arcus a, d, g, & a, z, g, in partibus quibus e, a, & a, t, notæ erant. Ex ductu autem e, a, in a, d, cōsurgit sector e, a, d, g, similiter ex ductu t, a, in a, z, cōsurgit sector t, a, g, z, quare sectores noti fient in partibus quibus iam trianguli e, a, g, & t, a, g, noti erant. Sed ablato triangulo e, a, g, a, sectore e, a, d, g, manet portio arcus a, d, g, & chorda a, g, contenta, igitur ipsa nota fiet. Similiter portio arcus a, z, g, & chorda a, g, cōtenta innotescet, quare tota figura oualis a, z, g, d, nota fiet. Quare cum in eisdem partibus sit etiam nota superficies circuli a, b, g, quia sit ex ductu e, b, in semiperiferiam d, a, b, nota fiet proportio oualis figuræ a, z, g, d, ad totā superficiem circuli solaris a, b, d, g. Similiter in eclipfi Lunari nota erit eius proportio ad a, h, g, z, superficiem circuli Lunaris, quod fuit ostendendum. Exemplum Ptolemy: Semidiameter Solis e, b, est 15. mi. 40. secun. quam seruat inuariatam. Semidiameter Lunæ uisualis in longitudine mediæ epicycli est 16. minu. 40. secun. quare secundū hanc proportionem dum b, d, est 12. digiti, erit z, h, 12. digiti & 20. minu. ferè. Ponamus autem ut z, d, sit tres digiti, quare e, z, erit quoq; tres digiti, & z, t, est sex digiti, decem minuta, ideoq; e, t, erit nouen digitorum, decem minutorum, quadratum e, a, est triginta sex digiti quadrati, & quadratum t, a, est 38. 2. m. ferè, differentia horum est 2. digiti 2. mi. diuisa per e, t, scilicet 9. digitos 10. mi. exit differentia e, k, & k, t, 13. mi. 18. secun. quare e, k, erit 4. digiti 26. m. & k, t, 4. digiti 42. mi. Ex his igitur fiet utraq; linearum a, k, & k, g, 4. digitorum, ergo triangulus a, e, g, est 17. digiti quadrati, & 52. m. & triangulus a, t, g, 18. digiti 48. m. Ex proportionē autem e, a, ad a, k, dū e, a, est 60. erit a, k, 40. quare arcus a, d, est 41. gr. 49. m. prout circumferentia circuli habet 360. gr. Sic ex proportionē t, a, ad a, k, quæ est sex digitorum 10. m. ad 4. digitos, dum t, a, est 60. erit a, k, 38. & 55. m. ergo arcus a, z, est 40. gr. 26. m. Item secundum proportionem unius ad 3. & 8. m. 30. secun. dum e, a, est 6. erit periferia a, b, g, d, 37. digiti 42. m. Et area circuli solaris 113. digiti quadrati, 6. m. & secundum eandem proportionem dum t, a, est 6. digiti 10. m. fiet periferia a, z, g, h, 38. digiti 45. m. Et area circuli Lunaris 119. digiti 29. m. Proportio autē periferiæ a, b, g, d, se habet ad arcum a, d, g, sicut area circuli ad areā sectoris a, e, g, sed e, a, d, est 180. a, d, 41. gra. 49. m. Ideo area sectoris a, e, g, est 26. digiti quadrati, & 15. mi. ferè. Similiter sector a, t, g, fiet 26. digiti 51. mi. Sed area trianguli a, e, g, fuit 17. digiti 52. mi. ergo portio a, d, g, k, est 8. digiti 23. m. Et area trianguli a, t, g, fuit 18. digiti 48. mi. ergo portio a, z, g, k, est 6. digiti 3. m. igitur area oualis a, z, g, d est






## S E X T V S.

est 16. digiti superficiales 26. m. Superficies autem dicti circuli a, b, g, d, fuit 113. digiti 6. mi. quam si constituemus 12. digitos, erit ovalis a, z, g, d, digitus unus 45. mi. fere, quod est intentum.

### P R O P O S I T I O   X X V I I I :

**Quantitatem anguli ex eclyptica & circulo per ambo centra Luminarium uel Lunæ & umbræ transeunte prouenientis inquirere.**


¶ Non quærentur hi anguli nisi ad principia eclypsium & fines, & principia moræ & fines in Luminaribus. Sit igitur in eclypsi Lunari in principio totius centrum umbræ punctum a, in eclyptica b, a, & portio circuli decius Lunæ sit e, g. quæ est tanquam æquidistans eclypticæ, propter paruitatem arcus eius. In principio eclypsis sit Luna super e, in principio moræ sit per d, in medio super g. productis lineis a, e, a, d, a, g. propositum est inuenire angulum b, a, e. item angulum b, a, d. Est autem angulus g. insensibiliter à recto differens, & a, e. est aggregatum semidiametrorum Lunæ & umbræ a, d. autem semidiameter umbræ minus semidiametro Lunæ a, g. uero latitudo Lunæ in medio eclypsis, quæ nota sunt. In trigono itaq; e, a, g. proportio laterum e, a, a, g. nota, ergo tanquam in rectilineo notus erit angulus a, e, g. qui est æqualis angulo e, a, b. quæsito. Similiter per trigonum d, a, g. notus erit angulus a, d, g. æqualis d, a, b. quæsito. In medio uero eclypsis talis angulus rectus est, similiter in eclypsi Solari a, c. erit aggregatum ex semidiametris, & a, g. distantia duorum centrorum in medio eclypsis, ex quibus notus quoq; fiet angulus a, e, g. Sed melius est ut agas in principio eclypsis per aggregatum semidiametrorum, & latitudinem Lunæ ueram aut uisam, in principio eclypsis & in principio moræ per semidiameterum umbræ minus semidiametro Lunæ, & latitudinem Lunæ ueram in principio moræ, & fiet opus præcisius. Verū si omni præcisioni inniti uoles fac opus per scientiam triangulorum sphaeralium. Fecit enim Ptolemæus tabulam horum angulorum, in quam fit introitus cum digitis eclypticis, & supposuit Lunam in longitudine media epicycli. Ex digitis enim & aggregato semidiametrorum reperit arcum a, g. cum quo egit ut dictum est.



### P R O P O S I T I O   X X I X :

**Flexus tenebrarum ad quam partem accedent in eclypsi determinare.**

¶ Euidentiæ gratia sit eclypsi Lunari circulus umbræ super centro a, in eclyptica b, a, c. & propter angulos de quibus præcedens doctrina fuit assignandos, sit circulus d, n, e. cuius polus sit a. Si itaq; Luna in aliquo priorum temporum eclypsis fuerit super b. flexus tenebræ eius respiciet uersus orientem ad punctum e. Et contra, in aliqua temporum posteriorum si sit super c. flexus tenebrarum eius respiciet uersus occidentem ad punctum d. Si uero latitudinem habuerit in aliquo temporum, ut si in principio eclypsis uel more sit in latitudine septentrionali, puta in f. flecentur tenebræ eius uersus punctum k. in partem orientalem meridionalem secundam quantitatem b, a, f. anguli ex præmissa noti. Sed si sit in latitudine meridiana, puta in l. flecentur tenebræ eius uersus o, ad partem orientalem septentrionalem



L      trionalem


## LIBER

trionalem. Et contra, si in fine eclipſis uel more fuerit in latitudine ſeptentrionali, puta in m. fleſcentur tenebræ uerſus n. ad partem occidentalem meridionalem. Et ſi ſit in latitudine meridiana, puta in g. fleſcentur tenebræ uerſus h. ad partem occidentalem ſeptentrionalem ſecundum quantitates angulorum ex præmiſſa reſcriptorum. Similiter intellige in eclipſi Solaris, niſi quòd loco umbræ ſolem accipias, & flexum tenebrarū intellige opoſito modo fieri. Nam in principio eclipſis, ſi ſit Luna ſuper b. flexus tenebrarum Solis erit uerſus occidentem. Et in fine, ſi ſit Luna prope c. flexus tenebrarum Solis erit uerſus orientem. Fecit itaq; Ptolemæus quantitates horum angulorum ad principia & fines eclipſium Solarium, ut prædictum eſt. Item ad principia & fines Lunarium, & principia & fines morarum.

PROPOSITIO XXX.

Punctum horizonis quòd flexus tenebrarum respicit certius diffinire.

¶ Sit horizon, n, o, p, q. N. quidem punctus occidentis æquinoctialis o; uero orientis p. in meridiā q. septentrionis, med. etas eclipticæ supra horizon-  
tē d, b, a, c. D. punctus quidē occ. dentis, & c. oriens d. autem & c. da-  
ti erunt ex tempore dato ex præmissis in secundo libro, etiam arcus o, c. &  
n, d. æquales noti ex eisdem fient. Sit etiam a. centrum Solis aut umbræ f.  
uero centrum Lunæ, latitudo Lunæ f, b. circulus magnus transiens per duo  
centra sit l, f, a, h. propositum est reperire arcum o, h. seu sibi æqualem n, l.  
Sit polus horizontis t, a. quo quarta circuli descendens per a. sit t, a, m. & por-  
tio super l, k, a, h. perpendicularis sit t, k. & continuata ad horizontem fiat  
k, t, g. Quia trigoni sphaeræ f, a, b. duo latera f, b. & f, a & angulus b. rectus  
nota sunt, igitur angulus f, a, b. notus. Angulus autem t, a, c. propter pun-  
ctum a. notum, & tempus datum ex 45. secundi notus erit, quare residuus  
t, a, b. notus, quare etiam angulus t, a, k. notus fiet. Trianguli itaq; t, a, k. duo  
anguli a. & k. noti, & latus t, a. notum ex 43. secundi, igitur & t, k. notum.  
Sed g, t. est quarta arcus, ergo g, t, k. scilicet quantitas anguli g, h, k. notus.  
Ideo trianguli a, h, m. angulus h. notus. Sed & a, m. notum, quia complemen-  
tum t, a. & angulus h, a, m. notus, quia æqualis angulo t, a, k. quare arcus h, m.  
notus fiet. Sed etiam in triangulo c, a, m. latus c, a. notum, & angulus m. re-  
ctus, & angulus m, a, c. notus quia equalis t, a, b. quare latus m, c. notum fiet.  
Sed iam notus fuit h, m. constabit igitur arcus c, h. Ex prima autem secun-  
di libri notus esto, c. quare arcus o, h. notus, qui quærebatur.



FINIT LIBER SEXTVS.



# LIBER SEPTIMVS

## STELLARVM FIXARVM MOTVS

uariabilitatem tam in longitudine quàm in  
latitudine demonstrando enucleat.

### PROPOSITIO PRIMÀ:



**Q**UOD STELLÆ FIXÆ ZODIA-  
ci non modo inter se, uerum entiam ad eas quæ  
extra zodiacum sunt stellas, distantiam inuaria-  
tam habeant, experimento docere multiplici.

¶ Quod huic rei testimonium adduci potest, non est  
nisi à parte Abrachis. Nam ipse ante se paucas admo-

dum de stellis fixis considerationes obseruatas reperit, eas uidelicet quæ  
fuerunt Arsatilis & Timocaris, tales quidem quibus tunc credi non pote-  
rat. Figuras tamen stellarum ad inuicem, tam earum quæ in zodiaco sunt  
inter se, quàm earundem ad eas quæ extra sunt, quas ipse Abrachis cogno-  
uit, & scriptas reliquit, adhuc hodie inuariabiliter mansisse uidemus. Dixit  
enim quòd stella in labio meridiano cancri, & stella lucida quæ antecedit ca-  
put hydræ, & stella lucida in cane antecedente, sunt ferè secundum rectitu-  
dinē, nisi quòd media earum tendit ad meridiem digito uno & in edietate  
digiti, & longitudinēs inter eas ferè sunt æquales. Item earum quatuor quæ  
sunt in capite leonis, duæ orientales, & stella ante caput hydræ sunt in recta  
linea. Item quæ est super cauda leonis, & ea quæ super cauda ursæ, extrema  
& lucida sub cauda sunt ferè in linea, nisi quòd media & orientior à linea  
per digitum unum. Item linea quæ recta transit à stella sub cauda ursæ, ad  
stellam in cauda leonis, continuat duas stellas quæ sunt inter eas. Talium  
figurarum plures scripsit, quas & Ptolomeus suo tempore mansisse uidit.  
Et cum inter Abrachim & eum 200. & 60. anni circiter fluxerunt, & figu-  
ras in tanto tempore nihil mutatas sensisset, conclusit eas semper inuaria-  
tas manere. Et ut etiam posteri firmitus id scire possint, addidit figuras alias,  
quas suo tempore considerauit. Inquit enim trium stellarum quæ sunt in ca-  
pite arietis, duæ septentrionales & stella lucida quæ est in genu meridiano  
deferentis caput Algol, & stella dicta Alhaioth, sunt super lineam rectam.  
Item linea recta transiēs Alhaioth & Aldebaran pertransit stellam quæ est  
in pede anteriori retinētis habenas, ita ut modicum intersit. Item Alhaioth  
& stella quæ communis est cornu tauri & pedi retinentis habenas, & stella  
quæ est in humero dextro orionis, sunt super linea recta. Similes in alijs fi-  
guras scripsit, quas & hodie nos mansisse uidemus. Cum tamen interval-  
lum temporis à Ptolemæo ad nos mille tricentos & circiter uiginti annos  
cōtinuat. Quibus rebus satis compertum habemus, quòd omniū stellarum  
fixarum ad inuicem sit una & eadem habitudo semper, & motus earum sit  
motus cœli unius, in quo constituuntur.

### PROPOSITIO II.

Stellas fixas alio quàm diurno motu moueri, motumq; earum  
ad signorum successiōem tendere.

¶ Huius rei argumentum ex hoc, quòd distantia earum in longitudine à  
punctis Solstitialibus & æquinoctialibus non manet eadem semper, sed

L n̄ crescit

## LIBER

crescit secundum successiōem signorum procedendo, ita, ut stellæ quæ antiquo tempore fuerunt ante puncta tropica & æqualitas, modo reperiuntur post ipsa puncta tropica & æqualitatis. Quanteq; tempus inter considerationes antiquorum & nostras maius est, tanto à locis antiquis suis stellæ magis reperiuntur secundum successiōem signorum elongata. Exemplum Abrachis, ante quem Timocaris obseruās reperit stellam Azennech quæ est spica uirginis, ante caput æquinoctij autumnalis per gr. 8. ferè. Ipse autem Abrachis reperit eandem ante punctum autumnali gr. 6 tantum. In alijs quoq; stellis similem motum reperit Ptolemæus deinde comparans loco stellarum à se inuenta ad ea quæ Abrachis scripta reliquit. Inuenit ipsa quoq; permutata esse secundum signorum successiōem. Adducit autem hoc exemplum anno secundo Antonij mense Bromathi, qui est octauus Aegyptiorum, nono die eius, occidente Sole in Alexandria, parte postrema geminorum cælum mediante, post meridiem horis quinque & media æqualibus. Considerauit Solem & Lunam per instrumentum armillarum, & fuit Sol uisus in 3. gr. piscium, & longitudo Lunæ à Solæ 92. gr. & octaua unius. Sol tamen secundum ueritatem fuit in 3. gr. & 24. unius gr. piscium. Est enim diuersitas aspectus eius iuxta horizonta, 2. m. & medium ferè. Sic Luna uisa fuit in 5. gr. & sexta unius geminorum cælum mediante. Per instrumentum armillarum uisa est longitudo stellæ, quæ est cor leonis, à Luna 57. gr. & decimæ unius. Sed oportuit Lunam in medietate horæ interea motam fuisse circiter quartam partem sextæ secundum successiōem signorum, & diuersitatem aspectus eius esse contra successiōem signorum à loco uiso suo per medietatem sextæ unius 6. quare uisus locus Lunæ à media hora post occasum Solis fuit 5. gr. & tertia geminorum. Sed inter eum & stellam dictam fuerunt 57. gr. & decima unius quare oportuit stellam esse in 2. gr. & medietate ferè leonis. Sic distantia eius à puncto tropico fuit 32. gr. & medietas ferè. Abrachis autem dixit se considerasse hanc stellam in anno 50. tertiæ reuolutionis Kalippi, scilicet anno 196. à morte Alexandri, & eam distitisse post punctum tropicum 29. gr. & medietate & tertia unius. Ergo à tempore Abrachis usq; hanc Ptolemæi considerationem mota est 2. gr. & duabus tertijs unius. Tempus autem ab hora considerationis Abrachis usq; hanc Ptolemæi considerationem fuit 265. anni ægyptij, & paulò plus. Ex hoc cognitum est, ut in quibuslibet 100. annis uno gradu ferè secundum successiōem signorum mouerentur. Hinc accidisse uidetur quod Abrachis de quantitate anni dixit; Puncta tropicorum & æqualitatum ad partem successiōis signorum in anno non minus centesimo anno unius gradus mutari. Similem quoq; mutationem in alijs stellis fixis inuenit Ptolemæus à locis earum quæ Abrachis scripserat. Ex quibus satis concluditur propositionis intentio.

### PROPOSITIO III.

Motum stellarum fixarum circa axem eclypticæ & super eius polis fieri.

¶ Nam latitudines stellarum quas Timocaris scripsit, & hi qui ante Abrachim fuerunt, ita quoq; ab Abrachim repertæ fuerunt similiter & à Ptolemæo consideratæ, & si diuersitas aliqua inter latitudines stellarum quas Abrachis scripsit, & latitudines à Ptolemæo notatas reuera fuerit, tamen ipsa modica



## SEPTIMVS.

modica ualde fuit, ita ut talis euenire potuerat ratione instrumenti, aut uisus in consideratione. Sed declinationes ipsarum ab æquinoctiali non sunt eadem ab illis inuentę, ita ut neq; Abrachis easdem cōpræhenderet, quas Timocaris, & homines sui temporis scriptas reliquærun, nec Ptolemæus concordet eis quas Abrachis notauerat inueniret. Verum stellarum quę sunt in medietate sphære, quę est à puncto tropici hiemalis, ad punctum tropici æstiuales, per punctum uernale procedendo, declinationes meridianę quidem minui, sed septentrionales augmentari uisę sunt. Econtra stellarum quę sunt in medietate sphære reliqua, declinationes septentrionales minui, sed meridianę augmentari uisę sunt. Maiorq; diuersitas variationis reperta est in his, quę sunt iuxta puncta æqualitatis, & minor in his quę sunt iuxta puncta tropica. Nam de stella Luminosa in uulture uolante scripsit Timocaris, quod haberet declinationem septentrionalem 5. gr. & 4. quartarum unius, similiter Abrachis. Sed Ptolemæus 5. gr. & medietate & tertia. Stella media pleiadum tempore Timocaris inclinata fuit ad septentrionem 14. gradu. & medio, tempore Abrachis 15. gradu. & medio, sed tempore Ptolemæi 16. gra. & quarta, Aldebaran tempore Timocaris inclinata fuit ad septentrionem 8. gra. & medio & quarta. Tempore Abrachis 9. gr. medio & quarta, Tempore Ptolemæi quasi 11. gr. Alhaioth quę est Luminosior tenentis habenas, tempore Arfatilis inclinata fuit ad septentrionem 40. gr. tempore Abrachis 40. gra. & quinta, tempore Ptolemæi 41. gr. & sexta, Bellatrix quę est in humero sinistro Orionis, tempore Timocaris declinationem habuit septentrionalem gradus unius & duarum quintarum. Tempore Abrachis gradus unius & 4. quintarum. Tempore Ptolemæi gra. 2. & medietate. Quę est in humero dextro Orionis. Tēpore Timocaris habuit declinationem septentrionalem 3. gr. & medietas & tertia. Tempore Abrachis 4. gr. & tertia. Tempore uero Ptolemæi 5. gra. & quarta. Alhabor quę est in ore canis, tempore Timocaris declinationem habuit meridianam 16. gr. & tertia. Abrachis uero tempore 16. gra. Ptolemæi uero 15. gr. medietate & quarta. In his itaq; & alijs pluribus quę sunt in hac medietate sphære, in qua est punctum uernale, inuentę sunt declinationes successu temporis, septentrionales quidem augeri, & meridianę minui, & plurimum variationis in eis quę iuxta punctum uernale, & minimum in his quę iuxta puncta tropica sunt, repertum. Item stella quę est cor leonis à Timocaride reperta, est declinata ad septentrionem 21. gr. & tertia. Ab Abrachi 20. gr. & 2. tertijs. A Ptolemæo 19. gr. medietate & tertia. Azimech quę spica uirginis est, reperta est in declinatione septentrionali à Timocaride gradu 1. & 2. quintis. Ab Abrachi tribus quintis unius gradus. A Ptolemæo autem reperta est declinata ad meridiem medietate sexta. Stellam quę est in extremitate caudę ursę maioris, ad septentrionem inclinatam reperit Arfatilis 61. gr. & medietate. Abrachis 60. gr. medietate & quarta. Ptolemæus 59. gr. & duabus tertijs. Alramech Timocaris dixit declinatam ad septentrionem 31. gr. & medietate. Abrachis 31. Ptolemæus 29. gr. & medietate. Stellam quę est super cor scorpionis Timocaris reperit inclinatam ad meridiem 18. gr. & tertia. Abrachis 19. gr. Ptolemæus gr. 24. & quarta. Ex his & alijs similibus uisę sunt stellę in hac medietate declinationes septentrionales suas minuere, & meridianas augere. Talis uero declinationum uarietas esse nequit, nisi stellę fixe in motu proprio, non circa axem mundi & super polos eius, sed circa axem edlypticę & super eius polos reuoluantur. Et quoniam huic positioni motus earum & uarietates

predictæ convenienti atq; concordant, nō erit inconueniens asserere motū hunc super axe & polis eclypticæ fieri, quod est propositum.

## PROPOSITIO III.

Quantitatem motus stellarum fixarum, secundum successio-  
nem signorū ex mutatione declinationum suarum affirmare.

¶ Id facilius deprehenditur ex stellis iuxta puncta æqualitatis, quod illic declinatio plurimum variatur. Abrachis inuenit mediū in 7 pleiadum in declinatione septentrionali 15. gr. & sexta. Ptolemæus uero 16. gr. & quarta. Variatio itaq; declinationis huius fuit in 265. annis & sexta unius & medietate sextæ. Sed illud est ferè æquale quæ declinationis duorū gradū & tertiarū duarū eclypticæ circa finē arctis differunt. Alhajothe tēpore Abrachis declinata fuit 40. gr. & duabus quintis ad septentrionē. Sed tēpore Ptolemæi 41. gra. & quinta unius. Facta igitur fuit in 265. annis declinationis unus gradus & quatuor quintarum. Sed huic differentiæ declinationū circa medietatem Tauri in eclyptica respondent 2. gr. & 2. tertie. Humerus sinister Orionis tempore Abrachis declinavit ad septentrionem gr. 1. & 4. quintis. Tempore Ptolemæi gr. 2. & medietate. Facta est igitur septentrionalior quasi in duobus tertijs gradus. Huic autem differentiæ declinationū circa finem Tauri respondent ferè 2. gr. & 2. tertie unius eclypticæ. Similiter de stellis in alia medietate spheræ compertum. Abrachis reperit declinationem stellæ, quæ Azimech seu spica dicitur ad septentrionem tribus quintis partis unius. Ptolemæus uero ad meridiem medietate partis. Facta igitur fuit meridionalior in parte una & decima unius. Huic uero differentiæ declinationis in fine uirginis respondent de eclyptica 2. gra. & 2. tertie unius. Stellam in extremitate Vrsæ maioris caudæ reperit Abrachis declinari ad septentrionem 50. gr. medietate & quarta unius. Ptolemæus 59. gr. & 2. tertijs. Facta igitur est meridionalior parte una & duodecima unius. Huic autē differentiæ declinationis in principio libræ respondent de eclyptica duo gradus, & duo tertie unius. Alramech tēpore Abrachis habuit declinationem 31. gr. sed tempore Ptolemæi 29. gr. medietate & tertie ad septentrionem. Facta est igitur meridionalior gr. 1. & sexta. Huic autem differentiæ declinationis respondent in principio libræ duo gradus, & duæ tertie unius. Ex his itaq; & similibus satis compertum est, quod propter mutationes stellarum in interuallo temporis inter Abrachim, & Ptolemæum, stellæ oportuit motas esse secundū successio- nem signorū in gr. 2 & duabus tertijs unius, dum uero duo gradus, & duæ tertie unius per 265. annos diuiditur, fiet ut ferè in 100. annis hic motus gradum attingat.

## PROPOSITIO V.

Quantitatem dicti motus ex considerationibus asseuerare.

¶ Timocaris in Alexandria anno 41. reuolutionis primæ Kalippi, scilicet anno 465. Nabucho. 29. die mensis Athus, cuius crastinus erat 30. ante mediū noctis quasi tribus horis temporalibus, sed æqualibus tribus horis & tertie. Sole existente in septimo gradu Aquarij uidit medietatē Lunæ iam cooperuisse medietatem sequentem pleiadum, fueruntq; dies differentes propinqui æqualibus & medijs. Ideo secundum radices motus Lunæ præmissas fuit locus Lunæ in 20. min. primi gradus Tauri, & latitudo eius ab eclyptica septentrionalis 3. gr. 45. mi. Sed locus eius uisus fuit in Alexandria



## SEPTIMVS.

Alexandria 29. gr. 20. mi. arietis, & latitudo eius in septentrionem 3. gr. 35. mi. Quoniam medium cœli erat 2. gr. geminorum, fuit igitur medietas postrema pleiadum in 29. gr. arietis & medietate ferè. Quoniam centrum Lunæ præcellerat ipsum aliquantulum, & fuit latitudo eius ad partem septentrionis 3. gr. & duæ tertiæ unius ferè, quoniam fuit parum septentrionalior Lunæ centro.

¶ Item Agrias in bitinia in 12. annorum domitiani, scilicet 840. annorum Nabucho. in die secundo mensis Tobj, cuius crastinus fuit dies tertius, ante mediū noctis horis temporalibus scilicet æqualibus 5. quia Sol in sexto Sagittarij, cooperiri uidit meridianam partem pleiadum à cornu Lunæ meridiano. In Alexandria autem id fuit ante medium noctis 5. horis & tertia horæ æqualis secundum tempus differens, sed secundum mediocrem horis 5. & medietate & quarta unius. Ideo locus Lunæ secundum ueritatē fuit 3 gr. 7. m. Tauri, & latitudo eius 4. gr. & medietas & tertia ad septentrionem. Locus autem uisus eius in bitinia fuit 3. gr. 15. mi. Tauri, & latitudo in septentrionem 4. gr. Mediabat enim cœlum 2. gr. piscium. Fuit igitur locus sequentis partis pleiadum 3. gra. & quarta Tauri, & latitudo in septentrionem 3. gra & duæ tertiæ. Ex his constat latitudinem mansisse inuariatam, sed in longitudine mutatam esse secundum successionem 3. gr. 45. m. in annis 175. ergo in 100. annis uno gradu mouentur.

¶ Præterea Timocaris in Alexandria anno 30. reuolutionis primæ annorum Kalippi, scilicet anno 454. Nabucho. die quinta mensis Tobj, à nocte eius quem sequitur sextus, ante medium noctis 4. horis temporalibus etiam æqualibus ferè. Sole in 15. gr. piscium, uidit quod Luna consecuta erat Azimech spicam medietate sua, quæ opponitur Orienti æqualitatis, & sequabatur Lunam Azimech parte 3. diametri Lunæ uersus septentrionē. Locus igitur Lunæ secundum numerationem fuit 21. gr. 21. mi. uirginis, & latitudo eius ad partem meridiem gr. 1. medietas & tertia. Sed locus uisus fuit 22. gr. 12. mi. uirginis, & latitudo eius ad partem meridiem gra. 2. ferè. Medium enim Cancrī cœlum mediabat, fuit itaq; locus Azimech 21. gr. & tertia uirginis, & latitudo eius ad meridiem 2. gra. Similiter in anno 42. eiusdem reuolutionis, scilicet anno 466. Nabucho. die septimo mensis & medietate, siue tribus horis æqualibus, & octaua unius. Sole in medio Scorpī postquam orta est Luna, uidit Azimech contingere latus Lunæ septentrionale. Licet autem scripserit fuisse post noctis medium 3. horis temporalibus & medietate. Oportuit tamē id fuisse duabus horis, & medietate æqualibus post noctis medium secundum tempus differens, sed secundū tempus mediocrem duabus horis æqualibus tantū, quod tunc cœlum medieret 22. gra. & medietas geminorū, & ascēderent partes uirginis circa Azimech. Locus igitur Lunæ secundū ueritatē fuit 21. gr. 30. m. uirginis, & latitudo eius ad meridiē 2. gr. & medius. Sed locus uisus fuit 22. gr. & medietas, & latitudo 2. gr. & quarta, quare locus Azimech habuit latitudinem 2. gr. ad meridiem & fuit tunc in 22. gr. & medietate uirginis. In 12. itaq; annis qui fuerāt inter has cōsiderationes mota est Azimech per sextam partem gradus, quare in sextuplo huius tēporis, scilicet 72. annis moueretur stella per gradū unum. Sed quia tempus illud breue fuit, non erit ei standum.

¶ Mileus autem geometra Romæ in anno primo Traiani, scilicet anno Nabuchodo. 845. transacto die 15. mensis Mezir in nocte quam sequitur dies 16. post medium noctis 4. horis temporalibus considerare uolens Azimech, intellexit eā à Luna coopertā. Nam in fine horæ undecimæ, scilicet

L. iij. quinq;

quinq; horis temporalibus post medium noctis luna uidebatur iam post se reliquisse azimech per quantitatem minorem diametro Lunæ, in æquidistantia à duobus cornubus eius. Fuit autem hæc uisibilis coniunctio respectu meridiani Romanorum quinq; horis æqualibus post medium noctis, quoniam Sol fuit in 20. gradu capricorni. In Alexandria autem sex horis æqualibus, & tertia horæ secundum tempus differens, & secundū tempus mediocre sex horis & quarta horæ, aut plus parum. Tunc autem Luna uero cursu fuit in 25. gr. medietate & quarta uirginis; habens latitudinem meridianam unius gradus & tertiæ partis unius. Secundum aspectum apparuit in 26. gr. & quarta uirginis in latitudine eadem meridiana duorum graduum, quoniam in cœli medio quartus gradus libræ extitit. Locus itaq; Azimech in 26. gr. & quarta unius gradus uirginis fuisse dicitur & cōcluditur. Mansit itaq; latitudo stellæ huius inuariata. Verum in annis Aegyptijs 391. qui fuerunt inter hanc Milei observationem & Timocaridis, eam quæ fuit in anno Nabuchodo. 454. mota est stella 3. gr. 55. m. Similiter in 379. annis qui fuerunt inter hanc & Timocaridis sequentē, scilicet in anno 466 Nabuchodo, considerationem stella transiuit 3. gr. 45. m. unde in 100. annis mota ferè per unum gradum existimabitur.

¶ Amplius in anno 36. reuolutionis primæ Kalippi considerauit in Alexandria Lunam ferè contingere secundum limbum eius septentrionalem unam, ex stellis tribus, quæ ceteris septentrionaliter est in fronte scorpionis. Hæc autem consideratio fuit in anno à principio regni Nabucho. 456. die 16. mēsis Baba transacto, in nocte quam sequitur dies 17. tribus horis temporalibus post medium noctis, æqualibus uero tribus & duabus quintis unius, quoniam Sol in 26. gradu sagittarij fuit. Illud quidem secundum tēpus differens, & secundum tempus mediocre tribus horis & sexta horæ. Tunc autem Luna uero cursu suo ad unum gradum & quartam gradus scorpionis peruenit, habens latitudinem septentrionalē unius gradus & tertiæ. Visui uero Luna apparuit in secūdo gradu scorpionis, cum latitudine septentrionali 1. gr. & duodecima unius gr. quoniam in cœli medio fuit medietas leonis. Quamobrem & huius stellæ locus fuit in secundo gradu scorpionis, latitudinemq; 1. gr. & tertiæ ad septentrionem habuit.

¶ Similiter etiam stellam Romæ considerauit Mileus geometra in anno primo Traiani, dū Luna secundū estimationē fuit ei coniuncta. Nam cornu Lunæ meridianum uidebatur in recta linea cum stella media, & stella meridianum quæ in fronte scorpionis sunt. Centrū autem eius secundū coniecturā putabatur distare à stella media, quantum ipsa media à meridionali dictarum stellarū distat, & posterius stella media secundum successionē signorum. Fuit autem consideratio hæc in anno Nabucho. 845. transacto 18. die mensis Mefir, post medium noctis quam sequitur dies 19. quinq; horis temporalibus transactis, æqualibus uero sex & sexta unius. Quoniam Sol fuit in 23. gr. capricorni, istud quidem ad meridianum consideratoris referendo. In Alexandria autem oportuit esse hanc considerationē post mediū noctis septem horis æqualibus, & medietate secundū tempus differens, & mediocre ferè dū quidē Luna uero itinere suo ad 5. gr. 20. m. scorpionis peruenisset, habens latitudinem septentrionalem 2. gr. 10. m. secundum uisum uero in 5. gr. 55. m. scorpionis æstimabatur. In latitudine itidem septentrionali unius gra. 20. m. quoniam medium cœli fuit postremus gradus libræ. Constat igitur in hoc tempore dictam stellam fuisse ferè in quinto gradu. 55. min. scorpj, habendo latitudinem septentrionalem 1. gradu. 20. minu.

In



## SEPTIMVS.

In tempore igitur 391. annorum Aegyptiorum, qui inter duas fuerūt considerationes, stella hæc suam seruans latitudinem, 3. gr. 55. m. mota est, quare in 100. annis, quemadmodum superius, unius respondebit gradus, quod hucusq; quaesiuimus.

### PROPOSITIO VI.

De motu stellarum fixarum quid alij senserint explanare.

¶ In ciuitate Araçta diligentissimus Philosophiæ Albategni anno 1191. Ad hilearnam siue Alexandri magni completis, siquidē à principio regni Nabuchodo. 1626. annis stellas fixas considerauit, & loca earum eis quibus in tempore præterito uidebantur conferebat. Differentiam quoq; locorum in tempus medium distribuit, quatenus haberet motus unius quantitatem. Stellam enim septentrionalē ex tribus quæ in fronte Scorpij sitæ sunt, depræhendit ipse in 17. gr. 50. m. Scorpij, quæ quidem Milco Geometre, quemadmodum recitatum est, uidebatur in 5. grad. 55. m. Scorpij. Oportuit igitur stellam in tempore medio duarum considerationum motam esse per 12. gr. 55. m. est autem tempus illud 782. anni ægyptij, quoniam Milcus anno à principio regni Nabuchodo. 845. suam perfecit considerationem. Si itaq; ex hoc tempore medio uni gradui suam dederimus portionem, uidebitur stella ipsa in 66. annis solaribus ferè mota per unum gradum. Simile fecit ipse p alias stellas. Nam cor leonis, quod Ptolemæus in 2. gr. 10. m. Leonis considerauit, inuenit ipse in 4. gr. 50. m. eiusdem. Quidam uero antiquorum putabant Sphæram stellarum fixarum moueri continue ad orientem, donec 8. gr. itinere suo describeret, deinde redire ad occidentem mouendo tantundem, postea uero motum pristinum reuer ti affirmabant. Vni autem gradui 80. annos dederunt. Partim ex hoc induc ti, quia per Solis maximam uarietatem, & quantitates annorum solarium comperiebant uarias, sphæræ octauæ motum trepidationis opinabantur. Siue igitur instrumentorum incertitudo hanc uarietatem immiserit, siue motum quendam adhuc nobis occultum stellis fixis natura indiderit, difficile admodum est & erit, huius motus qualitatem eniti, propter tarditatem eius. Nam si maiores nostri suis decepti sunt instrumentis, & nos decipiemur necessario, cum nostræ considerationes, nisi antiquorum conferantur obseruationibus, nihil unquam edocebunt. At si occultum illum motum in eis stellis æstimabimus, expediet oculum ad stellas fixas habere assiduū. Posterorūq; itidem scriptas considerationes liberare.

### PROPOSITIO VII.

Stellæ fixæ quantum ab Arietis initio & ab eclyptica ipsa distent, instrumenti ingenio compræhendere.

¶ Dum superius locum Lunæ cupiebas, instrumentum armillarum Sole rectificabas. Nunc uero quoniam Sol adhuc supra horizontem manens, stellas fixas apparere non sinit, per locum Lunæ uisum certe numeratum instrumentum aprabis, & quamlibet stellarum, donec per utrunq; regulæ foramen ad oculum radiabit considerabis, mox enim uelut in Luna, & longitudo & latitudo cognoscetur.

Propositio


# LIBER

## PROPOSITIO VIII.

Cum distantiae trium inter se stellarum fixarum notae fuerint, quarum duae in ecliptica loca habuerint nota, extra eclipticam existentis longitudinem & latitudinem patefacere.

¶ Distantiam intellige arcum circuli magni ad centra stellarum in ecliptica existentium terminatum.


¶ Sit in conuexo sphaerae arcus eclipticae  $b, g$ . punctus  $b$ . una, &  $c$ . alia stellarum in ecliptica existentium.  $A$ , uero sit stella extra eclipticam existens. Productisque arcibus distantiarum  $a, b$ . &  $a, c$ . a polo eclipticae  $z$ . demittatur ad eclipticam per stellam  $a$ . transiens arcus  $z, a, g$ . Iam dico, quod arcus  $b, g$ . notus erit cum arcu  $a, g$ . latitudinis. Triangulus enim  $a, b, c$ . ex arcibus circulorum magnorum notus constat, quare per scientiam triangulorum sphaeralium angulus eius  $a, b, c$ . notus erit. Et quia angulus  $a, g, b$ . rectus est, erit arcus  $a, g$ . latitudinis notus cum arcu  $b, g$ . Sed stellae  $b$ . locus in ecliptica supponitur cognitus, unde locus stellae  $g$ . notus ueniet, quod intendebatur. Verum hic & in sequentibus caute aspiciendum est, qualiter stella, cuius locus quaeritur, ad reliquas se habeat. Nam si secundum quantitatem arcus  $a, c$ . super  $b$ . polo  $d$ . descriperis circumferentiam, itemque super polo  $c$ . secundum quantitatem  $a, b$ . uidebis sectionem earum in  $k$ . puncto. Posita igitur stella in  $k$ . idem per omnia erit opus ad utramque stellarum  $a$ . &  $k$ . quae tamen in diuersis locis statuuntur. Notandum igitur erit, an stella cuius locus inuestigatur, alteram duarum reliquarum secundum successionem signorum sequatur an contra, quod quidem distantiae ipsae satis edocebunt. Si namque  $a$ . ad  $b$ . &  $c$ . distantias habuerit aequales, locus eius in ecliptica inter  $b$ . &  $c$ . praecise medius erit. Si uero inaequales a puncto medio recedunt, locus eius uersus eam stellam a qua minus distat. Hoc quoque pacto in sequentibus te expedies.



## PROPOSITIO IX.

Distantiis trium stellarum inter se notis, quarum in ecliptica una locum habet notum, altera uero duarum extra eclipticam existentium longitudinem cum latitudine cognita habet. Tertia quantum ab Arietis initio atque ab ecliptica distet inquirere.

¶ Sit arcus eclipticae  $g, l$ . in quo punctus  $c$ . stellam cuius notus est locus significet,  $b$ . uero stellam extra eclipticam existentem, cuius quidem in ecliptica locus cognitus est cum eius latitudine. Et sit  $a$ . stella cuius locum quaerimus, continuatis tribus punctis  $a, b$ . &  $c$ . per arcus circulorum magnorum,  $a, b$ .  $a, c$ .  $b, c$ . & producantur a polo  $z$ . eclipticae duae quartae circumferentiarum per duo puncta quae sunt  $a$ . &  $b$ . quae sunt  $z, a, l, z$ .  $b, g$ . Quia itaque triangulus  $a, b, c$ . tria nota habet latera, erit eius angulus  $a, b, c$ . ex scientia triangulorum sphaeralium cognitus, sed & trianguli  $b, g, c$ . latus  $b, c$ . cum latere  $b, g$ . nota sunt, & angulus  $g$ . rectus, fit igitur angulus  $c, b, g$ . notus, & ideo totus angulus  $a, b, g$ . cognitus, eique coniunctus  $a, b, z$ . inuentus. Habes ergo triangulum  $a, b, z$ . cuius angulus  $a, b, z$ . notus est, & duo latera eius  $a, b$ . &  $b, z$ . nota, unde arcus  $a, z$ . erit cognitus, quare & complementum eius datum, arcus scilicet  $a, l$ . qui est latitudo stellae quaesita. Sed & propter idem quod praemissum est, erit etiam angulus  $a, z, b$ . notus, cuius quantitatem de-






## SEPTIMVS.

terminat arcus  $g.l.$  qui propter hæc cognitus est. Cum autem locus stellæ  $b.$  in ecliptica sciatur, erit & locus stellæ  $a.$  in ecliptica scitus, qui quærebatur. Quamuis enim uarie possint accidere stellarum habitudines, quarum quæq; suam poscit figurationem, hac tamē unica si te exercueris, scientiam triangulorum sphaeralium considerādo, propositum quodcunq; ad nutum exequeris.

### PROPOSITIO X.

Tres stellæ fixæ notas inter se distantias si habuerint, & duabus earum quibuslibet longitudines latitudinesq; scitas habentibus, relique longitudo cum latitudine non ignorabitur.

¶ Sit arcus eclipticæ  $g.l.m.$  punctus  $b.$  locus stellæ cuius longitudo nota supponitur, atq; latitudo  $c.$  reliqua stella sicut præcedens nota,  $A.$  uero cuius locus quæritur. Conclusio triangulo  $a, b, c.$  ductis arcubus  $a, b, a, c.$  &  $b, c.$  demittantur à polo zodiaci  $z.$  tres quartæ circulorum magnorū, quæ sint  $z, b, g, z, a, l, z, c, m.$  Dico quod arcus  $g, l.$  notus fiat, & ob hoc distantia stellæ à principio Arietis. Est enim arcus  $g, m.$  ex hypotesi cognitus qui cum determinet quantitatem anguli  $g, z, m.$  erit ipse angulus  $g, z, m.$  inuentus. Cum autem triangulus  $b, z, c.$  latera omnia habeat scita, & angulum  $z,$  iam notum, erit ipsius angulus  $c, b, z.$  notus. Item triangula  $a, b, c.$  omnia latera hypotesis nota reddidit, quare & angulus eius  $a, b, c.$  cognitus, quem si ex angulo  $c, b, z.$  noto, dempseris, manebit angulus  $a, b, z.$  scitus. Duo autem latera  $a, b,$  &  $b, z.$  nota sunt, quare angulus  $a, z, b.$  notus erit, & arcus  $a, z.$  similiter. Sic igitur arcus  $g, l.$  elicitus est, quoniam ipse quantitatem anguli  $a, z, b.$  determinat. Locus autem stellæ  $b.$  in ecliptica ex hypotesi scitur, unde locus stellæ  $a.$  non ignorabitur. Arcum uero  $a, z.$  iam notum ex quadrante, si proieceris, reliquum habebis latitudinis arcum  $a, l.$  nō ignotum, quod intendebamus. Alios figurationum modos, quoniam quidem propter dicta faciles, missos facio. Tandem correlarium, si libet, inferas magnum. Correlarium.



Si uniuersæ stellæ scitas habuerint inter se distantias, duæ uero duntaxat longitudine & latitudine constiterint, reliquas cunctas quantum ab Arietis distent initio, quantumq; ab ecliptica uersus alterum remoueantur polorum, cognitæ fieri necesse est.

FINIT LIBER SEPTIMVS.

# LIBER OCTAVVS

## STELLARVM FIXARVM DESCRIPTI

onem ampliorem prosequitur. Item uarietatem habitudinum stellarum ad luminaria & planetas, Horizontem quoq; & Meridianum, Declinationem item earundē, cum passione quadam ipsis à Solē adducta, utili serie luculentissimè absoluit.

### PROPOSITIO PRIMA.



## IAM LACTEAM PER STEL

las quæ in ea sunt notabiliores describere.  
¶ Hæc cœli zona diuersi coloris, & inæqualis latitudinis sensui apparens Lactea uocata est, quod lactis colorem ut plurimum imitari uideatur. Quæ quamuis totum firmamentum ambiat, habet tamē duos ramos à se diuisos. Quorū quidem unū apud imaginem Laris initium est. Reliquus uero apud stellas gallinæ sumit originem. Sone autem principali initium pro libito demus apud Centaurum. Stella autem quæ est in iunctura pedis dextri posterioris, sita est in ipsa uia lactea, parum recedens à margine aut circumferentia eius septentrionali. Quæ uero in genu sinistro anteriori in medio huius uia cernitur. Ea autem quæ circa posteriores pedes pars est spissior siue lucidior, parum apparet. Deinde margo septentrionalis, pcedit ad stellam posteriorem in dorso Lupi. Verum ab ea uersus meridiem gradu uno & dimidio remouetur. Meridionalis aut margo per septentrionalem duarum, quæ sunt Igni, & per meridionalem duarum quæ sunt in basi Laris incedit. Pars deniq; septentrionalis eius tres spondiles postremas Scorpionis includit. Meridionalis uero margo p eam quæ in calcaneo pedis dextri anterioris Sagittarij est incedit, & per eius stellam quæ in manu eius est sinistra. Pars quæ spondiles Scorpionis continet, rara est. Quæ uero hastulam sagittæ compræhendit, spissa est admodum, ab hoc loco æqualis seruatō uia lactæ latitudo usq; ad uulturem uolantem. Stella autē quam habet postremum caudæ serpentis, præcedit marginem septentrionalem uno gradu ferè. Luminosam uero quæ inter spatulas uulturis est, prope habet margo meridionalis. Sagittam præterea totam in hac zona uidebis. Dehinc ad gallinam tendit. Latus enim septentrionale duas, quæ in pede meridiano sunt, stellas habet. Meridionale uero eam quæ alæ sinistrae extrema cernitur. Postea margo septentrionalis meridianam trium stellarum quæ in pileo Cephei sunt continet. Hoc etiam in loco duo rami considerantur extendi. Unus quidem ad septentrionem & orientem. Alius uero ad meridiem & orientem. Totam deniq; Calliopeiam compræhendit hæc zona, dempta unica quæ in extremitate pedis est stella, & partes extremæ densiores uidentur partibus medijs quæ in hoc loco uia lactæ sunt. Latus exinde septentrionale huius zone, quod inultæ raritatis est, stella in dextro genu Herculis sita terminatur. Meridionale uero latus lucidiorem Herculis habet stellam, quod quidem densitatis est plurimæ. Ab hoc postea loco raritatem magnam habet hæc zona, cuius quidē latus septentrionale stellam Alhaioth, & duas quæ in brachio agitatoris dextro sunt præterit, eas enim



## OCTAVVS.

in via lactea uersus occidentē relinquit. Margini uero meridionali, ea quæ in tali sinistro est, terminum ponit. Deinde procedit ad pedes geminorū. Omnes namq; quæ in pedibus sunt compræhendit stellas. Margo quoq; eius occidentalis ad duas septentrionales que sunt in manu Orionis terminatur. Duos etiam canes præterit, minorem quidem ad Orientem, maiorem uero occidentem uersus relinquens. Verum margo Occidentalis eas quæ in collo sunt canis maioris ferè continet. Postea procedit hæc Zona ad Nauim. Compræhendit enim ferè omnes stellas clypei, qui est in capite Nauis. Deinde transit per duas lucidas, quarum una est in latere Nauis prope malum. Alia in pede mali, & tandem continuatur ei parti, à qua sumpsimus initium. Partialis autem Zona, cuius supra meminimus, apud Iarem incipiens primas tres spondiles Scorpionis, quæ scilicet in principio Caudæ sunt transit. Stella uero sequens cor Scorpionis, à margine occidentali remota est uno gradu ferè. Stella uero quæ est in spondili quarta, uidetur in ære puro inter hunc ramum & Zonam principalem. Postea ramus ille ad Zonam principalem instar portionis circuli se reflectit. Margo enim occidentalis eam quæ in genu dextro serpentarij est, & eam quæ in cubito dextro situm habet complectitur. Orientalis itaq; margo per talem dextrum & stellam occidentalem quæ in manu dextra est incedit, hic quoq; ramus ille terminum habet. Duæ namq; stellæ quæ in cauda serpentis sunt, in cœlo puro cernuntur. Ramus ille plurimum habet raritatis, præter eam partē, quæ tres Scorpionis spondiles continet, hæc enim paulo densior est. Est & alius ramus siue partialis Zona, cuius quidem terminus quatuor stellas quæ circa humerum dextrum serpentarij sunt continet. Marginem autem Orientalem prope modum contingit lucida quæ in Cauda uulturis uolantis est, occidentalem quoq; una stellarum quæ circa serpentarium sunt, ab humero eius distantissima terminat. Deinde procedit ad rostrum gallinæ cum angustia & raritate multa, adeo quòd putetur interruptio apud rostrū. Postea uero amplior atq; densior usq; ad pectus gallinæ tendit. Inde q; ad humerum dextrum duasq; stellas quæ in pede dextro sunt, uersus septentrionē scilicet cum raritate notabili uergit. Postea uero cœlum uidetur purum, & stellis carens usq; ad eam quæ in Cauda gallinæ est. Habes enim breuem uia lacteæ descriptionem, quam si ampliorem uelis Ptolemæi scripta consule.

### PROPOSITIO II.

#### Sphæra Solida quo pacto fabricanda sit explanare.

¶ Sphæram ex metallo uel alia materia durabili confice. Cui si sit capax, colorem adhibe cœlestinū. Et in eius conuexo duo puncta per diametrum opposita inueni, quæ polos Zodiaci representabunt. Et super altero eorum describe circumferentiam circuli magni in ipsa sphæra, quam more uulgato in 360. partes æquales describe, & apud eam nomina signorum Zodiaci duodecim ex ordine suo describe, dando cuilibet 30. gradus. Deinde laminam tenuem atq; flexibilem accipe, in cuius superficie lineam rectam æqualem semicircumferentiæ prius descriptæ constituas, & eam in 180. partes æquales diuide. Numerosq; harum partium à medio huius lineæ diuisę per terminos procedendo, donec utroq; ad 90. peruenies collocabis. Officio enim huius laminæ stellarum latitudines compræhenduntur. In duobus lamine terminis, duobusq; punctis in conuexo sphære sibi oppositis foramina facias, & ipsam laminam corpori sphærico duobus clauis connecte,

M sic



sic ut circa clauos illos leuiter uolui possit. Quo facto, stellas fixas siue considerationibus tuis, siue rectificatione alia in longitudine & latitudine cognitas habeto. Cumq; earum quamcumq; sphaera imprimere uoles, lamine circumflexe extremitatem, quae per polos Zodiaci transit ad locum stellae, in ecliptica constitue, numerataq; latitudine ad partem suam apud terminum eius notam fere infigas, quae posthac stellae huius uices geret. Impressis igitur hoc praeepto omnibus unius imaginis stellis, lineas imaginem ipsam terminantes ita producas, ut suum quaeq; stella aut locum aut membrum habeat. Similiter uiam lacteam in conuexo sphaerae designare poteris, si prius stellas notatu dignas in ea sitas cognoueris. Deinde per duos polos eclipticae, & principium Canceri circumferentiam circuli magni produc, & in ea duos mundi polos per maximam Solis declinationem inuenias. Et super altero eorum circumferentiam circuli magni describe uice aequinoctialis, quam per 360. partes aequales, quemadmodum eclipticam, diuisisse proderit. In polis autem repertis duo foramina rotunda facias, ipsis namq; clauis duo postea immittentur, circa quos sphaera uoluetur. Habes itaq; sphaeram absolutam. Postea armillam aptae magnitudinis conficies, in cuius una superficie, quae in meridiano semper statuenda est, circumferentiam facias circuli, quam itidem in 360. aequas distribue partes. Et numeros harum partium a duobus punctis diametraliter oppositis usq; ad 90. utriusq; extende. In ipsis autem duobus punctis foramina duo facias praedictis aequalia, ut sphaera sub hac armilla posita, circa clauos foraminibus immisos instar priui mobilis circuire possit. Aptabis deniq; aliam armillam, in cuius superficie iterum modo praedicto circumferentiam circuli in 360. partes diuides, quae quidem Horizontis uices tenebit. Ut respectu huius alter polorum mundi eleuari, & rota sphaera pro habitudine cuiusq; regionis situari possit. Opus erit etiam quarta circumferentia in nonaginta partes aequales diuisa. Haec fiet ex lamina tenui, & summitati meridiani adharebit. Verum libere sub eo ad omnes fere Horizontis partes decurrendo faciat officium suum. Nam si notam stellae ad numerum altitudinis supra Horizontem ipsius stellae in hac quarta posueris, sphaera prius secundum alterius polorum eleuationem disposita, uidebis corpus sphaericum instar firmamenti esse constitutum.

## PROPOSITIO III.

Varietates habitudinum quas stellae fixae ad Solem & Lunam reliquasq; stellas habent erraticas pronunciare.

Habitudo stellarum fixarum & Luminaria, & quinque retrogradas stellas, fit nunc per coniunctionem, nunc per oppositionem, quandoq; uero per aspectum trinum, sextilem, aut quartam. Per coniunctionem quidem generaliter, dum centrum stellae fixae, & centrum planetae complectitur unus circulum magnorum per polos eclipticae transeuntium. Similiter per oppositionem. Per aspectum uero trinum dum circuli magni per polos eclipticae producti, quorum unus centrum stellae fixae, alius centrum planetae continet, a se distant per tertiam partem Zodiaci. Per aspectum uero sextilem dum eorum, quos diximus, circulum distantia sextam partem Zodiaci habet. Et per quartum aspectum quando distantia eorum quadrantem equatur, huiusmodi habitudines singulis, quas firmamentum habet, stellis accidunt. Specialior tamen reperitur habitudo ad planetas earum stellarum



## OCTAVVS.

quas in suo itinere planetæ offendunt, dum scilicet aliquis quinq; retrogradorum ad lineam rectam quæ à centro mundi ad stellam fixam protenditur peruenit. Hæc enim habitudo nomen coniunctionis sibi uendicat propriissime. Idem accidit eis respectu Luminarium, sed amplius. Sol enim uelocior est cursu stellis fixis, quò fit ut stella quæ pridem post Solis occasum uidebatur, propter uiciniam Solis apparere desinit, hanc habitudinem appellant occasum uespertinum. Deinde Sol tendit ad coniunctionem cū stella fixa. Postea uero dum Sol adeo recedit à stella, ut quæ prius propter uiciniam Solis non uidebatur, denuo apparere incipiat ante Solis ortum, huic habitudini ortus matutini nomen dedere Philosophi. Respectu deniq; Lunæ has habitudines considerandas intellige.

### PROPOSITIO IIII.

Vt uarias stellæ fixæ ad Horizontem habitudines accipiant enarrare.

¶ Quatuor sunt huiusmodi habitudines, scilicet ortus, mediatio cœli super terrā, occasus, & mediatio cœli sub terra. Nam in Horizonte recto omnis stella oritur & occidit, cum poli motus primi sunt in Horizontis superficie, quæ ob eam rem omnes æquinoctiali æquidistantes circulos per medium secat, unde etiā mora stellæ diurna nocturnam æquabit morā. Omnis quoq; stella bis cœlum mediabit, aut ad meridianū perueniet, semel super terram, & semel sub terra. Vbi uero poli mundi sunt poli Horizontis, nulla stellarum oritur aut occidit. Equinoctialis enim in superficie Horizontis circumuoluitur, reliqui uero circuli ei æquidistantes, & Horizonti in circuitione sua æquidistabunt. Quare stellæ in Hemisphærio superiori non occidunt. Stellæ autem inferioris Hemisphærij nō oriuntur. Verum una quæq; ipsarum bis cœlum mediabit in una circuitione. Hæ quidem super terram, ille uero sub terra. Ceteri uero Horizontes, ad quos æquinoctialis inclinatur, quibus alter polorum eleuatur, hoc considerationis habebunt. Intelligēdi sunt duo circuli parui æquales sibi, & æquinoctiali æquidistantes, quorum uterq; circulum Horizontis contingat. Hic quidem apud polum mundi eleuatum, ille uero apud polum depressum. Quicquid igitur stellarum inter alterum paruorum circulorum, & polum eleuatum compræhenditur, non occidit. Quod uero inter polum depressum, & paruum circulum complectitur, nunquam orietur nec occidet, sed semper occultabitur. Verū una quæq; harum stellarum meridianum una circuitione bis attinget, hæc quidem super terram, illa sub terra. Reliquæ autem stellæ omnes, quas claudūt dicti duo parui circuli, & oriuntur, & occidunt, mediantq; cœlum una uice super terram, alia uero sub terra.

¶ Præterea siue ab Horizonte siue à meridianis stella moueri cœperit, tempora reditionum apud sensum æqualia censebuntur. Tempus etiā quo stella à parte meridiani supra terram, ad partem meridiani sub terra, aut æcontra perducitur, temporis quo ad principium motus reuertitur æquale est quoniam omnes parallelos in quibus itinera stellarum metimur, meridianus per æqualia scindit. Quod autem tempus ortui atq; occasui interiacet, inæquale est temporis quo stella ab occasu ad ortum sub terra reuertitur. Hoc quidem in omni Horizonte obliquo contingit, demptis tamen stellis, quæ in æquinoctiali sunt circulo, quibus supra terram & sub terra æqualem moram æquinoctialis ab Horizonte per medium sectus tribuit. Amplius quod

## LIBER

ab ortu stellæ tempus est, ad mediationem cœli supra terram, æquatur tempori quod à mediatione cœli ad occasum fluit. Meridianus enim portiones parallelorum quæ supra Horizontem sunt omnes per æqualia secat. Item accidit sub Horizonte. Tempus autē quod fluit à mediatione cœli supra terram ad stellæ occasum in sphæra recta, æquale est tempori quod transit ab occasu ad mediationem cœli sub terra. In sphæra uero obliqua inæquale semper, nisi stella sit in equinoctiali. Similiter tempus à mediatione cœli sub terra ad ortum, æquale est in sphæra recta tempori, quod est ab ortu ad mediationem cœli supra terram. In obliqua uero non, nisi stellam in æquinoctiali reperiās. Accidit deniq; in sphæra recta, quod omnes stellæ cœlum simul mediantes, etiam simul oriuntur & occidunt. Secluso tamen motu earum, qui inter has instantiam facit, quamuis admodum paruus accidit. In sphæra uero obliqua non sic, sed stellarum quæ una cœlū mediant, quæ septentrionalior est, meridianā oriendo præuenit, occidendo uero sequitur &c.

### PROPOSITIO V:

#### Dictas stellarum habitudines utiliter commiscere.

¶ Commiscebimus siquidem has habitudines dum quæq; stellarum cū qua parte Zodiaci oriatur, occidat aut cœlum mediet. Considerabimus etiam cum qua stellarum fixarum quicq; planetarum aut oriatur, aut occidat, siue cœlum med. et. Ad eas tamen habitudines quas stellæ ad Solē, & Horizontē habent, specialius descendemus. In nouē enim modos eas partiemur.

¶ Primo habitudo est ortus matutini, dum scilicet Sol, & stella ipsa in orientali parte Horizontis statuuntur. Huic tres sunt modi. Vnus quando stella sub radijs Solis existens, statim post Solem ortum oritur. Alius quando Sol & stella simul oriūtur. Sed horum duorum neuter sensu percipitur. Tertius dum stella radios ægrediens, prior Sole oritur.

¶ Secundo habitudo dicitur mediatio cœli matutina, quando scilicet Sole in orientali parte Horizontis existente, stella est in medio cœli. Cuius itidem tres modos distinguimus. Quorum unus est, dum statim post Solem ortum stella cœlum mediat. Hæc enim habitudo uisu considerari nequit. Alius modus accidit, quando Sole oriente stella cœlum mediat, qui quoq; modus uideri non potest. Tertius modus, quando statim postquam stella cœlum mediat, Sol oritur, hic uisu notari potest.

¶ Tertia habitudo, quando Sol in orientali parte & stella in occidentali parte Horizontis constituuntur, & dicitur occasus matutinus. Cui tres sunt modi. Vnus quando statim post Solem ortum stella occidit. Alius quando Sol & stella in Horizonte statuuntur præcisissime, ille quidem ex parte orientis, hæc uero ex parte occidentis. Sed neuter horum modorum sensu dinoscitur. Tertius modus, quando statim post stellam occidentem Sol oritur illum sensus compræhendere potest. Quarta habitudo uocatur ortus meridianus, quæ fit dum Sol in meridiano, & stella in orientali Horizontis parte fuerint. Cui duos modos dabimus. Vnum dum Sol in medio cœli super terram fuerit, & stella oritur, qui diurnus dicitur. Alium dum Sol in medio cœli sub terra fuerit, & stella in ortu, qui nocturnus appellabitur. Primum sensus compræhendere non poterit, sed secundum.

¶ Quinta habitudo est mediatio cœli meridiana, quæ contingit dū stella cœlum mediat, Sole meridianū occupante. Cuius duo sunt modi diurni.

Vnus



## OCTAVVS.

Vnus dum Sol & stella simul sunt in meridiano supra terram. Alius dum Sol est in meridiano supra terram, & stella in medio cœli sub terra. Et neuter horum sensu cognoscitur. Duo quoq; modi nocturni. Vnus dum sol est in meridiano sub terra, & stella in medio cœli supra terram. Alius dum Sol itidem est in medio cœli sub terra, & stella cum eo in meridiano sub terra. Primus horum duorum sensui patere potest, non secundus.

¶ Sexta habitudo dicitur occasus meridianus, dum scilicet Sol in meridiano est, & stella occidit. Cuius duo sunt modi. Vnus diurnus, quando scilicet Sol est in medio cœli supra terram, & stella occidit, qui non uidetur. Alius dum Sol est in medio cœli sub terra, & stella occidit, & hic modus sensui patet.

¶ Septima habitudo uespertinus ortus nominatur, dum scilicet Sol occidentalem partem Horizontis occupat, stella uero orientalem. Hinc tres modos distinguimus. Vnus est quando statim post Solem occidentem stella oritur, & hic uideri potest. Alius quando Sole occidente stella oritur, quæ non uidetur. Tertius quando post stellam ortam statim Sol occidit, sed nequæ modus iste sensum intrat.


¶ Octauæ habitudini mediationis cœli uespertinæ nomen erit, quæ accidit dum Solem in occidente, & stellam in medio cœli supra terram aut sub terra statuemus. Hæc habet tres modos. Quorum unus dum post Solem occidentem stella statim cœlum mediat, supra terram quidem aut sub terra. Alius dum simul Sol occidit & stella cœlum mediat. Tertius quando post stellam cœlum mediantem Sol occidit.

¶ Nona habitudo erit quando Sol & stella in occidentali parte Horizontis continentur, & dicitur occasus uespertinus. Quam in tres partemur modos. Vnus accidit quando stella sub radijs Solis existens, occidit post Solis occasum. Alius quando Sol & stella coniuncti simul occidunt. Tertius quando stella radijs Solaribus implicita, ante quam Sol occidit.

### PROPOSITIO VI.

Stella fixa cuius ab arietis initio alteroq; polorum eclipticæ remotio noscitur, quantam ab æquinoctiali declinationem habeat elaborare.

¶ Pingam huius causa colurum maximas Solis distinguentem declinationes, qui sit circulus a, b, g, d. sub quo medietatem æquinoctialis circuli a, e, g, & mediam eclipticam b, e, d. describam, & sit punctus e, caput arietis aut libræ, sitq; h, polus eclipticæ & uero polus æquinoctialis. Ponatur ita quæ stella pro libito in puncto t. productis arcibus h, t, k, l, & z, t, m, n, quærimus arcum t, n. Quia autem à puncto a, descendunt duo arcus a, h, & a, n, a, quorum terminis alij duo h, l, & n, z, reflexi se secant in puncto t. Erit per uiam coniunctionis proportio sinus h, a, ad sinum arcus a, z, composita ex duabus, proportionibus scilicet sinus arcus h, l, ad sinum arcus l, t, & proportionibus sinus arcus t, n, ad sinum arcus n, z. Quinq; autem horum nota sunt, quare & sextum cognitum ueniet. Est enim arcus a, h, notus propter a, z, quadrantem, & z, h, equalem maxime Solis declinationi. Sic arcus a, z, notus est, item arcus h, l, notus fit. Cum enim arcus k, l, erectus sit orthogonaliter super eclipticam, erit arcus e, k, uelut ascensio recta, & arcus k, l, tanquam declinatio respondens fini arcus eclipticæ, cuius æstimatur hæc ascensio recta, scilicet arcus e, k. Statue ergo arcum e, k, notum ex hypotesi uelut ascensionem rectam,



& ex tabula arcum eclipticæ sibi respondentem elice, cui declinationē suā inuenias, quæ erit arcus  $k, l$ . Est autem arcus  $h, k$ , quarta circuli, totus igitur arcus  $h, l$ , cognitus erit. Similiter arcus  $l, t$ , propter arcum  $t, k$ , latitudinē ex hipotisi notam, & arcum  $l, k$ , prius cognitum, Sed arcus  $n, z$ , est quarta circuli, ergo &c. Correlarium.

Proportio sinus h, l. ad sinum l, t. est ut proportio sinus h, a.  
ad sinum t, n.


¶ Sit enim medius positus sinus totus inter sinum h. & linum t, n. fiet pro-  
portio sinus h, a. ad sinum t. composita ex duabus, scilicet proportionē sinus  
h, a. ad sinum totum, & sinus totius ad sinum t, n. Sed harum prima est ex  
duabus, scilicet proportionē sinus h, l. ad sinum l, t. & proportionē sinus t, n.  
ad sinum totum. Igitur proportio sinus h, a. ad sinum t, n. est ex tribus, sc. li-  
cet sinus h, l. ad sinum t, l. & sinus t, n. ad sinum totum, & sinus totius ad si-  
num t, n. Sed ultimæ duæ faciunt proportionē æqualitatis, igitur patet cor-  
relarium facilius sic. Quia ab arcu l, h. descendunt duo perpendiculares su-  
per l, g. scilicet h, g. & t, n. igitur proportio sinus l, h. ad sinū h, g. est sicut pro-  
portio sinus l, t. ad sinum t, n. Quod si aliter per scientiam triangulorū sphæ-  
ralium uelis concludere, sic agas, Triangulus k, e, l. duos angulos k, e, l. & c,  
k, l. nonos habet. Primum quidem propter maximam solis declinationem  
notam. Secunduū uero quia rectus est. Arcus etiam k, e. notus est, quare ar-  
cus k, l. per scientiam triangulorum sphæralium notus erit cum arcu l, e. &  
angulo k, l, e. Sic itaq; totus arcus t, l. notus erit. Sed trianguli t, l, n. duo an-  
guli t, l, n. & t, n, l. notī sunt, ergo arcus t, n. qui est declinatio stellæ cognitus  
ueniet, qui quærebatur.

¶ Vtrum autem declinatio ipsa meridionalis sit an septentrionalis, hoc habetur iudicio. Si posueris punctum h. polum septentrionalem ecliptice, & latitudinem stellæ septentrionalem, erit declinatio septentrionalis. Si uero stellæ fuerit meridiana latitudo, minor tamen arcu k. l. qui scilicet ex circulo latitudinis inter eclipticam & æquinoctialem cadit, declinatio iterum septentrionalis erit. Si uero æqualis ei, nulla erit stellæ declinatio. Quod si latitudo maior arcu fuerit, erit declinatio stellæ meridiana. Hoc pacto te in singulis sitibus expedias.

PROPOSITIO VII.

Punctum eclipticæ cum quo stella cœlum mediat discernere.

¶ In præhabita dispositione respice figuram, quæ habet arcus  $a, h, a, n, h, l, \& n, z$ . Erit enim per viam disjunctionis proportio  $n, l$ , ad  $l, a$ , composita ex duabus, scilicet proportionione  $n, t$ , ad  $t, z$ , & proportionione  $h, z$  ad  $h, a$ , de sinibus tamen uolo intelligas, quare etiam proportio  $h, z$ , ad  $h, a$  componitur ex proportionione  $z, t$ , ad  $t, n$ , & proportionione  $n, l$ , ad  $l, a$ , quod si constat. Nam  $z, h$ , ad  $h, a$ , proportio est quæ relinquitur subtractioni proportionis  $n, t$ , ad  $t, z$ , a proportionione  $n, l$ , ad  $l, a$ . Ex  $t, z$ , igitur in  $n, l$ , fiat  $p$ . ex  $n, t$ , in  $l, a$ , fiat  $q$ . erit  $z, h$ , ad  $h, a$ , sicut  $p$ , ad  $q$ .  $p$ , autem est aggregata ex duabus, scilicet  $t, z$ , ad  $n, t$ , &  $n, l$ , ad  $l, a$ , ut ex modo addendi proportionum sumitur, quare  $z, h$ , ad  $h, a$ , componitur ex duabus, scilicet  $z, t$ , ad  $t, n$ , &  $n, l$ , ad  $l, a$ . Sed quinque horum nota sunt, nam declinatio stellæ nota est cum eius complemento. Sed arcus  $l, a$ , cognitus est, quoniam est complementum arcus  $e, l$ , pridem noti, unde






OCTAVVS.

unde arcus  $n, l$ . notus prodibit, quo dempto ex arcu  $e, l$ . noto, relinquetur arcus  $e, n$ . notus. Punctus igitur  $n$ . notam habebit distantiam ab eo puncto equinoctialis, unde ascensiones rectas inchoare uoles. Quare per ea quae in secundo libro dicta sunt, punctus eclipticae in istis respondens ascensionibus notus erit, cum eo autem stella ad meridianum motu primo perueniet quod petebatur. ¶ Quod si alio processu idem cupias, age quemadmodum dicam. Ex praecedenti erat arcus declinationis  $t, n$ . notus cum angulo  $t, l, n$ . sed & angulus  $t, n, l$ . notus est, quia rectus, trianguli igitur  $t, l, n$ . duos angulos cum latere uno notos habentis, latus  $l, n$ . notum erit. Pridem autem cognitus erat arcus  $e, l$ . si igitur arcum  $l, n$ . ex arcu  $l, e$ . dempseris, residuabitur arcus  $n, e$ . notus, de quo ut prius te absoluas.

PROPOSITIO VIII.

Punctum eclipticæ quod cum stella oritur inquirere.

¶ Sit meridianus circultis a, b. g, d. sub quo medietas eclipticæ a, e, g, cum medietate horizontis orientalis b, e, d. stella autem quæ iam oritur sit h. ducaturq; à polo equinoctialis meridionalis z. quarta circuli per punctū h. quæ sit z, h, t. igitur punctum t. cum quo stella mediat cœlum, ex præcedenti notum est, cum ipso tamen non oritur stella in Sphæra obliqua, licet in Sphæra recta hoc fiat, sed oritur cum puncto equinoctialis e. Inuento igitur puncto e. quantum scilicet ab eo puncto distet, à quo ascensiones recte incipiunt, cognitus erit punctus eclipticæ ei ad hunc horizontem respondens, cum quo dico stellam oriri. Quia autem inter duos arcus a, e. & a, z. alij duo se secant, qui sunt e, b. & z, t. erit per viam diuisionis proportio z, b. ad b, a. composita ex duabus, proportionem scilicet z, h. ad h, t. & ex proportionet, e. ad e, a. de sinibus rectis intellige. Quinq; autem horum noto sunt, igitur sextum cognitum erit, arcus scilicet t, e & erit punctus e. notus, cum puncto eclipticæ qui cum eo & stella h. oritur. Idem per scientiam triangulorum, triangulus e, h, t. latus h, t. notum habet. Est enim declinatio stellæ ex superioribus nota. Sed angulus e, t, h. rectus est, & angulus h, e, t. notus, propter inclinationem equinoctialis, quæ nota supponitur, & est arcus a, b. quare arcus t, e. cognitus ueniet, & reliqua ut ante. Ex hac deniq; propositione arcum diurnum stellæ cognosces. Si enim arcum t, e, a. quadrante dempseris pro stellis declinationem habentibus meridionalem, aut eum quadranti adieceris pro stellis septentrionalibus, prodibit arcus semidiurnus cognitus. Quo duplicato pueniet arcus diurnus. Quem si ex toto minues circulo, arcum nocturnum uidebis relictum.




PROPOSITIO IX.

Stella fixa, cum quo puncto eclypticę occidat inuestigare.

¶ In figura præcedenti statuè arcum  $t, k$ , æqualem arcui  $t, e$ , ad partem diuersam ab arcu  $t, e$ , procedendo. Erit enim punctus  $k$ , equinoctialis, cum quo occidit stella notus Punctus igitur equinoctialis ei diametraliter oppositus, qui oritur stella occidente, cognitus ueniet, & ideo punctus eclipticæ oriens stella occidente, scitus erit, cui quidem per diametrum oppositus punctus in ecliptica notus erit, qui quærebatur.

## LIBER



¶ Vt fidem faciamus huic operi, sit horizon obliquus s, l, b, h, supra quem medietas æquinoctialis k, a, e. & duæ portiones parallelorum l, h, s, o, quas describunt duæ stellæ supra horizontem. Quarum una meridionalis sit, alia uero septentrionalis. Productisq; à polo mundi z, supra horizontem eleuato arcubus z, o, m, z, t, h, z, r, l, & z, s, n. Stella itaq; meridionalis oritur in puncto horizonis h. cum puncto æquinoctialis e, & mediat cœlum cum puncto æquinoctialis t, sed occidit in puncto horizonis l. cum puncto æquinoctialis k, cœlum autem mediat cum puncto r, q; idem est cum puncto t. Itaq; e, qd' est ortus, sequitur punctum t, mediationis cœli, punctum autem k, quod est occasus, præcedit idem punctum mediationis cœli, & duo arcus t, e, & k, r, æquales sunt, quoniam proportio sinus arcus anguli t, e, h, ad sinum arcus t, h, est sicut proportio sinus arcus anguli r, k, l, ad sinum arcus r, l. Est enim angulus t, e, h, æqualis angulo r, k, l, & arcus t, h, æqualis arcui r, l. Sed hæc proportio est sicut sinus totius ad utriusq; arcuum h, e, & k, l, sinum. Est enim uterq; angulorum e, t, h, & l, r, k, rectus, quare arcus h, e, est æqualis arcui k, l. Item sinus complementi arcus t, h, ad sinum totum, sicut proportio sinus complementi arcus h, e, ad sinum complementi arcus t, e. Similiter sinus complementi arcus l, r, ad sinum totum, sicut sinus complementi arcus k, l, ad sinum complementi arcus k, r. Cum autem omnia relatiua sint æqualia, erit sinus complementi arcus t, e, æqualis sinui complementi arcus k, r, & ideo arcus t, e, æqualis arcui k, r. Hoc simili uia ostendes pro stella septentrionali. Verum punctus æquinoctialis qui cum stella oritur, præcedit punctum mediationis cœli. Punctus autem qui cum ea occidit, sequitur punctum mediationis cœli, cuius contrarium in stella meridiana accidebat.

### PROPOSITIO X.

Data declinatione stellæ, & gradu cum quo cœlum mediat, latitudinem eius & uerum locum in ecliptica distinguere.

Huius demonstrationem habes M. iij.

¶ Repetatur figura septimæ huius, in qua dati sunt arcus e, m, & t, n, propositum est inuenire arcus t, k, & e, k. Ex arcu e, m, secundum scientiam declinationum notus erit n, m, hinc m, z, & m, t, dati. Sed proportio sinus m, z, ad sinum z, b, est sicut proportio sinus t, m, ad sinum t, k, igitur latitudo stellæ nota. Item proportio h, z, ad z, b, componitur ex duabus, scilicet h, t, ad t, k, & k, m, ad m, b, quorum quinque nota iam fuerunt, igitur k, m, notum fiet, quare e, k, notus, qui quærebatur.

### PROPOSITIO XI.

In apparitionibus stellarum fixarum & occultationibus prestremo cogitare.

¶ Stellis fixis quandā Sol adducit passionem, ut quæ nunc uisui latent, uicinitate Solis id efficiente, postea Sole, quantum oportet, ab eis remoto appareant. Quædā uero tamen si uisu post Solis occasum comprehendantur, mox tamen ad eas appropinquante Sole disparere incipiunt. Inuenta est igitur occasio illarum passionum uicinitas scilicet Solis ad stellas. Verum quo in tempore, quanta Solis distantia accidat, scitu admodum difficile fuit. Si enim in ecliptica acceperimus duas stellas inæqualis magnitudinis, minor erit arcus eclipticæ, q; inter stellam maiorem earum primo apparentem & Solem ipsum est, q; arcus




OCTAVVS.

arcus eclipticæ, qui inter Solem & stellam minorem est in principio apparitionis suæ. Radij namq; stellæ maioris, quia fortiores & multipliciores sunt uicinis obtunduntur. Sola igitur distantia Solis à stella in ecliptica principium apparitionis indicare non poterit.

¶ Amplius non quælibet duæ stellæ æquales à Sole habentes distantias apparebunt. Ponamus enim medietatem horizontis orientalem b, e, d. & medietatem eclypticæ orientalem a, e, g. Sitq; polus horizontis punctus z, a. quo ducatur arcus z, t, h. per centrū Solis in principio apparitionis stellæ, quem punctum e, designat. Erigamusq; arcum k, l. orthogonaliter ad eclypticam. Stella igitur in e. apparebit, dum à Sole per arcum eclypticæ e, h. distat. Stella uero in l. latitudinem septentrionalem k, l. habens, æqualis stellæ in e. per arcum eclypticæ k, h. in principio apparitionis suæ à Sole distabit. Constat autem arcum k, h. minorem esse arcu e, h.

¶ Præterea stellis æqualibus, siue n egyptica fuerint, siue extra eam, latitudines æquales eiusdemq; partis habentibus nō erit iudiciū idem primæ apparitionis. ¶ Cum enim ex secundo libro manifestū sit, egypticæ ad horizontem uariari inclinationes, sit angulus huiusmodi inclinationis, d, e, g. maior angulo inclinationis m, o, n. & sit e, stella in egyptica primum apparens h. locus Solis. Sit quoq; o, stella in egyptica æqualis stellæ e. Si itaq; posuerimus Solem sub horizonte in k. ducto arcu x, l, k. ut arcus o, k. distantia scilicet stellæ à Sole æqualis sit arcui e, h. erit arcus l, k. minor arcu t, h. Est enim proportio sinus arcus k, l. ad sinum arcus anguli h, e, t. minor, quoniam utraq; earum est ut proportio sinus arcus e, h. ad sinum totū, propter arcuse, h. & o, k. æquales, itemq; angulos t. & l. rectos, quamobrem in secundafiguratione Sol erit uicinior superfici ei horizontis, quā in prima, & ideo lumen eius supra horizontem fortius & multiplicius obtunditur, ergo lumē stellæ in o. positæ magis q̃ stellæ in e. Sed stella in e. primū apparet, ergo stella in o. æqualis ei nō apparebit. Necessē est igit, si stellam in o. apparentem uolumus, q̃ Sol distantius ab eo remoueat, quod fiet dum Solem in puncto q. imaginabimur. & arcum p, q. æqualem arcui h, t. statuemus. Consideranti igitur Ptolemæo subtiliter hæc omnia, uisum est opere precium, ut stellis unius magnitudinis unum statueret medium, quo sciretur apparitionis aut occultationis initium ad omnem horizontem, ad omnemq; zodiaci locum, siue latitudinem stella habuerit, siue non. Hoc in medio inuenit arcum circuli magni per polos horizontis & Solem transeuntis, arcum inquam Soli & horizonti incidentem in principio apparitionis aut occultationis stellæ, quem quidem uocabimus arcum uisionis. Sed & arcus ille uarietatem habet propter diuersa climata. In climatibus enim septentrionalibus, q̃a grossior existit aer, arcus ille maior erit quā in climatibus meridiei propinquantibus. Ea quoq; ratione in uno climate diuersitas quanquam modica est, uarietate aeris accidere uidebitur.




PROPOSITIO XII.

Arcum uisionis consideratione & numero certis elicere.

¶ Sex magnitudines Stellarum, huiusmodi arcum sexcupli differētia inuentum exigunt. Elige ergo stellas, quæ oriuntur Sole apud principium Cancrī existente, quod tunc aer bonam puritatem habeat, eas tamen quæ prope eclypticam sunt stellas accepisse non erit inutile. Considera itaque locum in eclyptica stellæ primum apparentis, cum sua latitudine

## LIBER



latitudine, si quam habeat. Locum quoque Solis numeratione certa cognosce, ut scias quanto eclipticæ arcu stella distet à Sole. Quo habito ad figuram oculos conuertere. In qua circulus meridianus est a, b, g, d, sub quo medietas horizonis b, e, d, medietasque eclipticæ a, e, g, & stella primum apparsens sine latitudine in e. Sole sub horizonte posito in z, producto arcu circuli magni à polo horizonis per centrum Solis, qui sit h, t, z, quærimus arcum z, t. Quia autem à finibus duorum arcuum b, h, & h, z, in puncto h, communicantium, duo arcus b, t, & z, a, reflexi se secant in puncto e. erit proportio z, t, ad t, h, composita ex proportione z, e. ad a, e, & proportione a, b, ad b, h, de sinibus accipe undecimam uia permutationis. Proportio a, b, ad b, h, componetur ex proportione a, e, ad e, z, & proportione z, t, ad t, h. Sed arcus a, b, notus est propter latitudinem regionis notam, & declinationem medij cœli, arcus b, h, est quarta circuli arcus a, e, propter gradum medij cœli & locum stellæ cognitos. Arcus uero e, z, est distantia stellæ à Sole nota, & arcus h, t, quadrans, quare cum omnia præter arcum z, t, nota sint, erit & ipse scitus. ¶ Quod si breuiori syllogismo uoles, scias proportionem sinus arcus anguli t, e, z, ex secundo libro notum ad sinum arcus z, t, quæsitum esse, ut proportionem sinus totius ad sinum arcus e, z, notum, unde cognitus erit arcus z, t, qui quærebatur. Ipse uero omnibus stellis æqualibus stellæ in e, positæ, siue ad apparitionem, siue ad occultationem seruiet.

¶ Si uero stella primum apparens latitudinē habuerit, & quæsiueris arcum uisionis, hoc pacto te expedies. Maneat prior dispositio, hoc tamen notato quod stella sit in l puncto horizonis, habens latitudinem septentrionalem k, l. Sitque polus mundi arcticus x, & polus eclipticæ y, productis arcibus circulorum magnorum k, l, x, l, x, & x, y. Si itaque stella fuerit in principio Cancrī uel Capricornī, erunt duo arcus k, l, & l, x, sibi directe coniuncti, & erit l, x, notus ex præcedentibus, quia complementum declinationis stellæ. Est & arcus d, x, æqualis latitudini regionis scitus. Angulus uero d, e, est relictus, quare per scientiam triangulorum sphaeralium angulus d, l, x, notus erit, & ei contrapositus k, l, e. Est autem angulus e, k, l, relictus, & arcus k, l, scitus. Cum igitur triangulus k, l, e, duos angulos habeat notos, & latus unum cognitum, reliqua latera cum reliquo angulo patebunt. Sed locus stellæ in ecliptica notus est cum loco Solis, ergo arcus k, z, notus. Trianguli itaque e, t, z, angulus t, e, z, scitus est, & e, t, z, relictus, latus etiam e, z, notum, quare ex scientia triangulorum sphaeralium arcus t, z, qui quærebatur notus prodibit. Quod si stella non fuerit in principio Cancrī aut Capricornī, triangulum l, x, y, aduerte, cuius duo latera l, x, & x, y, nota sunt. L, x, quidem complementum est declinationis stellæ x, y, æqualis maximæ Solis declinationi. Sed angulum l, y, x, notum reddit distantia ueri loci stellæ à principio Cancrī uel Capricornī, per scientiam igitur sphaeralium triangulorum angulus l, x, y, notus erit. Sed & angulus d, l, x, processu priori notus fuit, relinquetur igitur arcus d, l, y, cognitus, & ei contrapositus k, l, e. Cætera ut ante in stellis meridianam latitudinem habentibus, mutata duntaxatfiguratione, syllogismo triangulorum sphaeralium faciliter expedies.

### PROPOSITIO XIII.


Cognito stellæ loco latitudine carentis, quantum arcum eclipticæ Soli & stellæ ipsi iam primo apparenti interciderere oporteat patefacere.

Repetita



## OCTAVVS.

¶ Repetita priori figura, in qua duo arcus  $h, b.$  &  $h, z.$  à puncto  $h.$  descendiunt, & inter quos duo alij  $b, t.$  &  $z, a.$  se secant, erit proportio  $z, t.$  ad  $t, h.$  composita ex duabus proportionibus, una scilicet  $z, e.$  ad  $e, a.$  alia  $b, a.$  ad  $b, h.$  de sinibus intellige. Et uia permutationis proportio  $h, t.$  ad  $z, t.$  composita ex proportionibus  $h, b.$  ad  $a, b.$  & proportionibus  $a, e.$  ad  $e, z.$  Siint autem omnia præter sextum nota.  $H, t.$  enim quadrans est  $t, z.$  arcus uisionis ex præcedenti notus  $h, b.$  quarta circuli  $a, b.$  altitudo meridiana gradus mediæ cœli. Et arcus  $a, e.$  notus est, ppter ascendens notū. Est em̄ locus stellæ orientis cognitus, erit itaq; arcus  $e, z.$  cognitus, distantia scilicet Solis à stella in principio apparitionis. ¶ Faciliori cum syllogismo inuenies idem, si scientiam triangulorum sphaeralium consulas. In triangulo enim  $t, e, z.$  angulus  $t, e, z.$  notus ex secundo libro, & arcus uisionis  $t, z.$  cognitus. Angulus em̄  $e, t, z.$  rectus, quare arcus sibi oppositus inuentus erit.



### PROPOSITIO XIII.

Quòd si stella latitudinem habet, idem concludere.

¶ Præcedentem aspice figuram, ubi stella in puncto  $l.$  scita est, erit autē arcus  $l, x.$  directe coniunctus arcui  $k, l.$  dum stella in principio Cancrī uel Capricorni fuerit, & erit ipse arcus  $l, x.$  cognitus, quoniam est complementum declinationis stellæ ex prædictis notæ Arcus quoq;  $d, x.$  notus est, quæ eleuatio poli arctici, sed angulus  $l, d, x.$  rectus, ergo per scientiam triangulorum sphaeralium angulus  $d, l, x.$  scitus erit, & ei contrapositus  $k, l, e.$  Sed angulus  $k.$  est rectus, & arcus  $k, l.$  latitudinis scitus, quare arcus  $e, k.$  dabitur notus, eritq; angulus  $k, e, l.$  notus. Triangulus itaq;  $t, e, z.$  duos angulos  $t, e, z.$  &  $e, t, z.$  rectum habet notos, cum latere  $t, z.$  arcu scilicet uisionis cognito, ergo latus eius  $e, z.$  scitum ueniet, cui si arcū  $e, k.$  notum dempseris, relinquetur arcus  $k, z.$  cognitus, q est distantia Solis à stella iam primū appa-  
rente.

¶ Quòd si stella non fuerit in principio Cancrī uel Capricorni, sic procede. Triangulus  $l, x, y.$  duo latera  $l, x.$  &  $x, y.$  nota habet  $l, x.$  quidem complementū declinationis stellæ, &  $x, y.$  æquatur maximæ Solis declinationi. Item angulus eius  $l, x, y.$  cognitus erit. Distantia em̄ ueri loci stellæ à principio Cancrī uel Capricorni nota supponitur, quare p scientiam triangulorum sphaeralium angulus  $x, l, y.$  scietur. Angulū autē  $d, l, x.$  quemadmodū prius inuenies, à quo si dempseris in hacfiguratione angulum  $x, l, y.$  manebit angulus  $d, l, y.$  notus, & ei contrapositus  $k, l, e.$  Deinde ut superius procede.

### PROPOSITIO XV.

Quartus arcus eclypticæ Solem à stella in principio occultationis remoueat dinumerare.

¶ Principium occultationis apud occidentalem horizonis partem, sicut initium apparitionis in oriente contingit Arcus quoq; uisionis qui apparitioni seruit & occultationi utilis erit. Nihil ergo apparitionis opus habuit, quod occultationi non seruiet, hoc uno dempto, q pro angulo quem horizon cum eclyptica continent orientali, in occultationibus accipias angulum occidentalem horizonte & eclyptica compræhensum.

FINIT LIBER OCTAVVS.




# LIBER NONVS

## SPHÆRARVM COELESTIVM ORDINE

nes, Planetarum motuum diuersitates, eorumq; medios  
motus, Theoricam quoq; totam Mercurij  
speculando disquirir.

### PROPOSITIO PRIMA.



PHÆRÆ coelestes quo ordine habendæ sint ostendere.

¶ Maiores nostri uarias de hoc habuere sententias. Hoc in uno tamen conueniebant omnes, quòd Sphæra stellarū fixarum cæteris omnibus planetarum orbibus sublimior esset. Sub qua sphæram Saturni, inde sphæram Iouis, & sub hac Sphæram Martis concorditer ordinabant. Lunæ item infimum deputabant locum, & quidem sapienter, siue quòd solaris eclypsis perhibeatur occasio, siue q; diuersitatē aspectus

inter omnia astra cognitu manifestiorem habeat. De reliquis autem tribus controuersia fuit. Vetusissimi enim sub Marte Solem, sub quo Venerem & supra Lunam Mercurium ordinabant. Posteriores uero, qui coniunctionibus Solis cum Venere & Mercurio oculos adiecere crebriores, dum Solis eclypsim Veneris & Mercurij uenisse occasionibus nunq; sentirent, eos supra Solem locandos censebant. Alpetragnis autem, qui motuū diuersitates atq; eorum apparentes uelocitates incurtatione quadam accidere putabat, sub Marte Venerem, sub qua Solem, deinde Mercuriū statuebat. Minus enim incurtat Venus à motu primo quàm Sol, ex parte quidem epicycli. Mercurius autem plus quàm Sol. Harum autem opinionum, ea quam antiqui sectabantur, modernis accepta est. Nec mirum si à Venere & Mercurio Sol, sub quo sunt coniuncti ipse non eclypsetur. Potest namq; Soli alter eorum coniungi secundum zodiaci longitudinem, sic tamen q; linea recta Solis & oculi centra continuans, per centrum planetæ non transeat, uelut in coniunctionibus luminarium sæpe accidit, quare tunc radios Solis ad oculum uenire non prohibebunt.

¶ Præterea cum eorum corpora Solis comparatione admodum parua uideantur, ita q; antiqui Veneris diametrum uisualem referente Albategni Solis subdecuplam ponebant. Et ob hoc superficiem eius uisibus nostris obiectam, quæ ut plana est apud sensum, subcentuplam ad superficiem Solis esse oportet. Si posuerimus tria centra Solis Veneris & oculi in una recta linea, insensibile erit, quod Venus ex superficie Solis uisui subtrahet.

¶ Amplius maxima Lunæ à centro mundi distantia semidiametrum terræ 64. ferè uicibus continet. Minima uero Solis à centro mundi distantia eandem ferè semidiametrum 1070. uicibus aut amplius habet. Fiet igitur ut distantia inter duo luminaria sibi q; uicinissime approximata, semidiametrum terræ 1006. ferè uicibus contineat. Hoc autem spaciū natura non sinit uacuum, necessario igitur quoddam cœleste corpus ipsum occupabit. Sed id corpus de integritate erit orbium Solis & Lunæ, frustra enim tanta moles in cœlo permitteretur. Quamobrem spaciū illud Veneris & Mercurij



## NONVS.

**Mercurij duobus orbibus commoditate naturali uendicabitur. Vter autē horum supra alterum situetur, nulla certitudine depræhendi potest. Mercurius enim in plerisque climatibus rarissime apparet. Et si apparet, id fit quando est circa longitudines medias epicycli, tunc autem licet habeat diuersitatem aspectus, ea tamen multo minor est quàm ipsa, quam haberet, si esset in oppositio augis epicycli. Quare huiusmodi diuersitas aspectus, ad unguem non potest elici, cum nec instrumentis huic rei necessarijs, neque in motibus Mercurij numerandis, omnem præcisionē habere possimus. Idem de Venere estimandum erit.**

### PROPOSITIO II.

**Diuersitates motuum qua uia cognitę sint exprimere.**

¶ Principio in his quinque stellis manifeste apparuit motus secundū successionem signorum, ab occidente scilicet ad orientem, per relationem ad stellas fixas. Deinde notabant primi Philosophi aliquanto tempore ad sensum loca sua non mutare, & post contra successionem signorum moueri. Intelligebant etiam, quod huius motus diuersitas ad Solem haberet colligationem. Nam post coniunctionem alicuius trium superiorum cum Sole uidebant eos moueri motu ad modum ueloci, & pedetentim minui uelocitatem hanc, donec apparerent stationarij, & postea retrogradj. Dumque totum tempus retrogradationis dimidiarent, inuenerunt in huius temporis medio Solem ipsis oppositum. Et quia crebris obseruationibus idem sub una habitudine redire uidebant, iam certum concludere, quod in omni coniunctione media Solis cum aliquo horum trium redire diuersitas huius motus, similiter in omnibus æqualibus eorum à Sole distantijs. Postea uero considerabant eos dum haberent æquales à medio loco Solis distantias à coniunctione eorum cum Sole. Inueneruntque motus eorum in his temporibus ferè æqualibus non æquales. Idem etiam fecerunt per distantias locorum, in quibus stellę post coniunctionem uidebantur stationarię, eas namque distantias inæquales comperiebant. In uero nequaquam accidere potuit, nisi aut motus orbium super centris suis fuissent irregulares, quod natura quidem horret. Aut centra orbium eorum à centro mundi essent diuersa. Et quia duplices inuenerunt diuersitates, duplices orbis, quibus eas accidere uerisimiliter esset, ponere cogeantur. Ei autem diuersitati quę in coniunctione eorum cum Sole reueritur dederunt orbem reuolutionis. Nam tempus quod est à motu planetę uelociori ad motum mediocrem, uidebatur maius tempore quod est à motu mediocri ad motum tardiozem, quod maxime orbi reuolutionis competit, minime uero eccentrico. Item ad motus latitudinū saluandos, de quibus inferius, hic orbis est accommodatior. Sed diuersitati secundę eccentricum attribuerunt. Inuenerunt enim tempus quod est à motu tardiori ex hac diuersitate ueniente ad motum mediocrem, maius tempore quod est à motu mediocri ad motum uelociorem.

¶ Præterea duo loca, in quibus motus uelocissimus & motus tardissimus hac quidem diuersitate accidunt, moueri ad motum stellarum fixarum comperiuntur, quod non nisi eccentrico orbi accidere potest. In Venere autem & Mercurio epicyclos itidem quibus modis retrogradis esset occasio posuerunt. Dum uero aggregatum ex duabus longitudinibus à medio loco Solis, uespertina scilicet & matutina considerabant. In uno loco Zodiaci inuenerunt ipsum diuersum in quantitate ab aggregato huiusmodi quod in

N alio

## LIBER

alio loco accidebat. Oportuit ergo epicyclum in uno loco terre uiciorem esse quam in altero. Ideoque orbe, cui epicyclus insigitur, necessario eccentricum posuerunt.

### PROPOSITIO III:

Medios motus harum stellarum quibus temporibus mensurari incertum sit enumerare.

¶ Quia animum inducimus scire loca harum stellarum uera ad omne tempus, & motus earum ueri ex supra dictis in sua uelocitate irregulares sunt, Cogitandum fuit de medio quo extraherentur huiusmodi uera loca, scilicet de tempore noto cui motus medius respondeat notus. Illud autem non potuit fieri per stationes stellarum, uelut antiquorum quidam fecere, scilicet ut arcum à stella pertransitum in tempore quod est inter duas stationes, diceremus esse medium motum huic tempori respondentem. Nam neque tempus illud satis præcise comprehendere potest, cum stella tempore notabili in uno pene loco manere uideatur, neque arcus huiusmodi inter duas stationes primas æquales sunt propter eccentricum. Per ortus etiam earum non erit uia. Stellæ enim primo apparentes, subito disparent, ita quod loca earum comprehendere nequeant. Atque aer ipse, ut nunc citius, nunc tardius appareant, occasio est.

¶ Præterea per considerationes ad stellæ fixas nihil efficietur. Licet enim in tempore noto planetarum aliquis ad stellam fixam rediens, arcum descripserit notum, tamen quia motus eius circa centrum mundi irregularis est, accidet forte quod hunc arcum, aut ei æqualem describet alias in tempore maiori aut minori. Non igitur comprehensus erit arcus medij motus. Illud denique non nihil erroris ingerit, quod stellæ apud Horizontem, & apud coelum medium non æqualiter inter se distare uidentur.

### PROPOSITIO IIII.

Nunc qua uia incedendum sit eligere.

¶ Obseruandum est, ut eorum aliquis à medio loco Solis certam habeat distantiam, & sit in parte Zodiaci nota secundum longitudinem. Deinde uero expectandum, donec planeta reuertetur ad eundem locum, & cum hoc eam quam prius à medio loco Solis distantiam habeat, hac conditione stante, certum est rediisse priores diuersitates, in epicyclo quidem propter eandem à loco Solis medio distantiam. Et in eccentrico quia ad locum, in quo prius erat centrum epicycli reuersum est. Sed notum erit tempus inter duas considerationes, & notus erit numerus reuolutionum in longitudine, & diuersitate. Nam in tribus superioribus numerus reuolutionum integrorum in diuersitate ad certum tempus æquantur numero reuolutionum Solis in eodem tempore, ut facile ex superioribus dictis elicies. In Venere autem, & Mercurio numerus reuolutionum longitudinis æquatur numero reuolutionum Solis, hi enim tres motus medios æquales habent, quoniam à Sole Venus, & Mercurius certos limites nunquam excedunt. Ceterum numerus reuolutionis Veneris, & Mercurij in diuersitate facile habebitur, si temporis unius reuolutionis huiusmodi prope uerum prius considerabimus. Reconditiones autem has uelut ex Abrachi didicit Ptolemæus, & recitat hoc ordine: Saturnus habet 57. reuolutiones diuersitatis in 59. annis Solaribus, die uno medietate & quarta diei ferè. Annum uero uocat tempus more suo, quo Sol ad



# NONVS.

ad punctum æquinoctij seu Solstitij reuertitur. In tempore autem dicto Saturnus habet reuolutiones longitudinis duas, & ultra has gr. 1. & 2. tertias, & medietatem decimæ unius gradus. Iupiter habet 65. reuolutiones diuersitatis in 71. annis Solaribus, demptis 4. diebus medietate & tertia, & 15. parte diei ferè. Reuolutiones autem longitudinis 6. demptis 4. gr. & medietate & tertia unius gradus. Mars habet reuolutiones diuersitatis 37. in 79. annis Solaribus, & tribus diebus, & sexta diei, & 10. parte diei ferè. Et reuolutiones longitudinis 42. & gradus tres, & sextam unius. In his tribus numerus reuolutionum in longitudine cum numero reuolutionum in diuersitate simul iuncti æquales sunt numero reuolutionum Solis. Venus habet quinque reuolutiones diuersitatis in 8. annis Solaribus, demptis duobus diebus, & quarta diei, & parte uicesima diei ferè. Reuolutiones uero longitudinis tot quot Sol, scilicet 8. demptis duobus gradibus & quarta unius. Mercurius habet 145. reuolutiones diuersitatis in 46. annis Solaribus, & die uno, & tricesima parte diei ferè. Et reuolutiones longitudinis 46. quot Sol, & partem unam.

## PROPOSITIO V.

Medios motus quinque stellarum errantium ad singulas temporum dimensiones elicere.

¶ Numerum annorum Solarium, quibus fuerit respondeant reuolutiones diuersitatis in dies conuerte, quibus adde dies qui ultra integros annos superfluunt cum fractionibus, si addendi sunt, aut minue, si minuendi. Numerum etiam reuolutionum huius temporis in 360. partes multiplica, & productum diuide per numerum dierum iam habitum cum fractionibus suis, & exibit motus diuersitatis medius uni diei naturali correspondens. Huius ad medium motum Solis in die differentia in tribus superioribus est motus medius in longitudine uni diei correspondens. Inuenit itaque Ptolemæus quantitates mediorum motuum in his quinque planetis, prout in hac tabella uides, ex qua facile est ad singula tempora medios motus tabulare.

### Medij motus Longitudinis in die.

	gr	m	2	3	4	5	6
Medius motus Saturni	0	2	0	33	31	28	51
Medius motus Iouis	0	4	59	14	26	46	31
Medius motus Martis	0	31	26	36	53	51	33
Medius motus Veneris	0	59	8	7	13	12	31
Medius motus Mercurij	0	59	8	17	13	12	31


### Medij motus Diuersitatis in die.

	gr	m	2	3	4	5	6
Medius motus Saturni	0	57	7	43	41	43	40
Medius motus Iouis	0	54	9	2	46	26	
Medius motus Martis	0	27	41	40	19	20	58
Medius motus Veneris	0	36	59	25	53	11	28
Medius motus Mercurij	3	6	24	6	59	35	50
	N ij		Proportio				

# LIBER

## PROPOSITIO VI.


Trium superiorum & Veneris diuersis motibus occasio-  
nes commodas adaptare.



¶ Tribus quidem superioribus, & Veneri quantum ad motus longitu-  
dinis una seruiet habitudo, quam in figura sic accipe. Sit circulus eccentricus  
a, b, g. super centro d. cuius diameter per centrum orbis signorū transiens  
sit a, d, g. in qua centrum orbis signorum sit e. unctus. Er t itaq; punctus a.  
longitudo eius longior, & pūctus g. longitudo propior, secūtaq; linea d, e. in  
puncto 3. sup eo secundū quantitātē a, d. describendo circulum h, t, k. æqua-  
lem circulo a, d, g. & super centro t. orbis reuolutionis circulū describo, qui  
sit circulus l, m. protracta linea l, t, m, d. Imaginemur autem superficies horū  
circularum omnium in superficie orbis signorum esse, propter facilitatē se-  
quentiū. n. Primum itaq; estimandum est, quod linea e, a. per longitudinem  
longiorem, & propiorem eccentrici transiens moueatur ad motū orbis stel-  
larum fixarum deferendo secum duo puncta 3. & d. Deinde quod superfi-  
cies orbis eccentrici h, t, k. qui defert orbem reuolutionū l, m. moueatur sem-  
per secundū successiōnē signorum super centro suo 3. non tam regulariter  
super eodē. sed super puncto d. Post quod epicyclus super cētro suo mouea-  
tur deferendo corpus planetæ, in superiori quidē medietate ad successiōnē  
signorū. n. in inferiori autē e contra. Huius tamen motus regularitas ad pun-  
ctum in summitate epicycli respectum habeat. Qui quidē punctus in linea  
per punctu n d. & centrū epicycli transeunte existit. Hoc itaq; pacto ei que  
per sensum comperta est diuersitati similis uidebitur euenire.

## PROPOSITIO VII.

Ad habitudines diuersorū motuū Mercurij congrue speculari.



¶ Describam primo circulū a, b, g super cuius centro d. motus Mercurij  
in longitudine regularis statuitur. Transeatq; linea recta per centrum d. &  
orbis signorum, & centrum e. quæ sit a, d, e, g. eritq; a. longitudo longior. hu-  
ius eccentrici, cuius nomen est equantis g. uero propior. Deinde ex d, a. acei-  
pio d, z. æqualem d, e. super centro 3. secundū quantitatem z, d. fiat circulus  
paruus, qui sit d, h. æstimandum itaq; erit, quod centrū circuli eccentrici de-  
ferentis epicyclum, moueatur contra successiōnem signorum des-  
cendendo circumferentiam huius parui circuli. ¶ Sit nunc igitur centrū eccentrici de-  
ferentis in h. puncto, super quo fiat circulus t, k. eccentricus deferens æqua-  
li circulo a, g. eccentrico equanti. Ducaq; linea z, h, t. angulo a, z, t. fiat æqua-  
lis a, d, k. super k. describā epicyclum l, m. Iam iterum, ut in ceteris, putemus  
lineam e, a. moueri ad motum stellarum fixarum, deferendo secū duo pun-  
cta d, & 3. punctaq; a. & g. scilicet longitudinē longiorem, & propiorem e-  
quantis. Punctum uero h. centrum deferentis epicyclū una cū lineā z, h, t.  
imaginemur moueri cōtra signorū successiōnē regulariter super centro 3. in  
anno Solari unā faciendō reuolutionē. Similiter eccentricū t, k. est m. en us n o  
ueri sup centro suo h. deferēdo centrū epicycli k. una cum lineā d, k, l. ad suc-  
cessiōnē signorū in anno itidē solari reditiōnē unā faciēdo. Fietq; motus cen-  
tri epicycli regularis sup centro d. Ideoq; circulo a, g. cuius d. est centrū. ne-  
mē equantis inditū est. Hinc manifestū erit, qd linea d, k, l. habens in se centrū  
epicycli, bis in anno solari obuiet lineæ z, h, t. habenti in se centrū eccentrici  
deferentis, una quidē uice sup lineā d, a. alia super d, g. qd semp dū centrum  
epicycli sit in auge eccentrici, centrū deferētis in auge parui circuli d, h. cōsistet.

Epicyclum



## NONVS.

¶ Epicyclum deniq; putemus circa centrum *k*. moueri, deferendo corpus Mercurij, in superiori quidem medietate ad successionem signorum, contra uero in inferiori. Motus tamen planetæ in epicyclo regularitatē sumat a puncto in summitate epicycli signato, quē indicat linea a centro æquantis per centrum epicycli ueniens. Hęc est ergo speculario motuū in his quinque erraticis, quæ quamobrem huiusmodi posita sit, inferiori loco pedetentim aperietur.

### PROPOSITIO VIII.

Centro epicycli æqualiter ab alterutra longitudinum eccentrici remoto, angulos diuersitatis qui propter eccentricum accidunt, eosq; maximos quibus in centro mundi existentibus semidiameter subtenditur epicycli æquales esse, unde apertum erit longitudes Veneris maximas a loco Solis medio, & contrarias æquales esse.

¶ Pingo propter hoc circulum eccentricum delatorem epicycli *a, b, g, d*. super centro *e*. cuius diameter per centrum mundi *z*. transiens sit *a, e, z, g*. in qua quidem diametro rescetur *e, h*. æqualis *e, z*, ut *h*. sit punctus ad quē motus regularitas attenditur a longitudo longior *g*. propior, sumptis angulis *a, h, b*. & *a, h, d*. æqualibus super cētris *b*. & *d*. statuos duos circulos æquales, epicyclum in duobus sitibus representantes, & producto a centro mundi duas lineas *z, b, z, d*. item duas *z, l, z, m*. epicyclum contingentes, item semidiametros epicycli *b, l*. & *d, m*. sit Venus in punctis *l* & *m*. Quibus sic dispositis, dico angulum *h, b, z*. æquari angulo *h, d, z*. itemq; *b, z, l* angulo *d, z, m*. Quia enim angulus *a, h, b*. æqualis politus est angulo *a, h, d*. erit linea *h, b*. æqualis *h, d*. Facta autem *h, z*. communi, per quartam primi Euclidis fiet *z, b*. æqualis *z, d*. & angulus *h, b, z*. æqualis angulo *h, d, z*. qui sunt anguli diuersitatis propter eccentricum accidentes. Deinceps quoniam anguli *l*. & *m*. sunt recti & linea *b, z*. æqualis *d, z*. linea quoq; *b, l*. æqualis *d, m*. fiet igitur ex penultima primi *l, z*. æqualis *z, m*. Inde per octauā primi angulus *b, z, l*. æqualis angulo *d, z, m*. qui sunt maximi ad hunc situm epicycli, & quilibet semidiameter epicycli subtenditur, quæ fuere demonstranda.


¶ Pro correlario autem sint *z, q*. & *z, p*. equidistantes duabus *h, b*. & *h, d*. ipse profecto per medium locum Solis, & Veneris transibunt. Fient autem duo anguli *b, z, q*. & *d, z, p*. inter se æquales, propter eorū coalternos æquales, quibus demptis ab angulis *b, z, l*. & *d, z, m*. æqualibus, relinquant *q, z, l*. æqualem *p, z, m*. Sed ipsi sunt duæ longitudes Veneris maxime a medio loco Solis, & contrarię ad hunc situm epicycli in eccentrico, & planetæ in epicyclo. Maxime quidem propter *z, l*. & *z, m*. contingentes epicyclum, contrarie uero q̄ una earū uespertina sit, alia matutina, quare patet propositio.

### PROPOSITIO IX.

In Mercurio quoq; idem indubitanter accidere.


¶ In linea recta *a, n*. punctus *a*. sit centrum orbis signorum *b*. centrum motus regularis *g*. uero punctus tantum a puncto *b*. distans, quantum *b*. ab *a*. Sit centrum parui circuli, cuius circumferentiam centrum eccentrici deferentis epicyclum describit, ponamq; epicyclū in duobus sitibus super cētris *d*. & *e*. sic quod productis lineis *d, b*. & *e, b*. fiāt *g, b, d*. & *g, b, e*. æquales.

N ij Ob





Ob hoc enim epicyclus æquales à longitudine longiori habebit distantias. Deinde à centro mundi quod est a. ducō duas lineas, quarum una sit a, l. alia a, m. contingentes epicyclum in l. & m. in quibus contactibus ad imaginationem putemus stellam esse. Ab a. quoque ductæ sint a, e. & a, d. & duæ semidiametri epicycli sint d, l. e. m. iam dico duos angulos a, d, b. & a, e, b. itemque duos d, a, l. & e, a, m. inter se æquales. Super puncto enim g. statuo angulum n, g, z. æqualem angulo g, b, d. posita g, z. equali g, b. similiter angulum n, g, h. æqualem angulo g, b, c. posita g, h. æquali g, b. ductisque lineis z, d. & h, e. plana nescit ex supradictis propter æqualitatem motuum in centri epicycli qui deinde super b. & centri eccentrici super g. in partes contrarias duo puncta z. & h. uices habere centri deferentis epicycli ad hos duos situs epicycli. Item z, g. continua a occurrat b, d. in o. similiter h, g. continuata occurrat b, e. in q. Denique à puncto z. descendat z, t. perpendicularis super b, d. & similiter ab h. descendat h, k. perpendicularis super b, e. Quia itaque duo anguli o, g, b. & g, b, c. sunt æquales duobus g, b, q. & q, g, b. lateri g, b. communi, erit angulus b, o, g. æqualis b, q, g. & b. æqualis b, q. similiter g, o. æqualis g, q. Et cum g, z. & g, h. sint semidiametri circuli parvi, tota z, o. æqualis erit toti h, q. Sed angulus z, o, t. æqualis est angulo h, q, k. & z, o, b. sit æqualis h, q, b. & angulus t. & k. sint recti, quare t, o. æqualis q, k. & perpendicularis z, t. æqualis perpendiculari h, k. ideoque b, t. æquabitur b, k. Item z, d. æqualis est h, e. quod utraq; sit semidiameter circuli eccentrici, & z, t. æqualis h, k. & angulus t. & k. recti, ideo d, t. æqualis erit e, k. quare tota b, d. æqualis toti b, e. & facta b, a. communis duobus angulis d, b, a. & e, b, a. æqualibus, fiet a, d. æqualis a, e. & angulus b, d, a. æqualis angulo b, e, a. qui sunt anguli diversitatis propter eccentricum accidentes. Deinde quia anguli l. & m. sunt recti & duæ lineæ a, d. & d, l. æquales duabus a, e. & e, m. fiet a, l. æqualis a, m. hinc angulus d, a, l. æqualis angulo e, a, m. qui sunt anguli maximi, quibus semidiametri epicycli subtenduntur ad hunc situm. Hinc autem sicut in Venere probabis duas longitudes Mercurij maximas à medio loco Solis esse æquales.




PROPOSITIO X.

Qualitatibus diuersi motus Mercurij cognoscendis uiam  
parare.

¶ Ad qualitatem diuersorum motuum Mercurij cognoscendam non erat uia, nisi primo locus longitudinis longioris aut propioris haberetur. Hic uero locus non nisi per duas elongationes maximas à medio loco Solis æquale: quidem, & contrarias inueniri potuit. Dū enim huiusmodi due elongationes reperte fuerint, & distantia locorum Solis mediorum dimidia fuit. Punctus med. us erit locus lōgitudinis aut lōgioris aut propioris.

¶ Verum non satis erit inuenisse generaliter huiusmodi diuersiones maximas æquales, & contrarias, scilicet quarum una sit uespertina, alia matutina, sed expediet ut ipse sint proprie & manifeste contrarie etatis, uolo dicere, ut una manifestum habeat augmentum, & alia manifestum decrementum. Erut illud planius fiat, in figura sit circulus eccentricus equantem motum centri epicycli a, b, g, d super centro e, cuius diameter a, c, z, g transeat per centrum mundi 3 lineam b, d, orthogonaliter secet lineam a, g, in puncto 3. erit ita p a, longitudo longior equantia g, uero propior, sed b, & d. longitudines mediæ, apud duo puncta a, & g. nulla est diuersitas quæ propter centrum





## NONVS.

centrum accidit. Apud b, autem & d. maxima sit, quod procedendo ab a, ad b. continue crescit angulus huius diuersitatis; à puncto uero b, a, g. continue decrescit, sed a, g. ad d. rursus crescit, & à puncto d. ad a. decrescit.

¶ Diuersitas autem quæ est propter epicyclum maxima, procedendo ab a. ad eum locum in quo epicyclus terræ propinquissimus est, continue crescit, ita ut secundum maiorem accellionem ad terram, maior sit illa diuersitas, & secundum minorem minor. Ponamus itaq; epicyclum in arcu a, b. circulum l, m. super centro k. ductis contingentibus z, l. z, m. & lineis e, k. k, l. k, m. Et z, n. æquidistante e, k. erit ex supradictis z, n. linea medij motus Solis, & l, z, n. elongatio matutina maxima à medio loco Solis ad hunc situm epicycli. Et angulus m, z, n. elongatio uespertina, & ad hunc modum in toto arcu a, b, g. elongatio matutina maxima constabit ex angulo diuersitatis eccentrici, & angulo diuersitatis maximæ epicycli. Longitudo uero uespertina maxima residuum erit post ablationem diuersitatis eccentrici ab angulo diuersitatis epicycli maximæ. Sed huius contrarij accidet in semicirculo g, d, a. precedente uero epicyclo uersus b. utriusq; diuersitatis angulus crescit, & propterea longitudo matutina manifestam habet causam cimenti sui. Vnde facile in hoc situ considerari potest longitudo matutina maxima. Longitudo uero uespertina incerti & dubij cimenti erit aut non manifesti. Licet enim angulus k, z, m. crescat, tamē cum hoc etiam angulus n, z, m. crescit, qui quidem demendus est ab angulo k, z, n. ut relinquatur longitudo uespertina. Accidet itaq; in certo loco arcus a, b. ut quantum addit decrementum anguli k, z, m. tantum ferē minuat angulus k, z, n. Incertum itaq; erit, quando planeta in hoc situ epicycli maximam habeat longitudinem uespertinam, imō in pluribus partibus sibi uicinis putabitur habere æquales longitudes uespertinas. Quamobrem inter longitudes maximas, quæ in arcu a, b. contingunt, matutina duntaxat nobis considerata censetur. In arcu uero b, g. quia diuersitas eccentrici decrescit, & diuersitas epicycli crescit, usq; quo ueniat epicyclus ad locū terræ nicinissimū. Et cū longitudo matutina ex his tunc completur, erit ipsa incerti cimenti. Quantum enim in certo loco huius arcus diuersitas epicycli crescit, tantum forte diuersitas eccentrici minuit. Longitudo aut uespertina, quia tunc relinquitur post subtractionem diuersitatis eccentrici à maxima diuersitate epicycli, & diuersitas eccentrici decrescit, alia uero tunc crescit, habebit angulus residuus post subtractionem duplicem causam cimenti sui. Ideoq; in hoc arcu longitudo uespertina sola obseruanda ueniet, & longitudo matutina non curanda. In arcu uero g, d. post locū maximæ accellionis centri epicycli ad terram, diuersitas ppter epicyclū decrescet, sed diuersitas eccentrici crescet, & longitudo matutina residuatur post subtractionem anguli diuersitatis eccentrici ab angulo diuersitatis epicycli. fiet elongatio matutina notabilis decrementi, uespertina incerti & dubij. In arcu deniq; d, a. ambæ diuersitates decrescūt, ex quibus longitudo uespertina consistit, quare ipsa uespertina elongatio manifesti erit decrementi, matutina aut incerti. Ad summam igitur longitudes matutina in arcu a, b. longitudinibus uespertinis in arcu a, d. recte contrariæ dicentur. Cū hæ manifesti cimenti, illæ uero manifesti decrementi sint. Vespertinae itidem in arcu b, g. ad locum centri epicycli, centro terræ uicinissimū matutinis in arcu g, d. a loco centri epicycli centro terræ uicinissimo contrariæ existunt, q̄ ille manifeste crescant, hæ uero manifeste decrescant. Reliquarū aut nullę merebuntur inter se dici contrariæ.



Licet enim contrarias secundum matutinum & uesperinum denominationes accipiant, tamen secundum crementum & decrementum minime. Ille uero quas contrarias recte diximus, instituto modo conducent. Duabus enim huiusmodi repertis, punctus medius inter duo loca Solis media certe locus erit longitudinis aut longioris aut propioris eccentrici Mercurij. Nam non possunt accidere hæ longitudines contrariæ æquales, nisi illud sit quod uolumus, ut locus longitudinis longioris aut propioris sit in medio.

## PROPOSITIO XI.

Longitudo longior Mercurij siue propior, qua in parte orbis signorum existat depromere.

¶ Duas ad hoc accipiamus considerationes Ptolemæi, in quibus maiores elongationes Mercurij à medio Solis æquales fuerunt, matutina scilicet & uespertina. Harum prima fuit in anno 16. Adriani 16. die mensis Phemini, transacta hora uespertina, Videbatur enim Mercurius descripsisse unum gradum Piscium, aptato instrumento per Aldebaran. Sol uero secundum cursum medium erat in 9. gr. medietate & quarta unius Aquarij. Longitudo itaque eius uespertina à loco Solis medio fuit 21. gr. 15. m.

¶ Alia consideratio fuit in anno 18. Adriani, 18. die mensis Achita transacta in mane diei deciminoni. Tunc enim per Aldebaran instrumento rectificato uidebatur in 18. gr. medietate & quarta Tauri, & erat Sol per medium cursum in 10. gr. Geminorum. Fuit igitur longitudo matutina maxima 21. partes, & 15. m. Differentia autem duorum ineriorum motuum Solis fuit, 120. gr. 15. m. cuius medietatem si adiecerimus ad 9. gr. 45. m. Aquarij, uenient 10. gr. Arietis, excepta octaua parte unius gradus, quare diameter eccentrici per longitudinem longiorem transiens, secuit orbem signorum in 9. gr. 53. m. Arietis, cuius petebatur cognitio.

¶ Idem quoque per alias duas considerationes Ptolemæi exhibet. Quarum prima fuit in anno primo annorum Antonij pij, 20. diebus mensis ægyptiorum Achita transactis cuius mane fuit dies 21. hora quidem uespertina rectificato instrumento, per stellam cordis Leonis, inuenit Mercurium in maxima longitudine uespertina in 7. gr. Cancræ, Sole secundum cursum medium existente in 10. gr. 10. m. Geminorum. Erat itaque longitudo Mercurij à medio loco Solis maxima 26. gr. 30. m.

¶ Altera harum fuit in quarto anno Antonij 18. diebus mensis Phemini transactis, in mane diei deciminoni. Tunc enim rectificato instrumento per stellam Anchus, quæ cor Scorpionis creditur, reperit Mercurium in 13. gr. 30. m. Capricorni, Sole per cursum medium in 10. gr. Aquarij existente. Exiit itaque longitudo 26. gr. 30. m. Differentia autem duorum mediorum locorum Solis fuit 120. gr. 30. m. Cuius medietas adiecta Solis loco medio primæ considerationis, proueniunt 10. gradus, 15. m. Leonis. Per hunc itaque locum diametrum eccentrici per ambas longitudes transiens, rein opus est procedere.

## PROPOSITIO XII.

Longitudinem longiorem eccentrici atque propiorem quemadmodum stellas fixas moueri.

¶ Ex considerationibus Ptolemæi, & eorum qui ipsum præcesserunt, concludere



## NONVS.

concludere illud hoc pacto conabimur. In anno 23. quemadmodū scripsit Dionysius Ptolemæo referente 21. die transacto mensis Idis, uidebatur Mercurius apud stellam uehementer lucidam, quæ est orientalis in Capricorno, distans ab eadem quantitate diametrorū luminarium septentrionem uersus. Tunc autem ut numerauit Ptolemæus, hæc stella fuit in 22. gr. & tertia Capricorni. Fuit em̄ in anno 486. Nabucho, 17. die mensis Tangut ægyptij transacto, in matutino diei, 18. Sole secundum cursum mediū in 18. gr. Aquarij & sexta existente. Ideo longitudo maior matutina à Solis medio loco fuit 25. gr. & medietas & tertia. Huic autē longitudinē Ptolemæus ex antiquis comparem ex duabus tamen elicuit hoc modo. In anno prædicto 23. ut scripsit Dionysius, die quarto mensis Thatertum, in hora noctis prima, fuit linea quæ transit super duos cornua Tauri diminuta à loco Mercurij trium diametrorū luminarium quantitate, & æstimabat q̄ in transitu eius longitudo ad meridiē fuit maior tribus diametris luminaribus donec locus eius, secundū q̄ Ptolemæus numerauit, esset in 23. gr. & duabus tertijs Tauri. Nam fuit in anno Nabucho. 486. in mense Pheminit, in uespertino diei primi eius Sole secundū cursum mediū in 29 gr. 30. m̄. Arietis existente. Ideoq̄ longitudo uespertina Mercurij à loco Solis medio fuit 24. gr. 10. m̄. Item, ut scripsit Dionysius in anno eius 29. die septima mensis geminalis, uisa fuit stella mercurij obuia capitibus geminorū, meridionalior quidem capite gemini sequentis secundū quantitatē tertiæ partis diametri Lunæ. Et uidebat distare ab eodē capite paulominus duplo eius q̄ est inter duo capita. Et quia caput gemini sequentis secundū numerationē Ptolemæi tunc erat in 22. gr. 40. m̄. geminorū, elicitus est Mercurius uideri in 29. gr. 20. m̄. Geini. Et consideratio fuit in anno 491. Nabucho, 5. diebus transactis mensis Phormite, hora noctis prima. Sole secundū mediū cursum in 2 gr. 50. m̄. Gemi. existente, quare longitudo uespertina Mercurij à loco Solis medio fuit 26. gr. 30. m̄. ¶ Præterea differentia mediorū locorum Solis in his duabus considerationibus fuit 33. gr. 20. m̄. Sed differentia longitudinum uespertinarū 2. gr. 20. m̄. Differentia autē longitudinis, cui cōparem quærimus, supra longitudinē primam harū considerationū est unus gr. 40. m̄. Accipienda est itaq̄ pars p̄portionalis ex 23. gr. 20. m̄. secundū p̄portionem 1. gr. 40. m̄. ad 2. gr. 20. m̄. Ipsa autē prouenit ferē 24. gr. addendi ad locum Solis medium primæ considerationis, scilicet 29. gr. 30. m̄. Arietis, p̄dibuntq̄ 23. gr. 30. m̄. Tauri. In quo quidem loco Sole existente, fit longitudo Mercurij uespertina maxima 25. gr. 50. m̄. Reperta est igitur compar longitudo primæ, in q̄bus differentia locorū Solis mediorū 95. gr. 20. m̄. cuius medietas est 47. gr. 40. m̄. adiecto loco Solis primæ considerationis, qui fuit 18. gr. 10. m̄. Aquarij, producit 5 gr. 50. m̄. Arietis. Linea ergo per centrū mundi, & longitudinē longiorem & propiorem ecentrici Mercurij transiens hoc tempore fuit in 6. gr. Arietis, quæ p̄ obseruationes prædictas Ptolemæi uenit ad 10. Arietis. Et quia inter has Dionysij & Ptolemæi considerationes fuere, 400. anni ferē, constabit hāc lineam motam esse in 400. annis ferē p̄ gr. 4. quare in 100. annis mota fuit p̄ gr. 1. ferē, sed & in Tauro in tanto tempore tantus stellarum fixarum motus suo in loco, ut per Ptolemæum prædicabatur, quare apertum est q̄ intendimus.

### PROPOSITIO XIII.

Ampliori obseruationum testimonio idem confirmare.

Dionysius

## LIBER

¶ Dionysius ille, quemadmodum scripsit Abrachis in anno 24. 18. diebus transactis mensis Leonum, considerauit Mercurium hora uespertina præcedere spicam, scilicet contra successionem signorum plus tribus gradibus parum. Et ideo secundum Ptolemæi considerationem & numerationem Mercurius erat in 19. gr. 30. m. Virginis. Fuit aut hæc consideratio in anno Nabucho. 486. 30. die mensis decimi Benn. Ideo Sol secundum numerationem per medium cursum fuit in 27. gr. 50. m. Leonis, quare longitudo uespertina à loco Solis medio fuit 21. gr. 40. m. Huic uero longitudini uespertine non reperit Ptolemæus matutinalē comparem in scriptis antiquorum. Elicuit tamen ea n ex duabus alijs, quemadmodum in præmissa factum est. In anno namq 75. Chaldeorum, 4. die mensis postremi Tifim, uisus est Mercurius apud stellam orientalem, quæ est supra lancem Libræ meridionalem. Erat aut hæc stella distans à Mercurio in latitudine quidem per cubitum & dimidiū, & locus eius in 14. gr. 10. m. Libræ. Fuit autem consideratio hæc in anno 512. annorū Nabucho, 9. diebus mensis Thus transactis, in matutino diei decimi, Sole secundum medium cursum in 5 gr. 10. m. Scorpij existente. Ideoq longitudo matutina à medio Solis fuit 21. gr. Item in anno 67. Chaldeorū 5. diebus mensis Cheus primi transactis, uidebatur Mercurius apud stellam orientalem & septentrionalē, quæ est in fronte Scorpij, cuius quidem tunc locus fuit secundum computationem Ptolemæi in 2. gr. 20. m. Scorpij. Sed hæc consideratio fuit in anno Nabucho. 504. 27. diebus mensis Thus transactis, in mane diei 28. Sole secundum medium cursum in 24. gr. 50. m. Scorpij existente. Ideo longitudo Mercurij matutina à medio loco Solis fuit 22. g. & mediætas. Habemus itaq duas longitudoines matutinas, Vnam 21. gr. Solē secundum cursum mediū in 5. gr. 10. m. Scorpij existente. Aliam 22. gr. 30. m. Solē secundum cursum mediū in 24. gr. 50. m. Scorpij. Quærimus igit quo in loco cursus medius Solis existat, dū matutina longitudo sit 21. gr. 40. m. q̄ ita facimus. Differentia locorū Solis mediorū est 19. gr. 40. m. Differentia aut longitudinum matutinalium dictarū est, 1. gr. 30. m. Sed differentia primæ longitudinis matutinalis, & eius cuius locus quæritur, est 40. m. Sumatur ergo de 19. gr. 40. m. pars proportionalis secundum proportionem 40. m. ad 1. gr. 30. m. ipsa est 8 gr. 45. m. ferè. Pro quibus, quia modicū interest, sumpsit Ptolemæus 9. gr. quibus adiectis ad locū Solis medium primæ longitudinis exhibunt 4. gr. 10. m. Scorpij. Solē igitur secundum medium cursum in 14. gr. 10. m. Scorpij existente, sit longitudo matutina maxima 21. gr. 40. m. quæ est compar longitudini uespertinæ, quæ sit Solē secundum cursum mediū in 27. gr. 50. m. Leonis existente. Inter harū longitudinū media loca Solis distantia est 76. gr. 20. m. Ideo punctus medius inter ea est 6. gr. Libræ. Hoc igitur tempore longitudinis longioris & ppioris lineæ eccentrici Mercurij transit p sex gradus Arietis atq per sex gradus Libræ. Sed tēpore Ptolemæi repperta fuit in 10. gr. Arietis & Libræ. Non dubium ergo quin tempore meglio, q̄ est 400. annorū, ad 4. gradus mota sit, & tantundē sententia quidē Ptolemæi stellas fixas moueri constat. Quare per hæc & similia in cæteris stellis errantibus iudicia æstimari cogimur, quod longitudoines longiores & propiores ad motum stellarum fixarum colligantiam habeant.

### PROPOSITIO XIII.

Qua in parte orbis signorum longitudo Mercurij longior sit experiri.

Duæ



NONVS.

A geometric diagram illustrating a construction. It features two circles, labeled A (top) and G (bottom). A vertical line passes through the centers of both circles. A diagonal line intersects the upper circle at point D and the lower circle at point E. Point B is located on the vertical line between the two circles, and point Z is located below point B on the same vertical line. A line segment connects the center of circle A to point D. Another line segment connects the center of circle G to point E.

PROPOSITIO XV.

PRŌPŌSITIŌ XVI.

PRŌPŌSITIŌ XVI.

¶ Ex considerationibus Ptolemæi superius in 11. huius recitatis id acci-  
pere. In quibus distantia centri epicycli utrinq; à longitudine longiori fuit  
quatuor signorū ferè. In ea namq; quæ fuit in anno 15. Adriani, Sole secun-  
dum cursum mediū in 10. gr. aquarij ferè existente, lōgitudo uespertina fuit  
21. gr. 15. m. Item in consideratione, quæ fuit in anno quarto Antonij, Sole  
& Mercurio secundū cursum mediū iterum in 10. gr. Aquarij existētibus,  
inuenta fuit longitudo matutina 26. gr. 30. m. Aggregatis aut̃ his duabus  
longitudinibus




## LIBER

longitudinibus ueniunt 47. gr. 45. m. tanto arcui subtenditur epicyclus in hoc situ, dum scilicet à longitudine 4. signis distat Idem per alias & ad situm epicycli alium elicies. In anno enim 18. Adriani, Sole secundum medium cursum existente, in 10. gr. Geminorum inuenta fuit longitudo matutina 21. gr. 15. m. In anno uero Antonij primo, Sole iterum per cursum medium in 10. gr. Geminorum existente longitudo uespertina reperta fuit 26. gr. 30. m. quibus quoque longitudinibus collectis 47. gr. 45. m. proueniunt, & tanto arcui subtenditur epicyclus in hoc situ. Verum longitudo uespertina à loco Solis medio in longitudine propiori reperta fuit 23. gr. 15. m. cui æqualem longitudinem matutinam in eodem loco fieri manifestum est. Duplatis igitur 23. gr. 15. m. ueniunt 46. gr. 30. m. quibus subtenditur epicyclus in longitudine propiori existens. Constat igitur uiciniorum centro mundi esse epicyclum à longitudine longiori per quatuor signa distantem, quàm in longitudine propiori constitutum. Propter hanc enim causam arcum maiorem de cœlo occupat, quare in figura superiori punctum z. non esse eccentrici, sed erat punctus æqualiter à centro epicycli in longitudine propiori & eius opposito constituto elongatus. Centrum autem epicycli à centro eccentrici ipsum deferente, inuariabilem habet distantiam, à puncto uero z. uariabilem. Oportet ut centrum eccentrici deferentis epicycli mobile sit, & in tempore quo epicyclus motus est à longitudine longiori ad eius oppositum, centrum eccentrici descripsit arcum semicirculi parui contra successionem signorum, cuius centrum fuit punctus z. Sic autem accidere potuit maior epicycli ad terram uicinitas in distantia 4. signorum à longitudine longiori, quàm in longitudine propiori.

PROPOSITIO XVII.

Punctum cuius respectu Mercurius regularem longitudinis habet motum determinare.

¶ Duabus ad hoc peruenimus considerationibus longitudinum mas-  
gnarum, quarum utraq; sit in eodem loco à longitudine longiori. Et ut fa-  
cilius fiat opus, sit in utraq; longitudinum distantia epicycli secundum me-  
dium cursum à longitudine longiori per tria signa cōmunia uersus eandē  
partem. Primam accipiamus quæ fuit in anno 14. Adriani 18. die mensis  
Mesre, duodecimi ægyptiorum completo, hora uestpertina, Taione consi-  
derante Mercurium distantiore à principio Leonis in 3. gr. 50. minut.  
quemadmodum refert Ptolemæus, q̃ ipsum cor Leonis, fuit itaq; Mercu-  
rius secundum numerationem Ptolemæi in sexto gradu 20. m. Leonis.  
Sole secundum cursum medium in 10. gr. 5. m. Cancrī existente. Quare  
longitudo uestpertina relinquebatur 26. partes, 15. m. Alia fuit considera-  
tio Ptolemæi in anno 20. Antonij, 21. die mensis Mesre duodecimi ægy-  
ptiorum in matutino, in quo uidebatur Mercurius armillis rectificatis per  
Aldebaran in 20. partibus, 5. m. Geminorū, Sole per medium cursum in  
10. gradu 20. m. Cancrī constituto. Fuit igitur longitudo 20. gr. 15. m.  
Sic aggregatum ex ambabus longitudinibus maioribus erat 46. gradus,  
30. m. ¶ Nunc propositi habendi gratia, sit linea transiens per longitu-  
dinem longiorem & propiorem a, g. in qua punctus b. centrum mundi, &  
punctus z. centrum parui circuli. Huius quidem lineæ pars b, a. transeat  
per 10. gr. Libræ, q̃ ibi sit longitudo longior, b. uero per 10. gr. Arietis.  
Deinde





## NONVS.

Deinde à puncto b, erigatur b, m, perpendicularis super a, g, quæ erit linea mediij motus Solis in his duabus considerationibus. Sitq; circulus epicycli k, l, super centro e, descriptus, quem contingant b, k, & b, l, in punctis k, & l, ductis duabus semidiamentis e, k, & e, l, à puncto e, ad lineam a, g, demitto perpendicularem e, h, & continuabo e, cum b, linea e, b, erit itaq; punctus h, quem quærimus, cum linea b, m, supponatur etiam mediij motus Mercurij. Quia autem aggregatum ex duabus longitudinibus maioribus est notum, erit medietas eius nota, & est angulus e, b, l. Et erit proportio e, l, ad e, b, nota, cum angulus l, sit rectus. Item dempto angulo e, b, m, longitudinis matutine noto, ab angulo e, b, l, manebit angulus e, b, m, notus, cui æquatur angulus b, e, h, propter linearum h, e, b, m, æquidistantiam. Et quoniam angulus h, est rectus, erit proportio e, b, ad b, h, nota. Sed iam nota fuit proportio e, b, ad b, l, quare etiam proportio e, l, semidiamentri circuli epicycli ad b, h, nota dabitur. Sed superius erat proportio e, l, ad z, b, nota, erit igitur proportio z, b, ad b, h, nota. Sic Ptolemæus in partibus quibus inuenit z, b, esse 10. partes, & 15. m, reperit b, h, fore 5. partes 12. m, Ideoq; punctus h, ferè in medio est inter z, & b, quod fuit ostendendum. Tu uero non credas necessarium esse, ut in ambabus huiusmodi considerationibus medius locus Mercurij distet à longitudine longiori per quartam circuli, imò potes accipere distantiam ad libitum quantum libet, Huius tamen executionem, quia plana est, missam facio.


### PROPOSITIO XVIII.

Quantum circulus centrum reuoluens ecentrici semidiameterum habeat absoluerè.

¶ Manente priorifiguratione, à puncto z, educatur uersus sinistram perpendicularis ad lineam a, g, quæ sit z, n, æqualis lineæ z, a, ita quòd utraq; earum ex semidiametro ecentrici, & semidiametro parui circuli constet. Dum autem centrum epicycli in e, puncto fuerit, erit propter motuum similitudinem, & in contrarias positiones centrum ecentrici in linea z, n. Sit igitur ipsum centrum ecentrici punctus m, quæritur itaq; linea z, m, hoc pacto. Angulus m, z, h, est rectus, & angulus e, z, h, à recto parum differens, quare duæ lineæ n, z, & z, e, ferè directe sibi coniunctæ sunt ex una linea. Ex 15. autem huius a, z, respectu semidiamentri epicycli reddebatur cognita, fuit enim a, z, 109. partes 35. mi, & semidiameter epicycli 39. partes 9. mi, quare z, n, nota. Sed ex præcedenti nota fuit b, e, eodem respectu, cui æqualis est z, e, quare n, z, e, tanquam recta est nota, & eius medietas n, m, sine m, z, e, nota, & hæc est semidiameter ecentrici, dempta igitur m, n, ex n, z, relinquatur m, z, nota, & æqualis ferè lineæ z, h, cuius petebatur scientia.

¶ Quod si præcisius eniti uoles omnia ut in hac figura, lineas n, e, & m, e, rectas producito, & quia ex præcedenti linea b, h, ex suis suppositis præcisè reperta fuit respectu lineæ b, z, mansit etiam linea h, z, nota præcisè. Sed e, h, nota erit propter lineas e, b, & b, h, notas, & angulum h, rectum. Similiter e, z, fiet cognita & angulus e, z, h, notus, unde totus angulus e, z, n, sciendus ueniet. Sed trianguli z, e, n, duo latera n, z, & z, e, iam nota sunt, & angulus quem ipsa continent, quare angulus z, n, e, cognitus erit, qui æqualis est angulo m, e, n, cum utraq; linearum n, m, & m, e, sit semidiametro ecentrici æqualis. Erit itaq; angulus z, m, e, extrinsecus cognitus. Triangulus itaq;

O z, e, m,



## LIBER

z, e, m. tres angulos habet notos, quare laterum proportionēs notæ erunt. Sed erat z, e. nota respectu semidiametri epicycli, aut respectu lineæ z, b. quare m, z. respectu eodem nota erit, quare &c.

### PROPOSITIO XIX.

**Ad semidiametrum eccentrici omnes lineas reliquas certis sub proportionibus referre.**


¶ Ponatur pro libito semidiameter eccentrici quolibet partium ut 60. more Ptolemæi. Cum autem proportio semidiametri epicycli ad lineam n, z. inuenta sit ex 15. huius, & proportio n, z. ad n, m. semidiametrum ex præcedenti pateat, erit proportio semidiametri epicycli ad semidiametrum eccentrici in partibus quibuscunque nota, quare etiam epicycli semidiametri, in partibus semidiametri eccentrici ad libitum positis nota erit proportio. Item ex 17. & præcedente, proportio semidiametri epicycli ad lineam b, h. & ad semidiametrum parui circuli elicitæ est. Sed & b, h. ad h, z. nota concludebatur. Iam uero proportio semidiametri eccentrici ad semidiametrum epicycli nota est, quare exhibunt proportionēs semidiametri eccentrici ad lineam b, h. & m, z. notæ, quod quidem intendebatur. Inuenit autem Ptolemæus, ponendo semidiametrum eccentrici 60. partium, semidiametrum epicycli 22. partium, & 30. mi. & unamquamque linearum b, h, h, z. & m, z. trium partium.

### PROPOSITIO XX.

**Ea quæ de motibus Mercurij, & linearum proportionibus conclusa sunt, an experimentis concordent uisualibus attentare.**

¶ Superius in quintadecima huius reperimus per binas observationes longitudinum maiorum Mercurij, quod eo per medium cursum à longitudine eccentrici longiore distantiam 4. signorum communium habente, aggregatum ex duabus longitudinibus magnis, matutina scilicet, & uesperina sit 47. gra. 45. mi. ferè. Si igitur per numerationem suppositis proportionibus linearum, & ceteris ante hac conclusis, idem concorditer inueniemus, fidem habebimus omnibus iam inuentis. ¶ Huius itaq; gratia sit linea a, e. transiens per longitudinem longiorem eccentrici, & propiorem, & sit à longitudo longior ex parte libræ, è uero propior ex parte arietis. In hac linea d. sit centrum mundi, g. uero centrum motus æqualis, & b. centrū parui circuli. Sitq; angulus a, g, z. quatuor signorum communium, scilicet 20. graduū, ut quatuor recti sunt 360. & super centro z. deferbo epicycli circulum t, k. ductis duabus rectis eum contingentibus lineis d, t. & d, k. puncta uero contractuum centro epicycli copulabo per lineas t, z. & k, z. Centrum autem epicycli cum centro mundi continuabo per lineam d, z. faciam quoq; angulum a, b, h. æqualem angulo a, g, z. & lineam b, h. semidiametrum parui circuli æqualem b, g. continuando duo puncta h. & g. per lineam h, g. Deinde à puncto d. ad lineam g, z. demittam perpendicularem d, l. Quibus sic aptatis, inquiram angulum t, d, k. qui aggregat duas longitudines Mercurij magnas. In hoc situ epicycli, quia angulus a, b, h. æqualis est angulo a, g, z. & linea b, h. semidiameter parui circuli, erit propter motuum similitudinem punctus h. centrum eccentrici. Angulus autem h, b, g. est

tertia





## NONVS.

tertia pars duorum rectorum, cum angulus  $a, b, h$ . sit duæ tertiæ duorum rectorum, quare duo anguli  $h, b, g.$  &  $b, g, h.$  æquales, equantur duabus tertijs duorum rectorum. Et ideo unusquisque eorum erit tertia pars duorum rectorum, & erit triangulus  $b, g, h.$  æquilaterus, & æquiangulus, & angulus  $b, g, h$  æqualis angulo  $d, g, z.$  quare duæ lineæ  $h, g.$  &  $g, z.$  sibi directe coniunctæ sunt, & linea una, erit igitur linea  $h, z.$  semidiameter eccentrici. Deinde quia triangulus  $g, d, l.$  notorum est angulorum, erit  $d, l.$  nota respectu  $d, g.$  & similiter  $g, l.$  eodem respectu, unde tota linea  $h, l.$  nota, & residua de semidiametro eccentrici  $l, z.$  nota. Et quia linea  $d, l.$  est nota, erit  $d, z.$  nota respectu semidiametri eccentrici  $h, z.$  Sed eodem respectu  $z, t.$  nota est, & angulus  $t, rectus$ , quare angulus  $z, d, t.$  notus, & duplus ad eum angulus  $t, d, k.$  Facta igitur diligenti numeratione, exhibit angulus  $t, d, k.$  47. partium 45. m. ferè, ut quatuor recti sunt 360. partes. Tantus etiam experimento uisuali comperitur hic angulus, quod quidem hæcenus attentauimus.


¶ Quod si ludendo te oblectare uelis, poteris ad cetera loca, in quibus maxime longitudines consideratas habes, numeros tuos aptare, ut maiorem certitudinem habeas de proportionibus linearum superius inuentis. Si enim numerus observationi respondebit: haud dubium, quin occasiones diuersitatibus motuum Mercurij expedite inuenerimus.

### PROPOSITIO XXI.

Quòd maior sit epicycli ad terram uicinitas, dum à longitudine longiori quatuor signis communibus distet, quam dum in longitudine propiori eccentrici fuerit, geometricæ demonstrare.

¶ Sit linea  $a, e.$  transiens per longitudinem longiorem, & propriorem æquantis, in qua punctus  $d.$  centrum mundi  $g.$  centrum motus æqualis, &  $b.$  parui circuli,  $f.$  uero punctus in quo est centrum eccentrici epicyclo in longitudine longiori existente. Iamque contra successionem signorum descriperit semicirculū, ita quod sit in  $g.$  puncto, super quo tanquam centro describatur circulus  $a, e.$  uice eccentrici epicyclum deferentis. Propter similitudinem autem motuum erit centrum epicycli in  $e.$  puncto. Deinde statuatur angulus  $a, g, z.$  120. gra. ut quatuor anguli sint 360. gr. & in linea  $g, z.$  sit punctus  $z.$  centrum epicycli à longitudine longiori per 120 gra. distans. Angulo quoque  $a, g, z.$  ponatur æqualis  $a, b, h.$  & linea  $b, h.$  æqualis  $b, g.$  siue  $b, f.$  duæ ita lineæ  $g, h.$  erit itaque unusquisque angulorum  $b, g, h.$  &  $b, h, g.$  tertia pars duorum rectorum, & triangulus  $b, h, g.$  æquilaterus, cum duo latera  $b, h.$  &  $b, g.$  sint æqualia, & angulus  $h, b, g.$  tertia pars duorum rectorum. Sed & angulus  $d, g, z.$  est tertia pars duorum rectorum, quare duæ lineæ  $h, g.$  &  $g, z.$  sibi directe coniunctæ sunt ex una linea. Et quia  $h.$  est centrum eccentrici, & epicycli centrum ponebatur in  $z.$  erit  $h, z.$  semidiameter eccentrici, æqualis quidem  $g, e.$  Ablatis autem  $h, g.$  &  $g, d.$  æqualibus, manebit  $g, z.$  æqualis  $d, e.$  Item ex 19. huius linea  $g, d.$  est tres partes, & totidem  $g, h.$  ut tota  $h, z.$  est 60. partes, erit ergo  $g, z.$  57. partes, quare angulus  $g, d, z.$  maior est angulo  $g, z, d.$  Sed duo anguli dicti æquantur duabus tertijs duorum rectorum, ergo angulus  $g, d, z.$  est maior tertia parte duorum rectorum, unde maior erit angulo  $d, g, z.$  Et ideo linea  $g, z.$  longior linea  $d, z.$  Sed erat  $d, e.$  æqualis  $g, z.$  quare  $d, e.$  longior est  $d, z.$  Vtraque autem harum est distantia centri epi-

O ij cycli



## LIBER


cycli à centro mundi, linea quidem d, z, dum centrum epicycli distat à longitude longiori per quatuor signa communia d, e, uero dum est in opposito augis eccentrici. Constat igitur propositum.

PROPOSITIO XXII.

Motum medium argumenti Mercurij certum reddere.

¶ Superius ex quarta & quinta elicimus huiusmodi motum medium suo tempori quantolibet. Et quia considerationes quibus numeri reuolutio num temporum fortasse reperti sunt, grossę fuerunt, & non satis exactę, dubia fides habetur earum recitationi. Id igitur certius reddituri, hoc pacto procedemus per unam considerationem, quemadmodum infra uidebitur. Considerabimus distantia, siqua sit, planetę a longitudine longiori media epicycli, & per aliam considerationem similiter. Quod si differentiam locorum planetę in epicyclo hoc ingenio compertā ei motui argumenti medio, qui per tabulas iam effectas tempori inter considerationes medianti, qualem uidebimus, satis est. Si uero non, excessum per dies illius temporis distribuemus, & portionem unius diei motui medio per tabulas inuento adijciemus, si addenda fuerit. Aut minuemus si minuenda. Addenda autem erit, dum motus per cōsiderationes inuentus motu per quartā & quintam huius inuento maior fuerit. Minuenda autem si e contra. Vnam autem considerationem, quę proposito conducet nostro, fecit Ptolemęus in anno 20. Antonij, duobus diebus mēsis Achita undecimi transactis uespere quidem, instrumēto per stellam cordis Leonis rectificato. Reperit enim Mercurium in 17. gra. 30. mi. geminorum, quoniam locus eius super locum Lunę uisum addidit gra. 1. mi. 10. Fuit autem hęc consideratio ante medietatem noctis in Alexādria, quatuor horis æqualibus, & medietate horę, dum in medio cœli esset, ut docuit instrumentum 12. gr. uirginis, & Sol per cursum medium in 22. partibus 34. mi. Tauri.

¶ Nunc in figura sit linea transiens per longitudinem longiorem, & propiorem Mercurij a, b, g, d, e. in qua sit a, longitudo longior, e, uero propior d, centrum mundi, g, centrum motus æqualis, b, centrum parui circuli. Sitq; epicyclus descriptus super centro z, & produco lineam d, z, quidem in k summitatē siue augem epicycli ueram g, z, uero in punctum t, quem uocant augem epicycli mediam, planeta ipse, quemadmodum in hac consideratione cecedit in puncto l. situetur, quem continuabo cū duobus pñctis d, & z, per lineas l, d, & l, z, ducta perpendiculari z, s, constituo deniq; angulū h, b, g, æqualem angulo d, g, z, & lineam b, h æquale b, g, ductis duabus lineis h, g, & h, z, iam quærendus est arcus t, l, per quē planeta distat longitudo longiori media epicycli. Quia autē triāguli g, b, h, angulus g, b, l, notus est, quoniam æqualis est angulo d, g, z, propter locum longitudinis longioris, & locum Solis medium noto. Sed duo anguli b, g, h, & b, h, g, sunt æquales, propter latera b, g, & b, h, æqualia, erit ergo unusquisq; eorum notus, & proportio lineæ h, g, ad b, g, nota. Est autem b, g, respectu semidiametri eccentrici nota, quare & h, g, respectu eodem cognita. Sed propter angulum b, g, h, notum, fit angulus h, g, z, trianguli h, g, z, notus, & proportio h, z, semidiametri eccentrici ad h, g, iam nota est, unde proportio l, neæ h, z, ad g, z, nota erit, quare g, z, nota. Triangulus itaq; d, g, z, duo latera d, g, & g, z, habet nota, & angulum d, g, z, notum, unde linea d, z, respectu aliarum nota fiet, & angulus






NONVS.

angulus d, g, z. notus, cui contra positus t, z, k. quocq notus erit, & arcus t, k. notus, similiter angulus g, d, z. habebitur notus. Item locus planetæ uerus obfervatione compræhensus est, & longitudinis propioris locus est notus, fit ergo angulus e, d, l. notus. Sed & angulus e, d, z. cognitus est, relinquitur ergo angulus z, d, l. notus, triangulus itaq d, z, l. duo latera d, z. & z, l. nota habet, & angulum z, d, l. fit ob hoc angulus z, d, l. cognitus. Est autem angulus k, z, l. æqualis duobus z, d, l. & z, l. d. iam cognitis, quare ipse notus erit, & arcus k, l. qui ei subtenditur numeratus, cui li arcum t, k. ante hac notum adiecerimus, colligemus tandem totum arcum t, l. cognitum, quem quærebamus. ¶ Alia confideratio ad Mercurium fuit in anno 21. quemadmodum fcripfit Dionyfius, referente Ptolemæo 22. diebus tranfactis de mense Alatrabi. Et fuit illud anno Nabuchodonofaris 486. tranfactis 18. diebus mensis Thoch; in mane diei deciminoni. Videbatur enim Mercurius fplendidus fecundum fignorum fucceffionem remotus à linea quæ tranfit per ftellam feptentrionalem in fronte Scorpionis, & per ftellam mediam quæ in fronte eius eft, quantitate diametri Lunæ. Diffabat autem à ftella feptentrionali in fronte Mercurius uerfus feptentrionem quantitate duarum diametrorum luminarium. Coniectura itaq dabit firma ipfum fuiffe in 3. gr. 20. mi. Scorpionis: Sole per medium curfum tunc exiftente in 20. gr. 50. mi. Scorpionis. Et non erat tunc Mercurius in longitudine maxima à loco Solis, quoniam poft quatuor dies, fcilicet die 26. mensis Alatrabi uidebatur diffare à dicta linea quantitate diametri Lunæ, & medietate eiuſdem. In his autem quatuor diebus motus Solis medius auctus eft fere per 4. gr. & motus planetæ per medietatem diametri Lunæ diutaxat.

¶ Nunc autem eliciamus locum eius in epicyclo. Sit in linea a, e. punctus a. longitudo longior, & e. propior d. centrum mundi g. centrum motus æqualis, & b. centrum parui circuli. Sitq; epicyclus super centro z. descriptus, ductis lineis z, d, z, g, z, h, z, g. autem linea secet circumferentiam epicycli in inferiori parte super puncto k. & sit locus planetæ in epicyclo secundum quod consideratio fuerit punctus l. quem continuabo cum centro epicycli, & centro mundi per lineas l, z & l, d. Deinde statuam angulum a, b, h. æqualem angulo a, g, z. & lineam b, h. æqualem lineæ b, g. producta linea h, z. & linea h, g. quia itaq; angulus a, b, h. notus est, quoniam æqualis angulo a, g, z. propter medium locū solis, & longitudinem longiorem noto, & duo anguli b, h, g. & b, g, h. sunt æquales, erit unusquisq; eorum notus, & linea h, g. nota respectu b, g. Sed & notus est angulus a, g, z. quare totus angulus h, g, z. trianguli h, g, z. notus est, & duæ lineæ h, g. & h, z. notæ, fit igitur g, z. respectu h, z. & b, z. siue g, d. nota. Sed & angulus d, g, z. notus est, quare linea z, d. respectu d, g. & idco respectu h, z. nota erit. Angulus quoq; g, d, z. cognitus erit cum angulo g, z, d. Et quia angulus a, d, l. notus est, propter locum verum planetæ, quem dedit consideratio, & propter longitudinem longiorem notam, erit angulus residuus z, d, l. notus. Est autem proportio d, z. ad z, l. nota, utraq; enim earum respectu h, z. nota est, quare angulus d, z, l. notus exhibet. Superius autem cognitus erat angulus g, z, d. relinquetur itaq; angulus k, z, l. notus, & arcus k, l. similiter ei subtenus, qui quidem est distantia planetæ à longitudine propiori media epicycli, cui si semicirculum adieceris, distantiam eius à longitudine longiori conficies. Habes tandem duas planetæ à longitudine longiori epicycli, & media distantias,



## LIBER

quas ad se conferas, & differentiam earum, si qua sit, agnosce, quæ si fuerit æqualis motui medio argumenti ad tempus inter considerationes medias per tabulas extracto, tabulis ipsis fidem habebis. Si uero non fuerit ei æqualis, age ut superius præcipitur.

### PROPOSITIO XXIII.

Radices Mercurij mediorum motuum ad instans temporis certum constituere.

¶ Medius motus in longitudine sibi radicem accipit Solis. Pro motu autem medio argumenti siue diuersitatis sic agito. Ex una considerationum supra scriptarum, aut per te factarum elicias distantiam planetæ à longitudine longiori media epicycli. Postea per tempus quod est inter considerationem tuam, & instans ad quod radicem constituendam uoles, motum medium diuersitatis per tabulas suas addisce, quem quidem motum argumenti subtrahes à distantia planetæ ab auge epicycli, quam dedit consideratio, accommodatis integris more solito, si opus fuerit reuolutionibus. Illud quidem facies, si instans considerationis instante cui radicem elaboras posterius fuerit. Si uero prius fuerit, dictæ distantie addas hunc motum medium argumenti, & abiectis integris, si quæ excreuerint, reuolutionibus, habebis radicem cupitam.

FINIT LIBER NONVS.



# LIBER DECIMVS

## VENERIS THEORICAM MAR-

tisq; omnimodā subtilissime percunctari. Trium item  
superiorum Theoricę speculationis partem non  
minimam accuratissime coniectatur.

### PROPOSITIO PRIMA.



Iameter eccentrici Veneris per longitudinē  
longiorē eius atq; ppiorem transiens, qui-  
bus in punctis eclipticam secet experiri.

¶ Non aliter quā in Mercurio inuestigandum  
est. Considerabimus em̄ duo loca Solis media, Ve-  
nere maximas & inter se æquales à loco Solis me-  
dio longitudes cōtrarias habente. Nam punctus  
inter hæc loca Solis medians cum puncto sibi dia-  
metraliter opposito erunt quos quærimus. ¶ In anno aut̄ 16. Adriani 21.  
diebus mensis Phormuth octauī transactis cōsiderauit Taion, ut refert Pto-  
lemæus, stellam Veneris iam in maxima longitudine uespertina à loco Solis  
medio constitutam, & uidebatur præcedere mediam pleiadum quantitate  
longitudinis pleiadum. Fuit itaq; secundū numerationē Ptolemæi Venus  
in 1. gr. 30. m̄. Tauri. Solis aut̄ locus medius tunc erat in 14. partibus, &  
15. m̄. Piscium. Quare longitudo uespertina maior erat 47. partium & 15.  
m̄. Deinde in anno 4. Antonij 11. diebus mensis Thoth trāfactis in mane  
diei duodecimæ Ptolemæus cōsiderauit stellā Veneris distantē à stella fixa,  
quæ est in genu sinistro gemini sequentis, per quartam partem gradus ferē  
uersus orientem & septentrionē. Fuit ergo locus Veneris in 18. partibus, &  
30. m̄. Gemi. Solis aut̄ locus medius tunc erat in 5. gr. 45. m̄. Leonis, quare  
longitudo matutina fuit maxima 47. gr. 15. m̄. Dum aut̄ arcum duobus So-  
lis medijs locis interceptū dimidiabimus, ad finem 25. g. tauri, pueniemus.  
Quare lōgitudo longior & ppior in 25 gr. Tauri, & 25. gr. scorpionis erūt,  
quod inuestigauimus. ¶ Idem per alias duas cōfirmabimus obseruationes.  
Taion ille in anno quarto Adriani 19. diebus mensis Athus tertij trans-  
actis, in mane diei uicesimi, cōsiderauit Venerem distantē à stella fixa quæ  
est in extremitate alæ meridianæ Virginis, secundū quantitatē lōgitudinis  
pleiadum, dempto fortasse arcu, cui ipsamet stella Veneris subtenditur. Vi-  
debatur em̄ Venus uersus meridiē distare à dicta stella secundū quantitatē  
diametri lunaris. Et quia secundū numerationē Ptolemæi hæc stella in quar-  
to anno Adriani fuit in 28 gr. 5. m̄. Leonis, si addiderimus quantitatē longi-  
tudinis Pleiadum, scilicet, 1. gr. 30. m̄. ueniet locus Veneris ad 20. m̄. primi  
gradus Virginis. Sol autem medio cursu suo erat in 17. gr. & 52. m̄. Libræ,  
quare longitudo maior matutina fuit 47. gr. 23. m̄. Deinde in anno 21.  
Adriani nona die mensis Mefor sexti, hora uespertina cōsiderauit Ptole-  
mæus Venerem apud stellam uicesimam sextam Aquarij, eam scilicet, quæ  
septētrionalis est in paruo quadrilatero, quod circā primam insinuat onem  
aquę est, & uidebatur præcedere eam in duabus quintis unius gradus. Ap-  
paruit etiam Venus tunc scintillans admodum. Huius autem stellæ fixæ  
locus fuit in 20. gradu Aquarij secundum computationē Ptolemæi, quare  
locus uerus Veneris fuit in 19. gr. 36. m̄. Aquarij. Sol uero secundū cursum  
O iij medium

## LIBER

medium erat in 2. gr. 4. m. Capricorni, quare longitudo maior uespertina fuit 47. gr. 32. m. Quod si differentiam duorum locorum Solis mediorum dimidiabimus, ad 25. gr. Tauri, & 25. gr. Scorpionis, quemadmodum superius, perueniemus. In quorum uno ponemus longitudinem eccentrici Veneris longiorem, in alio autem propiorem.

### PROPOSITIO II.

Longitudini Veneris longiori atq; propiori sua seorsum loca assignare.


¶ Certitudo iam est alteram longitudinum esse in 25. gr. Tauri, & alteram in 25. gr. Scorpionis. Sed utrum hic uel illic sit, duas per considerationes docebimur. Quarum unam fecit Taion Ptolemæo recitante in anno 13. Adriani, in mense ægyptiorum Achita undecimo, duobus scilicet diebus transactis, in inane diei tertij. Tunc enim uidebatur Venus præcedere lineam rectam, quæ transit per præcedentem trium stellarum in capite Arietis existentium, & per eam quæ in pede eius postremo est. Præcedere inquam uidebatur per 1. gr. 24. m. Et erat distantia Veneris ab ea stella quæ est in capite Arietis ferè dupla distantia ipsius Veneris à stella quæ in postremo pede est. Stellæ autem quæ in capite Arietis est, locus erat tunc in 6. gr. & 36. m. Arietis, & eius latitudo septentrionalis 7. gr. 20. m. secundum numerationem Ptolemæi. Illius autem quæ in pede postremo est, locus erat in 14. partibus & 45. m. & latitudo eius meridionalis 5. gr. & 15. m. Vnde concludetur Venerem fuisse in 10. gr. & 36. m. Arietis, habendo latitudinem meridionalem 1. gr. & 30. m. Sol autem per cursum mediū erat in 25. gr. & 24. m. Tauri, quare longitudo matutina maior fuit 44. gr. & 48. m.

¶ Alia fuit consideratio Ptolemæi in anno 21. Adriani, duobus diebus mensis Tobij quinti scilicet transactis, hora uespertina. Videbatur enim Venus per relationem ad duas stellas, quæ sunt in duobus cornibus Capricorni, in 12. gr. & 50. m. Capricorni. Sol autem medio cursu suo erat in 25. gr. & 30. m. Scorpionis, quare fuit longitudo uespertina maior 47. gr. & 20. m. Quia autem longitudines maiores respectu mediij loci Solis sunt solum propter epicyclum, dum ipse in auge uel opposito augis eccentrici fuerit. Quoniā diuersitas quā ingerit eccentricus, tunc nulla est. Huiusmodi aut longitudo maior inuenitur apud 25. gr. Scorpionis, quā apud 25. gr. Tauri. Palam est quanta fuit longitudo per observationē præcedentem quæ in 25. gr. Scorpionis hoc tempore fuerit longitudo longior eccentrici Veneris, & longitudo propior in eius opposito patet, cuius petebatur cognitio.

### PROPOSITIO III.

Semidiameter epicycli Veneris ad semidiametrum eccentrici, quam proportionem habeat inuestigare.


¶ Pro cuius explanatione sit circulus eccentricus Veneris a, b, g. super centro d. in cuius diametro a, g. sit punctus e. centrum mundi, g. uero longitudo longior, & a. propior, & super duobus centris a, & g. duos circulos uice epicycli describam, quos contingant duæ lineæ e, h. & e, z, in punctis h, & z, ductis lineis g, h. & a, z, sitq; stella in duabus considerationibus prædictis in duobus punctis h. & z. Quia autem ex præmissa angulus g, e, h. longitudinis maximæ, scilicet matutinae notus est, &





DECIMVS.

& angulus h. rectus, erit proportio g, h. semidiametri epicycli ad lineam e, g. nota. Item propter angulum a, e, z. longitudinis uespertinae maxime notum, & angulum z. rectum, fit nota linea a, e. respectu a, z. quare tota linea a, g. respectu g, h. siue a, z. semidiametri epicycli nota fiet, & eius medietas eodem respectu nota, unde & linea d, e. nota. Et quia aggregatum duarum longitudinum maiorum, epicyclo existente in transitu medio eccentrici, quemadmodum ex considerationibus crebris compertum est, non est minus aggregato huiusmodi, quod accidit epicyclo existente in longitudine longiori eccentrici. Nec est maius eo, quod accidit epicyclo existente in longitudine propiori eccentrici, sicut in Mercurio contingebat. Immo procedente epicyclo à longitudine longiori uersus propiorem, continue crescit hoc aggregatum, siue angulus ille cui epicyclus subtenditur, & à longitudine propiori uersus longiorem eundo continue decrescit, liquido constabit eccentricum Veneris esse fixum, uolo dicere, quod centrum eius non mouetur sicut Mercurij, nisi quantum fit ad motum stellarum fixarum, de quo hic nihil differitur. Habeinus igitur proportionem semidiametri epicycli ad semidiametrum eccentrici, & ad distantiam duorum centrorum, mundi scilicet & circuli eccentrici. Posita autem semidiametro eccentrici 60. partium, inuenitur distantia huiusmodi duorum centrorum unius partis, & 15. m. ferè, & semidiametri epicycli 43. partium, & 10. m. ferè, quod intendebatur.




PROPOSITIO IIII.

Punctum quoddam, cuius respectu motus Veneris in longitudine irregularis est determinare.

¶ Hoc per duas habebimus considerationes. Quarum una Ptolemæi fuit in anno 18. Adriani, secundo die mensis Phormuth, scilicet octavi transacto, in mane diei tertij. Videbatur enim Venus plurimæ longitudinis à medio loco Solis in 11. gr. & 55. m. Capricorni, aptato instrumeto armillarum per stellam cordis Scorpionis. Sol autem medio cursu fuit in 25. gr. & medietate gradus Aquarij. Fuit itaq; longitudo maior matutina à medio loco Solis 43. gr. 35. m.

¶ Alia consideratio Ptolemæi fuit in anno tertio Antonij, die quarto mensis Phormuth, octauæ scilicet hora uespertina. Videbatur enim Venus plurimæ longitudinis à loco Solis medio in 13. gr. & 15. m. Arietis, dum Sol medio cursu suo esset in 25. gr. & medietate gradus Aquarij. Fuit itaq; longitudo maior uespertina à medio loco Solis 48. gr. & 20. m. Collectis autem his duabus longitudinibus maioribus, habebimus arcum circuli magni, cui subtrahitur epicyclus 91. gr. & 55. m. eo quidem distante à longitudine longiori eccentrici per quartam circuli, & hic arcus proposito nostro inseruiet. ¶ Sit igitur diameter eccentrici a, g. per longitudinem longiorem & ppriorem transiens, in qua punctū b. sit centrū mundi a. longitudo longior, & g. longitudo ppior, d. uero punctus sit ille quesitus, cuius respectu motus regularitas perpenditur, à quo educo perpendicularē d. e. ad lineam a, g. & sup centro e. describo circulū epicycli, ductis duabus lineis b, z. & b, h. eū cōtingentibus in punctis z. & h. quos continuabo cū centro epicycli lineis e, z. & e, h. Centrū quodq; epicycli e. continuabo cū centro mundi e b. pducam etiam b, n. æquidistantem d. e. quam constat esse lineam medijs motus Solis & Veneris. His ita dispositis, quæramus quanta sit d, b. respectu semidiametri epicycli. Angulus h, b, z. notus est, qm̄ aggregatus est

ex



## LIBER

ex duabus longitudinibus. Quare eius mediætas, scilicet angulus e, b, h, cognita, & angulus h. rectus, unde proportio e, h, ad e, b. nota. Angulus uero e, b, n. scitus relinquitur, subtractio angulo n, b, h. longitudinis matutinae noto, ab angulo e, b, h. noto, erit itaq; ei coalternus angulus b, e, d. inuentus. Sed angulus b, d, e. rectus est, fit igitur triangulus b, d, e. notorum angulorum, unde proportio e, b. ad b, d. nota. Sed erat e, h. semidiametri epicycli ad e, b. nota proportio, ergo proportio e, h. ad b, d. nota fit, & propterea erit proportio b, d. ad semidiametrum eccentrici nota. Posita autem semidiametro eccentrici 60. partium, reperitur linea b, d. duarum partium & 30. m. ferè. Superius autem linea, quæ est inter centrum mundi & centrum eccentrici, erat unius partis, & 15. m. Constat igitur centrum eccentrici mediare inter centrum mundi, & centrum motus regularis.


¶ Poteris etiam idem experiri ad quemcunq; situm epicycli, non distantis à longitudine longiori per quartam circuli, dum saltem habeas aggregatum huiusmodi duarum longitudinum maiorum ad unum huiusmodi situm epicycli. Verum uia qua iam incessimus, ponendo distantiam à longitudine longiori per quartam circuli planior est.

### PROPOSITIO V.

**Distantiam Veneris à longitudine longiori epicycli media comperire.**

¶ Pro huius executione supponemus locū longitudinis longioris eccentrici superius repertum, & proportionēs linearum quas eliciuimus, locum deniq; uerum planetæ, qui per considerationem manifestatur. Ptolemæus obseruauit Venerem in anno secundo Antonij 29. diebus mensis Tobij quinti scilicet transactis. Quæ quidem tunc non erat in maxima longitudine à loco Solis medio, & uidebatur in 6. gr. & 30. m. Scorpionis. Erat enim tunc in linea recta, quæ secundum uisum transiuit per centrum Lunæ & stellam primam Scorpionis, eam scilicet quæ in fronte Scorpionis magis ad septentrionem tendit. Fit erat distantia Lunæ à Venere secundum successionem signorum 6. gr. ab altera distantia Veneris à stella prædicta, Latitudo autem Veneris septentrionalis Ptolemæo uidebatur 2. gr. & 30. m. Fuit namq; consideratio illa post medium noctis 4. horis transactis æqualibus, & 45. m. Sol enim fuit in 23. gr. Sagittarij, & medium cœli fuit 26. grad. Virginis. Sol uero secundum cursum medium erat in 22. gr. & 9. minut. Sagittarij.

¶ Hoc præmissis sit diameter eccentrici per longitudinem longiorem & propiorem eccentrici Veneris transiens a, e. cuius quidem punctus a. sit longitudo longior, e. uero propior. In hac diametro d. punctus sit centrum mundi, g. centrum eccentrici, & b, centrum motus æqualis. Sitq; quemadmodum in consideratione cecidit centrum epicycli h, t, k. punctus z. & planeta ipse in puncto k, a. punctis deniq; b. & d. educantur lineæ per centrum epicycli b, z, t. & d, z, h. Item semidiameter eccentrici g, z. Punctus quoq; k. continuetur cum punctis d, & z. lineis d, k. & z, k. & tandem si libet, ducantur perpendiculares lineæ g, l, quidem ad b, z, d, m, ad eandem z, n. uero ad d, k. Quia autem locus longitudinis propioris notus est, & locus Solis medius siue Veneris erat angulus g, b, z. notus. quare cum proportio g, b. ad g, z. nota sit, erit b, z. nota respectu g, z. & consequenter respectu b, d. unde etiam d, z. nota erit, & angulus b, z, d. similiter, cui æqualis





## DECIMVS.


lis est  $h, z, t$ . Angulus quoque  $b, d, z$ , notus fit, & sibi coniunctus  $z, d, e$ . Cum autem locus planetæ compertus sit, erit angulus  $e, d, k$ , cognitus, & propterea angulus  $k, d, z$ , residuus datus erit. Sed proportio  $d, z$ , ad  $z, k$ , cognita est, quoniam utraq; linearum  $d, z$ . &  $z, k$ , ad lineam  $g, z$ , proportionem habet notam, fit igitur angulus  $d, k, z$  notus, quare & extrinsecus  $h, z, k$ , à quo si dempseris angulum  $h, z, t$ , notum, relinquetur angulus  $k, z, t$ , notus, & arcus  $k, t$ , notus fit, residuus quoque de circumferentia arcus  $t, h, k$ , cognitus, & ipse est distantia planetæ à longitudine longiori epicycli media, quam quærebamus.

### PROPOSITIO VI.

Huiusmodi distantiam iterum inuestigare, unde medium motum argumenti Veneris certiolem, si opus fuerit, constituemus.

¶ Cimocaris considerauit, Ptolémæo narrante, in anno 52. à morte Alexandri 19. die mensis ægypt. orum ultimi Mesræ stellam Veneris, & uidit eam coniunctam stellæ Virginis, ei scilicet sequenti, illam quæ est in summitate alæ meridianæ Virginis. Fuit itaque locus Veneris in 4. gr. 10. m. Virginis. Sed tunc fuit locus longitudinis propioris Veneris in 20. gr. & 55. m. Scorpionis. ppter motum eius cum stellis fixis. Non autem fuit Venus in hac consideratione plurimæ longitudinis à loco Solis medio, quoniã post tres dies, die scilicet 21. dicti mensis, in nocte quidem quam sequitur dies 22. uidebatur iam in 8. gr. & 50. m. Iudicium igitur fuit, Venerem tunc esse in superiori medietate epicycli, & præteritam esse hanc longitudinem maximam matutinam. In hac uero consideratione medio suo cursu Sol erat in 17. gr. & 20. m. Libræ ferè, quare distantia loci Veneris à medio loco Solis fuit, 43. gr. & 10. m. In secunda uero cõsideratione, scilicet post tres dies locus Solis medius erat in 20. gr. & 59. m. Libræ. Et ideo distantia Veneris à loco medio Solis erat 42. gr. & 9. m.

¶ His stantibus, resumo superiorē figuram in nullo uariatam, præterq; quod epicyclus sit ante longitudinem propiorem eccentrici, quemadmodum consideratio ipsa cogit. Erit autem angulus  $g, b, z$ , notus propter locum longitudinis propioris notum, & locum Solis medium. Sed proportio  $b, g$  ad  $g, z$ , est nota, quare  $b, z$ , nota respectu  $b, g$ . & consequenter respectu  $b, d$ , unde & linea  $d, z$ , hoc respectu nota dabitur, & duo anguli  $b, z, d$ , &  $b, d, z$ , dati erunt. Itemq; duo anguli  $h, z, t$ . &  $z, d, e$ . Et quia locum planetæ in zodiaco consideratio fecit notum, erit angulus  $e, d, k$ , notus, à quo si subtraxeris angulum  $e, d, z$ , notum, manebit angulus  $k, d, z$ , notus. Est autem pportio  $d, z$  ad  $k, z$ , nota, quoniã ambæ ad lineam  $g, z$ , pportionem habent notam, ergo angulus  $d, k, z$ , notus, & extrinsecus angulus  $h, z, k$ , datus, & tandem angulus totus  $k, z, t$ , cognitus, cui arcus  $t, h, k$ , subtensus erit notus, quo de toto circulo dempto, manebit arcus  $t, k$ , notus, & ipse est distantia planetæ à longitudine longiori epicycli media, habebimus itaque ex duabus huiusmodi considerationibus duas planetæ à longitudine longiori epicycli distantias. Et inde patebit arcus epicycli, si quis sit, post integras reuolutiones descriptus. Qui si æqualis sit motui argumenti siue diuersitatis ad tempus medium per tabulas extracto, bonæ sunt tabulæ. Si uero inæqualis, excessus diuidatur in dies, qui sunt inter duas considerationes, & exiens adijciatur motui argumenti unius diei ex tabulis inuento, si arcus epicycli per consideras



## LIBER

considerationes extractus, maior fuerit arcu quem tabulae dederunt. Aut minuatur ab eo, si minor fuerit, & habebitur motus argumenti medius in uno die rectificatus, quod intendebat correlarium.

### PROPOSITIO VII.

Mediorum motuum Veneris pro tempore placito radices constituere.

¶ Sol Venus & Mercurius, & in quantitate & radicibus medij motus longitudinis conueniunt. Sed pro radice medij motus argumenti siue diuersitatis in Venere elige considerationem, cui fidem habere potes, & per eam, uelut in praemissa, distantiam planetae à longitudine longiori epicycli media conclude. Deinde pro tempore quod est inter dictam considerationem & primum instans temporis, ad quod radicem statuere uoles, ex tabula medium motum diuersitatis collige. Si itaq; instans, pro quo radicem quaeris, praecedit instans considerationis, subtrahe motum medium diuersitatis temporis medio correspondentem à distantia planetae à longitudine longiori epicycli media. Aut adde eidem, si sequitur, & habebis quaesitum, hoc excepto quod reuolutiones integre mutuentur, si opus fuerit, aut abijciantur, secundum operis exigentiam.

### PROPOSITIO VIII.

Qualiter diuersitas in motibus trium superiorum, Saturni scilicet, Iouis & Martis cognosci possit ostendere.

¶ Principio omnium opus est, ut inueniatur locus longitudinis longioris & propioris cum distantia centri eccentrici à centro mundi. Nam deinde poterit haberi quantitas diuersitatis secundae, cuius epicyclus occasio est. Sed in his tribus ingenium, quod nos ad loca augium Veneris & Mercurij perduxerit, locum non habet. Illi enim certos limites respectu Solis non possunt excedere, quamobrem in hora certa nobis constabit eos esse in lineis à centro mundi epicyclum contingendo ductis. In istis autem non sic, quoniam motus eorum in longitudinem ad Solem non habet colligantiam. Cogitandum igitur fuit, quo pacto ad id ueniendi esset facilitas. Melior autem & certior uia non est, nisi ut locus uerus centri epicycli aliquotiens inueniatur. Hoc enim habito, procedemus fere sicut in Luna secundum modum eccentrici. Visum autem fuit Ptolemaeo, quod hi tres superiores in centrīs orbium suorum eam haberent habitudinem quam Venus, scilicet quod centrum eccentrici deferētis epicyclum mediaret inter centrum mundi & centrum motus aequalis, & quod aux media epicycli semper centrum motus aequalis dictum respiceret, quemadmodum in Venere & Mercurio. Sed quid rationis eum ad hoc compulerit, non satis liquet, nisi quia positioni concordat experimentum, aut quia in omnibus alijs stellis duas diuersitates habentibus inuenit duplicia puncta. Vnum quidem quod esset centrum eccentrici epicyclum deferentis. Aliud uero ut esset determinatum motus aequalis, siue in epicyclo uelut in Luna, siue in epicyclo & eccentrico, quemadmodum in Venere & Mercurio.

### PROPOSITIO IX.

Quilibet trium superiorum in auge uera epicycli aut eius opposito existēs, in linea medij motus Solis fore cōprobabitur. Omnes



DECIMVS.

PROPOSITIO XI.

P<sup>4</sup> oppositio

## LIBER

**oppositio fore conuincetur. Vnde constabit centrum epicycli, & centrum corporis planetæ sub uno cœli puncto reperiri.**

¶ Hæc est conuersa nonæ huius. Tunc autem planeta erit in auge uera epicycli, quando secundum uerum cursum ad medium Solis locum ipse perueniet. In oppposito uero augis quando eidem opponetur. Quod sic demonstrabo. Si enim planeta non fuerit in auge, aut eius oppposito, non erit centrum epicycli in linea medijs motus Solis, quantumlibet protracta, sed extra eam. Protrahatur igitur linea à centro planetæ ad centrum epicycli, quæ quidem per præmissam æquidistabit lineæ medijs motus Solis. Sed & ipsa secat eam, quoniam hæ duæ lineæ concurrunt in centro corporis planetæ, duæ igitur lineæ æquidistantes se secabunt, quod est impossibile. Destructo igitur hoc impossibili astruetur intentum. Veritas autem correlarij aperta est. Planeta enim nunquam est in auge epicycli aut eius oppposito, nisi sit in linea à centro mundi per centrum epicycli producta. Cum igitur necessario sit in auge uera epicycli, aut eius oppposito, ut probatum est, erit ipse quoque in huiusmodi linea à centro mundi per centrum epicycli producta, quæ quidem ad firmamentum usque continuata unum punctum offendet, sub quo & planeta, & centrum epicycli constituentur.

### PROPOSITIO XII.

**Verum locum epicycli alicuius trium superiorum percurrari.**

¶ Instrumento ueridico planetæ locum obserua, aut ad stellas fixas, quarum loca nota sunt, referas, ut locum eius uerum agnoscas. Quem si in oppposito medijs loci Solis comperies, idem erit, quemadmodum conclusit præmissa, uerus epicycli & planetæ locus, quare ipse epicycli locus inuentus erit. Idem quoque haberes, si instans quo planeta ad medium Solis locum applicat, depræhendere posses. Verum hæc coniunctio compræhendi nequit, quoniam radij Solares, ne planeta uideatur impedimento sunt. In Solis igitur oppositionibus, quas prisce uocabant habitudines extremitatis notis, possibile erit inuenire uerum epicycli locum, qui, quemadmodum infra uidebitur, ad ecenitricitatem, & locum augis ecenitrici comperiendus utilis ueniet.

### PROPOSITIO XIII.

**Loco augis Martis reperiendo oportuna media præmittere.**

¶ Per tres habitudines extremitatis notis, in quibus tria loca epicycli subtiliter explorata sunt, id efficiemus, quemadmodum in Luna iuxta modum ecenitrici tribus locis eius cognitis operati sumus. ¶ Fuit autem una Ptolemæi consideratio ad Martem in anno 15. Adriani 26. diebus mensis Tobij quinti scilicet transactis, in nocte hora uidelicet una post medium noctis completa. Tunc enim stella uidebatur in 21. partibus geminorum, unde etiam uetus locus centri epicycli ibidem fuerat. ¶ Secunda fuit in anno 19. Adriani, sexto die mensis Phormuth transacto, ante medietatem noctis tribus horis æqualibus. Et uidebatur stella in 28. gra. & 50. mi. Leonis.

¶ Tertiam considerationem fecit ille Philosophus clarissimus in anno secundo Antonij, die 12. mensis Athica, undecimi scilicet transacto ante medietatem



## DECIMVS.


diētem noctis duabus horis aequalibus, & apparuit stella Martis in 2. gra.<sup>a</sup> & 33. mi. Sagittarij. Interuallum autem temporis, quod primæ & secundæ considerationibus interciderit, fuit quatuor anni Aegyptij 96. dies, & 20. horæ æquales. Tempus autem inter secundam, & tertiam fuit 4. anni Aegyptij 96. dies, & una hora æqualis. In primo autem temporis interuallo motus medius longitudinis Martis fuit 81. partes siue gr. & 44. mi. In secundo 95. partes, & 28. mi. Motus autem longitudinis uerus interualli primi erat 67. partes, & 50. mi. Interualli autem secundi 93. partes, & 44. minu. Illis recitatis principio supponamus id quod etiam in Luna exercuimus, quodq; circa principium noni præmisimus, computando motus omnes in superficie eclipticæ, tamen ipsa mobilia non semper in ecliptica sint, quoniam error circulorum reliquorum super eclipticam inclinatione proueniens, aut nullus accidit, aut modicissimus, ad illud nos inuitat facilitas operationum. ¶ Describantur igitur in superficie eclipticæ tres circuli æquales. Eccentricus quidem delator epicycli a, b, g. super centro d. circulus æquans e, z, h. super centro t. & circulus k, l, m. super centro n. quod sit centrum mundi. Hæc tria centra sunt in recta linea s, q, f, c. & sit linea n, t. diuisa per medium in puncto d. quemadmodum circa principium noni institutum est. In eccentrico autem epicycli delatore sint tria puncta a, b, g. tria loca centri epicycli in dictis tribus obseruationibus repræsentatiua. Quæ quidem puncta cum centro t. motus æqualis continuabuntur lineis t, a, e, t, b, z. & t, h, g. Item producemus lineas n, k, a, n, l, b, & n, g, m. Erit itaq; arcus e, z, circuli æquantis, quem descripsit centrum epicycli in primo temporis interuallo z, h. uero arcus quem descripsit in secundo interuallo, quorū uterq; notus uenit propter tempora interuallorum nota. Similiter arcus k, l. quem descripsit linea ueri motus epicycli in primo interuallo notus est, & arcus l, m. notus, quem peragrauit in secundo interuallo. Si igitur arcui e, z. æquantis, arcus k, l. subtenderetur, & arcui z, h. arcus l, m. responderet, non oportet posuisse ad fortunam, ut sic loquar, punctum d. medium inter n. & d. neq; aliter quam superius in Luna iuxta uiam eccentrici primæ diuersitatis operaremur. Sed arcus k, l. notus subtenditur arcui a, b. ignoto, & arcus l, m. notus arcui b, g. ignoto respondet, oportet autem hos, & illos fuisse notos. Quod si duxerimus lineas n, e, d, z. & n, y. secantes circulum k, l, m. in punctis r, o, y. arcui e, z. noto, subtendetur arcus n, o. ignotus, sed & arcui z, h. noto, arcus o, y. respondebit ignotus. Oportuit autem binos esse notos, ad hoc ut faciliter, & præcise propositum eniteremur, hoc autem esse nequit, nisi sciātur arcus illi parui r, k, l, o. & y, m. His enim adiectis aut demptis, quem admodum res ipsa exigit, prodibunt arcus r, o. & o, y. noti. Sed istos arcus paruos cognoscendi non est uia, nisi habeatur locus augis eccentrici, alterum quidem ex altero pendet. Facilius tamen erit & certius, quandoquidem recta uia, & præcisa incedenda non est potestas ex loco augis secundum estimationem cognito arcus hos paruos inuenisse, quam arculis istis paruis ad æstimationem acceptis, locum augis inquirere, & cætera, si experimentis consonent, attentare.

### PROPOSITIO XIII.

Distantiam eccentrici æquantis à centro mundi prope uerum æstimando inuestigare.

¶ Non enim ad præcisum ueniendi primis passibus inter est, sed prius accipiemus in figura præhabita arcus e, z. & z, h. in rei ueritate cognitos, &

P ij arcus







## LIBER

arcus  $r, o, \& o, y$ . ignotos tanquam notos arcus. Qui quidem paulo differunt ab arcubus  $k, l, \& l, m$ . & ex eis inueniemus locum augis, & eccentricitatem, quia deinde per medium diuisa quæremus arcus paruos  $r, k, l, o. \& m, y.$  & eos adijciemus arcubus prius notis, aut ab eis dememus, si res ipsa postulat, ut arcus quos cupimus exeant nobis noti, & denuo inueniemus locum augis, & eccentricitatem, & arcus huiusmodi iterum paruos, hoc opus quoque repetemus, donec ad sufficientem præcisionem perueniemus.

¶ Pingam igitur huius causa circulum eccentricū, super cuius centro motus planetæ in longitudine est æqualis, qui sit circulus a, b, g. & sit arcus, quē motu æquali descripsit epicyclus, ab habitudine extremitatis noctis prima ad secundam. Arcus uero b, g. quem descripsit in tempore quod est inter secundam & tertiam habitudines inter hunc circulum sit punctus d. centrum mundi, à quo producam lineas d, a, d, b, & d, g. & continuabo lineam d, g. donec secabit circumferentiā circuli æquantis in puncto e. Tria quoq; puncta e, a, b. lineis rectis continuabo complendo triangulum e, a, b. Tandem & lineas perpendiculares producam e, z. quidem ad d, a, a, t. ad b, e. & e, h. ad d, b. Erit autem in hac figura angulus a, d, b. uelut angulus e, n, z. in superiori figura. Item angulus b, d, g. sicut angulus z, n, y. qui licet ignoti sint, tamen anguli a, n, b. & b, n, g. noti sunt ex præcedenti, qui paulo à prædictis differunt, his igitur intercautar. Quia itaq; angulus b, d, e. siue a, d, e. notus est propter angulum b, d, g. notum, & angulum h. rectum, erit proportio d, e. ad e, h. nota. Item angulus b, e, d. propter arcum b, g. notum non ignorabitur, quare angulus e, b, d. scietur, unde proportio b, e. ad e, h. cognita ueniet, & ideo proportio d, e. ad b, e. manifestabitur. Item angulus e, z. notus est propter angulum a, d, g. cognitum, & angulum z. rectum, quare proportio d, e. ad e, z. nota erit. Sed & angulus d, e, a. notus est propter arcum a, b, g. numeratum, quare proportio a, e. ad e, z. & ideo etiam proportio d, e. ad a, e. non erit ignota. Cum itaq; utraq; linearum b, e. & a, e. ad lineam d, e. notam habeat proportionem, erit proportio b, e. ad a, e. cognita.

¶ Præterea angulus a, e, b. notus est propter arcum a, b. notum, & angulum t. rectum, ergo tam a, t. quam t, e. respectu a, e. cognita fiet, unde & residua b, t. nota, & idcirco a, b. cognita. Item a, b. nota est respectu diametri circuli a, b, g. cum ipse arcus a, b. numeratus sit, quare a, e. nota erit respectu eiusdem, & consequenter arcus a, e. notus, unde totus arcus e, a, g. notus est. Cuius quidem quantitas, utrum centrum circuli a, b, g. in linea e, g. fuerit an in portione e, b, g. aut in alia portione e, g. indicabit, Ex prædictis etiam linea d, e. nota erit respectu diametri circuli, & ipsa tota e, g. cum arcus eius sit notus. Ut autem habeamus distantiam centrorum, sic procedemus. Si arcus e, b, g. esset semicircumferentia, constaret centrum circuli æquantis esse in linea e, g. Et quia e, d. esset nota respectu e, g. diametri & medietatis eius, esset faciliter distantia centrorum nota. Sed quia nunc cadit extra lineam e, g. & portio e, a, b, g. maior est semicirculo, sit punctus k. in alia quidem figura centrum æquantis, ducatur diameter circuli a, b, g. per duo puncta k. & d. quæ sit l, k. d, m. Cum igitur utraq; linearum e, d. & d, g. respectu diametri circuli nota sit, erit quod sit ex altera in alteram notum. Id autem æquale est ei quod sit ex d, m. in d, l. quare & illud notum. Quo dempto ex quadrato semidiametri, relinquetur quadratum lineæ d, k. notum, unde & ipsa nota veniet, quod intendebatur.






DECIMVS.

PROPOSITIO XV.

Quantum in unaquaꝝ trium habitudinum ab auge ecen-  
trici planeta distet coniectare.


In figura simili præhabite ducatur semidiameter  $k, s.$  diuidens lineam  $c, g.$  per medium & orthogonaliter in puncto  $z.$  erit autem  $d, z.$  linea nota, quoniam tota  $c, g.$  nota est, & eius medietas cum linea  $d, g.$  Trianguli igitur  $k, d, z.$  duo latera  $k, d.$  &  $d, z.$  nota sunt, & angulus  $z.$  rectus, quare angulus  $d, k, z.$  notus, & arcus  $m, s.$  cognitus. Sed erat totus arcus  $c, g.$  datus, à cuius medietate  $g, s.$  arcu  $m, s.$  ablato, relinquetur arcus  $g, m.$  notus, qui est distantia tertiæ habitudinis ab opposito augis eccentrici, quem si ex semicirculo reijceremus, remanebit eius ab auge distantia eccentrici. Erat autem arcus  $b, g.$  notus, qui est arcu  $l, g.$  iam noto sublatus, relinquet arcum  $l, b.$  notum, distantiam scilicet secundæ habitudinis ab auge eccentrici. Item arcus  $a, b.$  notus fuit, à quo si demas  $b, l.$  arcum iam cognitum remanebit distantia habitudinis primæ ab auge cognita. Inuentio autem loci ueris augis eccentrici, neque certa adhuc potest esse, neque utilis, sed distantiarum habitudinum ab auge, quas iam extrahimus, ad arcus paruos inueniendos ualebunt,



PROPOSITIO XVI.

Arcum paruum primæ habitudinis numerare.

¶ Repeto partem figuræ tredecimæ huius, & intendo inuenire arcum paruum k, r. Prius tamen continuo lineã e, t. ut supra ipsam cadere possint duæ perpendiculares d, p. & n, h. Quia igitur ex præcedenti angulus e, t, s. notus fuit, erit angulus d, t, p. notus, & angulus p. est rectus, quare proportio d, t. quæ est medietates n, t. ad d, p. nota erit. Itemq; eiusdem d, t. ad p, t. cognita erit proportio. Erit autem d, t. cognita respectu d, a. siue t, e. quare etiam utraq; linearũ d, p. & p, t. eodem respectu cognoscetur, unde lineã a, p. nota erit, cui si h, p. æqualem p, t. addiderimus, proueniet tota a, h. scita. Est autem n, h. dupla ad d, p. cognitã, igitur propter lineas n, h. & a, h. notas, angulumq; h rectum nota erit lineã n, a cum angulo n, a, h. Item t, e. nota est, quoniam semidiameter circuli æquantis eccentrici, & t, h. est nota, ergo tota e, h. cognita fit, quæ cum n, h. superius scita manifestabunt lineam e, n. unde & angulus n, e, h. scietur, qui subtractus ab angulo n, a, h. prius noto, relinquet angulum a, n, e. notum, quare arcus k, r. notus ueniet, qui quærebatur.




PROPOSITIO XVII.

Secundæ habitudinis arcum paruulum indagare.

¶ Partem figuræ superioris, in quam a. cecidit secundam repetitam volo, & pro arcu o, l. reperiendo operam dabo. Cum autem angulus z, t, s. notus sit, utraq; linearum d, p. & p, t. respectu d, t. erit nota. Et ideo respectu d, b. semidiameter eccentrici nota, lineæ quoq; p h. quidem equalis p, t. & n, h. dupla ad d, p. notæ fient, quare cum angulus h. sit rectus, nota fiet n b. linea cum angulo n, b, h. Linea autem z, h. ex duabus notis z, t. scilicet semidiametro æquantis, & t, h. alias nota constat, ex qua & linea n, h. cognita patefit et linea n, z. unde angulus n, z, h. innotet. cit. Quem si ex angulo n, b, h. noto dempseris, remanebit angulus b, n, z. notus, & ideo arcus l. cognitus, qui perebatur.

# LIBER PROPOSITIO XVIII.

In tertia habitudine quantitatem arcus parui compræ-  
hendere.



¶ Huius habitudinis ex figura dicta secabo partem, in qua propter an-  
gulum  $f, t, h$ , notum, erit proportio  $d, t$ , ad  $d, p$ , nota. Similiter proportio e-  
iusdem  $d, t$ , ad  $p, t$ , cognita erit, unde tota  $x, t$ , fiet nota, & ideo residua  $h, x$ ,  
de  $h, t$ , semidiametro æquantis nota manebit quæ cum  $n, x$ , dupla ad  $d, p$ ,  
notam eliciet lineam  $n, h$ , cognitam, unde & angulus  $n, h, x$ , manifestus erit.  
Deinde propter  $d, g$ , semidiametrum eccentrici notam, & lineam  $d, p$ , ino-  
tescet linea  $d, g$ , cui si lineam  $p, x$ , æqualem  $p, t$ , abstuleris, relinquetur  $g, x$ ,  
nota, quæ cum linea  $n, x$ , dabunt lineam  $n, g$ , notam, & angulum  $n, g, x$ , sci-  
tum, quo dempto ex angulo  $n, h, x$ , noto, relinquetur angulus  $g, n, h$ , inuen-  
tus, & arcus  $y, m$ , cognitus erit. Inuentis igitur illis tribus arcubus paruis,  
reuertere ad figuram primam 13. huius. Nouisti autem ex 15. huius augem  
eccentrici cadere inter duas primas habitudines, unde oportet duos arcus  
paruos  $r, k$ , &  $o, l$ , iam notos ad propinquum addi arcui  $k, l$ , noto, ut inde  
colligatur totus arcus  $r, o$ , quantum adhuc possibile est notus. Item arcus  
 $l, m$ , notus est per considerationes circa 13 huius recitatas, & duo arcus par-  
ui  $o, l$ , &  $m, y$ , iam numerati sunt. Quos si à toto  $l, m$ , demas, relinquetur  
arcus  $o, y$ , ad propinquum notus. Nunc denuo inueniamus eccentricitatem,  
& distantiam uniuscuiusque trium habitudinum ab auge eccentrici, utendo  
arcubus mediorum motuum quibus ante, scilicet  $e, z$ , &  $z, h$ , itemque arcubus  
 $r, o$ , &  $o, y$ , iam cognitis prope uerum. Extracta autem eccentricitate, & di-  
stantia trium habitudinum ab auge eccentrici per numeros, eiuere iterum  
arcus paruos  $r, k, r, o$ , &  $m, y$ , per eosdem arcus  $r, o$ , &  $o, y$ , uero uiciniores  
redde. Deinde & tertio totum opus repete, dando operam inuentioni ec-  
centricitatis, & distantie trium habitudinum ab auge. Quid multis moror,  
opus illud iterandum est, donec arcus illi parui in nouissima operatione ue-  
nientes æquantur primis, id est his quos in priori operatione reperiebas.  
Hoc enim uiso, gaudeas te metam attigisse. Habebis enim eccentricitatem  
quantum opus est præcisam, & trium habitudinum sepæ dictarum ab au-  
ge eccentrici distantiam, quibus infra uteris. Inuenit autem Ptolemæus fi-  
naliter distantiam illam inter centra mundi, & circuli æquantis 12. partium  
huiusmodi, quarum semidiameter eccentrici deferentis habet 60. unde  
distantia centri deferentis à centro mundi concluditur hoc respectu habere  
se sex partes.

## PROPOSITIO XIX.

Quæ pro eccentricitate, & trium habitudinum ab auge di-  
stantiis conclusa sunt, an experimentis consonent obseruatio-  
num, ingeniosè scrutari.

¶ Patet ex supra dictis proportio eccentricitatis ad semidiametrum eccen-  
trici cum distantijs trium habitudinum ab auge eccentrici, distantijs in-  
quam numeratis in circulo æquantis. Considerationes autem ostenderunt  
distantias trium habitudinum inter se respectu centri orbis signorum.  
Ad quas quidem nunc per lineas rationales ueniendi paratum est iter.

Quod



## DECIMVS.

Quod si eas tantas reperiemus, quantæ ex considerationibus repertæ sunt, rata censebimus omnia quæ hæcenus sunt conclusa.

¶ Sit igitur eccentricus epicycli delator a, e, z. super centro d. In cuius diametro e, z. per centrum mundi n. transeunte sit punctus t. centrum motus æqualis, & sit centrum e. epicycli in prima habitudine super puncto a. quem cum tribus punctis n, d, t. per tres lineas a, n, a, d. & a, t. continuabo, productis super lineam a, t. satis continuatam duabus perpendicularibus d, p. & n, h. erat autem per postremam operationem præcedentis angulus a, t, e. cognitus, quare fit utriusq; linearum d, p. & p, t. ad lineam d, t. nota proportio. Sed d, a. semidiameter eccentrici nota est, igitur & a, p. nota erit, cui si p, h. æqualem p, t. adieceris, colligetur tota a, h. cognita. Ex qua deniq; & linea n, h. cognoscentur linea a, n. & angulus n, a, h. Hic autem angulus n, a, h. ex angulo a, t, e. demptus, relinquet angulum e, n, a. scitum, qui est distantia habitudinis primæ ab auge eccentrici, respectu quidem centri orbis signorum.




¶ In secunda uero habitudine reliquis ut antehac dispositis, epicycli centrum in puncto b. constituto, propter angulū iterum e, t, b. ex præcedenti notum, nota fiet utraq; linearum d, p. & p, t. respectu semidiametri eccentrici, quare linea b, p. nota fiet, & quemadmodū in prima habitudine tota linea b, h. cognita ueniet, cum linea n, h. propter quas etiam innotescet linea b, n. & ideo angulus h, b, n. scietur, qui ex angulo e, t, b. reiectus, relinquet angulum e, n, b. cognitum, qui ostendit distantiam secundæ habitudinis ab auge eccentrici respectu centri orbis signorum.

¶ Præterea in tertia habitudine epicycli centrum in g. puncto statuatur reliqua autem similia sint prioribus, hoc dempto, quod perpendiculares n, h. & d, p. aliter cadent. Ex præmissa constabat angulus g, t, z. notus, quare proportio d, t. ad d, p. nota erit, eiusdemq; d, t. ad lineam p, t. non ignorabitur proportio. Vtraq; igitur linearum d, p. & p, t. respectu semidiametri eccentrici d, g. nota fiet, & ideo p, g. nota ueniet. Reliqua quoq; g, h. manifestabitur ablata p, h. æquali p, t. Sed n, h. dupla est ad d, p. cognitam, ergo linea g, n. nota erit, & angulus h, g, n. innotescet, quem si angulo g, t, z. adiecerimus, proueniet angulus g, n, z. cognitus, qui subtractus à duobus rectis, relinquet angulum e, n, g. notum, qui est distantia tertiæ habitudinis ab auge eccentrici respectu centri orbis signorum. Collectis igitur duobus angulis a, n, e. & b, n, e. habebis distantiam duarum habitudinum primæ & secundæ, quam si diligentiam numerandofeceris, æqualem inuenies distantiam superius circa tredecimani huius recitatæ. Similiter si angulum b, n, e. ex angulo g, n, e. minuas, relinquetur distantia duarum habitudinum, secundæ scilicet & tertiæ, nimirum æqualis ei, quam dederunt considerationes superius recitate,


### PROPOSITIO XX.

Tandem augis eccentrici locum uerum inuestigare. Vnde etiam distantia epicycli ab auge eccentrici, & planeta ab auge epicycli secundum cursus constabit medios.

¶ Quamlibet trium habitudinum dictarum, aut per te consideratarum elige, & modo prædicto inuenias distantiam unius earum ab auge aut eius opposito, quam distantiam si à loco stellæ in hac habitudine noto



# LIBER




numeraueris secundū signorum successionem, aut contra, sicut res ipsa postulat, ad locum augis perducere. Exemplo Ptolemæi, qui reperit distantiam epicycli in tertia habitudine à longitudine propiorum 52. partium, & 56. m. Stellæ autem locus erat in 2. gr. & 35. m. Sagittarij, cui quidem loco secundum continuationem signorum adiecit 52. gradus & 56. m. & inuenit oppositum augis siue longitudinem propiorum in 25. gr. & 30. m. Capricorni. Augem uero ei oppositam in 25. gr. 30. m. Cancræ. Sed pro Correlario sit epicycli circulus k, l, m, super centro g, in tertia habitudine. Erat superius angulus e, t, g, notus, & ipse est distantia epicycli ab auge secundum cursum medium. Item locus augis iam notus est, & locus planetæ erat notus, angulus g, n, z, scitus, à quo si angulum g, t, n, notum abstraxeris, relinquetur angulus t, g, n, cognitus, & arcus k, l, inuentus. Ille igitur ex semicirculo reiectus, relinquet arcum m, k, notum, qui est distantia planetæ ab auge epicycli media.

## PROPOSITIO XXI.

Qua in parte zodiaci aux eccentrici sit, alio processu cōperiri.

¶ Memorata superius omnia, hoc unum nunq̃ demonstratum supponunt, quod centrum eccentrici deferretis à duobus centris, mundi scilicet & æquantis æquidistet, in una quidem recta linea cum eis existens. Speciosæ autem demonstrationi, si quid incerti admiscebitur, nauseabit exinde intellectus. Quod si fugere uoles hanc amplectere uiam. Verum non minus fortasse molestiæ pariet hic difficultas q̃ alibi incertitudo. Quatuor habitudines extremitatibus notis, tales obseruabimus, ut temporis interualla que inter binas sunt, æqualia sint. Hæc enim conditio augem in medio binarū habitudinum esse indicabit.



¶ Hoc tamen ut planius appareat, in figura specularis. Sit circulus cras signorum a, b, g, d, super centro e, & sint quatuor habitudines consideratæ p̃ lineas e, a, e, b, e, g, & e, d, duo quoq̃ tēpora, quæ sunt inter a, & b, habitudines, & inter g, & d, habitudines, sint æqualia, diuidaturq̃ arcus b, g, per medium in puncto z, ducta linea z, h, in qua dico esse augem & oppositū augis eccentrici. Nam cōtinuatæ lineis a, e, b, e, g, e, & d, e, donec secabunt circumferentiam in punctis t, k, l, m, erunt hæc quatuor loca Solis media in habitudinibus dictis. Et quoniam tempora inter binas habitudines sunt æqualia, erit arcus t, k, æqualis arcui l, m, unde etiam arcus a, b, æqualis arcui g, d, igitur in his duobus interuallis æqualibus centrum epicycli planetæ de orbe signorum arcus æquales secuit, quod equidem fieri nequit, nisi arcus isti æqualiter ab auge, aut eius opposito distent, quemadmodum ex eis quæ de Sole dicta sunt, faciliter elici potest.

## PROPOSITIO XXII.

Proportionem eccentricitatis ad semidiametrum eccentrici concludere.

¶ Ad huius executionem pono circulum eccentricum epicycli delatorē a, b, g, super centro d. In cuius circumferentia tria puncta a, b, g, epicycli centrum in tribus habitudinibus representent. Linea uero transiens p̃ augem & oppositum augis eccentrici sit z, h, in qua sit centrum mundi punctus e, & centrum motus æqualis u, & ipsa linea z, h, diuidat arcum b, g, per medium. Producā de inde lineas a, e, b, e, & g, e, itemq̃ lineas a, u, b, u, & g, u, tria



## DECIMVS.


tria etiam puncta  $a, b, g$ , inter se continuabo  $a, b, b, g$ , &  $a, g$ , tandem quoque producam diametrum huius eccentrici, quæ sit  $b, d, l$ . Quia igitur tempus quod est inter habitudinem secundam & tertiam notum est, erit angulus  $b, u, g$ , notus, cum eius medietate  $b, u, z$ , unde angulus  $b, u, e$ , notus. Sed propter locum augis ex præcedenti notum, & propter locum habitudinis secundæ notum, datus erit angulus  $b, e, u$ . Trianguli itaque  $b, u, e$ , notos angulos habentis latera inter se nota erunt  $e, u$ , igitur ad  $b, u$ , proportionem habebit scitam. Sed trianguli  $a, u, e$ , anguli notierunt per similia media, cū locus habitudinis primæ sit datus & locus augis. Ob hoc enim angulus  $a, e, u$ , notus erit. Sed & angulus  $a, u, z$ , datus, quoniam  $b, u, z$ , notus est, &  $a, u, b$ , similiter propter tempus, quod est inter primam habitudinem & secundam cognitum, quare proportio  $e, u$ , ad  $a, u$ , nota. Cum autem angulus  $a, u, b$ , datus sit, erit proportio  $a, u$ , ad  $a, b$ , nota, angulus quoque  $a, b, u$ , cognitus. Item triangulus  $b, u, g$ , angulum  $b, u, g$ , habet notum. Sed angulus  $g, b, u$ , est æqualis angulo  $b, g, u$  igitur unusquisque eorum scitus, & proportio  $b, u$ , ad  $b, g$ , data, quare etiam  $b, g$ , respectu  $a, b$ , nota. Cum autem angulus  $a, b, g$ , ex duobus angulis constet iam notis, scilicet  $a, b, u$ , &  $g, b, u$ , & duolatera  $a, b, b, g$ , inter se nota sint, erit angulus  $b, a, g$ , notus, quare etiam arcus  $b, d$ , datus, & eius chorda  $b, g$  respectu semidiametri circuli  $a, b, g$ , nota. Sed erat  $b, g$ , nota respectu  $u, e, g$ , sicut omnes reliquæ lineæ, ergo etiam  $u, e$ , linea respectu semidiametri eccentrici nota erit, & ipsa est eccentricitas circuli æquantis. Deinde quia arcus  $b, g$ , notus est, erit residuus,  $g, l$ , notus, & angulus  $g, b, l$ , scitus. Dempto autem angulo  $g, b, u$ , noto, manet angulus  $u, b, l$ , notus. Sed & proportio  $b, u$ , ad  $b, d$ , semidiametri eccentrici nota est, ergo eodem respectu linea  $d, u$ , nota sit, qua dempta de tota  $e, u$ , relinquitur  $d, e$ , nota, & ipsa est eccentricitas circuli deferentis. Sic igitur utraq; eccentricitas elicitæ est. In hoc tamē processu centra æquantis & deferentis, supponuntur esse diuersæ. Quod utrum ita sit an non, hac uia cognosces. Angulum  $g, b, u$ , habuisti notum cum angulo  $g, b, l$ , qui si diuersi fuerint, centra prædicabis diuersa. Si uero eos coincidentes inueneris, dic & eccentricos in centro cōmunicare. Hæc omnia tenent, ponēdo centrū mundi cū centrīs eccentricorū in una linea recta. Quod si aliter esset, aliter procedendū esset.

### PROPOSITIO XXIII.

Semidiametrum epicycli ad semidiametrum eccentrici Martis, certa sub proportionem conferre.


¶ Aptiores ad hoc considerationes sunt, quæ prope habitudines, quas vocant extremitates noctis fiunt. Hic enim sensibilibiter uariatur angulus diuersitatis, quæ propter epicyclum accidit, unam considerationē habuit Ptolemæus in anno 2. Antonij, tertio die post habitudinem extremitatis noctis tertiam superius recitatam scilicet 15. die mensis Athica undecim, scilicet transacto, tribus horis ante ineditatem noctis. Considerauit enim Martem per instrumentū armillarū ad spicā rectificatū, & uidebat in 1. gr. & 36. m. Sagittarij, dum Sol medio motu in 5. gr. & 27. m. Gemi. uersabatur, & medium cœli erat 20. pars Libræ. Apparuit etiam stella Martis sequi centrū Lunæ tunc per gr. 1. & 36. m. Visum autem locum habuit Luna in principio Sagittarij unde certissimus erat locus Martis.

¶ Nunc describo circulū eccentricū epicycli delatorē  $a, b, g$ , sup. centro  $d$ , cuius diueter per augē eius & oppositū transiēs sit  $a, d, g$ , in qua punctus  $z$ , sit centrū motus æqlis, &  $e$ , centrū mūdi. Epicyclus autē  $h, t, k$  centrū suū habeat in





## LIBER




in puncto b, & sit planeta in puncto n. ducoq; lineas z, b, h, d, b, e, b, e, n., & b, n. & perpendiculares duas e, l. & d, m. super lineam z, b. Aliam uero perpendicularem b, s. super lineam e, n. continuatam. Erat autem distantia centri epicycli ab auge eccentrici in tertia habitudine nota, & ab eo instanti considerationis usq; nunc fluxit tempus notum, quare & nunc distantia centri epicycli ab auge scita est, unde angulus a, z, b. notus, & angulus d, z, b. proportio, igitur d, z. ad utramq; d, m. & z, m. cognita erit, quare utraq; earum respectu semidiametri eccentrici d, b. nota fiet, unde etiam b, l. sciatur. Est autem l, m. æqualis m, z. & e, l. dupla ad d, m. igitur b, l. nota cum e, l. & ideo linea e, b. numerata. Angulus quoq; e, b, l. inuenietur cognitus. Cum autem locus longitudinis propioris scitus sit, & locus astri consideratus, erit angulus g, e, s. datus. Angulus uero g, e, b. notus redditur propter duos angulos b, z, e. & e, b, z. cognitos, relinquitur igitur angulus b, e, s. cognitus. Vnde b, z. respectu b, e. nota ueniet. Item distantia planetæ à longitudine longiori epicycli media nota est, quare angulus k, b, n. notus. Sed erat cognitus k, b, t. angulus, ergo reliquus n, b, t. angulus sciatur, qui cum angulo b, e, n. cognito manifestabunt angulum b, n, s. & ideo proportio b, n. ad b, s. scita emerget, unde etiam proportio b, e. ad b, n. semidiametrum epicycli manifesta erit. Sed fuit b, e. respectu semidiametri eccentrici nota, ergo etiam b, n. eodem respectu cognoscetur, quod fuit ostendendum. Inuenit autem Ptolemæus semidiametrum epicycli Martis 39. partes & 30. minut. partis unius completæ, dum semidiametrum eccentrici poneret 60. partium.

PROPOSITIO XXIIII.

Pro medijs motibus Martis rectificandis operam dare.

¶ In anno 13. Dionysij, anno scilicet 52. à morte Alexandri, siue 476. à principio annorum Nabucho. quemadmodū narrat Ptolemæus, 20. die mensis Athus tertij scilicet transacto, in diluculo diei 21. stella Martis uidebatur cooperire stellam fixā, quæ est in latere septentrionali frontis Scorpionis. In hac autem consideratione Sol secundum cursum medium fuit in 23. gr. & 54. m. Capricorni, & hæc stella fixa in 2. gr. & 14. m. Scorpij. Locus aut augis in 21. gr. & 25. m. Cancri secundū computationē Ptolemæi, quoniā inter hanc considerationē & primam Antonij fuerunt anni ægyptij ferè 409. qbus æstimatione quidē Ptolemæi respondēt 4. gr. & 6. m. ferè.




¶ Hoc præmissis sit ecētricus epicyclū deferēs a, b, g. sup. centro d. in cuius diametro p. augē & eius oppositū trāseunte punctus a, sit aux. & g. oppositū eius e. centrū mūdi, & z. centrū motus æqlis. Sitq; epicyclus h, t. sup. centro b. & planeta ipse in puncto t. Linea autē e, l. sit mediū motus Solis. Ducantur etiā lineæ e, b. & z, b. h, d, b, b, t. & b, n. ppendiculares ad lineam e, t. Linea uero t, e. continuetur ultra e, donec d, m. ad eam perpendiculariter incidere possit. Ducaturq; linea d, s. æquidistans e, t. lineæ. Quia itaq; locus Solis medius datus est, & locus planetæ uerus sit angulus t, c. l. datus, cui æqualis est b, t, e. angulus, cū ex 10. huius lineæ b, t. & e, l. æquidistant, triangulus ergo b, t, n. notorū est angulorū, quare pportio b, t. semidiametri epicycli ad b, n. nota est, & linea b, n. respectu semidiametri ecētrici nota. Deinde quia angulus t, e, g. aut ei cōtrapositus d, e, m. ex loco planetæ & longitudine, p̄ priori cognitus notus est, & angulus m, rectus, erit d, m. respectu d, e. nota; Sed d, c. respectu semidiametri ecētrici est nota, ergo & d, m. cui æqualis est s, n. eodem respectu nota erit. Sed erat nota b, n. hoc respectu, quare b, s. residua



DECIMVS.

residua data erit, unde etiam propter semidiametrum  $b, d.$  notam, data erit  $d, s.$  & angulus  $b, d, s.$  cognitus. Est autem angulus  $s, d, e.$  notus, quoniam æqualis angulo  $t, e, g.$  dato, ergo totus angulus  $b, d, e.$  cognitus, & ei coniunctus  $b, d, z.$  Sed & proportio  $b, d.$  semidiametri ad  $d, z.$  nota iam est, quare angulus  $b, z, d.$  notus exhibet cum angulo  $a, z, b.$  qui est angulus distantiae medijs loci planetæ ab auge eccentrici. Anguli autem duo  $b, z, g.$  &  $g, e, l.$  æquipollent angulo  $h, b, t.$  quare cum ipsi noti sint, erit angulus  $h, b, t.$  cognitus, qui ostendet distantiam planetæ ab auge epicycli media. Habemus itaque motum medium planetæ ad hanc considerationem. Superius quoque in tertia habitudine motus huiusmodi notus erat, quare differentia eorum motuum, si qua sit, nota. Sed tempus inter duas considerationes existens notum est, & motus longitudinis per quartam & quintam noni Libri huic temporis correspondens extrahi potest, qui si æqualis fuerit differentiae mediorum motuum ex considerationibus acceptæ, certa est medijs motus tabulatio. Si uero inæqualis, excessum notabis, & cum more usitato in dies temporis medijs distribues, ut exeat portio erroris pro una die. Addenda quidem motui unius diei prius tabulate, aut subtrahenda, quemadmodum res ipsa postulat.



PROPOSITIO XXV.

Radices mediæ motuum Martis certo tempore coaptare.

¶ Iam habes medium motum in longitudine, numera igitur tempus quod est inter instans considerationis, & instans pro quo radicem fundare instituis, huic tempori motum medium ex tabula reſtificata collectum, à motu medio, quem dedit conſideratio ſubtrahe, ſi radicem ad præteritum uoles, aut adde, ſi ad futurum, & quod reſultabit, erit radix cupita. Similiter pro radice diuerſitatis ages. Verum cum diſtantiâ, ſi qua ſit, inter duo loca media Solis & planetæ ſemper æqualis ſit diſtantiæ planetæ ab auge media epicycli, ſatis erit pro medio motu planetæ in longitudine radicem ſtauiſſe.

FINIT LIBER DECIMVS.

## LIBER

sum d, a. puncto z. distans, productis lineis z, a, s, d, a, e, e, s. Ex angulo itaq; n, z, s. noto, erit proportio z, d. ad d, h. & h, z. nota. Sed ex a, d. semidiametro eccentrici, & d, h. iam nota constabit linea a, h. cui si h, t. æqualem h, z. adieceris, ueniet tota a, t. nota, ex qua & linea e, t. dupla ad d, h. nota fiet a, e. quare angulus e, a, t. cognitus erit. Similiter ex z, s. semidiametro æquantis, & z, t. nota fiet tota s, t. quæ cum e, t. notam facient lineam s, e. unde angulus e, s, t. scitus erit, quo dempto ex angulo e, a, t. relinquetur angulus a, e, s. cognitus, cuius quidem arcum loco epicycli in prima habitudine superaddamus, & collecta in noua operatione utamur.

¶ Pro secunda autem habitudine ponamus dispositionem priori similem, nisi quod punctum b. uicinius sit opposito augis. Ex angulo itaq; n, z, b. per præcedentem nota erit proportio z, d. ad utraq; linearum d, h. & h, z. nota, unde etiam utraq; earum respectu semidiametri æquantis nota erit. Ab lata igitur t, z. dupla ad h, z. ex linea s, z. manebit s, t. nota, quæ cum linea e, t. dupla ad d, h. notificabunt lineam s, e. unde angulus e, s, t. notus erit. Item ex d, b. semidiametro eccentrici, & d, h. nota constabit linea b, h. cui si dempseris lineam t, h. manebit linea b, t. nota, ex qua & linea t, e. dupla ad lineam d, h. cognita ueniet linea b, e. & ideo etiam angulus e, b, t. notus erit, quæ ex angulo e, s, t. minuemus, ut relinquetur angulus b, e, s. notus, huius autem anguli arcu ex uero loco epicycli in secunda habitudine minuemus, & cum residuo operamur in noua operatione, quæadmodum etiã in Marte actum est.

¶ In tertia deniq; habitudine non mutemus figuræ characteres. Verum huius habitudinis notam post oppositum augis statuamus. Erat autem angulus g, z, d. cognitus, quare utraq; linearum d, h. & h, z. respectu d, z. cognita erit. Dempta igitur z, t. quæ dupla est ad h, z. ex z, s. semidiametro æquantis relinquitur t, s. nota, ex qua quidem, & linea e, t. nota redditur linea e, s. unde etiam angulus e, s, t. notus fiet. Item ex d, g. & d, h. notis, manifestabitur linea h, g. Inde autem reiecta linea h, t. manebit linea t, g. cognita, ex qua deniq; & e, t. nota erit e, g. & angulus e, g, t. inuentus, quem si ex angulo e, s, t. minuerimus, relinquetur angulus g, e, s. notus, cuius arcum ad uerum locum epicycli in tertia habitudine addamus, & collectio in noua operatione utamur. His ueris motibus iam repertis utamur uice eorum quos per considerationes accepimus, & per differentias eorum, retentis medijs motibus antea inuentis, extrahamus denuo eccentricitatem, & distantiam singularum habitudinum ab auge eccentrici, uel ab eius opposito. Iterum quoq; arcus huiusmodi paruos inquiramus. Et ut prius pergamus donec certitudinem bonam nacti fuerimus. Cuius quidem indicium erit quando arcus isti parui in aliqua operatione inuenti, eis qui in sequenti inueniuntur, arcubus æquantur. Ptolemæus autem optimus hanc centrorum distantiam ad semidiametrum eccentrici 60. partium constitutam reperit 5. partium, & 30. minut.

### PROPOSITIO IIII.

Quod ea quæ de eccentricitate, & trium habitudinum ab auge uel eius opposito distantijs conclusa sunt, experimento respondeant obseruationum, numeris offendemus.

Si



## VNDECIMVS.

¶ Si ex eccentricitate nouissime conclusa, & ex distantijs trium habitudinum ab auge uel opposito augis æquantis reperiemus eas distantias inter se trium habitudinum respectu centri mundi, quas per considerationes accepimus, certum erit omnia bene inuenta esse. Sit itaq; eccentricus epicycli delator, circulus l a, m. super centro d. In cuius diametro per auge, & oppositum eius transeunte, quæ est l, m. sit punctus z, centrum motus æqualis, & e, centrum mundi, sitq; à punctis habitudinis primæ ductis lineis a, z, a, d, & a, e. Ex præcedenti autem angulus l, z, a, notus erat, quare utraq; linearum d, h, & h, z, respectu d, z, erit cognita. Et cum a, d, sit semidiameter eccentrici, erit linea a, h, nota, cui si h, t, æqualem h, z, adiecerimus, erit tota a, t, cognita, sed e, t, dupla est ad d, h, unde ipsa nota, per quã & lineam a, t, nota fiet linea a, e, & angulus e, a, t, qui demptus ex angulo l, z, a, relinquet angulũ a, e, l, notũ, qui est distantia uera habitudinis primæ ab auge eccentrici.

¶ Præterea in secunda habitudine, quàm punctus b, notat, quia angulus b, z, m, notus est ex præcedenti, erunt lineæ d, h, h, z, t, h, & e, t, modo iam sæpe dicto notæ. Ex linea autem d, h, & d, b, cognoscetur linea b, h, & residua b, t, quæ cum linea t, e, manifestabit lineam b, e, quamobrem & angulus e, b, t, notus erit, qui cum angulo b, z, m, noto æquantur angulo b, e, m, scilicet distantia fere secundæ habitudinis ab opposito augis eccentrici. Prius autem constabat distantia habitudinis primæ ab auge eccentrici, manifesta igitur erit distantia duarum habitudinum inter se.

¶ In tertia deniq; habitudine, quàm representat punctus g, quia angulum g, z, m, notum fecit præcedens, erunt iterum lineæ d, h, h, z, t, h, & e, t, notæ. Ex linea itaq; d, g, & d, h, nota fiet g, h, à qua subtracta t, h, manebit t, g, cognita, quæ cum e, t, manifestabit lineam g, e, unde etiam angulus e, g, t, notus erit, quem si angulo g, z, m, prius noto coniunxerimus, prodidit angulus g, e, m, notus, scilicet distantia habitudinis tertiæ ab opposito augis. Quam quidẽ distantiam, si distantia secundæ habitudinis ab opposito augis coniunxerimus, proueniet distantia illarum duarum habitudinum inter se. Si igitur diligenter numerabimus, reperiemus distantias has æquales eis, quas per considerationes accepimus, quare contenti erimus in his, quæ supra de eccentricitate, & rebus alijs conclusimus.




### PROPOSITIO V.

Iupiter qua in parte orbis signorum auge eccentrici habeat percunctari.

¶ Distantiam tertiæ habitudinis ab opposito augis eccentrici præcedens elicit, sed & huius habitudinis in orbe signorum notus est locus ex consideratione, quare & locus oppositi augis cognitus erit, & consequenter locus augis. Inuenit autem Ptolemæus locum augis in 11. gra. uirginis, nam locus tertiæ habitudinis erat in 14. gra. & 23. mi. arietis. Distantia uero eius ab opposito augis secundum signorum successionem erat 33. gra. & 23. mi. quam li à 14. gr. & 23. mi. dempserimus, accommodata una integra reuolutione, proueniet oppositum augis ad 11. gr. piscium. In cuius diametrali oppositione constat auge esse.


### PROPOSITIO VI.

Q ij Locum





Locum medium Iouis in Zodiaco, eiusq; distantiam ab auge epicycli media in aliqua trium habitudinum patere facere.




¶ Huius cognitio sequentibus seruiet. In habitudine itaq; tertia notus erat angulus  $g, z, m$ , scilicet medię distantię ab opposito augis, & erat locus oppositi augis cognitus, quare per additionem huiusmodi distantię ad locum oppositi augis ad medium locum Iouis perducemur. ¶ Amplius descripto epicyclo  $h, t, k$ , super centro  $g$ , quęrimus arcum  $h, t, k$ . Ex prioribus autem constabat angulus  $g, e, m$ , distantię scilicet uerę ab opposito augis, itemq; angulus  $g, z, m$ , distantię medię ab eodem, unde notus erit reliquus angulus intrinsecus  $e, g, z$ , & arcus  $t, k$ , cognitus, quem si semicirculo addiderimus, prodibit arcus  $h, t, k$ , quęsitus.

## PROPOSITIO VII.

Proportionem semidiametri epicycli ad semidiametrum eccentrici manifestare.

¶ In anno secundo Antonij 26, die mensis Mesrę, ultimi scilicet, ante ortum Solis, quinq; horis æqualibus ferę a medio noctis Ptolemęus per armillas ad aldebaran rectificatas locum Iouis uerum reperit in 15. gr. & 45. mi. geminorum. Erat enim omnino Iupiter secundum uisum coniunctus Lunę, nisi quod Luna modico decliuior fuit ad meridiem. Et locus Lunę ex numeratione Ptolemęi tunc itidem secundū uisum erat in 15. gr. & 45. mi. geminorum. In hac autem consideratione erat Sol medio cursu suo in 16. gra. & 11. mi. cancri, & medium cœli 2. gra. arietis.



¶ Quo recitato describo eccentricum epicycli delatorem super centro  $d$ , qui sit  $a, b, g$ . In cuius diametro per augem, & oppositum eius transeunte  $a, g$ , punctus  $z$ , sit centrum motus equalis, &  $e$ , centrum mundi, deinde super puncto  $b$ , post oppositum augis, quemadmodum ipsa consideratio exigit, describo epicyclum  $h, t, k$ , sitq; planeta in puncto  $k$ . Producam deniq; lineas  $z, b, h, d, b, e, b, t$ , &  $e, k$ , &  $b, k$ , duasq; perpendiculares  $d, m$ , &  $e, l$ , ad lineam  $z, b$ , & perpendicularem  $b, n$ . Quia autem tempus, quod est inter hanc considerationem, & eam pro qua in præcedenti locum medium planetę didicimus notū, erit medius motus planetę huic temporis respondens cognitus. Qui quamuis nondum satis correctus sit, nihil tamen in hoc erroris inducet. Sed erat locus medius in ea consideratione notus, ergo & nunc datus erit. Ex loco autem oppositi augis, & medio loco planetę iam cognito notus erit angulus  $b, z, g$ , & erit utriusq; linearum  $d, m$ , &  $m, z$ , ad lineam  $d, z$ , proportio nota, quare quælibet earum respectu  $d, z$ , erit nota. Ex semidiametro autem  $d, b$ , & lineā  $d, m$ , nota fiet linea  $b, m$ , & residua  $l, b$ , postquam  $l, m$ , æqualis  $m, z$ , abijcitur. Ex qua quidem, &  $e, l$ , dupla ad  $d, m$ , cognoscetur  $b, e$ , quamobrem etiam angulus  $e, b, l$ , cognitus erit. Propter angulos autē  $e, z, b$ , &  $e, b, z$ , notos, sciatur angulus  $g, e, b$ , distantia scilicet centri epicycli ab opposito augis eccentrici. Deinde sicut inuentus est locus medius planetę, ita inuenietur distantia eius ab auge epicycli media, scilicet arcus  $h, k$ . Prius autem notus erat angulus  $e, b, z$ , cui contrapositus est angulus  $h, b, t$ , unde arcus  $h, t$ , notus, quo dempto ex arcu  $h, k$ , relinquetur arcus  $t, k$ , argumenti ueri planetę, & angulus  $t, b, k$ , notus erit. Ex loco autem planetę per observationem cognito, & ex loco oppositi augis sciatur  $g, e, k$ , Prius au-

tem



VNDECIMVS.

tem notus erat angulus  $g, e, b$ . quare relinquetur angulus  $b, e, k$ . scitus qui deniq; demptus ex angulo  $t, b, k$ . relinquet angulum  $b, k, e$ . cognitum. Et cum angulus  $n$ . sit rectus, erit utriusq; linearū  $e, b$ . &  $b, k$ . respectu  $b, n$ . nota proportio, quare  $b, k$ . semidiameter epicycli respectu  $e, b$ . nota erit. Sed erat  $e, b$ . respectu semidiametri eccentrici nota quare etiam  $b, k$ . respectu eiusdem data ueniet, quod expectabatur demonstrandum. Inuenit autē Ptolemæus semidiametrum epicycli 11. partium, & 30. mi. huiusmodi de quibus 60 habet semidiameter eccentrici.


PROPOSITIO VIII.

Vt medijs motus Iouis inuenti certiores habeantur ingenium fatigare.

¶ Quemadmodum in Marte illud attentando processimus, hic perge-  
mus eligentes considerationem unam, quæ nos locum Iouis doceat quam  
certissime in anno 45. secundum tempus Dionisij die decimo mensis no-  
minati, Iuvenum Ptolemæo recitante uidebatur stella Iouis cooperire stel-  
lam fixi Cancrī, cuius Asinus meridianus nomen est. Fuit autem hæc consi-  
deratio in anno 83. à morte Alexandri 17. die mensis Athica, undecimi scilicet  
transacto, in matutino diei 18. dum medio cursu suo Sol esset in 9. gra.  
& 56. mi. uirginis. Huius stellæ fixæ locus erat in anno primo Antonij in  
11. gr. & 26. mi. Cancrī. Sed præcessit hæc consideratio in 378. annis ferè,  
quibus secundum numerationem Ptolemæi de motu octauæ sphaeræ re-  
spondent 3. gra. & 47. mi. quare in ipsa consideratione locus stellæ fixæ,  
qui & Iouis erat locus, fuit in 7. gr. & 33. mi. Cancrī. Similiter quia locus au-  
gis Iouis Ptolemæi tempore fuit in 11. gr. uirginis, in hac consideratione o-  
portuit fuisse in 7. gra. & 13. mi. eiusdem. ¶ Nunc proposito parata est uia  
nostro. Pingamus eccentricum a, b, g. super centro d. in cuius diametro a, g.  
per augem, & eius oppositum transeunte sit punctus e. centrum mundi, &  
z. centrum motus æqualis. Sitq; epicyclus descriptus super puncto b. in cu-  
ius circumferentia punctus t. planetam in consideratione ipsa representet.  
Ductis lineis z, b, h, d, b, e, b, e, t. & b, t. & super lineam e, t. perpendicularis  
demittatur à puncto d. quæ sit b, n. hæc continuetur donec occurrat lineæ  
d, s. æquidistanti e, n. ita ut angulus s. fiat rectus. Ducantur præterea duæ  
perpendicularares d, m. & z, h. ad duas lineas e, t. & d, b. Linea autem medijs  
motus Solis in hac consideratione sit e, l. Quia itaq; locus augis notus est, cū  
loco Solis medio, & loco planetæ uero, erit angulus l, e, t notus, & ei coalter  
nus b, t, e. Sed angulus n. est rectus, ergo latus b, n. trianguli t, b, n. notū erit  
respectu b, t. Item propter locum augis notum, & locum planetæ datū, an-  
gulus b, t, e. sciatur. Sed angulus m. est rectus, ergo d, m. respectu d, e. nota.  
Cui quidem æqualis est s, n. u. sic tota b, s. est cognita respectu semidiametri  
eccentrici d, b. cum b, t. & d, e. respectu eiusdem notæ sint trianguli, igitur  
b, d, s. rectanguli duo latera nota sunt, quare omnes eius anguli dati cū re-  
liquo latere, eritq; ex hoc totus angulus a, d, b. cognitus, unde z, h. & k, d. re-  
spectu d, z. & semidiametri eccentrici notæ erunt, relinquetur ergo k, b. no-  
ta, ex qua & lineæ z, k. patefiet lineæ z, b. cum angulo z, b, k. Sic duo anguli  
z, d, b. & z, b, d. noti sunt, & ideo angulus a, z, b. extrinsecus notus dabitur,  
qui quidem est distantia mediæ epicycli ab auge. Sed erat notus angelus a,  
e, l. distantia mediæ Solis ab auge eccentrici Iouis. Hi duo anguli ex supra de-  
claratis æquantur angulo b, h, t. Est enim punctus h. aux mediæ epicycli,

Q iij

quare



quare angulus h, b, t. cognitus, & arcus h, t. scitus. Conclufimus itaq; diftanti-  
 am planetæ fecundum curfum medium longitudinis ab auge ccentrici.  
 Eft em locus augis cognitus, quare & medius locus planetæ datus. In fexta  
 huius fimile docuimus. Patebit itaq; differentia duorum locorum, fiqua fit.  
 Quod fi medius motus per tabulas extractus huic differentia æqualis fue-  
 rit, bonas credemus eſſe tabulas. Si uero non, exceſſum diuidemus in dies  
 omnes, qui inter duas ſunt conſiderationes, & quod exhibit, addemus mo-  
 tui diei unius ex tabulis accepto, ſi addendum fuerit. Aut minuemus, ſi mi-  
 nuendum, & proueniet motus unius diei correctus, ex quo deniq; nouas  
 tabulas fabricabimus, quemadmodum in cæteris actum eſt. Similiter pote-  
 rimus emendare motum medium diuerſitatis. Veruntamen cum motus  
 diuerſitatis medius à motibus medijs Solis, & alicuius trium ſuperiorum  
 dependeat, ſatis erit emendaſſe medium longitudinis motum,

## PROPOSITIO IX.

Ad tempus ſtatutum medio motui Iouis in longitudine  
 radicem firmare.

¶ Ex præmiſſa habes medium motum Iouis ad certum tempus. Accipe  
 itaq; ex tabulis iam inuouatis medium motum correfpondentem differen-  
 tia duorum temporum, illius ſcilicet ad quod medium præcedentis el. cuiſ-  
 ti, & alterius cui radicem adaptare inſtituiſ. Hunc itaq; motum deme ab eo,  
 quem ex conſideratione eliciuiſti, ſi ad tempus præteritum radicem cupis,  
 aut adde eidem, ſi ad tempus futurum, & habebis radicem cupitam. Radicem  
 autem medijs motus diuerſitatis dabunt duæ radices, medijs motus So-  
 lis ſcilicet, & medijs motus planetæ, poſtq; alter ex altero ſubtrahetur.

## PROPOSITIO X.

In diuerſitate motuum Saturni tandem rationabiliter  
 ſpeculari.


¶ Principio locum augis comperiffe ſtudebimus, quoniam præter eum  
 qui ianua cæteris eſt, ſicut neq; in Martè Ioue nihil unq; in Saturno efficie-  
 mus. Ex tribus itaq; conſiderationibus, qua in parte zodiaci eius aux fue-  
 rit, docebimur. Quorum primam Ptolemæus fecit in anno 11. Adriani.  
 Dum enim in duabus noctibus ſe ſequentibus ad Saturnum reſpiceret, re-  
 perit eum in prima nondum perueniſſe ad habitudinem extremitatis no-  
 ctis. In ſecunda uero nocte reperit eum tranſiuiſſe huiusmodi habitudinē.  
 Trutinando eum eliciuit fuiſſe in huiusmodi habitudine poſt meridiem ſe-  
 ptimo die menſis Machur, ſex horis æqualibus, dum locus eius uerus eſſet  
 in 1. gr. & 13 m. Libræ, quoniam Sol ſuo curſu medio erat in 1. gr. 13. m.  
 Arietis. In ſecunda conſideratione, quæ fuit in anno 17. Adriani 4. horis  
 æqualibus tranſactis à meridie diei 18. menſis Athica, undecimi ſcilicet,  
 Saturnus erat per oppoſitum ad locum Solis medium in 9. gr. & 40. m.  
 Sagittarij. In anno autem 20. Adriani, Saturnus fuit in hac habitudine ex-  
 tremiſſe noctis in meridie diei 24. menſis Meſræ, ultimi ſcilicet, & uerus  
 eius locus in 14. gr. 14. m. Capricorni. Tempus itaq; quod à prima habitu-  
 dine fluxit in ſecundam, fuit ſex anni ægyptij, 70. dies, & 22. horæ æquales.  
 In quo quidem tempore medius motus Saturni fuit 75. partes ſiue gr. &  
 43. m. Tempus uero à ſecunda habitudine ad tertiam fuit tres anni ægy-  
 ptij,



# VNDECIMVS.

ptij, 35. dies, & 20. horæ æquales. Et medius motus Saturni in eo 37. gr. & 53. m. Motus autem uerus eius in primo intervallo temporis fuit 68. gr. 27. m. In secundo uero intervallo 34. gr. & 34. m.

¶ His recitatis repetamus figuram, quam superius Ioui exarauimus. In qua cum angulus b, d, g. notus sit, erit proportio d, e. ad e, h. nota. Sed angulus b, e, g. notus est, propter arcum b, g. numeratum, fit igitur angulus e, b, d. reliquus intrinsecus cognitus, & proportio b, e. ad e, h. scita. Cum itaq; tam d, e. quàm b, e. respectu e, h. habeat proportionem notam, erit b, e. nota respectu d, e. Similiter ex angulo a, d, e. propter angulum a, d, g. notum erit z, e. respectu d, c. cognita. Est autem angulus a, e, d. notus propter arcum a, b, g. notum, quare residuus e, a, d. scitus. Et ideo proportio a, e. ad e, z. inuenta. Proportio igitur a, e. ad d, e. cognita ueniet. Duæ itaq; lineæ a, e. & b, e. respectu lineæ d, e. manifestam habent quantitatem, quare ipse inter se notæ erunt. Cum autem angulus a, e, b. ex arcu a, b. sciatur, erit utraq; linearum a, t. & t, e. respectu a, e. cognita, unde & residua t, b. Inde quoq; a, b. notificabitur. Est autem a, b. respectu diametri eccentrici nota, quoniam ipsa est chorda arcus a, b. noti, unde etiam omnes reliquæ lineæ hoc respectu patefient. Propter lineam igitur a, e. chordam scilicet arcus a, e. cognoscetur arcus a, e. quare totus arcus e, a, g. notus erit cum sita chorda g, e. Erat autem linea d, e. respectu a, b. cognita, quare etiam nota erit respectu diametri eccentrici, quæ quidem subtracta ex g, e. relinquetur d, g. numerata. Quantitas autem arcus e, a, b. demonstrabit, an centrum eccentrici in hac sit portione, an extra, aut in ipsa chorda e, g. Si enim maior fuerit portio hæc semicirculo, centrum eccentrici intra eam erit. Si minor, extra. Si semicirculus erit in chorda e, g. Si igitur centrum eccentrici in chorda e, g. esset, facile constaret ipsius à puncto d. distantia, quam eccentricitatem uocant. Extra hanc autem eo existente, alia uia pergendum erit, ut eccentricitas ipsa eliciatur.




## PROPOSITIO XI.

Vna quæq; trium habitudinum, quantum ab auge eccentrici uel eius opposito distet, quantumq; centrum eccentrici à centro mundi remoueat conijcere.

¶ Descripto eccentrico super k. puncto & centro, ponatur in eo chorda g, e. cuius quidem punctus g. sit nota tertiæ habitudinis superius memoratæ, & super circumferentiam eius sint duæ notæ, a, b. reliquarum habitudinum. Sitq; k. centrum intra hanc portione e, a, b, g. Diameter autem eccentrici, quæ per centrum eius & centrum mundi transit, sit l, k. d, m. sitq; d. centrum mundi, & l. aux eccentrici. Ducatur deniq; ad chordam g, e. perpendicularis k, z. quæ continuetur in s. punctum circumferentiæ. Præcedens autem duas lineas e, d. & d, g. respectu semidiametri eccentrici notas efficiet. Dempto igitur quod ex earum altera in alteram fit, ex quadrato semidiametri manebit quadratum lineæ k, d. notum, quare & ipsa linea nota, quæ scilicet est distantia duorum centrorum.

¶ Præterea e, z. medietas chordæ e, g. nota est, quare z, d. nota erit, & angulus z. est rectus, igitur angulus d, k, z. scitus erit, & arcus g, m. cognitus. Sed & arcus g, s. notus est, qm ipse est medietas arcus g, s, e. cogniti, quare collectis duobus arcibus g, s. & s, m. efficietur totus arcus g, s, m. cognitus.

Q uij Quem





# LIBER

Quem si ex semicirculo proiecerimus, residuabitur arcus l, g. notus, qui est distantia tertiæ habitudinis ab auge eccentrici. Item arcus b, g. notus erat, quo dempto ex l, g. manebit l, b. arcus distantia secundæ habitudinis ab auge notus. Quo deniq; ex arcu a, b. reiecto, manebit arcus a, l. cognitus, qui est distantia primæ habitudinis ab auge, quod intendebamus.

## PROPOSITIO XII.

Vt uiciniores ad præcisum ueniamus, arcus paruos siue angulos discernere.

¶ Satis iam constare cenfeo, quamobrem arcus huiusmodi parui inquirantur. Epicyclum deferat circulus n, a. super centro d. lineatus. Cui alius æqualis l, m. super centro z statuatur, quem uocant æquantem. Sitq; in circulo n, a. punctus a, primæ habitudinis, & in diametro l, z. d, m. punctus e, centro mundi seruiat. Productis itaq; lineis e, a. d, a. z, a, s. & e, s. Duabusq; perpendicularibus d, h. & e, t. angulum a, e, s. quærimus. Ex præmissa autem l, z, a. notus erat, quare modo sæpe dicto omnes linee d, h. h, z. e, t. t, h. respectu lineæ d, z. & respectu semidiametri eccentrici notæ erunt. Propter lineam igitur a, d. scilicet semidiametrum eccentrici, & lineam d, h. notæ t, a, h. & inde h, t. ex qua & lineæ e, t. cognoscetur a, e. unde etiam angulus e, a, t. scitus erit. Quod si iunxerimus duas lineas notas z, s. scilicet semidiametrum, & z, t. fiet tota t, s. scita, propter quam & lineam e, t. patebit lineæ e, s. & angulus e, s, t. quem si ex angulo e, a, t. extrinseco minuerimus, relinquetur angulus a, e, s. inuentus, qui quærebatur.





¶ In habitudine uero secunda simili sillogismo ex angulo l, z, s. omnium linearum d, h. h, z. e, t. & t, h. ad lineam d, z. proportionales notæ erunt, quare unaquæq; earum respectu semidiametri eccentrici notæ erit. Ex lineis autem d, b. & d, h. notæ erit b, h. cui adiecta h, t. fiet tota b, t. scita, propter quam & lineam e, t. scietur lineæ e, b. cum angulo e, b, t. Lineæ autem s, z. & z, t. notæ, cum e, t. notificabunt lineam e, s. & angulum e, s, t. quo sublato ex angulo e, b, z. relinquetur angulus b, e, s. quæsitus.

¶ Et in habitudine tertia per omnia similiter agemus, donec angulum g, e, s. reperiemus. Sed ne sermone longiori obtundaris, his angulis aut eorū arcibus utaris, sicut in Ioue & Marte fecisti, totiens repetendo hoc opus, quotiens oportunum fuerit. Inuenit autem Ptolemæus, dum poneret semidiametrum eccentrici 60. partium, & 50. minu. centrum autem deferentis epicyclum medium itidem posuit ut in alijs inter centrum mundi & centrum æquantis.

## PROPOSITIO XIII.

Arcus à stella in duobus temporum interuallis uero cursu descriptos, ex eis quæ conclusa sunt reperire. Vnde liquidum erit, eccentricitates cum cæteris rebus bene inuentas esse.

¶ Nisi tres ille habitudines Saturni aliter quàm in Ioue cecidissent, ad superiora te remittere. Oculis itaq; tuis figuras tres obieci, quemadmodum trina compellit obseruatio. Accipe ergo primam, in qua circulus l, m. delator epicycli æstimetur super centro d. In cuius diametro l, d, m. punctus l. sit aux, z, uero centrū motus æqualis, & e, centrum mundi, sitq; a, punctus primæ





## VNDECIMVS.

primæ habitudinis, ductis lineis e, a. d, a. & z, a. duabusq; perpendicularibus d, h. & e, t. Ex processu autem præcedentis l, z, a. angulus fit notus, & ideo proportionibus linearum d, h. h, z. t, h. & e, t. ad lineam d, z. cognita erunt, omnes igitur illæ lineæ respectu semidiametri eccentrici notæ erunt. Ex lineis autē d, h. & a, h. cognoscetur a, h. cui adiecta t, h. nota ueniet tota a, t. propter quam deinde & lineam e, t. innotescet linea e, a. & ideo angulus e, a, t. notus erit, quo dempto ex angulo l, z, a. prius noto, relinquetur angulus l, e, a. notus, q; est distantia uera primæ habitudinis ab auge eccentrici.

¶ In secunda uero habitudine omnino similibus medijs utaris. Angulus b, e, l. notus erit, distātia scilicet habitudinis secundæ ab auge. Hos itaq; duos angulos si coniunctos uidebis æquales arcui, quem stella uero cursu in primo intervallo temporis descripsit, recte stat.

¶ Deinde pro habitudine tertiā non dissimiliter angulus g, e, l. notus erit. A quo quidem angulo g, e, l. angulum b, e, l. demas, & residuum, si fuerit æquale arcui quem stella per motum uerum in secundo temporis intervallo descripsit, iam certum est, omnia bene inuenta esse. Quandoquidem cum considerationibus plane concordant, igitur &c.

### PROPOSITIO XIII.

Saturno deniq; in orbe signorum existente suæ augis locus ab Astronomo scitus desideratur.

¶ Quia uniuscuiusq; trium habitudinū ab auge distantiā præcedens elicit, & cuiuslibet earum locus in orbe signorum per considerationem patuit, erit & locus augis facillime cognitus. Ptolemæus enim distantiā tertiæ habitudinis ab auge numerauit 51. gradus, & 14. minuta. Erat autē locus huius tertiæ habitudinis uerus in 14. gra. & 14. minu. Capricorni, quare contra signorum consequentiā à 14. mi. 14. grad. Capricorni si numerauerimus 51. gradus & 14. minuta, ad finem 23. gradus, 46. minu. Scorp. onis perueniemus. In quo etiam Ptolemæus augilocum in principio regni Antonij deputauit.

### PROPOSITIO XV.





In qua uero parte zodiaci Saturni locus medius sit in aliqua trium habitudinū, quantumq; ab auge epicycli media distet inuestigare.

¶ Locus augis iam notus est ex præcedenti. Media uero uniuscuiusq; trium habitudinū ab auge distantia superius inuenta est, quare medius locus erit notus. Quod si super puncto g. tertiæ habitudinis epicyclum h, t, k. descriperimus, erit arcus h, t, k. distantia planetæ ab auge epicycli media in tertiā habitudine non ignota. Est enim angulus g, z, l. cognitus ex 12. huius. Sed & angulus g, e, l. ueræ distantia tertiæ habitudinis ab auge per 13. notus, quare residuus intrinsecus e, g, z. cognitus, & arcus t, k. numeratus. Quem si à semicirculo h, t, dempseris, relinquetur arcus h, k. qui quærebatur notus.

### PROPOSITIO XVI.

Eccentrici & epicycli duabus semidiametris ligam proportionibus elaborare.

Certissima



## LIBER

PROPOSITIO XVII.


¶ Quæ pro Marte & Ioue aperta est uia, ad intentum nos perducet, si prius per considerationem locum Saturni uerum acceperimus. In anno itaq; Chalæorum 802, in mense eorum nominato Chestendefin, in die quinto



## VNDECIMVS.

quinto, circa principium noctis, uidebatur Saturnus sub humero meridiano Virginis duobus digitis. Hæc autem consideratio fuit à principio Nabuchodonasaris in anno 519.14. die mensis Tobi, quinti scilicet transacto circa principium noctis, dum medio cursu Sol peruenisset ad 6. gr. & 10. minut. Piscium. Huius autem stellæ fixæ secundum numerationem Ptolemæi locus fuit in primo anno Antonij in 13. gradu, & 10. minut. Virginiæ. Sed inter hanc considerationem antiquam & primum annum Antonij, fuerunt anni ægyptij ferè 366. quibus de motu stellarum fixarum respondent 3. gr. m 40. minut. ferè. Quos si à 13. gradibus & 10. minutis dempserimus, manebit locus huius stellæ in 9. gr. & 20. minut. ferè Virginiis. Similiter aux Saturni, quæ tempore Ptolemæi fuit in 23. grad. Scorpionis, tunc erat in 9. gra. & 20. minu. ferè Scorpionis.

¶ Describamus igitur figuram, qualem superius pro Ioue posuimus, nisi quòd epicyclum hic aliter, & planetam in epicyclo, locumq; Solis medium, quemadmodum in hac consideratione accidit statuamus. Erat autem in hac consideratione & locus augis notus & locus planetæ, quare angulus a, e, t. cognitus. Sed & medius locus Solis patens, quare angulus a, e, l. inuentus. Et ideo totus angulus t, e, l. cognitus, cui æqualis propter æquidistantiam linearum e, l. & b, t. angulus e, t, b. unde angulus b, t, n. cognitus. Sed angulus n. est rectus, fit igitur proportio b, t. semidiametri epicycli ad b, n. nota. Sed propter angulum a, e, t. notum, siue a, e, m. & angulum m. rectum, fit proportio d, e. ad d, m. nota. Vtræq; igitur linearum d, m. & b, n. respectu semidiametri eccentrici nota erit. Est autem d, m. æqualis n, s. hinc tota b, s. cognita. Cum igitur angulus s. sit rectus, & d, b. semidiameter eccentrici, erit angulus b, d, s. notus. Sed angulus a, d, s. notus est, qm æqualis angulo a, e, t. noto, quare erit totus angulus b, d, s. cognitus, & erit utraq; linearum d, k. & k, z. respectu d, z. & etiam respectu semidiametri eccentrici nota, hinc erit linea b, k. nota, ex qua & linea k, z. innotescet linea b, z. unde etiam angulus d, b, z. scitus erit. Sed ex duobus angulis b, d, z. & d, b, z. iam notis cognoscetur angulus extrinsecus a, z, b. qui est distantia media ab auge eccentrici. Et quoniam locus augis est notus, erit medius locus planetæ cognitus. Sed medius locus Solis in hac consideratione constat, hinc manifestabitur distantia inter duo loca Solis & planetæ media. Quæ quidem æquatur distantie planetæ ab auge epicycli media, unde ipsa nota erit. Constabit igitur tandem motus medius planetæ in tempore, quod mediat inter duas considerationes, quarum una erit tertiæ habitudinis, & alia quam sub manibus habemus. Cui motui si æqualem ad idem tempus per tabulas inueniemus, bonæ manebunt tabulæ. Si uero nō, differentiam duorum motuum in dies temporis medijs distribuemus, & proportionem unius diei exeuntem à medio motu unius diei subtrahemus, si subtrahenda fuerit, aut addemus si addenda, quemadmodum in alijs fecimus. Pro motu etiam diuersitatis similiter agemus, Verum rectificato motu longitudinis, & medio motu Solis certificato, motus ipse diuersitatis certitudinem habebit.



### PROPOSITIO XVIII.

Postremo medijs motibus Saturni rabices constituere.

Tempori

## LIBER

¶ Tempori quod est inter considerationem, in qua medius planetæ motus cognitus est, & inter instans, cui radicem constituendam censes, per tabulas iam emendatas motum elice medium, quem deinde à medio motu planetæ minue, si ad præteritum radicem constituere uoles, aut eidem adde, si pro futuro, & habebis radicem cupitam. Quòd si specialem motui diuersitatis radicem uoles, similiter agito. Verum cum motus ille à motibus Solis, & planetæ medijs pendeat, radix quoq; ipsius ab eorundem medijs motibus nimirum sumet originem.


### PROPOSITIO XIX.

Medijs motibus suppositis, ueros planetarum motus numerare.

¶ Paucis dabo processum, quandoquidem ex scientia triangulorum planorum omnia ueniant apertissime. Sit eccentricus a, b, g. super centro d. punctus a, sit aux eccentrici g. oppositum eius. In diametro a, g, z. sit centrum motus æqualis, & e, centrum mundi. Epicyclus autem super b. descriptus habeat planetam in puncto k. Ductis lineis z, b, t, e, b, h, d, b, c, k. & k, b. erit punctus t. aux media epicycli, à qua regularis argumenti motus dependet, & aux epicycli uera. Ducantur etiam perpendiculares duæ d, m, & e, n, super lineam b, z. Alia quoq; perpendicularis k, l, super lineam c, h, continuatam. Cum autem angulus a, z, b, supponatur notus, erunt omnes lineæ d, m, m, z, e, n, & n, m, respectu lineæ d, z. cognite, ideoq; etiam respectu semidiametri eccentrici. Ex semidiametro autem d, b, & lineæ d, m, inotescet lineæ b, m, cui si addideris m, n. ueniet lineæ b, n. nota, propter quam & lineam e, n. nota erit e, b. hinc angulus e, b, n. cognitus erit.

¶ Præterea supponitur argumentum medium, scilicet arcus t, k. Est autem arcus t, h, notus, propter angulum t, b, h, æqualem e, b, n. angulo prius cognito, sic totus arcus h, k, scitus est, & ideo angulus h, k, b. notus, quare propter angulum l, rectum, utriusq; linearum k, l, & b, l, ad lineam k, b. semidiametrum scilicet epicycli proportionem habebit notam. Semidiameter autem epicycli respectu semidiametri eccentrici nota est, unde hoc respectu prædictæ lineæ notæ erunt. Sed erat nota lineæ e, b. cui addamus b, l, lineam, & tota e, l. nota fiet, ex qua & lineæ k, l, scita erit lineæ e, k. hinc angulus k, e, l. notus ueniet. Cum autem angulum e, b, z. prius notum ex angulo a, z, b. dempserimus, relinquetur angulus a, e, b. & b, e, k. ex quo habebitur totus angulus a, e, k. quæ est distantia uera planetæ ab auge eccentrici. Cum autem locus augis respectu principij arietis pateat, erit distantia uera planetæ à principio arietis nota, quæ uerum motum uocant, quod expectabatur ostendendum.

¶ Ne autem numeranti crebra numerorum multiplicatio atq; diuisio, siue radicum extractio, aut alia quæuis operatio tedium pareret, maiores nostri tabulas operantium confecere, in quibus angulos huiusmodi cognitu necessarios industriæ collocauerunt. Quas equidem tabulas, si auscultare uoles, dabo conficiendas. Tribus superioribus, & Veneri una sufficiet uia. Centro igitur medio, ut uocabulis utar modernis, si minor fuerit quadrante, sinum rectum quære, sinumq; complementi eius, quorum utrumq; in eccentricitatem multiplica, & productum per sinum totum diuide, quodq; propter sinum centri medijs exhibit in se multiplicatum à quadrato semidiametri eccentrici demas. Et residui radicem addisce quadratam, eiq; radici id quod propter sinum complementi prouenerat superadde, productumq; in se





## VNDECIMVS.


se multiplicato adde quadratum dupli eius quod per sinum centri medij uenerat. Et collecti radix erit distantia centri epicycli à cetro mundi ad hoc centrum medium, quam serua. Deinde duplum eius quod per sinum centri medij uenerat, in sinum totum extende, productum uero per radicem seruata partire. Exibit enim sinus æquationis centri, cuius arcus est ipsa æquatio centri. Quam, si libet, in tabula ex directo centri medij collocabis. Vt eam quandocumq; opus fuerit, absq; proluxa, qualis iam ostensa est operatione paratam habeas.

¶ Si uero centrum medium plus quadrante fuerit, ipsum à semicirculo subtrahe, residuiq; sinum primum, ut breuius dicam sinum quoq; secundū, siue sinum complementi eius elicias, quorum utrumq; in eccentricitatē multiplica, & productorum utrumq; per sinum totum diuide, quæ autem exiunt custodi. Quadratum itaq; eius quod per sinum primum exiuit, à quadrato semidiametri deme, & à radice quadrata residui id quod per sinum secundum exiuit subtrahe. Quodq; remanserit, in se ductum, duplo eius quod per sinum primum uenerat in se multiplicato coniunge. Collecti nāq; radix erit distantia centri epicycli à centro mundi, quā serua. Deinde duplū eius q; per sinū primum uenit, in sinum totū multiplica, & productum per radicē seruata diuide. Exeuntis enim arcus erit ipsa centri æquatio quæ sita.

Quod si centrum medium quarta circuli fuerit, eccentricitatis quadratum à quadrato semidiametri abijce. Relictum uero duplo eccentricitatis in se multiplicato adiunge, & collecti radix quadrata est linea, qua centrum epicycli à centro mundi distat, eam serua. Duplum deniq; eccentricitatis in sinū totum extende, productum uero per radicem diuide seruata. Nam sinus exeuntis arcus est æquatio centri quæ sita. Iam itaq; patet inter omnes æquationes centri per semicirculum cognoscendi. Reliqui uero semicirculi æquationes, quia inuētu similes, & in quantitate prioribus equales sunt, prætereo. Centro enim epicycli equaliter utrinq; ab auge medio quidem itinere distante equales accidunt centri æquationes. Argumentorum deniq; æquationes, ut cognite fiant, ordo poscit argumenti planetæ uerū, si quadrante minus fuerit, sinum primum habeas, & secundum, & utrumq; eorum in numerum semidiametri epicycli respectu semidiametri eccentrici superius elicitum multiplica, productorum quoq; utrumq; in sinum totum diuide, & quod per sinum secundum exiuit, distantia centri epicycli à centro mundi adijce, collectumq; in se ductum, ei quod per sinum primum exiuit, in se multiplicato coniunge. Aggregati enim radix quadrata distantiam corporis planetæ à centro mundi numerabit, quam tene ad partem. Deinde id quod per sinum primū exiuit, in sinū totum extende, & productū per radicē partire seruata. Exibit enim sinus, cuius arcus est æquatio argumenti quæ sita.

¶ Si uero argumentum æquatum plus quadrante fuerit, ipsum ex semicirculo abijce, & residui sinum primū, & secundum ex tabulis suis addisce. Vtrumq; autem eorum in semidiametrum epicycli multiplica. Vtrumq; etiam productum per sinum totum diuide, & quod per sinū secundum exiuerit, ex distantia centri epicycli à centro mundi minue, relictum uero in se ductum, ei quod per sinum primum exiuit, in se itidē multiplicato adijcias. Congregati enim radix quadrata distantia corporis planetæ à centro mundi prædicabit, quam seruabis. Deinde quod per sinum primum exiuit in sinum totum multiplica, productum uero per radicem seruata diuide, nā quod exibit, est sinus rectus, cuius quidē arcus erit æquatio argumenti cupita.

R Quod





Quod si huiusmodi uerum argumentum æquale quadranti statueris, quadratum semidiametri epicycli quadrato lineæ, quæ epicyclū à centro mundi remouet, coniunge, & collecti radicem planetæ à centro mundi distantiam appella. Deinde semidiametrum epicycli in sinum totum multiplica, productum uero per radicem partire seruatam. Exeuntis namq; arcus erit æquatio argumenti quæsitâ. Per semicirculum igitur argumentorum æquationes non ignorabis. Reliquis autem semicirculus æquationes prioribus habet æquales, quare ipsum nunc missum facio. Has duas æquationes oppone numeris suis in tabula, cum quibus quæri solent, si tabulâs uoles habere compositas. Si itaq; in motu suo centrum epicycli æqualem semper habeat à centro mundi distantiam, satisfacerent hæ duæ æquationes pro motibus æquandis. Id uero non est, unde ut motus æquetur, & ne tabulæ solito plures fiant, cogitandum erit de minutis proportionalibus, & diuersitatibus diametri, quemadmodum in Luna. Æquationes tamen argumentorū hîc reperiuntur ad situm epicycli in longitudine eccentrici mediâ, & ob hoc duplicibus minutis proportionalibus opus erit. Excessus namq; æquationum, quæ relatiuis argumentis in auge, & eius opposito respondent, adeo magni sunt, quod si minutis proportionalibus simplicibus uelut in Luna utaris, nimirū à uero recedes. Pro his ergo ea quæ circa Lunâ recitata sunt consule.

¶ Ad æquationes Mercurij deniq; quo pacto depræhendî quæant, operam dabimus, & primo ad æquationes centri ueniēmus. Si itaq; centrū mediū fuerit minus 60. gradibus, ipsum à semicirculo remoue, & residui chordam per eccentricitatem multiplica, productum uero per sinum totum diuide, & quod exibat serua. Deinde centro medio adde suam medietatem, & collecti sinum primum elice cum sinu secundo, & utrumq; eorum in prius seruatam multiplica. Vtrumq; etiā productum per sinum totum diuide, quodq; per sinum primum exibat, in se multiplicatum à quadrato semidiametri aufer, & residui radicem quadratā, ei quod per sinum secundum exiuit superadde. Nam quod aggregabitur, erit distantia centri epicycli à centro motus æqualis, quam serua. Postea sinum primum centri mediū accipe, sinumq; secundum, & quemlibet eorum in eccentricitatem multiplica singula, & producta per sinum totum diuide. Quodq; per sinum secundum exiuit, distantia prius seruata superadde, & collectū in se ductū ei quod per sinum primū exiuit in se multiplicato coniunge. Nam collecti radix quadrata distantia centri epicycli à centro mundi numerabit, quā serua. Deinde uero id q; per sinum primū exiuit, in sinum totum multiplica, & productum per radicem partire seruatam. Exeuntis enim arcus erit, æquatio centri quæsitâ.

¶ Si uero centrum medium fuerit 60. gra. triplum quadrati eccentricitatis, & quartam semidiametri minue. Relicti enim radix quadrata erit distantia cētri epicycli à centro æquantis, cum qua deniq; ut prius præcedes.

Quod si centrum medium plus sexaginta fuerit, minus tamen 90. ipsum à semicirculo deme, & residui chordam addiscē, quam per eccentricitatem multiplica, & productum in sinum totum diuide, quod uero exibat custodi. Item centrum medium cum medietate sua à semicirculo aufer, & residui sinum primum accipe sinumq; secundum, & utrumq; eorum in prius seruatum multiplica, utrumq; uero productum per sinū totum diuide. Quodq; per sinum primum exiuit in se ductū, à quadrato semidiametri eccentrici deme, & à radice residui id quod per sinum secundum exiuit subtrahē. Nam quod relinquitur, erit distantia centri epicycli à centro æquantis, cum qua



## VNDECIMVS.

qua deinde ut superius procede. Si autem centrum medium 90. gr. fuerit, eccentricitatem in se multiplicatā à quadrato semidiametri eccentrici minue, & à radice residui eccentricitatem ipsam deme, quod enim remanebit, erit distantia centri epicycli à centro æquantis, quam in se ductam eccentricitati in se multiplicatę superadde, & collecti radix quadrata erit distantia centri epicycli à centro mundi, quam serua. Deinde eccentricitatem per sinum totum multiplica, & productum per radicem diuide seruata, exeuntis enim arcus est æquatio centri quæsita.

Sed centrum medium si posueris plus 90. gr. minus tamen 120. procede ut antea in tertio casu ad habendum centri epicycli à centro æquantis distantiam, quam quidem inuentā serua. Deinde centrum medium à semicirculo subtrahe, & residui duos sinus primum, & secundum accipe, utrumq; eorum in sinum totum multiplicando, & productorum utrumq; per sinum totum diuide, & quod per sinum secundum exibat, à distantia prius seruata deme. Residuum uero in se ductum, ei quod per sinum primum exiuit in se ducto coniunge. Nam collecti radix quadrata erit distantia centri epicycli à centro mundi, quam serua. Postea id quod per sinum primum exiuit, in sinum totum multiplica, & productum per radicem seruata diuide. Eius uero sinus, qui exibat arcum, scies esse æquationem centri quæsitam.

¶ Et si centrum medium 120. gra. fuerit, eccentricitatem à semidiametro eccentrici deme, & relinquetur centri epicycli à centro æquantis distantia, cum qua, ut in præcedenti casu operaberis.

¶ Si uero centrum medium plus 120. gra. fuerit minus tamen semicirculo. Ipso ex semicirculo subtracto, residui chordam accipe, quam in eccentricitatem multiplica, & productum per sinum totum diuide, quod uero exibat seruandum est. Item à centro medio cum sui medietate semicirculum deme, & eius qui remanserit arcus sinum primum addisce atq; secundum. Demum utrumq; eorum per prius seruatum multiplica, & utrumq; productum per sinum totum diuide. Quod itaq; per sinum primum exibat in se ductum, à quadrato semidiametri minue, & à radice residui id quod per sinum secundum exiuit, abijce. Relinquetur enim distantia centri epicycli à centro æquantis, cum qua ut in quinto casu procede. Habes igitur centri æquationes ad semicirculos absolutas. Argumentorum uero equationes in Mercurio sicut in reliquis elaborabis. Minuta quoq; proportionalia sicut alibi. Verum æquationes argumentorum, quas in tabula scribi conuenit, fiant ac si centrum epicycli sit in mediocri eius à centro mundi distantia, dum scilicet ab auge æquantis per 60. ferè gradus distat. Hæc de angulis diuersitatum breuiter perstringere libuit.

FINIT LIBER VNDECIMVS.

R. ij

## LIBER DVODECI.


MVS SPECVLATIONES AMPLIORES

circa Pafsionem planetarum diuerſam, Progreſſum  
uidelicet Stationem, & Regreſſum. Variationes  
nonnullas in longitudinem motus epicyclo-  
rum gratia accidentes lucidiſſime diſcernit.


PROPOSITIO PRIMA.



I PLANETIS ALTIORIBUS unicam posueris diuersitatem, epicyclus in concentrico, aut ecentricus sine epicyclo eidem sufficiens erit occasio,



¶ Diversitati quæ soli colligata est intellige. Ponamus itaq; quod motus epicycli in concentrico, & motus planetæ in epicyclo collecti æquentur medio motui Solis, quemadmodum superius ostensa postulant. Eccentrici uero centrum moueatur ad successionem signorum æque uelociter cum Sole, & planeta ipse similiter ea uelocitate procedat, quæ epicyclus in concentrico. Eius quidem medium locum determinet lineæ à centro mundi ducta æquidistanter lineæ exeunti à centro eccentrici, per centrum planetæ.



¶ Sit igitur circulus mundo concentricus a, b, g. super centro z, & sit punctus a. in quo fuit centrum epicycli, dum planeta fuit in auge epicycli, scilicet puncto d. dumq; Sol medio cursu coniunctus fuit planetæ, & punctus h. fuit centrum eccentrici. Nunc uero epicyclus sit super puncto b. & planeta in epicyclo sup puncto o. Ductis igitur lineis z, b, d, b, o, n, o, z, o, & z, s. erit angulus a, z, b. motus medij, & angulus d, b, o. diuersitatis siue motus medij argumenti. Sit autem angulus a, z, s. medij motus Solis, hinc in linea z, s. erit centrum eccentrici, quod sit n. Ponamus itaq; primo concentricum, & eccentricum æquales, & proportionem semidiametri concentrici ad semidiametrum epicycli æqualem proportioni semidiametri eccentrici ad distantiam centrorum. Erit igitur linea z, h. siue z, n. æqualis b, o. Cum autem duo anguli a, z, b. & d, b, o. æquantur angulo a, z, s. sublato communi a, z, b. erit angulus b, z, s. æqualis angulo d, b, o. quare z, b. & n, o. æquales & sibi æquidistant. Et quia sunt æquales, erunt duæ lineæ, z, n. & b, o. æquidistantes, unde super centro n. descripto circulo secundum quantitatem æqualem semidiametro eccentrici, circumferentia eius transibit per punctum o. Et quia linea z, b. ponitur medij motus planetæ, quæ quidem æquidistat lineæ n, o. à centro eccentrici ductæ, erit planeta in linea n, o. & ob hoc in puncto o. Sed & secundum uiam epicycli in eodem puncto positus est, quare secundum utramq; uiam una est linea, per quam uidetur planeta oculo in centro mundi posito, & erit angulus s, n, o. argumenti medij æqualis angulo d, b, o. Quod si posueris semidiametros eccentrici, & cōcentrici inæquales, proportionē tamē semidiametri concentrici ad semidiametrum epicycli, sicut proportionē eccentrici semidiametri ad distantiam centrorū idē sequetur, quemadmodū ex eis, quæ pro Luna sunt conclusa, elicere poteris q̃ facillime.

### Propositio



# DVODECIMVS.

## PROPOSITIO II.

In Venere idem, & Mercurio uideri necesse est.



¶ Ponamus motum epicycli in concentrico æque uelocem medio motui Solis, & motum argumenti unicuique suum, motum uero centri eccentrici ad successiōem signorū æqualem aggregato ex medio motu Solis, & medio motu argumenti. Repetita igitur figura pristina, in qua angulus  $a, z, b.$  est mediū motus Solis, erit angulus  $b, z, s.$  æqualis angulo  $d, b, o.$  motus argumenti, quare linea  $z, n.$  æquidistabit lineæ  $o, b.$  & reliqua ut ante. Ex his aperte sequitur, quod secundum uiam epicycli, & concentrici, quicquid planetæ accidit de statione, & retrogradatione accidit etiam ei secundū uiam eccentrici, quamuis & cētū eccentrici, & linea mediū motus planetæ non nisi ad successiōem signorum moueantur. Verum illud erit in locis proportionabilibus, uolo dicere, si incerta distantia planetæ ab auge epicycli planeta uideatur stationarius, in æquali distantia ab auge eccentrici itidē apparebit stationarius. Iam igitur si planetæ esset unica diuersitas sui motus, ut putabat Appollonius, & ceteri uetustiores, satis esset ostēdisse occasionem stationis aut retrogradationis per uiam epicycli. Cum autem superius duplicem concluserimus diuersitatem, propter eccentricum scilicet, & epicyclū, frustra determinare laboraremus puncta stationum in eccentrico Solo, aut epicyclo & concentrico, quare missa isthæc facio. Ad rem ergo ipsam ueniamus, quam, ut planius consequamur, præambula quædam audiamus.

## PROPOSITIO III.

Si basis trianguli recti linei in duas secta fuerit portiones, quarum una latere sibi conterminali non minor fuerit, erit eiusdem ad reliquam basis portionem maior proportio, quàm angulorum, qui supra basim sunt ordine permutato.

¶ Trianguli  $a, b, g.$  basis  $b, g.$  diuisa sit in duas portiones  $b, d.$  &  $d, g.$  quarum una, scilicet  $g, d.$  non sit minor latere  $a, g.$  Dico lineæ  $g, d.$  ad lineam  $d, b.$  maiorem esse proportionem, quàm anguli  $a, b, g.$  ad angulum  $a, g, d.$  Sit enim primo  $g, d.$  æqualis  $a, g.$  producta linea diuidente  $a, d.$  ei æquidistantem à puncto  $g.$  educo, donec cum  $a, b.$  continuata concurrat in puncto  $z.$  Lineæ quoque  $g, d.$  æquidistantem, quæ sit  $a, e.$  producam. Erunt itaque parallelogrami  $a, d, g, e.$  duo latera  $a, e.$  &  $d, g.$  æqualia. Itemque  $a, d.$  &  $e, g.$  sibi æqualia. Descripto igitur arcu circumferentiæ circuli secundum quantitatem  $a, g.$  ipse transibit per punctum  $e.$  sitque arcus  $g, e, h.$  Proportio igitur trianguli  $z, a, e.$  ad triangulum  $a, e, g.$  maior est proportione sectoris  $h, a, e.$  ad triangulum  $a, e, g.$  cum sector  $h, a, e.$  sit pars trianguli  $z, a, e.$  Sed sectoris  $h, a, e.$  ad triangulum  $e, a, g.$  maior est proportio. quàm sectoris eiusdem ad sectorem  $e, a, g.$  quoniam triangulus  $e, a, g.$  est pars sectoris  $e, a, g.$  quare multo maior est proportio trianguli  $z, a, e.$  ad triangulum  $e, a, g.$  quàm sectoris  $h, a, e.$  ad sectorem  $e, a, g.$  Est autem proportio trianguli  $z, a, e.$  ad triangulum  $e, a, g.$  sicut lineæ  $z, e.$  ad lineam  $e, g.$  cum sint trianguli eiusdem altitudinis. Et  $z, e.$  ad  $e, g.$  sicut  $z, a.$  ad  $a, b.$  & ideo sicut  $g, d.$  ad  $d, b.$  Igitur trianguli  $z, a, e.$  ad triangulum  $e, a, g.$  sicut lineæ  $g, d.$  ad  $d, b.$  Item sectoris  $h, a, e.$  ad sectorem  $e, a, g.$  proportio est, sicut proportio trianguli  $h, a, e.$  ad triangulum  $e, a, g.$  quibus angulis æquales sunt duo anguli  $a, b, g.$  &  $a, g, b.$  Proportio igitur sectoris  $h, a, e.$  ad sectorem  $e, a, g.$  sicut anguli  $a, b, g.$  ad angulum  $a, g, b.$  Sed erat proportio

R iij trianguli






trianguli  $z, a, e$ . ad triangulum  $e, a, g$ . maior proportionē sectoris  $h, a, e$ . ad sectorem  $e, a, g$ . quare etiam proportio  $g, d$ . lineæ ad  $d, b$ . maior erit proportionē anguli  $a, b, g$ . ad angulum  $a, g, b$ . quod fuit concludendum.

¶ Si autē  $g, d$ . maior fuerit  $a, g$ . ductis lineis rectis ut ante, &  $a, e$ . maior  $a, g$ . secundū quantitatem itaq;  $a, e$ . describo arcum, lineā uero  $a, g$ . continuo, donec arcui ipsi obuiabit. Quo disposito argumentabimur, ut supra fecimus.

PROPOSITIO III.

Quibus stellis statio aut retrogradatio accadat, & quibus non, discernere.



¶ Stella unicū habens motum ad signorum successionem, & regularem super centro mundi, nunquam retrogradari uidetur. Quæ uero duplicem habet motum, siue propter epicyclū, & concentricū, siue eccentricū Solum, cuius centrum mobile est, retrogradationem patitur. Si tamen motus eius, quo seorsum moueretur, contra signorum successionem tenderet. Ut autem manifestius fiat illud, sit circulus epicycli  $a, b, g$ . super centro  $d$ . & centrum mundi  $e, a$ . quo per centrū epicycli ducatur lineæ  $e, d, a$ . & sit  $a$ . aux epicycli  $g$ . uero oppositum augis. Dico itaq; generaliter, si proportio lineæ  $d, g$ . ad lineam  $e, g$ . non fuerit maior proportionē uelocitatis motus epicycli ad uelocitatem stellæ in epicyclo, non est possibile, quod stella retrogradari uideatur. Si enim hoc possibile esset, maxime fieret apud punctum  $g$ . ibi enim plurimum minuit motus diuersitatis ex motu longitudinis, sed non accidit ibi quod dictum est. Accipiamus enim arcum  $g, t$ . quam minimum, ducta lineæ  $e, t$ . & lineæ  $d, t$ . Quia igitur basis trianguli  $d, t, e$ . diuisa est in duas portiones  $d, g$ . &  $g, e$ . & una earum, scilicet  $d, g$ . non est minor latere  $d, t$ . erit per præcedentem maior proportio lineæ  $d, g$ . ad  $g, e$ . quàm anguli  $d, t, e$ . ad angulum  $e, d, t$ . Et ideo minor proportio anguli  $d, e, t$ . ad angulum  $e, d, t$ . quàm lineæ  $d, g$ . ad  $g, e$ . Sed proportio  $d, g$ . ad  $e, g$ . posita est non maior proportionē uelocitatis epicycli ad uelocitatem planetæ in epicyclo. Multo igitur minor proportio anguli  $d, e, t$ . ad angulum  $e, d, t$ . quàm sit proportio uelocitatis epicycli ad uelocitatem stellæ. Sed uelocitatem stellæ nunc determinat angulus  $g, d, t$ . angulus igitur uelocitatis epicycli maior est angulo  $g, e, t$ . Sitq; angulus ipse  $g, e, l$ . In tempore igitur quo stella describit arcum epicycli  $t, g$ . uidetur ipsa descripsisse angulum  $t, e, g$ . circa centrū mundi contra signorum successionem, si centro epicycli quiescente stella  $l$ . dumtaxat in epicyclo moueretur. Sed & in eo tempore epicyclus descripsit circa centrum mundi angulum  $l, e, g$ . maiorem angulo  $t, e, g$ . secundum successionē signorum, uisa igitur est stella moueri ad signorum successionem secundum quantitatem differentiæ horum angulorum, scilicet secundum quantitatem anguli  $l, e, t$ . Nequaquam igitur passa est retrogradationem.

¶ Idem probabitur, si acceperimus arcum  $g, z$ . productis lineis  $e, z$ . &  $d, z$ . Erat enim iterū angulus  $g, e, z$ . minor angulo uelocitatis motus epicycli. Sit igitur angulus ille  $g, e, m$ . Dum igitur planeta circa centrum epicycli describit angulum  $g, d, z$ . uidetur in centro mundi  $e$ . propter epicyclū descripsisse angulum  $d, e, z$ . contra signorum successionē. Sed in eo tempore centrum epicycli descripsit secundum signorum successionem angulū  $m, e, d$ . Qui cum superet angulum  $d, e, z$ . commiscendo motus duos, uidebitur planeta non retrogradari, sed secundum successionem signorum moueri. Ex



## DVODECIMVS.

his sequitur, quod neq; Soli accidat retrogradatio neq; Lunæ Sol enim secundum uiam epicycli eam habet uelocitatem in epicyclo quam epicyclus circa centrum mundi. Proportio autem semidiametri epicycli ad partem semidiametri concentrici quæ est extra epicyclum, est multo minor hac portione æqualitatis. Est enim secundum numeros Ptolemæi ferè sicut 1. ad 23. Similiter de Luna prædicabis.

¶ In reliquis uero quinque erraticis aliud apparet, Nam proportio lineæ g, d. ad lineam e, g. maior est proportionē uelocitatis epicycli ad uelocitatē stellæ. Contingit igitur à puncto e. produci lineam epicyclum secantem, taliter ut proportio medietatis eius partis, quæ in epicyclo est, ad partem lineæ ductæ extrinsecam, sit sicut proportio uelocitatis epicycli ad uelocitatem stellæ. Nam à situ lineæ e, a. recedendo utrinque lineæ partiales, quæ intra epicyclum cadunt pederentim minuuntur, quæ uero extra epicyclum sunt maiorantur. Signatis igitur huiusmodi duabus lineis e, t, k. & e, z, b. sicut proportio medietatis lineæ t, k. ad lineam e, t. sit sicut proportio uelocitatis epicycli ad uelocitatem stellæ talis. Item sit proportio medietatis lineæ z, b. ad lineam e, z. Dico quod planeta in utroque punctorum t, & z. existens uidebitur stationarius. Et per totum arcum t, g, z. apparebit retro gradus. In toto uero epicycli arcu reliquo uidebitur directus, quemadmodum infra demonstrabitur.


### PROPOSITIO V.

Punctum stationis stellæ in epicyclo determinare.

¶ Sit epicycli circulus a, b, g. super centro e. Et centrum mundi sit z. à quo per centrum epicycli ducatur lineæ z, e, a. Et sit proportio e, g. ad g, z. maior proportionē uelocitatis epicycli ad uelocitatem stellæ. Alias enim stellæ non accideret statio neq; retrogradatio, quemadmodum præcedens ostendebat. Sitque alia lineæ z, b. secans epicyclum in duobus punctis b. & h. taliter ut proportio medietatis b, h. ad lineam h, z. sit sicut proportio uelocitatis epicycli ad uelocitatem stellæ, quod quidem possibile est, ut præactum est. Dico hanc lineam determinare punctum stationis. Nam stella in h. existens, apparebit stationaria. Quantumcumque enim arcus ab h. uersus augem accipitur, in eo loco planeta uidebitur directus. In arcu uero ab h. uersus oppositum augis epicycli protenso, quantumcumque modicus fuerit, stella uidebitur retrograda, quare necessario in puncto h, uidebitur stationaria.


¶ Huius rei audi demonstrationem: Accipiaturo primo arcus h, k. uersus augem epicycli, ducta lineæ z, k, l. & lineæ b, k. Itemque duæ semidiametri epicycli e, h. & e, k. producantur. Quia itaque trianguli b, k, z. basis b, z. diuisa est in duas portiones b, h. & h, z. & h, z. maior est latere b, k. erit proportio lineæ b, h. ad h, z. p. tertiam huius maior proportionē anguli b, z, k. ad angulum k, b, z. & ideo maior proportionē dupli anguli b, z, k. ad duplum anguli k, b, z. Igitur maior est proportio medietatis lineæ b, h. ad lineam h, z. quam anguli b, k, z. ad duplum anguli k, b, z. scilicet ad angulum h, e, k. Sed erat posita proportio medietatis b, h. ad h, z. sicut proportio uelocitatis epicycli ad uelocitatem planetæ, quare uelocitatis epicycli ad uelocitatem planetæ, scilicet angulum h, e, k. maior est proportio quam anguli b, z, k. ad eundem angulum h, e, k. Igitur angulus uelocitatis epicycli respondens angulo h, e, k. uelocitatis planetæ, maior est angulo b, z, k, k. Sit igitur angulus h, z, n. æqualis angulo uelocitatis epicycli.

R. in Dum





# LIBER




Dum ergo planeta in epicyclo describit angulum  $h, e, k$ , uidetur circa centrum mundi descripsisse contra signorum successionem, quantum est ex parte epicycli angulum  $h, z, k$ . Sed in eo tempore centrum epicycli describit arcum  $h, n$ , & ideo etiam totus epicyclus motus est ad successionem signorum per angulum  $h, z, n$ . Plus igitur pcedit epicyclus, quam stella propter motum eius in epicyclo retrocedat in angulo quidem  $k, z, n$ , & tantundem uidetur stella moueri ad signorum successionem, quare in toto arcu  $h, k$ , apparet planeta directus. Quod si a puncto  $h$ , sumpserimus uersus oppositum augis epicycli arcum  $h, m$ , quantumcunque paruum, planeta in toto hoc arcu apparebit retrogradus. Ductis enim lineis  $z, m$ . &  $b, m$ , &  $e, m$ , Ex tertia huius maior erit proportio  $z, h$ , ad  $h, b$ , quam anguli  $m, b, z$ , ad angulum  $b, z, m$ . Est enim basis trianguli  $b, z, m$ , diuisa in duas portiones  $z, h$ , &  $h, b$ . Quarum una scilicet  $z, h$ , maior est latere trianguli  $z, m$ , quare conuersim minor est proportio  $b, h$ , ad  $h, z$ , quam anguli  $b, z, m$ , ad angulum  $m, b, z$ . Et ideo minor quam dupli anguli  $b, z, m$ , ad duplum anguli  $m, b, z$ . Hinc etiam minor erit proportio medietatis lineae  $b, h$ , ad lineam  $h, z$ , quam anguli  $b, z, m$ , ad duplum anguli  $m, b, z$ , scilicet ad angulum  $h, e, m$ . Sed erat proportio medietatis lineae  $b, h$ , ad lineam  $h, z$ , sicut uelocitatis epicycli ad uelocitatem planetae. Ergo minor est proportio anguli uelocitatis epicycli ad angulum uelocitatis planetae, quam proportio anguli  $h, z, m$ , ad angulum  $h, e, m$ . Cum autem angulus  $h, e, m$  sit uelocitatis planetae in epicyclo, erit angulus epicycli uelocitatis minor angulo  $h, z, m$ . Sit igitur ipse  $h, z, t$ . Dum ergo planeta in epicyclo describit arcum  $h, m$ , in angulum  $h, e, m$ , uidetur circa centrum mundi descripsisse angulum  $h, z, m$ , contra signorum successionem, quantum est ex parte epicycli. Sed in eo tempore centrum epicycli secundum signorum successionem motum est per angulum  $h, z, t$ . Maior itaque est retrocessio planetae circa centrum mundi propter motum eius in epicyclo quam sit processio eius propter motum epicycli totius, in angulo quidem  $m, z, t$ , quare stella dum mouetur per arcum  $h, m$ , uidebitur retrocessisse per angulum  $t, z, m$ . Cum igitur in toto arcu  $h, k$ , stella, sit directa, in toto arcu  $h, m$ , sit retrograda, necesse est  $h$ , punctum esse finem directionis, & initium retrogradationis. Et ideo ipsum erit punctum stationis, quod fuit demonstrandum. Idem per omnia similiter ostendetur, posito planeta post oppositum augis epicycli, uelut iam positus est ante huiusmodi augis oppositum.

## PROPOSITIO VI.

Data proportione duarum linearum, si quod sub eis rectangulum continetur notum fuerit, utramque earum notam fieri.

¶ Duæ lineæ  $a, b$ . &  $b, c$ , proportionem inter se notam habeant, sitque  $d$ ,  $b$ , æqualis  $a, b$ . & orthogonalis ad lineam  $a, c$ , & compleatur parallelogramum rectangulum  $b, d, g, c$ , quod motum supponatur. Dico quod utraqque linearum  $a, b$ . &  $b, c$ , scita ueniet. Continuetur enim  $g, d$ , in  $e$ , ita ut  $a, e$ , orthogonalis ad  $a, c$ , sibi occurrat in  $e$ . Erit itaque proportio quadrati  $a, d$ , ad parallelogramum  $b, g$ , sicut lineæ  $a, b$ , ad lineam  $b, d$ , quare cum hac proportio nota sit, & superficies  $b, g$ , cognita, ueniet quadratum  $a, d$ , notum, & latus suum  $a, b$ , quod quærebat. Sed & propter proportionem  $a, b$ , lineæ ad  $b, c$ , suppositam, lineam  $b, c$ , nota fiet.



Propositio



# DVODEC MVS.

## PROPOSITIO VII.

Cognita epicycli ab auge eccentrici distantia, uelocitates epicycli & planetæ, proposito medio cursui respondentes elicere.


¶ Vt si distantia centri epicycli ab auge fuerit 10. gr. uolens scire dum centrum epicycli medio quidem cursu per gradum unum mouetur, quantum in rei ueritate respectu centri mundi moueatur, & quantum planeta in epicyclo, hoc pacto procedam. Cum centro medio, quod est distantia epicycli media ab auge eccentrici, accipio æquationem centri, quam seruo. Deinde centro medio, quo iam usus sum, addo arcum medij motus propositi. Et cum aggregato iterum more solito centri æquationem addisco. Harum duarum æquationum differentiam, si qual sit, ab arcu medij motus propositi demo, si epicyclus fuerit inter duos transitus medios uersus auge eccentrici. Aut addo eidem, si uersus oppositum augis. Illud tamē tenet dum epicyclus in eadem parte respectu augis aut eius oppositi fuerit. Volo dicere, si centrum medium datum posuerit epicyclum ante auge, quod aggregatum ex centro medio & arcu medij motus propositi, similiter ponat epicyclum ante auge, aut post auge, si alterum eorum posuerit epicyclum, quod & reliquum id faciat. Si uero unum ex eis posuerit epicyclum ante auge, & alterum post auge, oportet duas æquationes coniungere, & collectum demi ex arcu medij motus propositi. Quod si unum eorum posuerit epicyclum ante augis oppositum, & aliud post. Collectum ex huiusmodi centri æquationibus adijciendum est medio motui proposito. Pro uelocitate uero planetæ in epicyclo accipiatur medium argumentum, proposito medio motui respondens, quod facile fiet, si quanto tempori motus ille medius propositus respondeat sciatur. Huic argumento medio, quod ad habendam uelocitatem epicycli minuiisti adde, aut minue quod superius addidisti. Ratio autem huiusmodi operationis ex eis quæ superius de angulis diuersitatum propter eccentricum uenientium data sunt, si mentem apposueris, plane constabit.


## PROPOSITIO VIII.

Quantum in principio retrogradationis aut directionis ab auge uera epicycli planeta distet certificare.

¶ Sit epicycli circulus d, e, z, h. super centro a, notam habens ab auge eccentrici distantiam, & ob hoc ex præmissa uelocitatem respectu uelocitatis cognitam. Ducaturq; à centro mundi, quod sit g, linea recta epicyclum secans in duobus punctis e. & z, taliter ut pportio medietatis lineæ e, z, scilicet lineæ t, z, ad lineam z, g, sit at pportio uelocitatis epicycli ad uelocitatem planetæ in epicyclo, ductis ante tamen lineis a, t, quidem perpendiculari ad e, z, & a, z, semidiametro epicycli, cum lineâ g, h, d. epicycli auge d. & oppositum eius g, indicantibus, quæritur arcus d, e, z. Est enim per quintam huius punctus z. in loco, in quo planeta stationarius apparet, & incipiens retrogradari. Qui etiam punctus, si in latere epicycli dextro signabitur, simili conditione erit ipse initium directionis. Quia autem pportio lineæ z, t, ad lineam z, g, iam nota est, quoniam uelocitates epicycli & planetæ præmissa docuit, erit pportio e, z, dupla ad t, z. ad lineam z, g. nota. Quare coniunctim pportio e, g, ad z, g, cognita fiet.

Item





Item ex eis quæ libri præcedentes explanarunt, nota fit proportio semidiametri epicycli ad lineam a, g. & ideo a, h. respectu a, g. nota, & consequenter d, h. ad h, g. Sed & d, g. respectu h, g. cognita fiet, igitur quod fit ex g, d. in h, g. scitum ueniet. Sed ipsum æquatur ei quod fit ex e, g. in z, g. ergo quod fit ex e, g. in z, g. notum dabitur. Cum autem proportio e, g. ad z, g. iam constet, erit per sextam huius utraq; linearum e, g. & z, g. cognita respectu lineæ a, h. semidiametri scilicet epicycli, linea deniq; e, z. nota prodibit, & medietas eius t, z. Trianguli igitur z, t, a. rectanguli duo latera t, z. & z, a. nota fiunt, quare latus eius a, t. scitum, & angulus t, a, z. cognitus. Sed & linea t, g. nota est, & angulus t. rectus, quare angulus a, g, t. notus fiet, & reliquus ex recto angulus t, a, g. A quo si dempseris angulum t, a, z. notum, manebit angulus z, a, h. notus, & arcus z, h. cognitus, unde & residuus de semicirculo arcus d, z. inuentus erit, qui quærebatur. Ad hunc igitur epicycli situm dum planeta in puncto z. notæ distantia à puncto d. fuerit, uidebitur stationarius.


¶ Si uero initium directionis optaueris, translatis intellige omnes lineas sinistri lateris epicycli ad latus eius dextrum, & sillogismo fruaris pristino. Concludes etenim initium retrogradationis & initium directionis, epicycli situ non mutato, æqualiter ab auge epicycli uera distare.

## PROPOSITIO IX.

Motum diuersitatis medium pro tempore dimidiæ retrogradationis numerare.

¶ Arcus hic quem quærimus, est de circumferentia epicycli, descriptus à planeta, medio quidem cursu diuersitatis à principio retrogradationis ad medium eius. Medium autem istud, ut nunc supponimus, est instans quo planeta est in opposito augis ueræ epicycli, oppositus scilicet medio loco Solis, quod si oppositum augis ueræ epicycli nō uariaretur respectu oppositi augis mediæ epicycli, præcedens satis docuisset arcum quæsitum. Non autem ita est, immo uariatur punctus ille semper.

¶ Sit enim, ut cognitu facilius fiat, in figura lineæ z, e. ducta per augem eccentrici z. & centrum mundi e. In qua sit centrum motus æqualis t. Statuaturq; epicyclus inter augem & longitudinem eccentrici mediam, qui sit circulus a, b, g. super centro d. descriptus. Ducta linea e, d, a. ad augem epicycli ueram, quæ sit a. Oppositum aut augis ueræ sit punctus g. sed oppositum augis mediæ epicycli sit punctus h. ducta linea t, h, d. Planeta uero retrogradari incipiens, sit in puncto b. Arcu igitur b, g. ex præcedenti habebimus notum. Eum autem non describit planeta præcise à principio retrogradationis usq; ad eius medium. Accedente em planeta ad oppositum augis epicycli, epicyclus ille recedit amplius ab auge eccentrici. Angulus igitur diuersitatis e, d, t. ob eam rem maior erit in medio retrogradationis quam in eius initio, & inde oppositum augis ueræ epicycli plus distabit ab opposito augis mediæ. In medio itaq; retrogradationis sit oppositum augis ueræ epicycli punctus m. Describet igitur planeta arcum epicycli b, m. à principio retrogradationis ad eius medium. In fine uero retrogradationis mutabitur oppositum augis epicycli per arcu ferè æqualem arcui g, m. Aestimetur igitur uenisse ad punctum n, ita q; à medio ad finem retrogradationis arcum epicycli ferè æqualem arcui b, m. describere conuincatur. Quærimus itaq; arcu b, m. qui equidem statim inueniretur, si arcus g, m. cognitus esset. Sed






VNDECIMVS.

Sed ipse sciri nō poterit, nisi sciatur anguli diuersitatum propter eccentrici-  
com uenientium, quorum unus in principio retrogradationis, alter uero in  
eius medio contingit. Eorum enim angulorum differentia arcum g.m. ma-  
nifestaret, si initium & medium retrogradationis ante aut post augem acci-  
derent. Si uero alterum ante & alterum post augem siue eius oppositum  
contingeret, ipsi anguli diuersitatum collecti idem efficerent.

¶ Vt igitur hos diuersitatem angulos prope uerum eliciamus, operam demus. Arcus b, g. notus est, & proportio uelocitatis epicycli ad uelocitatem planetæ cognita est. Quare cum arcus b, g. uelocitatem planetæ in epicyclo mensuret, erit arcus quem epicyclus correspondenter describit scitus. Accipe igitur æquationem centri cum centro medio, quo utebaris in præcedenti, dum quærebas arcum z, h. quam serua. Deinde huic centro medio arcum uelocitatis epicycli superadde, quem iam nouissime extraxisti, & cum collecto iterum quære æquationem centri. Cuius æquationis & prioris differentiam notabis, æqualis namq; erit fere in proposito arcui g, m. Subtrahe igitur eam ab arcu b, g. prius noto, & manebit arcus b, m. quæsitus, dum epicyclus inter duas longitudes eccentrici medias uersus augem fuerit, aut eidem adde, si in reliqua eccentrici parte constitutus fuerit. Illud quidem obseruabis, dum initium & medium retrogradationis in eadem parte augis, aut eius opposito ceciderint. Si em̄ in diuersis acciderint partibus, centri æquationes coniunge, & cum aggregato ut pridem operaberis. Repertum autem hunc arcum si duplaueris, habebis arcū fere totius retrogradationis. Facile deniq; constabit tempus huic arcui respondens, si tabulas mediorum motuum consulueris. Quod si uelis opus huiusmodi præcilius reddere, inuentio arcui diuersitatis, motū longitudinis medium correspondentem inquire, & eo consequēter utaris uice arcus, quem superius per proportionem uelocitatum motuum eliciuisti.



PROPOSITIO X.

Arcum dimidiæ retrogradationis discernere.

¶ Resumamus figuram superiorem, quæ dedit angulum  $a, g, t.$  notum, per quem planeta quidem retrocederet in tempore dimidiæ retrogradationis, si in hoc tempore epicyclus ad motum eccentrici non moueretur. Verum interea mouetur ipse secundum signorum consequentiam. Operabitur igitur angulum, quem lineæ uerū motus epicycli in hoc tempore dimidiæ retrogradationis describit; minui ex angulo  $a, t, g.$  Residuum enim quantum planeta retrogradabitur in hoc tempore indicabit. Est autem ex præcedente tempus dimidiæ retrogradationis notum, cui medium motū longitudinis tabulæ suæ dabunt cognitum. Sic igitur distantia epicycli ab axe eccentrici nota est, ad principium retrogradationis quidem ex supposito, ad medium uero retrogradationis per additionem huius motus medi, qui correspondet tempori dimidiæ retrogradationis, quare per tabulas æquationum notus erit arcus, quem epicyclus uero suo motu in tempore dimidiæ retrogradationis describit. Hic igitur arcus ab angulo  $a, g, t.$  demptus, relinquit arcum retrocessionis quæsitum. Quem si duplaueris, habebis prope uerum arcum à planeta contra signorum successionem in tempore totius retrogradationis descriptum.


PROPOSITIO XI.

Arcus stationum industria tabulare.



## LIBER

¶ Ad varias enim epicycli à centro mundi distantias easdem inueniri stationes primas hoc pacto demonstrabo. Sit epicycli circulus a, b, g. super centro d, & centrum mundi e, quod continuetur cum centro epicycli per lineam e, d. usq; ad augem epicycli a. educendam. Producatursq; à centro mundi linea e, b. secans epicyclum determinando punctum stationis g. lineæq; a, e. sit æquidistans b; z. quam secet h, t. per punctum g. transiens qualitercunq; ceciderit in puncto l. Erunt igitur duo trianguli b, l, g. & e, g, t. æquianguli, quare proportio lineæ b, g. ad lineam g, l. est sicut proportio lineæ h, g. ad g, t. Ideo permutatim b, g. ad g, e. sicut g, l. ad g, t. quare maior est proportio lineæ h, g. ad g, t. quàm proportio b, g. ad g, e. unde etiam maior est proportio medietatis lineæ b, g. ad lineam g, e. Ponamus itaq; punctum stationis g. ad longitudinem mediam eccentrici, quando scilicet centrum epicycli distat à centro mundi per lineam d, e. Deinde imaginemur epicyclum recedere ab hoc situ uersus oppositum augis eccentrici, donec distantia centri eius à centro mundi sit ut linea d, t. Iam propter hunc recessum à longitudine media eccentrici maior sit proportio medietatis lineæ h, g. ad lineam g, t. quàm sit proportio medietatis lineæ b, g. ad lineam g, e. ut ostensum est. Similiter maior sit proportio uelocitatis epicycli ad uelocitatem planetæ pro distantia d, t. quàm sit proportio uelocitatis epicycli ad uelocitatem planetæ in distantia d, e. Quoniã motus longitudinis tanto maior redditur, quanto epicyclus augis opposito propinquauerit. Si igitur possibile est, quòd quantum addit proportio medietatis lineæ h, g. ad lineam g, t. super proportionem medietatis lineæ b, g. ad g, e. tantum addat proportio uelocitatis epicycli ad uelocitatem planetæ, in distantia quidem epicycli d, t. super proportionem uelocitatis epicycli ad uelocitatem planetæ in distantia d, e. fit proportio medietatis lineæ h, g. ad lineam g, t. sicut proportio uelocitatis epicycli ad uelocitatem planetæ. Quare tunc punctus g. erit locus stationis, dum epicyclus à centro mundi distat per lineam d, t. qui punctus & antea, dum epicyclus esset in longitudine media, fuit locus stationis.






DVODECIMVS.

stationis. Variata igitur à centro epicycli à centro mundi remotione, locus stationis immutatus mansit, quod intendebam. Verū huius præcilionis neglectio haud sensibilem immitet errorem, quare Ptolemæi operationem, quæ tametsi enucleata non est, tamen quantum satis est commoda prosequendam censeo.

PROPOSITIO XII.

Loco Veneris in orbe signorum proposito, quanta possit esse plurima ipsius in eo loco existentis à Sole longitudo uerspertina percunctari.

¶ Figuram ante oculos positam contemplare. In qua linea a, b, e. per auge-  
gem eccentrici, & eius oppositum incedat. Cuius alter terminorum a, scilicet  
sit aux, alter uero e. oppositum augis. In ea linea punctus d. sit centrum mun-  
di g. eccentrici b. uero motus æqualis epicycli. Item circulus h, t. super cen-  
tro z. describatur. Quem contingat linea d, t. in puncto t. Centrum quoque  
eius cum tribus punctis b, g. & t. continuetur per lineas z, b, z, g. & z, t. pro-  
ducta b, z. in h. auge mediā epicycli, denique per perpendiculares protrahan-  
tur b, m. quidem ad g, z. & g, k. ad d, t. itemque g, z. ad z, t. Quærimus itaque dū  
Venus est in linea d, t. maxime à loco Solis remota, quanta sit eius longitu-  
do uespertina. Superioribus autem passibus locus augis eccentrici Veneris  
dabatur cognitus, & nūc quidem locus stellæ huius scitus supponitur, quā-  
obrem angulus a, d, t. inuenietur notus, unde proportio g, d. eccentricitatis  
scilicet ad lineam g, k. æqualē l, t. non ignorabitur. Erat autem utraq; lineæ  
rum d, g. & z, t. respectu semidiāmetri eccentrici nota, quare l, t. respectu eo-  
dem cognita ueniet, residua quoque z, l. ad lineam g, z. semidiāmetri eccen-  
tri mensurata erit. Trianguli igitur z, l. duo latera z, g. & z, l. nota sunt, & an-  
gulus l. rectus, quare angulus eius z, g, l. notus erit. Iam igitur totus angulus  
d, g, z. ex tribus constat angulis, scilicet z, g, l. iam noto, angulo l, g, k. recto,  
& angulo d, g, k. cognito, propter angulum g, d, k. prius notum, & k. rectū,  
quare ipse cognitus ueniet. Reliquusque angulus, uidelicet b, g, z. ex duobus  
rectis angulis cognitus erit, & ob hoc utraq; linearum b, m. & m, g. lineæ  
b, g. commensurabuntur. Quæ quidem linea b, g. respectu g, z. semidiāme-  
tri eccentrici nota est. Sic igitur reliqua linea m, z. cum linea b, z. scite dabun-  
tur, unde angulus b, z, m. non ignorabitur, qui cum angulo b, g, z. pridē no-  
to æquipollent angulo a, b, z. unde ipse angulus a, b, z. cognitus erit, quare  
distantia ueri loci Veneris, qui & Soli communis est, ab auge eccentrici con-  
stabit, igitur locus ille medius nequaquam occultabitur. Per ea autem quæ  
in tertio libro differebantur ex loco Solis medio locus eius uerus haud in-  
scitus prodibit. Cum igitur locus Veneris ad nutum positus sit, & locus So-  
lis uerus pateat. Cognitum erit interuallum quod ipsorum locis ueris inter-  
cidit, & hoc erat cupitum.



PROPOSITIO XIII.

Longitudo itidem matutina quam maxima Veneri acci-  
dat compræhendere.

¶ Paulo diuerfiozem ſubijciemus figurationem, in qua linea ueri loci Veneris continget latus epicycli dextrum. Linea uero g, l. perpendicularis, quæ pridem ſemidiametro epicycli obuiauit, nunc ſemidiametro epicycli con-

S  
tinuatur

tinuata extrinsecus ad rectos incidat angulos. Syllogismo autem superiori ex loco augeis cognito, & loco planetę pro latitudine sumpto, erit nota linea g, k. æ qualis lineę l, t. Hinc tota l, z, respectu semidiametri eccentrici g, z, nota habebitur, & ideo angulus z, g, l, mensuratus, qui ex recto l, g, k, ablatus, relinquet angulum z, g, k, non ignotum, & denique angulus z, g, k, angulo d, g, k, sociatus, constabit angulum z, g, d, scitum, unde & residuus de duobus rectis, angulus scilicet b, g, z, nequaquam ignorabitur. Cuius suffragio reliqua, ut ante hac feceras, sedulo eniteris, quare &c.

PROPOSITIO XIII.




Mercurij longitudines à sole maximas ex loco eius uero in orbe signorum cognito depræhendere.

¶ In linea a, b, g. punctus a. sit aux eccentrici g. centrum mundi b. centrū motus æqualis, & t. centrum parui circuli, quem centrū eccentrici describit. Epicycli autem circulus z, h. super centro e. statuatur. quem contingat linea g, h. in puncto h. Eiusq; centrum continuetur cum tribus punctis b, g, h. lineis suis, sitq; locus planetæ, quem ostendit linea g, h. in orbe signorum notus. Propositum est inuenire maximam Mercurij a uero Solis loco longitudinem. Quod nequaquam poterimus exequi ingenio, quo circa Venerem freti sumus. Nam licet angulum a g, h. notum habeant, tamē nulla distantia centri epicycli ab aliquo trium punctorum g, b. & t. cognita est, cuius quidē scientia ad hanc rem est necessaria. Cogitandū igitur fuit super alio medio, quo institutum nostrū attingendi fieret copia. Certi autem sumus, quod cognito angulo a, b, e. scilicet motus mediij lōgitudinis, cognoscetur per ea quę superius ostensa sunt, angulus diuersitatis b, e, g. cum angulo b, g, e. Et ideo etiam linea e, g. respectu semidiametri eccentrici, quo quidem respectu, & semidiameter epicycli nota crit, hinc angulus e, g, h. & inde totus angulus a, g, h. noti erunt. Sic ex loco medio planetæ supposito, uerum ipsius elaborandi patet ianua. Medio autem loco Solis dato, uerum ipsius eniti quis ignorabit. Quare medio loco Solis, aut Mercurij, quoniam his ambobus communis est, ad libitum supposito, facile agnoscemus maximam Mercurij siue matutinam longitudinem siue uespertinam.

¶ Nunc ad rem ipsam feliciter properemus. Quæ ut intellectu iocundior habeatur, exemplari utar sermone. Doceri uellem Mercurio secundum uerum sui cursum in principio arietis constituto, quanta possit esse ipsius maxima à uero loco Solis longitudo, siue matutinam in alim, siue uespertinam. Pono ad fortunam, ex rationabili æstimatione tamen, medium locum Solis siue Mercurij talē, ut expleto opere, cuius nunc minimi, uerus locus Mercurij cadat in principium arietis, aut prope. Si igitur uerus locus Mercurij ad principium arietis pertingeret, certus ero, quod Mercurio in principio arietis constituto, tanta potest accidere maxima à Sole longitudo, quantum opus ipsum docuit.

**C** ¶ Si autē locus Mercurij uerus citra principiū arietis ceciderit, intelligo  
Zodiacū b, a, c. in quo punctus a. sit principiū arietis, & punctus b. sit Mer-  
curij locus uerus. Eligā deniq; locum aliū mediū, ita ut uerus motus Mer-  
**A** curij in maxima lōgitudine exiſtētis cogatur cadere ultra principiū arietis.  
Vt uidelicet in figura cadat in pūctū c. Habebo itaq; duas lōgitudines Mer-  
curij maximas, quarū una mercurio in pūcto b. exiſtēte accidit, altera uero in  
**B** pūcto c. p quas inueniā lōgitudinē eius maximā ad pūctū a. hoc ingenio. De  
excessu duarū lōgitudinū in duobus locis b. & c. mercurio accidētū accipio  
partē pportionalē secundū pportionē arcus a, b, notū ad totū arcū b, c. notū.

Hanc





## DECIMVS TERTIVS

Hanc autem partem proportionalem addam longitudini maxime ad punctum b. contingent, si reliqua maior fuerit, aut minuam ab ea, si reliqua minor fuerit, & habebō longitudinem à loco Solis uero maximam, quæ accidit Mercurio in principio arietis existenti, quod intendebam. Nō aliter ad cetera loca Zodiaci operaberis. Igitur quo simplici conatu rerum mediarum egestate proficiscendi nō est potestas, Geminis uilibus pertingere non tua te deterreat secordia,

FINIT LIBER DVODECIMVS.

## LIBER DECIMVS TERTIVS SPECVLATIONIS THEORICARUM

Partem postremam, Motus uidelicet in latitudinem planetarum, suasq; considerationes planissime dimetitur.

### PROPOSITIO PRIMA.



### LATITVDINIBVS TRIVM

superiorum uiam speculationis aperire.

¶ Crebris Ptolemæus obseruationibus coniecit tempore suo maximas Saturno, & Ioui accidere latitudines, dum in principio libræ, aut prope constituerentur, Marti uero circa finem Cancrī, fortasse in auge eccentrici posito, latitudines inquam septentrionales. In partibus uero diametraliter oppositis maximas latitudines meridionales. Quo satis explorato, cœpit Ptolemæus obseruare planetas, unumquemq; in meta latitudinis suæ maximæ, nunc quidem in auge epicycli uera aut prope, quoniam in auge epicycli uix aut nunquā oculo satis apparet planeta, radijs solaribus id agentibus, nunc uero in augis opposito. Notauit autem pluri latitudine planetam in opposito augis epicycli existentem ab eclyptica remoueri quā in ipsa auge, tam in parte eccentrici septentrionali quā meridionali. Vtraq; autem latitudinum ad auge epicycli ueram, & eius oppositum pertinentium, in medietate eccentrici septentrionali uidebatur septentrionalis, & in medietate meridionali, utraq; meridionalis cernebatur. Quæ res significauit, totā epicycli diametrum uersus septentrionē ab eclyptica, aut totam uersus meridiē remoueri. Quod haud euenire potest, nisi centrū epicycli, & pars superficie eccentrici, in qua ipsum epicycli centrū statuitur, uersus eandem partē declinet. Conclufit igitur Ptolemæus noster superficiē eccentrici ad superficiē eclypticæ inclinatā esse. Duosq; sectionis terminos, quemadmodū in Luna nodos appellauit. Epicycli itidem superficies ad superficiē eccentrici eodem iudicio comprobatur inclinata. Nisi enim id certum esset, nequaquam cerneret planetæ diuersas quantitate latitudines ad auge epicycli, & eius oppositum accidere. Deinde haud inertius expectauit aduentum centri epicycli in alterū nodorum, ita ut ipsum à termino Boreali per quadrantem distare intelligeret. Sed & corpori planetæ distantia quadrantis ab auge epicycli uerā delegit, quotienscumq; considerationes duas istas confluisse uidit, non deprehendit

dit aſtri aliquam latitudinē. Idem quoq; comperit, planeta in alijs epicycli partibus exiſtente. Epicyclo tamē in nodo manente, hoc iudicio conuincit totam epicycli ſuperficiem in hoc ſitu eclipticæ ſuperficiem nuſquam tranſire. Ad ſummum igitur Ptolemæi uestigia ſectando aſſeremus, quod ſuperficiēs ecentrici in hiſ tribus ſuperioribus ad ſuperficiē eclipticæ inclinata ſit inclinatione fixa, ſuperficiēsq; epicycli ad ſuperficiē ecentrici, non tamen fixa inclinatione. Ita quod longitudo epicycli propior ad eam partem ab ecentrico elongatur, ad quam tendit pars ecentrici, in qua ipſe epicyclus cōſtituitur. Diameter uero epicycli per longitudines medias tranſiens, ſicut in ſuperficie eclipticæ iacere cognoscitur, epicyclo in altera nodorum manente, Ita extra hos duos ſitus eclipticæ concluditur æquidiſtare.

## PROPOSITIO II.

Pro Veneris deniq; & Mercurij latitudinibus præambula quædam abſoluere.

¶ Dum ſedulò aſpiceret Ptolemæus, quid uarietatis in ſiſ habent latitudinibus Venus, & Mercurius, depræhendit quod centro epicycli in auge ecentrici cōſtituto, eandem haberet planeta latitudinem in auge epicycli uera exiſtens, quam in eius oppoſito. Simile reperit quod centro epicycli in oppoſito augis ecentrici manente. Hæc autem latitudo in Venere quidem ad amboſ ſitus epicycli dictos erat ſeptentrionalis, in Mercurio uero meridionalis. Vnde liquidum erat, quod tota diameter epicycli per auge eius, & oppoſitum tranſiens, Et ideo etiam centrum epicycli in Venere quidem uerſus ſeptentrionem tenderet, in Mercurio autē ad meridiem. Quod accidere nequit, niſi pars ecentrici, quæ tunc epicyclū continet, eo declinet.

¶ Poſtea uero alioſ planetæ in epicyclo ſitus obſeruare ſtudit, epicyclo tamen in auge ecentrici manente. Potiſſime tamen maximas planetæ à Sole longitudines, & matutinas, & ueſpertinas aduertendas cenſuit. Inuenit igitur epicyclo Veneris in auge ecentrici cōſtituto, longitudinem ueſpertinam pluris decliuitatis ad ſeptentrionem quàm longitudinem matutinā. Contrarium uero huius expertus eſt in oppoſito augis ecentrici. Ibi enim plus ad ſeptentrionem tendere notaui longitudinem matutinam, quàm ueſpertinam. Sed in Mercurio aliter. In auge enim ecentrici longitudinē eius ueſpertinam plus ad meridiem reperit declinatam, quàm longitudinē matutinam. In oppoſito uero augis ecentrici huius contrarium. Non pigrius inde experimenta habuit, dum epicycli centrum in altero nodorū ſituaretur. Conſiderauit enim quod planeta utriusq; ab auge epicycli per quartam circuli diſtans, nullam ab ecliptica haberet latitudinē. In auge uero atq; eius oppoſito latitudine non careret, & quidem differenter. Vidit enim quod longitudo propior epicycli Veneris in parte ecentrici ſiniſtra, ubi ſcilicet eſt motus longitudinis diminutus, declinior eſſet ad meridiem, quàm eius longitudo longior. Contrarium autem in reliquo nodo, ubi enim longitudo epicycli declinior erat ad ſeptentrionem, hæc autem latitudines in Mercurio per omnia contrarias inuenit. In nodo enim medietatis ecentrici ſiniſtræ, longitudo propior epicycli declinior erat ad ſeptentrionem, quàm longitudo longior. Econtrario autem in reliquo nodo. Summatim igitur intelligemus utriusq; iſtorum duorum ecentricum ab ecliptica declinationem pati, non quidem fixam, ſed uariatam, cuius quidem mutatio curſum epicycli uerum imitatur. Epicyclo enim in auge ecentrici aut eius oppoſito exiſtente,  
maxima



## DECIMVS TERTIVS

maxima est huiusmodi deviatio. Eo autem ab hoc situ recedente, pedetentim minuitur, donec nulla fiet, sed tota superficies eccentrici in superficie eclyptica situetur, dum scilicet epicycli centrum in altero nodorum fuerit. Inde uero recedens, iterum deviatio eccentrici crescere incipit. In Venere quidem, ut dictum est, semper uersus septentrionem, in Mercurio autē uersus meridiem. Epicyclus uero hoc habet uarietatis in nodis, diameter eius per auge, & eius oppositum transiens, non in superficie deferentis est, sed ad eam inclinatur. In auge autem eccentrici atq; eius opposito tota illa diameter in superficie eccentrici sita est. Diameter uero epicycli orthogonalis ad dictam diametrum in eo situ, scilicet augis eccentrici aut eius oppositi, non in superficie eccentrici est, sed ab ea reflexione maxima separata in nodis, non modo in superficie eccentrici, uerum etiam in superficie eclyptica situm sibi uendicat. Hanc speculationem si ampliorem cupias, introductorios ad artem nostram libellos consule.

### PROPOSITIO III.

Nunc quantę sint uniuersę Veneris, & Mercurij latitudines discere, unde liquido singularum superficierum ad alias constabunt inclinationes.

¶ Venus in auge epicycli aut eius opposito manens, comperitur habere latitudinem 10. mi. siue epicyclus ipse in auge eccentrici, siue in eius opposito fuerit constitutus. Mercurius 45. mi. Tanta igitur erit cuiusq; eorum deviatio siue declinatio eccentrici ad superficiem eclypticę. Nec mirari oportet, quo pacto id considerandi sit potestas, cum uterq; eorū in auge epicycli manens aut in eius opposito, ne consideratori appareat, radius solaris impedimentum afferat. Dico equidem planetam non in his duobus obseruatum esse sitibus, sed in locis eis propinquis. Ita ut conijcere possis, tantā accidere latitudinem planetę in auge epicycli, aut eius opposito existente.


Pręterea in locis memoratis eccentrici reflexiones differre compertum est in 5. gr. In Venere quidem sine diuersitate sensibili in auge atq; eius opposito. In Mercurio autem differentia reflexionum in opposito augis eccentrici contingentium, super eas quę in auge eccentrici accidunt, addunt medietatem gradus. Ita ut si mediocrem inter extremas reflexionum differentiam pensaberis, quinq; gra. quemadmodū Veneri, & nunc Mercurio uendicabis. Hinc elicitur, maximam reflexionem alterius medietatum epicycli a superficie eccentrici esse ferē duorum graduum, & dimidij. Hęc enim reflexio duplicata quinq; gradus integrat. Angulum autem inclinationis superficier epicycli ad superficiem eccentrici paulo inferius eliciemus. Tandē autem Veneris epicyclo in altero nodorum constituto, stella ipsa in epicycli auge existens, latitudinem ad utrumq; latus eclypticę habuisse cernitur unius gradus, in opposito augis epicycli sex graduū, & tertię unius gradus. Vnde concluditur angulum inclinationis superficier epicycli ad superficiem eccentrici in hoc situ continens duos gradus, & medietatem unius gradus. Si enim a centro mundi per centrum epicycli in hoc situ rectam ducas lineam, quę secet superficiem conuexam epicycli in duobus punctis, & a summo earum quocumq; uelis 2. gra. & dimidium numeraueris, duę lineę terminos huiusmodi arcus continuantes angulum in centro mundi continebunt, unius gra. ut quatuor recti sunt 360. Ab infimo uero puncto, si tan

## LIBER

tundem numeraueris, & modo dicto lineas in centro mundi confluentes intellexeris, erit angulus in ipsis comprehensus 6. gra. 20. mi. ferè. Hic autem inclinationis angulus latitudinibus singulis eliciendis inferiori loco usui ueniet. Latitudo uero Mercurij in auge epicycli existens uno gr. & 45. mi. complectitur. In opposito uero augis epicycli 4. gra. ferè. Ita ut inclinatio superficiei epicycli ad superficiem eccentrici sex gra. & quartam partem gradus unius sibi postulare uidetur.

### PROPOSITIO IIII.

Angulos inclinationum huiusmodi geometrica uia inuestigare.



¶ Angulos inclinationum huiusmodi itinere geometrico didicisse uolens, intellige superficiem planam perpendiculariter incidentem eclypticæ transeundo per nodos utrosq;. Quæ quidem secet epicycli sphaeram, & sectio communis sit circulus h, k, e, circa centrum d, descriptus. Linea augis eccentrici sit a, b, centrum mundi g, in se continens, à quo fluat linea g, d, eclypticam nusquam transiliens. Itemq; linea g, h, quæ continuetur d, z, ei perpendiculariter insistere possit. Planeta uero nunc intelligatur in e, auge epicycli nunc in h, opposito augis. Cum igitur angulus latitudinis d, g, h, notus sit ex consideratione, erit proportio g, d, ad d, z, nota. Sed h, d, semidiameter epicycli, ad g, d, distantiam epicycli à centro mundi proportionem scitam habet, ergo eiusdem ad d, z, proportio erit manifesta, unde angulus d, h, z, datus, ideoq; reliquus angulus g, d, h, intrinsecus haud ignorabitur, & ipse est angulus inclinationis quaesitus.

### PROPOSITIO V.

Per maximas Martis latitudines, quantæ sint circulorum suorum inclinationes patefacere.


Veneri & Mercurio hoc unum commune nouimus, quod tamen stella ipsa multifariis patiatur latitudines, dum tamen altera earum reperiri solet maxima, reliqua uero nulla est, altera itaq; alteri cædit, quatenus utramq; singulatim quanta sit perspicere possit Astronomus. In Marte aut Saturno deniq;, & Ioue longe diuersius euenit. Maxima enim quam quisq; eorum solet habere latitudo partim ex epicyclo, partim uero ex eccentrico pendet. Itaq; alteram altera aperte, & seorsum cognosci non sinit. Igitur propositum executuri, alio tramite proficiscemur. Mars in opposito augis epicycli sedem habens, dum epicyclus ipse in auge eccentrici statuitur, phœbeum iter transilire cernitur spacio 4. gra. & quartæ unius gra. In opposito uero augis eccentrici quantitate 7. gradibus.

¶ Pingamus ergo figuram, in qua duæ lineæ a, b, & g, d, sectiones communes sint superficiei perpendiculariter eclypticæ, & à centro incidenti cū ipsis superficiibus sectis a, b, quidem in eclyptica iaceat g, d, uero eccentrici superficiem nusquam excedat, in qua deniq; super duobus centris g. & d, duos circulos epicyclum repræsentaturos, describamus, qui sint h, t, k, & m, n, s. Sitq; diameter epicycli h, g, k, inclinata ad diametrum eccentrici, similiter m, d, s, super eandem productis à centro mundi e, lineis e, h, c, k, e, m, & e, s, ad quatuor puncta h, k, m, & s. Stella igitur in opposito augis epicycli existens,



## DECIMVS TERTIVS.

existens, epicyclo in auge eccentrici posito, uidetur habere latitudinē secundum quantitatem anguli  $a, e, k$ . In opposito uero augis eccentrici ab eclyptica secernitur per angulum  $b, e, s$ . hi duo anguli cogniti sunt, ut supra uisum est. Neuter tamen angulorum  $g, e, k$ . &  $d, e, s$ . scitus habetur. Verum differentia, qua alter alterum superat, comperta est. Ipsa enim est differentia duorum angulorum  $a, e, k$ . &  $b, e, s$ . datorum, cū angulos  $a, e, g$ . &  $b, e, d$  sibi contra positos æquales esse oporteat. Si itaq; proportionem anguli  $g, e, k$ . ad angulum  $d, e, s$ . scitam quis daret, mox eorū uterq; prodiret inuentus. Vt igitur hæc proportio prope uerum cognoscatur, imaginemur lineam rectam transire per centrum mundi. & centrum epicycli in duobus sitibus intellecti, puncta sectionum huius lineæ cum superficie conuexa epicycli ex parte oppositi augis epicycli notemus. Quotquot igitur arcus circumferentiæ epicycli ab altero horum punctorum numerabimus æquales, & eorum terminos centro mundi continuabimus, erunt omnes anguli, quos dictæ lineæ cum linea per centrum epicycli, & centrum mundi ducta continent, inter se æquales. Idem accidit in reliquo epicycli situ. Ex eis autem quæ in undecimo libro circa angulos diuersitatum ab epicyclo pendentium explanata sunt, si certum arcum ab opposito augis epicycli numerabimus, facile constabit, quanto angulo apud centrum mundi ipse subtendetur, & quidem non difficiliter in opposito augis eccentrici quàm in ipsa auge. Tales igitur arcus æquales accipiamus de circumferentiâ epicycli in auge eccentrici, & eius opposito intellecti. Ex parte tamē oppositi augis epicycli, & æquantis, quia angulis in centro mundi ipsi subtenduntur, exploremus. Si enim hos duos inter se conferemus angulos, prope uerum habebimus proportionem eam quam nostri nunc habent anguli latitudinum. Ea proportio in rem nostram erit hoc pacto. Sit alter illorum angulorum  $p$ . & alter  $q$ .  $p$ . quidem maior  $q$ . uero minor. Differentia eorum sit  $r$ . Cum itaq; proportio  $p$ . ad  $q$ . sit sicut anguli  $d, e, s$ . ad angulum  $g, e, k$ . erit  $d$  uisum proportio  $r$ . ad  $q$ . sicut differentię duorum angulorum  $d, e, s$ . &  $g, e, k$ . ad angulum  $g, e, k$ . Sed  $r$ . &  $q$ . anguli cum differentia angulorum iam dicta noti sunt, quare angulus  $g, e, k$ . non ignorabitur. Cui si differentiam sæpe memoratam adieceris, angulus  $d, e, s$ . notus resultabit. Igitur trianguli  $g, e, k$ . cuius duo latera  $g, e$ . &  $g, k$ . nota sunt, cum angulo  $g, e, k$ . angulus  $e, g, k$ . scitus ueniet per scientiam triangulorum planorum, & ipse est angulus inclinationis epicycli ad superficiem eccentrici. Quem Ptolemæus conclusit habere duos gradus, & quartā unius gradus. Angulum uero  $a, e, g$ . inclinationis scilicet eccentrici ad eclypticam unico gradu contineri didicit. Quod si opus huiusmodi præcisius reddendi libido inceserit Arcut,  $k$ . siue angulo  $e, g, k$ . utaris ad extrahendum terminos proportionis superius memoratę. Inde uero ut prius per omnia procedas.



### PROPOSITIO VI.


Saturnus postremo cum Ioue suorum inclinationes circulorum Astronomo cogniras uolunt.

¶ Hi duo tamen si plerisq; cum Marte cōmunes in motibus habeant passionēs, hoc tamen uno à se diuersiores perspiciuntur, quod Martis latitudines in auge eccentrici, atq; eius opposito accidentēs sensibiles habent differentias, relatiuis ad se collatis latitudinibus.

Quod uero latitudinibus

## LIBER

dinibus Saturni, & Iouis in oppositis augium epicyclorum existentium, atq; in terminis maximarum latitudinum suarum accidentibus interest, sensui non apparet. Quamobrem aliud medium propositi nostri finem apperiet. Conuertere oculos ad figuram præcedentis. Verum non aspicias circulum epicycli, nisi eum qui in auge eccentrici situatus est super centro g. Inuenta autem est latitudo Saturni in auge epicycli constituti, epicyclo autem in termino boreali manente, per coniecturam quæ in apparitionibus atq; occultationibus haberi potuit 2. gra. ferè. In opposito uero augis epicycli trium graduum. Iouis uero in auge epicycli unius gradus. In opposito uero augis epicycli duorum graduum.



¶ Igitur in hac figura angulus h, e, k. prodit cognitus. Ipse enim est differentia duarum latitudinum. Et si proportio anguli h, e, g. ad angulum g, e, k. nota esset, quis ignoraret utrumq; eorum. Item si arcus h, z. siue t, k. sibi æqualis foret cognitus, statim haberetur uterq; duorum angulorum h, e, g. & g, e, k. cum proportio etiam lineæ e, g. ad lineam g, h. siue g, k. nota sit. Sed ne p. isti arcus cogniti sunt. Accipiamus igitur duos arcus æquales, quantumcumq; sint, propinquos tamen secundum estimationem arcubus h, z. & k, r. adhuc ignotis. Quod faciemus per tabulas diuersitatum, coniungendo duos diuersitatum angulos arcubus æqualibus apud augem, & oppositum augis epicycli respondentes, donec reperiamus aggregatum æquari angulo h, e, k. noto, & quanti sint anguli quibus ipsi apud centrum mundi subtenduntur, exploratum habeamus per ea quæ in libro undecimo circa finem conclusa sunt. Erit nam p. eorum angulorum proportio æqualis ferè proportioni anguli h, e, g. ad angulum g, e, k. Sitq; unus eorum p. & reliquus q. P. quidē maior, & q. minor. Si igitur proportio p. ad q. est sicut anguli k, e, g. ad angulum g, e, h. erit coniunctim proportio p. & q. ad q. sicut totius anguli h, e, k. noti ad angulum h, e, g. Ex tribus igitur notis quantitatibus nota fiet quarta, scilicet angulus h, e, g. Quo adiecto ad angelum a, e, h. minime scilicet latitudinis, colligetur totus angulus a, e, g. notus, qui est angulus inclinationis eccentrici ad eclipticam. Proportio deniq; lineæ e, g. ad semidiametrum epicycli g, h. nota est, propter situm epicycli notum, & angulus g, e, h. quare per scientiam triangulorum planorum angulus e, g, h. cognoscitur. Quo dempto ex duobus rectis, manebit angulus h, g, z. scitus, qui mensurat inclinationem epicycli ad superficiem eccentrici. Quod si præcisius eniti uoles, utere arcu h, z. nunc propter angulum h, g, z. noto, loco eius quo mediante superius proportionem huic rei necessariā elicuisti. Reliqua uero ut ante hac ex æquaris, opusq; huiusmodi itera tamdiu donec ad bonam præcisionem anguli g, e, h. uenies. Ptolemæus uero proportionem, qua usus est ad Saturnum posuit ut 18. ad 23. ad Iouem uero ut 29. ad 43. Angulum inclinationis eccentrici ad eclipticam in Saturno conclusit esse 2. gr. & 26. mi. In Ioue autem unius gra. & 24. mi. Verum facilitate operationis persuasus, in Saturno accepit pro inclinatione eccentrici duos gradus esse, & dimidiū. In Ioue autem unum gradum, & dimidiū. Epicycli autem ad eccentricum inclinationem dimensus est in Saturno quidē 4. gr. & dimidio. In Ioue autem duobus gradibus, & dimidio.

### PROPOSITIO VII.

Quod præcedens docuit, uia geometrica lucubrare.

¶ Hæc præcedenti supperaddit nouum illud, quo pacto ex lineæ g, k. cognita respectu lineæ g, e. & angulo h, e, k. uterq; angulorum h, e, g. & g, e, k. cognosci




DECIMVS TERTIVS.

PROPOSITIO VIII.

Quantam latitudinem siue Venus siue Mercurius in omni  
eius ab auge epicycli distantia habeat perpendere.

¶ Veneri & Mercurio idem processus eademq; figuratio inferuiet. Igitur epicyclum e, t, d. in altero nodorum constitutum secet superficies plana eclipticæ perpendiculariter insister, & per centrum epicycli b. transiens. Sitq; superficiei huius cum epicyclo sectio communis linea d, e. Sectio autem communis huic superficiei secanti cū ecliptica sit linea a, b. ita quod b. representet centrum epicycli in transitu eccentrici medio manentis, diametrum epicycli d, e. secet alia eius diameter h, z. perpendiculariter, totaq; superficies epicycli dictæ superficiei secanti, ad rectos incidat angulos. Quo fit, ut omnis linea in superficie epicycli perpendicularis ad lineam d, e superficiei eclipticæ æquidistat una dumtaxat linea h, z. dempta, quæ in ipsa eclipticæ superficie iacet. Sit igitur planeta in puncto t. notam ab auge epicycli aut eius opposito habens distantiam. A quo quidem puncto t. ad superficiem eclipticæ perpendicularis t, m. demittatur, duobus puncta t, & m. centro mundi copulentur per lineas a, m. & a, t. Querimus itaq; quantitarē anguli t, a, m. ex notis quibusdam rebus, scilicet angulo a, b, e. & pportione linearum a, b. & b, e. distantiaq; puncti t. ab altero duorum punctorum d, & e. Huius executionē faciemus, si orthogonalē lineam à puncto t ad lineam d, e. prendemus, quæ sit t, k. Itē perpendicularē l, k. ad superficiē eclipticæ, pductis duabus lineis t, b. & l, m. unde



unde consequitur quadrilaterum  $t, k, l, m$ , esse æquidistantium laterum & rectorum angulorum. Nunc syllogismo innitaris. Cum angulus  $e, b, t$ , notus supponatur, & angulus  $k$ , sit rectus, utraq; duarum linearum  $t, k$ . &  $k, b$ , respectu semidiametri epicycli  $b, t$ , cognita erit, hinc  $l, m$ , linea data. Item trianguli  $k, b, l$ , angulus  $k, b, l$ , notus est per quintam huius, & angulus  $l$ , rectus, igitur  $k, l$ , nota erit respectu  $k, b$ , aut ei æqualis  $t, m$ . Linea quoq;  $l, b$ , nota erit, unde omnes respectu lineæ  $b, t$  notæ fiunt, & inde respectu lineæ  $a, b$ , ex qua si lineam  $b, l$ , subtraxeris, manebit  $a, l$ , non ignota. Quæ cum linea  $l, m$ , propter angulum  $l$ , rectum, suscitabit lineam  $a, m$ , notam, & angulum  $l, a, m$ , cognitum. Qui quidem est angulus diuersitatis in longitudine. Ex linea autem  $a, m$ , scita iam & linea  $t, m$ , superius elicitæ constabit linea  $a, t$ , cum angulo  $t, a, m$ , qui est angulus latitudinis quæsitus.

## PROPOSITIO IX.

Inclinationem epicycli nihil erroris sensibilis motui longitudinis immittere.


¶ In principio noni libri dum habitudines orbium explanaremus, superficiem eccentrici à superficie eclipticæ nusquam recedere, superficiemq; epicycli in superficie eccentrici iacere supposuimus. Quod etiam fecimus dum per considerationes plerasq; occasiones diuerforum motuum eniteremur quasi superficialium ad se inuicem inclinationes. Quæ si essent, nihil uarietatis afferrent. Neq; id ante hunc locum experiendi fuit potestas, nondum enim idonea apparuerunt media. Nunc uero huiusmodi rem absoluerè nihil prohibet.

¶ Sit igitur circulus epicycli  $d, t$ , super centro  $b$ , imaginatus in superficie eclipticæ. Et in puncto  $t$ , planeta ipse statuatur, notâ habens à puncto  $e$ , distantiam. Ex qua quidem angulus  $t, b, k$ , notus fit. Sed angulus  $k$  rectus est, quare &  $k, t$ , &  $k, b$ , lineæ respectu  $b, t$ , cognoscuntur, unde & respectu  $a, b$ , igitur residua  $a, k$ , haud ignota. Quæ cum linea  $k, t$ , suscitabunt lineam  $a, t$ , cognitam, quare etiam angulus  $b, a, t$ , datus fiet, qui est angulus diuersitatis, non quidem uerus, sed conferendus ad angulum diuersitatis  $b, a, m$ , uerum ex præcedenti notum. Inuenit autem Ptolemæus in Venere plurimâ horum angulorum differentiam 2. m. In Mercurio uero tria minuta. Quæ utiq; erroris insensibilis uestigia censentur.

## PROPOSITIO X.

Latitudines uniuerfas trium superiorum dimetiri.

¶ Pro his tribus superioribus, quoniam inclinationes epicyclorum permixtæ sunt inclinationibus eccentricorû, alia uia pergendum est. Sit igitur superficies plana erecta super eclipticam secans, epicyclum. Cuius quidem & eclipticæ sectio communis sit  $a, b$ , linea. Differentia uero communis ipsius cum superficie epicycli sit linea  $d, g, e$ , & sit centrum orbis signorum  $a$ , punctum, & centrum orbis reuolutionis punctum  $g$ , circa quod epicyclus  $d, e, z, h$ , lineetur, producta diametro eius  $h, z$ , orthogonaliter secante diametrum  $d, e$ . Sicq; epicycli superficies situetur, ut omnis linea in superficie epicycli perpendiculariter super lineam  $d, e$ , producta, superficie eclipticæ æquidistet. Sit igitur arcus  $e, t$ , datus, distantia uidelicet planetæ ab opposito





## DECIMVS TERTIVS.


posito augis epicycli. A quo quidem puncto perpendicularem produco. Sed à duobus punctis t, & k, duas perpendiculares ad superficiem eclypticæ demitto, quæ sint t, l. & k, b. continuando duo puncta b, & l. Productisq; lineis duabus a, t. & a, l. intendimus ex angulis inclinationis eccentrici & epicycli, & ex proportionem lineæ a, g. ad g, e. ex situ planetæ in epicyclo angulum b, a, l. scilicet diuersitatis in motu longitudinis, & angulum t, a, l. latitudinis. Sed prius ad lineam a, g. demittam perpendicularem k, m. productis etiam duabus lineis g, t. & a, k. Ex triangulo itaq; g, k, t. rectangulo, cuius angulus t, g, k. notus supponitur. Vnaquæq; linearum t, k. & k, g. respectu g, t. semidiametri epicycli notam habebit quantitatem. Sed angulus k, g, m. inclinationis epicycli notus est, & angulus m. rectus, igitur duæ lineæ k, m. & m, g. respectu k, g. Et ideo respectu g, t. notæ uenient. Cum autem situs epicycli supponatur notus, erit proportio lineæ a, g. ad lineam g, t. cognita. Omnes igitur lineæ k, t, k, g, k, m. & m, g. respectu lineæ a, g. innotescunt. Dempta autem m, g. iam nota, ex a, g. relinquitur a, m. non ignota. Ex qua cum lineæ k, m. nota ueniet lineæ a, k. propter angulum m. rectum, hinc etiam angulus m, a, k. scitus. Erat autem angulus g, a, b. inclinationis eccentrici cognitus, quare totus angulus k, a, b. notus erit. Et angulus b. rectus, igitur utraq; linearum k, b. & a, b. respectu a, k. prius notæ cognita dabitur. Item lineæ b, l. est nota, quoniam æqualis k, t. superius cognita. Est enim quadrangulum t, k, b, l. æquidistantium laterum, & notorum angulorum, ex lineis itaq; a, b. & b, l. cum angulo b. recto, dabitur lineæ a, l. cognita, ideoq; angulus b, a, l. scitus, qui est angulus diuersitatis motus longitudinis.

¶ Præterea ex lineæ a, l. iam nota, & lineæ t, l. æquali k, b. pridem notæ, & angulo a, l, t. recto, prodibit lineæ a, t. scita, & angulus t, a, l. nequaquam ignorabitur, qui quidem est angulus latitudinis quæsitus. Quod si angulus b, a, l. diuersitatis uerum, angulo diuersitatis, qui elicitur, epicyclo in eclyptica iacente conferemus, nullam aut insensibilem differentiâ sentiemus. Prolemæus namq; differentiam horum angulorum in Saturno & Ioue inuenit ferè unius minuti. In Marte autem penitus insensibilem.

### PROPOSITIO XI.


Maximam reflexionis latitudinem in puncto contactus accidere.

¶ Facilitatis causa ponamus centrum epicycli in superficie orbis signorum. Sitq; ipsum b, circa quod describatur epicyclus d, e, z, h. Ductaq; lineæ a centro mundi per ipsum epicycli centrum, quæ sit a, b, g. Ducatur alia lineæ contingens epicyclum a, e. Alia item secans epicyclum in duobus punctis d, & z. A punctis uero d, e, & z. lineæ protendantur perpendiculares. Vna quidem ad superficiem orbis signorum d, m. scilicet e, n. & z, s. Aliæ uero d, t, e, k. & z, l. ad lineam a, d. Continuanturq; termini harum perpendicularium lineis t, m, k, n. & s, l. Ducaturq; lineæ a, n. itemq; lineæ a, s, m. Oportet enim hæc tria puncta a, s, m. in una recta lineæ esse, quoniam ipsa sunt in sectione communi superficie orthogonaliter secantis eclypticam, & transeuntis per lineam a, d. Quibus ita dispositis ostendendum est, quod planetæ in puncto e. existenti, maxima





## LIBER



PROPOSITIO XII.

Epicyclo in auge eccentrici aut eius opposito manente, quanta sit superficiei suæ ad superficiem eccentrici inclinatio deprimere.

Venus & Mercurius hac in re unam suscipiunt dispositionem. In qua superficies epicycli sit circulus g, d, e. super centro b. inclinatus ad superficiem eccentrici. A centro autem orbis signorum prodeat linea a, d. continens epicyclum in puncto d, & alia linea a, e, d. per centrum epicycli transiens, epicycliq; circumferentiam in duobus punctis g, & e. secans. Deinde à puncto d. tres lineæ producantur d, b. quidem semidiameter epicycli d, z. perpendicularis ad lineam g, e. & d, h. perpendicularis ad superficiem eccentrici. Punctum quoq; h. cum duobus punctis a, & z. continetur lineis h, z. & h, a. Erit autem h, z. necessario perpendicularis ad lineam g, e. Ex angulo igitur reflexionis d, a, h. quem præcedens demonstravit in hoc situ planetæ accidere maximum. Querimus angulum d, z, h. qui determinat inclinationem quæsitam. Ex tertia autem huius angulus d, a, h. notus concluderetur. Quia igitur proportio lineæ a, b. ad b, d. nota est, erit & a, d. respectu utriusq; earum nota propter angulum a, d, b. rectum. Sed proportio a, b. ad a, d. iam notam, est ut proportio b, d. ad d, z. ex similitudine triangulorum, quare cum tres primæ sint notæ, erit quarta scilicet linea d, z. respectu reliquarum nota. Item propter angulum d, a, h. notum, & angulum h. rectum, sit nota proportio lineæ d, h. ad lineam d, a. unde linea d, h. ad lineam d, z. proportionem habebit notam. Cum autem angulus d, h, z. sit rectus, erit angulus d, z, h. cognitus, qui est angulus inclinationis quæsitus. Inuenit autem Ptolemæus hunc angulum in Venere quidem continere tres gradus, & medietatem gradus, ut quatuor recti sint 360. In Mercurio autem septem gradus. Non conturberis autem ex eo in tertia huiusmodi latitudines reflexionum respectu eclypticæ consideratarum aggregavimus, & medietatem aggregati proposito præsentī adaptavimus. Cū tamen centrum epicycli in his considerationibus non fuerit in superficie eclypticæ, tam parua est enim centri ad eclypticam inclinatio, quod nihil ad hoc erroris sensibilis accidere potest.

Propositio

PROPOSITIO XII.



## DECIMVS TERTIVS.

### PROPOSITIO XIII.

Maximum angulum diuersitatis ueræ apud punctum contactus reperiri.

¶ Terminos quibus utemur, intellexisse consilium est. Angulum diuersitatis in longitudine estimatum, uoco eum qui proueniret, si superficies epicycli in superficie eclyptica iaceret, quemadmodum in fine undecimi supposuimus. Angulum autem diuersitatis uerum non imaginaberis, nisi perpendiculariter erexeris duas superficies planas ad eclypticam superficiem. Quarum una centrum epicycli includat, altera uero per quemlibet circumferentiæ epicycli punctum incedat. Angulus enim quem continebunt duæ sectiones communes harum superficierum duarum cum eclyptica, uocabitur & est angulus diuersitatis in longitudine uerus, quod duobus locis, epicycli scilicet, & planetæ ueris in eclyptica interciderat. Prasenti tamen proposito hunc angulum diuersitatis uerum, facilitate operationis persuasi, in superficie eccentrici considerabimus. Tanta est enim eccentrici ad eclypticam inclinatio, ut uarietatem sensibilem non adducat.


¶ Repetita igitur prorsus figura undecimæ huius, ostendendum est, quod angulus  $n, a, k$ , maior sit omnibus diuersitatum angulis in semicirculo  $g, e, h$  contingentibus. In ea enim undecima ostendebatur, quod proportio lineæ  $e, n$ , ad  $e, a$ , maior sit proportionem lineæ  $d, m$ , ad lineam  $d, a$ . Fit igitur conuersim proportio  $e, a$ , ad  $e, n$ , minor proportionem  $d, a$ , ad  $d, m$ . quare quadrati  $e, a$ , ad quadratum  $e, n$ , minor erit quam quadrati  $d, a$ , ad quadratum  $d, m$ . Quadratum autem  $e, a$ , propter angulum  $e, n, a$ , rectum ualet quadrata duarum linearum  $e, n$ , &  $e, a$ . Similiter quadratum  $d, a$ , æquipollet duobus quadratis linearum  $d, m$ , &  $m, a$ . Fit igitur proportio duorum quadratorum  $n, a$ , &  $n, e$ , ad quadratum  $n, e$ , minor proportionem duorum quadratorum  $m, a$ , &  $m, d$  ad quadratum  $m, d$ , unde diuissim minor proportio quadrati  $n, a$ , ad quadratum  $n, e$ , quam quadrati  $m, a$ , ad quadratum  $m, d$ . Igitur etiam proportio lineæ  $n, a$ , ad lineam  $n, e$ , minor erit quam linea  $m, a$ , ad  $m, d$ . Est autem proportio lineæ  $e, n$ , ad  $n, k$ , sicut  $d, m$ , ad  $m, t$ , quare proportio  $n, a$ , ad  $n, k$ , minor est quam  $m, a$ , ad  $m, t$ . Et conuersim maior concluditur proportio  $k, n$ , ad  $n, a$ , quam  $t, m$ , ad  $m, a$ . Angulus igitur diuersitatis  $n, a, k$ , maior est angulo diuersitatis  $m, a, t$ . Idem inferes ubicumque de semicirculo  $g, e, h$ , aliud ab  $e$ , punctum signaueris, quod quidem proponebatur ostendendum.


### PROPOSITIO XIII.

Maximam differentiam angulorum diuersitatis, quorum unus estimatus, alter autem uerus, apud contactus punctum euenire.

¶ Apud punctum contactus aiebam. Non enim in ipso puncto semper maximam reperies huiusmodi differentiam, nisi in Mercurio. In Venere autem alibi plerumque differentiam hanc maximam reperiri contingit, quem admodum inferius paulo explanabitur. Sequar igitur nunc Ptolemæum, ponendo circulum epicycli  $g, e, h$ , super centro  $b$ . Centrum autem mundi punctus  $a$ , intelligitur, a quo ueniet linea  $a, g$ , per centrum epicycli, & linea  $e, a$ , contingens epicyclum in  $e$ , puncto. Sitque alius punctus epicycli ubi libet signatus  $d$ , quem iisdem centro mundi copulabo per lineam  $d, a$ . Dein-

T de





de a duobus punctis e. & d. binas educam perpendiculares. Vnas quidem ad superficiem eccentrici, quæ sint d, m. & e, n. Alteras ad diametrum epicycli d, t. scilicet & e, k. Terminosq; harum perpendicularem continuabo lineis m, t. & n, k. Sed & duo puncta m. & n. centro mundi copulabo per lineas m, a. & n, a. Ostendendum itaq; est more Ptolemæi, quod maior sit differentia duorum angulorum e, a, k. & n, a, k. quàm duorum d, a, t. & m, a, t. Cum enim trianguli e, k, n. angulus n. sit rectus, erit latus e, k. longius latere k, n. Resecetur itaq; ex e, k. æqualis k, n. quæ sit k, x. Duæta linea x, a. similiter sit t, l. æqualis t, m. Continuaturq; punctus l. cum centro mundi a. Erit igitur angulus e, a, x. differentia duorum angulorū e, a, k. & n, a, k. Est enim angulus x, a, k. æqualis angulo n, a, k. propter duo latera x, k. & k, a. æqualia duobus n, k. & k, a. & angulum a, k, x. & a, k, n. rectos. Similiter angulus d, a, l. differentia est duorum angulorum d, a, t. & m, a, t. Si igitur excessus anguli e, a, x. super angulum d, a, l. consequeretur excessum proportionis lineæ e, x. super proportionem lineæ d, l. ad lineam d, a. quemadmodum supposebat Ptolemæus, procederet intentum nostrum hoc pacto. Linea a, d. necessario secabit lineā e, k. secet igitur in r. A puncto e. ducatur æquidistans lineæ a, r. quam necesse est concurrere cum k, a. quantum satis est continuata. Fiunt enim duo anguli apud k. & e. minores duobus rectis. Concurrat igitur e. in puncto p. Erit autem e, p. longior e, a. quoniam maiori angulo trianguli e, a, p. opponitur, quare proportio k, e. ad e, a. maior est proportionem eiusdem k, e. ad e, p. k, e. autem ad e, p. est sicut k, r. ad r, a. siue d, t. ad d, a. Igitur maior est proportio k, e. ad e, a. quàm d, t. ad d, a. quod etiam in undecima huius tanquam certum assumebatur. Proportio autem e, k. ad k, x. est sicut d, t. ad t, l. quoniam k, x. æqualis resecta est k, n. & l, t. æqualis t, m. Eversim igitur proportio e, k. ad e, x. est ut proportio d, t. ad d, l. Proportio autem e, k. ad e, a. constat ex duabus, proportionem scilicet e, k. ad e, x. & proportionem e, x. ad e, a. Similiter proportio d, t. ad d, a. Afferendo igitur ab inæqualibus æqualia, utrobique scilicet proportionem unam, manebit proportio e, x. ad e, a. maior proportionem d, l. ad d, a. Quod si consequentia Ptolemæi resecta esset, sequeretur euestigio angulum e, a, x. superare angulum d, a, l. quod erat demonstrandum.

PROPOSITIO XV.

Maximam huiusmodi angulorum differentiam Mercurio  
in puncto contactus infallibiliter accidere.

¶ Confusionis tollendæ gratiâ, duos triangulos e, a, k. & d, a, t. in figura præcedenti multiplicatos hic segregabo. Eo tamen pacto, ut in a. puncto co incidēt. Quia igitur in Mercurio angulus e, a, k. est minor medietate recti, maximus enim diuersitatis suæ angulus, qui ab epicyclo pendet 24. gradibus, ut quatuor recti sunt 360. non excedit, erit angulus d, a, t. multo minor medietate recti, cum ipse sit minor angulo e, a, k. unde etiam angulus a, e, k. maior erit angulo a, d, t. cum uterq; angulorum k. & t. sit rectangulus. Angulus igitur d, t, f. æqualis sit angulo a, e, k. ductis lineis d, f. & l, f. erunt itaq; duo trianguli a, e, k. & f, d, t. æquianguli, quare proportio a, e, ad e, k. erit ut proportio f, d. ad d, t. Sed proportio e, k. ad e, x. est ut proportio t, d. ad d, l. quemadmodum in præcedenti firmatum est. Per æquam igitur proportionalitatem concluditur proportio a, e. ad e, x. æqualis proportioni f, d. ad d, l. Sed angulus f, d, l. æqualis ponebatur a, e, x. duo igitur trianguli



## DECIMVS TERTIVS.


Triangula  $a, e, x.$  &  $f, d, l.$  erunt æquianguli, & erit angulus  $a, x, e.$  æqualis angulo  $d, l, f.$  similiter angulus  $e, a, x.$  æqualis angulo  $d, f, l.$  Angulus autem  $a, x, e.$  ualet angulum rectum cum angulo  $k, a, x.$  qui minor est medietate recti quare, & angulus  $f, d, l.$  eisdem ualet. Item angulus  $d, a, t.$  minor est medietate recti, unde duo anguli  $d, l, f.$  &  $d, a, t.$  minores sunt duobus rectis. Circuli igitur circumscribentis triangulum  $d, l, f.$  circumferentia secabit lineam  $l, a.$  Non enim potest hæc circumferentia ire per punctum  $a.$  sicut enim duo anguli oppositi  $d, l, f.$  &  $d, a, f.$  quadranguli  $d, l, f, a.$  inscripti circulo essent minores duobus rectis. Si uero transiret infra  $a.$  iterum longe minores essent duobus rectis, quod contrarium est uicesimæ primæ tertij Euclidis. Secet igitur dicta circumferentia lineam  $l, a.$  in puncto  $q.$  producta linea  $d, q.$  cum linea  $q, f.$  Erunt itaq; duo anguli  $d, f, l.$  &  $d, q, l.$  in circumferentia consistentes, & in arcum unum cadentes inter se æquales. Sed angulus  $d, q, l.$  extrinsecus ad angulum  $d, a, q.$  maior est eo, quare etiam angulus  $d, f, l.$  maior est angulo  $d, a, l.$  Sed erat angulus  $d, f, l.$  æqualis angulo  $e, a, x.$  igitur angulus  $e, a, x.$  maior est angulo  $d, a, l.$  cuius petebatur demonstratio.

### PROPOSITIO XVI.

In Venere autem maximam huiusmodi angulorum differentiam extra punctum contactus plerumq; reperiri necesse est.

¶ Resumo figuram præcedentem nihil prorsus uariando. Angulus autem  $k, a, x.$  centro epicycli in auge eccentrici constituto, minor est medietate recti, quemadmodum ex secunda decimi trahitur. Ibi enim angulus ille concluditur 4. gra. & 48. minu. completi. Tunc igitur uelut in Mercurio maxima huiusmodi angulorum differentia in puncto contactus inuenitur. Dū uero angulus  $k, a, e.$  maior est medietate recti, quod equidem in multis epicycli sitibus accidit, possibile est dare punctum circumferentiæ epicycli, in quo differentia dictorum angulorum maior est, quam ea quæ solet fieri in puncto contactus. Sit enim uterq; duorum angulorum  $k, a, x.$  &  $k, a, e.$  maior medietate recti, quod utiq; possibile est. Angulus uero  $d, a, t.$  sit medietas recti. Fretus itaq; medijs in præcedenti absumptis, concludam angulum  $d, l, f.$  e qualem angulo  $a, x, e.$  Sed angulus  $a, x, e.$  maior est recto, & medietate recti. Ipse enim æquipollet duobus angulis  $k.$  scilicet recto, &  $k, a, x.$  qui ex hypothesis maior est medietate recti. Et quia angulus  $d, a, t.$  ponebatur medietas recti erunt duo anguli  $d, l, f.$  &  $d, a, f.$  maiores duobus rectis. Circumferentia igitur circuli circumscribentis triangulum  $d, l, f.$  non secabit lineam  $l, a.$  Si enim secabit eam, sit ut in puncto  $q.$  productis lineis  $f, q.$  &  $d, q.$  ut in figura præcedentis, erunt duo anguli  $d, l, f.$  &  $d, q, f.$  æquales duobus rectis. Sed idem angulus  $d, l, f.$  cum angulo  $d, a, f.$  erunt maiores duobus rectis, quare angulus  $d, q, f.$  minor est angulo  $d, a, f.$  quod est impossibile per uicesimam primam primi Euclidis. Neq; transibit per  $a.$  sicut enim idem esset maius seipso. Transeat itaq; infra  $a.$  & continuetur  $l, a.$  donec occurrat huic circumferentiæ ad imaginationem in puncto  $s.$  Productis autem lineis  $f, s.$  &  $d, s.$  erit angulus  $d, s, l.$  æqualis angulo  $d, f, l.$  cum in circumferentia consistentes, in unum cadant arcum. Sed angulus  $d, a, l.$  maior est angulo  $d, s, l.$  extrinsecus intrinseco, igitur & maior angulo  $d, f, l.$  qui erat æqualis angulo  $e, a, x.$  Si igitur à centro mundi duarum linearum exeuntium, una per centrum epicycli, alia uero epicyclum secans transeat, quæ medietatem anguli recti contineant,

T ij fit





## LIBER

fit ut in utroq; puncto sectionum maior accadat dictorum angulorum differentia, quàm in ipso puncto contactus. Nō itaq; in puncto contactus semper accidet plurima horum angulorū differentia, sed quandoq; extra, quod erat deducendum. Quod si posueris angulum  $d, a, t$ . minorē medietate recti, equalem tamen angulo  $a, x, k$ . qui etiā minor est medietate recti, reliquis ut ante manentibus, transibit circumferentia circuli circumscribentis triangulum  $d, l, f$ . per punctum  $a$ . & erit ad ultimū angulus  $e, a, x$ . æqualis angulo  $d, a, l$ . Huius autem deductionem ipse enitaris, similis est enim prioribus.

### PROPOSITIO XVII.

Quanta ut plurimum possit inueniri angulorum huiusmodi differentia concludere. Vnde liquebit reflexionem epicycli nihil uarietatis sensibilis motui longitudinis immittere;


¶ Dum superius in nono, & decimo occasionibus diuersorum motuum Veneris, & Mercurij reperendis operam dedimus, superficiem epicycli in superficie eclipcticæ compræhendi supposuimus. Non autem ita est, secundum quod in hoc libro ostendimus. Inuestiganda igitur nobis est maxima differentia angulorum longitudinis, quorum unus accideret, si epicyclū in superficie eclipcticæ poneremus, aliū uero si poneremus ei inclinationem ut sciamus refellere maledicta huic diuino studio aduersantium, qui supposita fundamenta suspicantur infirma. Dabunt enim ueniam, si error ille quē Astronomo imputant, insensibilis fuerit. In hoc enim quiescendum est, cum in hac arte punctum geometricum siue præcisionem attingendi non sit potestas, instrumentis id efficientibus. Nunc autem tametsi plurima huiusmodi angulorum differentia non semper in puncto contactus accadat, cum Ptolemæo clarissimo stabimus, facilitate operationis persuasi, ac si ea differentia in puncto contactus fuerit maxima.

¶ Figurationem igitur duodecimæ huius resumamus. In qua propter angulum  $a, d, b$ . rectum, & duas lineas  $a, b$ . &  $b, d$ . inter se notas, linea  $a, d$ . nota erit, & angulus diuersitatis  $b, a, d$ . æstimatus, ac si superficies epicycli sit in superficie eclipcticæ, cognitus fiet. Est autem proportio  $b, a$ . ad  $a, d$ . ut  $b, d$ . ad  $d, z$ . Ex tribus itaq; notis, quarta scilicet  $d, z$ . haud ignorabitur. Ex angulo etiam  $d, a, h$ . maxime scilicet latitudinis, & angulo  $h$ . recto, nota fiet utraq; linearum  $d, h$ . &  $h, a$ . & duæ lineæ  $d, z$ . &  $d, h$ . lineam  $z, h$ . notam suscitabunt, quæ deniq; cum  $h, a$ . lineâ, lineâ  $z, a$ . cognoscendæ uiam parabunt. Vnde quoq; angulus  $z, a, h$ . cognitus erit. Quem si angulo  $b, a, d$ . pridē scito conferas in Venere differentia unius minuti, recitante Ptolemæo, in Mercurio uero sex minorum reperies. Quæ quidem differentia parui pendende sunt. Et hæc declaranda proposuimus.

### PROPOSITIO XVIII.

Quæ pro inclinatione superficiē epicycli ad superficiem eccentrici determinata sunt, an considerationibus respondeant sensualibus indagare.

¶ Quærendo angulum inclinationis, unde latitudo reflexionis, posuimus epicyclum in longitudine eccentrici mediâ. Nunc autem seruato eodem inclinationis angulo, ponemus epicyclum primo in auge eccentrici, postea





## DECIMVS TERTIVS.


postea in eius opposito. Et per opus numerorū inuestigabimus, quanta pos-  
sit utrobique maxima provenire reflexio propter epicycli huiusmodi inclina-  
tionem. Quod si reperiemus latitudines reflexionis maximas æquales his,  
quæ sensuali observatione deprehendimus, non iniuria laudabimus, & ap-  
probabimus inuentionem dictæ inclinationis. Qua quidem inclinatione  
reflexionis latitudines ad cæteros planetæ situs quoslibet eliciemus.

Figura igitur qua usi sumus circa duodecimam huius resumentes, ex li-  
neis a, b. & b, d. notis, cū angulo a, d, b. recto, sciemus lineam a, d. Siue enim  
ponamus epicyclum in auge ecētrici, siue in augis opposito, lineam a, b. per  
ea quæ in nono, & decimo explanata sunt, respectu semidiametri epicycli  
cognitam intuebimur. Cum autē sit proportio a, b. ad a, d. ut b, d. ad d, z. erit  
linea d, z. propter reliquas tres scitas cognita. Ex duodecima autem huius  
angulum d, z, h. notum fecimus, quare cū angulus d, h, z. sit rectus, erit d, h.  
respectu d, z. & ideo respectu d, a. cognita. Sed angulus a, h, d. rectus est, igitur  
angulus d, a, h. cognitus erit, qui est angulus reflexionis quæsitus. Num-  
mero autem Ptolemæus didicit angulum d, a, h. ad auge ecētrici Vene-  
ris 2. gr. & 27. mi. ad auge autē oppositum 2. gr. 34. mi. Reflexio itaq; per  
hanc operationem ad auge ecētrici inuenitur minor ea, quam longitu-  
dini mediæ uendicauimus in tribus minutis, in opposito autē augis maior  
eadem in quatuor minutis. Sed neq; tria, neq; quatuor minuta sensu com-  
prehendere possumus, bene igitur stat negotium Veneris. Mercurius au-  
tem in auge ecētrici, si numero Ptolemæi credimus, habet reflexionem 2.  
gar. & 17. mi. In opposito augis 2. gr. 46. mi. Ecce minor est reflexio hic in  
tredecim minutis, & maior ibi in sedecim, ea quam in longitudine media  
posuimus. Diminutio quidē in quarta parte gradus ferè accidit, & additio,  
quæ satis respondent experimentis instrumentorum. Bene igitur res se ha-  
bet circa Mercurium, quod dudum optauimus.

### PROPOSITIO XIX:

Maximus angulus diuersitatis in longitudine ad maximum  
angulum latitudinis, eam ferme proportionem suscipit, quam  
alius quispian longitudinis angulus ad angulum latitudinis si-  
bi correspondentem.

¶ Nostro proposito undecimæ huius figuratio inseruiet. In qua angulus  
e, a, k. diuersitatis in longitudine maximus ad angulum latitudinis e, a, n. eā  
ferè proponitur habere proportionem, quam habet angulus d, a, t. ad angu-  
lum d, a, m. aut quilibet alius longitudinis angulus ad angulum latitudinis  
sibi correspondentem. Intelligantur enim duobus triangulis e, a, k. & e, a, n  
circumscribi duo circuli, quos æquales esse constat, cum unam habeant dia-  
metrum, scilicet lineam e, a. quod uterq; angulorū a, k, e. & a, n, e. rectus sit.  
Similiter duobus triangulis d, a, t. & d, a, m. circulos duos circumscribamus  
qui parī ratione sibi æquales probabuntur. Est autē proportio lineæ k, e. ad  
lineam e, n. sicut proportio t, d. ad d, m. Sed k, e. ad e, n. proportio est ferè ut  
proportio suorum arcuum. Itemq; proportio chordarum t, d. & d, m. ut suo-  
rum arcuum ferè, propter paruitatem earum, quare arcus quem chordat li-  
nea k, e. ad arcum quem chordat e, n. est ut proportio duorum arcuum, quos  
chordant t, d. & d, m. Horum autem arcuum proportio est ut angulorū in  
circumferentiā super puncto a. consistentium, & in eos arcus cadentium,





## LIBER

cum circuli bini sunt æquales, quare angulus  $e, a, k.$  ad angulum  $e, a, n.$  ferè proportionem habebit eam, quam angulus  $d, a, t.$  ad angulum  $d, a, m.$  quod erat concludendum. Vnde manifestum est, quòd cognitis duobus angulis  $e, a, k.$  &  $e, a, n.$  cum singulis angulis diuersitatum in longitudine cognoscuntur singulæ reflexionum latitudines, quarum gratia præsens cudebatur theorema.

### PROPOSITIO XX.

Data planetæ ab auge epicycli distantia, angulum reflexionis eius dimetiri.



¶ Epicycli circulum  $g, d, e.$  secet linea  $a, g.$  per centrum mundi  $a.$  & centrum epicycli  $b.$  transiens. Sitq; planeta in  $d.$  puncto notam habens à puncto  $g.$  quod est aux epicycli, distantiam, ductisque perpendicularibus  $d, t.$  quidem ad diametrum epicycli, &  $d, m.$  ad superficiem eccentrici, protrahantur lineæ  $a, d, a, m.$  &  $t, m.$  cum semidiametro epicycli  $b, d.$  Ex angulo igitur  $g, b, d.$  noto, & angulo  $t, recto,$  linea  $d, t.$  respectu semidiametri epicycli nota ueniet cum linea  $t, b.$  unde etiam tota  $a, t.$  hoc respectu scita erit, quæ cum linea  $d, t.$  suscitabunt  $a, d.$  cognitam. Item ex angulo  $d, t, m.$  inclinationis epicycli noto, & angulo  $d, m, t.$  recto, erit  $d, m.$  linea respectu  $d, t.$  & ideo respectu  $a, d.$  cognita. Quare cum angulus  $a, m, d.$  sit rectus, inuenietur angulus latitudinis  $d, a, m.$  numeratus. Pariformiter ad reliquos planetæ situs operaberis. Si igitur incertitudinem, quam antecedens præ se fert propositio horreas, hanc consule præsentem, quæ ambigui nihil admittit.

### PROPOSITIO XXI.

Minuta proportionalia latitudinum adaptare.

¶ Vniuersa de latitudinibus superius data, posuerunt epicyclum aut in maximarum punctis latitudinū, aut in nodis. Pro locis autem medijs nihil actum est. Si igitur ad loca media latitudines singulas eniti uolemus, angulum inclinationis epicycli ad superficiem eccentrici præsciamus necesse est, non enim inuariatus manet ille inclinationis angulus, ut erat in termino boreali, aut meridionali, aut in nodis. Verum huiusmodi inclinationes ad omnem epicycli situm in eccentrico inuenire, labor est non modicus. Cogitandum igitur erat de alio medio, quo latitudines ad situs epicycli ceteros prope uerum addiscerentur facile. Eam autem habere debuit medium illud conditionem, ut quemadmodum latitudines maxime propter motum epicycli decrescunt in alijs sitibus, ita & medium istud proportionabiliter facit. Quo quidem fit, ut cognito decremento istius medijs, palam fiat quantum latitudines ipse decreuerunt.

¶ Ut autem hæc res cognitu facilior habeatur, exemplari positione utemur. Sit igitur eclipticæ circulus  $a, b, g, d.$  super quem inclinatus sit circulus decliuis Saturni, quibus centrum mundi commune sit. Polus eclipticæ sit punctus  $z, a.$  quod emittantur duæ quartæ circulorum magnorū. Una quidem  $z, a.$  per punctum maxime latitudinis, terminum scilicet borealem incedens secando circumferentiam circuli decliuis in puncto  $e.$  Altera uero  $z, h.$  secans circulum decliuem in puncto  $f.$  Quemadmodum itaq; quælibet Saturni latitudo, dū epicyclus in  $e.$  ponitur eueniens, pedetentim decrescit, procedente epicyclo ab  $e.$  uersus  $b.$  nodum, donec ibi manens nulla fiat. Ita arcus circuli per polum eclipticæ transeuntis, qui ecliptica & termino boreali





## DECIMVS TERTIVS.

reali intercipitur, paulatim minuitur, donec in puncto b. nullus reperiatur. Arcus igitur dicti, & latitudines ipsę uidentur habere proportionalē quandam colligantiam, ita ut quantum arcus ille decreseat, tantum proportionaliter, & latitudo ipsa censeatur decreuisse. Igitur illi arcus collati ad arcum e, a. idonea fient media ad coniungendum quantum latitudo quęlibet diminuta sit, minutaq; proportionalia uocabuntur non iniuria. Quę si in numeris, ad operationem accommodationibus cognoscere uoles, hanc audi doctrinam. Ex arcu e, a. notus fiet arcus f, h. non aliter quā in latitudinibus Lunę particularibus actum est. Pone igitur arcū e, a. 60. mi. & quot de huiusmodi minutis in arcu f, h. inueniantur addiscas. Ipsa enim erunt minuta proportionalia ad situm epicycli in f. puncto, quę quantum minuunt ex totis minutis proportionalibus, scilicet 60. tantum etiam proportionabiliter quęlibet latitudo planetę ibi perueniens, minuit ex altitudine sibi correlatiua, quam dat epicyclus in puncto e. constitutus. Ptolemæus tamen, qui non modo inueniendis rebus ingenium habuit, sed & inuentis subtiliter utendi, accepit uniuersas Lunę latitudines iam dudum numeratas, & quemadmodum totam latitudinem quinque scilicet graduum in 12. multiplicauit, ut prodirent tota minuta proportionalia 60. ita singulatim reliquas omnes latitudines duodecies repetiuit, ut cæteris locis sua fabricaret minuta proportionalia. His itaq; minutis proportionalibus in omnibus latitudinibus reliquorum situum uti solemus, ueluti tabularū explanatores præcipiunt, quare &c.

### PROPOSITIO XXII.

Circa apparitiones planetarum atq; occultationes postremo speculari.

¶ Non iniuria Ptolemæus apparitionibus planetarū, atq; occultationibus locum uendicauit postremum, post latitudines uidelicet iam explanatas, quibus prætermisiss, hæc scientia apparitionum, & occultationum attingi nequit. Quicquid igitur superius in fine octauī libri de apparitione, & occultatione stellarum fixarum diximus, hoc in loco repetitum uolumus. Quem admodū enim illæ nunc apparentes sero post Solis occasum, aliquando disparere incipiunt, Sole ad eas accedente, inde uero aliquamdiu latent, postea uero Sole ab eis recedente, mane iterum apparere incipiunt: Ita & quinque stellæ erraticæ faciunt, differenter tamen. In stellis enim fixis accessus Solis ad eas, siue recessus ab eis, occultationis siue apparitionis duntaxat est occasio, quod etiam in tribus planeris superioribus commune est. Verū in Mercurio atq; Venere copiosior est apparitionis uel occultationis occasio. Illi enim non modo propter Solem ad eos accedentem aut ab eis recedentem has habent passionēs, scilicet & ipsimet Soli appropinquantes, aut eum fugientes, hoc passionis genus sibi inferunt. Quo fit, ut licet stellis fixis simplices eueniunt illæ passionēs, ita & tribus superioribus. Veneri autem, & Mercurio geminate. Tres enim superiores occultationē patiuntur uespertinam, & apparitionem matutinam, uelut stellæ fixæ. Venus autē & Mercurius apparitionem non modo matutinam, scilicet & uespertinam occultationem, itemq; geminam sustinere comperiuntur. Vt igitur his passionibus scitu iocundissimis, priusquā euenirent, tempera præfigere disceret Astronomus, Inquirendū erat mediū unū, cuius præcognitio tēpera apparitionū, & occultationū nobis aperiret. Ipsum autē non potuit esse arcus eclipticę Soli & stellę primū apparēti interiacens. Nō enim potest esse unicus ad oēs quinque erraticas, qm̄ stella maior in principio apparitiōis siue aut occultatiōis

## LIBER

minus à Sole distare cognoscitur quàm stella minor. Sed & in una stella uariatio reperitur. Eadem enim stella nunc in eclyptica existens, nunc uero ab eclyptica latitudinem habens, uariam habet à Sole distantiam initio apparitionis aut occultationis suæ. Itemq; uariam si nunc septentrionalem habuerit latitudinem, nunc meridionalem. Minori enim arcu à Sole distat stella primum apparens, si latitudinem habuerit septentrionalem, quàm si in eclyptica constituta fuerit, aut extra eam uersus meridiem.

¶ Præterea si stellæ non fuerit latitudo aliqua, aut si latitudo fuerit una, tamen horizon alius aliam stellæ primum apparentis à Sole facit distantiam. In uno deniq; horizonte propter uariam eclypticæ super horizonte inclinationem idem euenire nemo dubitat. Inuenit autem Ptolemæus mediū uinum, quod uariationem non patitur, nisi secundum magnitudines stellarū. Arcum uidelicet circuli magni per polos horizontis, & Solem transeuntis in principio apparitionis siue occultationis. Arcum inquam qui inter Solem sub horizonte existentem, & horizontem ipsum clauditur. Quem quidem arcum ex officio suo, uti etiam superius in octauo libro arcum uisionis nuncupabimus. Qui quātus unicuiq; debeatur, qualiterq; proposito seruiet nostro, inferius aperietur.

### PROPOSITIO XXIII.

#### Arcum Visionis studiosè percunctari.

¶ Quemuis planetarum initio apparitionis suæ aut occultationis obserua, quantum uidelicet à Sole secundum Zodiaci longitudinē remoueatur. Et siquam latitudinem habeat, ad discere cuiuscumq; partis, an septentrionalis siue meridionalis existat. Observationes autē huiusmodi eo amplius laudabo, quò Cancrī uiciniores sunt initio, in ipso autem Cancrī principio commodissime habebuntur. Eo enim in loco dum Sol exiit, aëri mediocris accidit serenitas. Inuenta igitur distantia inter Solem, & stellam primū apparentem, eas quæ duodecimæ octauī libri seruiabant, repete figuras. Primam quidem si latitudine careat planeta, secundam autem si latitudinē habuerit. Quid multis moror? ad eam duodecimā prorsus fugies. Ibi enim quicquid factū opus est intueberis. Inuenit autem Ptolemæus chaldeorum uetustissimas ad hanc rem considerationes, quas in Syria habitas confitetur. Ex quibus trahitur, quòd Saturnus initio apparitionis suæ in principio Cancrī manens, distat à Sole 14. gr. Iupiter autem primum apparens in eo loco distat à Sole 12. gr. & tribus quartis unius gradus. Mars uero 14. gr. & medietate gradus. Sed Venus in eo loco uespere oriens, à Sole remouetur 5. gr. & duobus tertijs unius gradus. Mercurius autem à Sole iam distans 11. gr. & duobus tertijs, in dicto Zodiaci loco constitutus, serotinam habet apparitionē. Ex his distantijs unicuiq; planetarum suum uisionis arcum elicit. Saturno quidem 11. gr. Ioui 10. Marti autem 11. gr. & dimidium ferè. Veneri 5. Mercurio 10. gr. Constat igitur ex his, arcum uisionis Veneris minorē esse maximam eius latitudine, quæ reperitur 6. gra. & 20. mi. dum in opposito augis epicycli fuerit. Quo fit, ut ipsa quandoq; mane appareat ante ortum Solis, quando tamen nondum ad oppositum augis epicycli peruenit. Vnde etiam locum eius profundiorē oportet esse, in eclyptica uero distantiorē à principio arietis, quàm locum Solis. Quod utiq; miraberis, nisi iam dictum Veneris singulare accidens inspexeris. Reliquis autem planetis hoc non reperitur commune. Cuilibet enim eorum maior debetur uisionis arcus, quàm sit



## DECIMVS TERTIVS.

sit eius maxima latitudo, nequaquam igitur mane apparebunt, nisi Sol profundior in Zodiaco quam aliquis eorum reperiatur.

### PROPOSITIO XIII.

Quantus arcus eclypticæ Soli, & planetæ primum apparenti aut disparenti interiaceat, siue latitudinem ab eclyptica habeat, siue non, explorare.

¶ Quod præsens addiscendum proponit, tres ultimæ octauæ libri apertissime docuerunt. Eas igitur, ne pluri obtundaris sermone, consuluisse expediet.


### PROPOSITIO XXV.

Tempus quod est ab occasu uespertino ad ortum matutinum alicuius trium superiorum mensurare.

¶ Ad huius rei inuestigationem sit circulus eclypticæ a, b, g. super centro d. Locus planetæ serò primum disparentis sit b. & locus Solis a. Ex puncto itaq; b. noto per præcedentem habetur a, b. notus, quo uidelicet planeta ipse distat à Sole. Ex quo deniq; arcu sciatur, in quanto tempore Sol describet arcum a, b. Interea tamen planeta non quiescet, moueatur itaq; ad punctum c. Sole igitur punctum b. attingente, planeta erit in c. Ex distantia autem eorum scilicet arcu b, c. inuenies tempus in quo Sol describit arcum b, c. Quo descripto, planeta erit in h. puncto propter motum eius in hoc tempore. Ita consequenter procedes, donec ad sensum uidebuntur coniuncti. Sintergo nunc coniuncti uerbi gratia Sol, & planeta in puncto h. Ab instanti igitur occultationis usq; ad instans coniunctionis Sol descripsit arcum a, h. notum, & planeta arcum b, h. notum, tempusq; in quo dicti arcus describuntur, per ea quæ iam dudum superius dicta sunt, notum fiet. Quo duplato habebis prope tempus totum, quod est à principio occultationis usq; ad principium apparitionis. Quod si præcisius habere uelis tempus illud, pone arcum k, h. æqualem arcui b, h. Erit igitur in principio apparitionis planeta aut in k. puncto, aut insensibiliter ab eo distabit. Per præcedentem igitur inuenias distantiam inter Solem, & planetam in principio apparitionis suæ, eo in k. puncto existente. Sitq; distantia illa k, g. aggregatis itaq; tribus arcibus a, b, b, k. & k, g. iam notis, resultabit notus arcus b, g. totus, quem in quanto tempore Sol peragrarè potest non ignorabis, si tertium huius operis librum satis uidisti. Et illud tempus erit à principio occultationis usq; ad principium apparitionis, quod quærebat. Facilius tamè hæc omnia comparabis, si motum planetæ uerum in uno die à motu Solis unius diei subtraxeris, & per residuum diuideris arcum ab. Exhibit enim tempus, quod inter principium occultationis, & tempus coniunctionis comprehenditur. Quo duplato, tempus totius occultationis integrabitur.

¶ Aut si præcisius totius occultationis tempus habere uoles, ad tempus illud, quod uidelicet inter principium occultationis, & coniunctionem est, inuenias motum planetæ uerum, quem hic repræsentat arcus b, h. Et eum dupla, ut habeas locum planetæ in principio apparitionis. Ex quo deniq; distantiam eius à Sole, ut prius inuestigabis. Quæ diuisa per superationem Solis in uno die, exhibit tempus, quod est inter instans coniunctionis, & instans apparitionis. Coniunge igitur hæc duo tempora, & habebis intetum.

### PROPOSITIO XXVI.



## LIBER

Ab Occasu matutino Veneris siue Mercurij usq; ad ortum uespertinum, quantum fluere temporis oporteat inuestigare.

¶ Neq; figuratio huius propositi neq; executio in ullo à præcedenti differunt, nisi quod ubi prius ponebas Solem, nunc ponas Venerem aut Mercurium. Vbi uero in præcedenti planetæ locum dabas, nunc Solem ipsum collocabis. Sicut enim sol tribus superioribus appropinquans, eos cogit occidere, ita Venus, & Mercurius Solē insequentes, suæ disparitionis sunt occasio. Quod & similiter de ortu accidere manifestum est. Verum hic numeramus tempus, quod fluit ab occasu matutino usq; ad ortum uespertinum. Præcedens autem mensurare docuit tempus occasui uespertino, atq; ortui matutino interiacens. Hoc autem qualitatem processus siue operationis nequaquam alterat, igitur habes quod proponebatur.

### PROPOSITIO XXVII.


Tantum temporis ab occasu Veneris aut Mercurij uespertino usq; ad ortum matutinum transire debeat enodare.

¶ Duæ præcedentes docuere tempora, in quibus planetas constat semper esse directos. In tempore autem quod præsens eliciendū proponit, planeta uterq; retrogradus inuenitur. Quare aliā operandi uia res ipsa postulat. In hac autem & præcedentibus duabus locuti sumus, ac si Mercurius quatuor semper habeat apparitionum, & occultationum tempora, quemadmodum Venus. Quod equidem non accidit, ut infra determinabitur.

¶ Sit igitur propositi habendi gratia circulus eclipticæ a, b, g, super centro d. In quo punctus b, locum stellæ uesperæ primū disparentis significet à uero loco Solis. Per uicesimam quartam itaq; huius inueniatur arcus a, b, quo quidem à Sole distet stella. Et quia planetam hoc in situ retrogradū esse liquet, sit ut ab instanti occultationis usq; ad instans coniunctionis eius cum Sole contra successione signorum descriperit arcum b, c, ita ut planeta ipse, & Sol in puncto c, coniungantur. Totum igitur arcum a, b. Sol & planeta coniunctim describere. Et ideo motum planetæ in uno die motui Solis in uno die adijcias, & in collectum ex eis arcum a, b. distribue, exhibit enim tempus futurum inter principium apparitionis, & instans coniunctionis, Quo duplato, ut breuius habeatur opus, tempus quod occasui uespertino ortuiq; matutino interiacet conflabitur. Aut præcilius operaturus quantitatē arcus b, c, ex tempore, quod occasui uespertino, & coniunctioni inter est, addifcas. Cui iam cognito arcum c, h. contra signorum successione æqualem statuas. Erit enim prope uerum h, locus stellæ mane apparentis. Cuius iterum à puncto g, loco scilicet Solis distantiam uicesima quarta huius notam efficiet. Quia autem ab instanti coniunctionis usq; ad instans apparitionis matutine totus arcus b, g, iam notus, à Sole & planeta una peragrat, cum more pristino in collectum ex motu planetæ motuiq; Solis in uno die partiaris. Exhibit enim tempus, quod cadit inter coniunctionem, & matutinam apparitionem. Hæc igitur duo tempora aggregata, tempus futurum inter occultationem uespertinam, & apparitionem matutinā integrabunt. Quod quidem hoc theoremate efficere instituimus.

### PROPOSITIO XXVIII.

Quod





## DECIMVS TERTIVS.

Quòd ea quæ pro apparitionibus atq; occultationibus Veneris asseruimus, experimentis consonent uisualibus promulgare.

¶ Venus circa principium piscium in opposito augis epicycli existens, dum scilicet latitudinem septentrionalem habet sex gr. & 20. m. comper-  
ta est latere sub radijs solaribus ad duos duntaxat dies. Ita quòd ab occasu  
eius uespertino ad ortum eius matutinum duo intercipientur dies. Quòd  
equidem præter oppositionem accidit, & admirabile uidetur, nisi causam  
rei aspicias. Cum ipsa, quemadmodum compertum est circa principium  
uirginis in opposito augis epicycli existens, dum scilicet latitudinē meridia-  
nam habet 6. gr. & 20. m. nequaquam appareat in spacio sedecim dierum,  
qui sunt ab occasu uespertino usq; ad ortum eius matutinum.

¶ Si itaq; uoles explorare, an ea quæ determinata sunt de occultationi-  
bus, & apparitionibus istis respondeant experimentis, sic procede. Ad prin-  
cipium occultationis per uicesimam quartam huius elice distantiam planetæ  
à Sole, similiter ad principium apparitionis, ex quibus per præcedentem  
faciliter numerabis tempus, quod occasui uespertino atq; ortui matutino in-  
tererit. Aut si placet, inuenta distantia planetæ à Sole in occasu uespertino,  
quæ est tanquam angulus diuersitatis distantia certæ Veneris ab opposito  
augis epicycli correspondens. Nam centrum epicycli, & Sol ipse ferè in u-  
no loco Zodiaci secundum longitudinem situm habent. Huic deniq; an-  
gulo diuersitatis, quantus apud oppositum augis epicycli arcus respondeat  
addifcas. Tantum enim arcum oportebit describi per planetam ab occasu  
uespertino usq; ad coniunctionem eius cum Sole. Huiusmodi quoq; epicy-  
cli arcum inuenias ad principium apparitionis, aut prius inuentum dupla.  
Habebis enim, quantum arcum circumferentiæ epicycli planeta describit  
ab occasu uespertino usq; ad ortum eius matutinum. Ex quo tandem quæsi-  
tum tempus elicies quam facillime. Ptolemæus itaq; numerando reperit  
huiusmodi arcum, Venere in principio piscium existente, unius gradus, &  
quartæ partis gradus unius, cui respondent duo dies ferè. Ad principium  
autem uirginis inuenit huiusmodi arcum 10. gra. quibus de tempore de-  
bentur 16. dies. Bene itaq; respondent experimentis superius explanata,  
quod optauimus declarandum.

### PROPOSITIO XXIX.

In Mercurio deniq; idem attentare.

¶ Compertum est, quod Mercurio in principio Scorpionis existenti, &  
maximam quam ibidem habere potest à Sole distantiam habenti, non ac-  
cidat ortus uespertinus. Sed & in principio Tauri existens, uisus est nō ha-  
bere ortum matutinum, quamuis esset in maxima Solis elongatione. Si igitur  
conclusiones, quas hactenus apparitionibus, & occultationibus ad  
aprauiimus, huiusmodi consonabunt experimentis, digne erunt nimis  
quibus fidem habeamus. Igitur per uicesimam quartam huius,  
ut quam breuissime dicam, inueniatur arcus eclipticæ, quem necesse est  
Soli, & Mercurio circa principium Scorpionis existenti interiacere,  
ad hoc, ut stella uerè oriatur. In eo quoq; loco numeretur maxima, quam  
Mercurius à Sole potest habere in eo situ elongatio, per ea quæ in fine  
duodecimi

## LIBER

duodecimi libri explanata sunt. Quòd si hæc maxima Mercurij à Sole elongatio minor fuerit ea distantia, quam exigit uespertina apparitio, certum habebimus, Mercurium in eo loco constitutū, sero oriri non posse. Ipse enim tantum euadere non potest solares radios, ut lumine suo uisum moueat. Et si illud Mercurio maxime à Sole remoto non potest accidere, multo minus accidet ei à Sole minus distante.

¶ Pro ortu autem matutino prorsus agamus similiter. Ptolemæus itaq; Mercurio in principio Scorpionis existenti, numerauit arcum apparitionis suæ 22. gra. ferè, hoc est, Mercurium in eo loco appariturum distare oportuit à Sole per 22. gr. Verum plurima quam ibi à Sole potest habere 20. gr. & 52. minuta complectitur, non potest igitur Mercurius apparitionis suæ terminum attingere. In principio deniq; Tauri apparitionis suæ matutine arcum extraxit 22. gra. & 16. minu. Maximam autem à Sole elongationem in eo situ 22. gra. 13. mi. Quæ, quoniam termino apparitionis matutine minor extat, Mercurium, ut uisui appareat, solares non finit euadere radios. Cessabit igitur in nobis uulgaris admiratio. Nam Veneri sero occidenti, nunc subitum ferme accidere ortum, nunc uero tardum. Mercurium deniq; olim & sero, & mane oriri, & occidere, alias autem prorsus non uideri, tametsi plurimum à Sole distiterit, ratio conuincit. Quòd postremo hoc in theoremate explorare, & cœpto labori motum statuere decreuimus.

F I N I S.





Pfal. LXXXIX.

Beatus populus qui scit iubilationem;



LIBRARY OF THE  
MUSEUM OF NATURAL HISTORY





















164

2/5/12  
2679

